

عُثْمَانِي مُؤَلِّفِي

عثمانليارک ظهورندن زمانه قدر کلن ومسکلهنده اثر یازان
تورک مشایخ، علما، شعرا وادبا، مورخین، اطبا، ریاضیون
وجوغرافیونک مختصر ترجمه حاللایله اثرلرینه دائر
معلومات کافییه بی حاویدر

برنجی جلد



محرری
بررسی محمد طاهر



معارف عمومیہ نظارت جلیله سی طرفندن
طبعنه همت بیورلمشدر



استانبول — مطبعه عامره
۱۳۳۳ هجریه

عثمانلى مؤلفلىرى

بروسهلى محمد طاهر

ولی عهد عالی' سلطنت و حامی' علم و معرفت
یوسف عزالدین افندی حضرتلرینک
نام نامیلرینه تقدیمه در





ماوی اولمیزی فصللر :

برنجی فصل : مشایخ

ایکنجی » : علما

اوچنجی » : شعرا وادبا

دردنجی » : مورخین

بشنجی » : اطبا

آلتنجی » : ریاضیون

یدنجی » : جوغرافیون

افاده

کاتب چلبی مرحومک (کشف الظنون) مقدمه‌سنده نقل ایتدیکی (من ورّخ مؤمناً فکانما احیاء) حدیث شریفنه امتثالاً اولجه نشرینه موفق اولدیغ رسائل ناجیزانه مک اصحاب مطالعه‌نک تقدیرلرینه مظهر اولیشی عبد عاجزی بو اثرکده میدانه کلمسه تشویق ایتدی اللهک عنایتیه بوکره بتیرمکه موفق اولدم . تراجم احوالی یازدیغ ذواتک ترجمه حاللرینه مأخذ اوله‌رق کوره بیلدیکم آثار معتبردن بر قسمنک حتی عبارله‌رینی بیله دکیشدیرمکه لزوم کورمیه‌رک بعض پارچه‌لرینی عیناً نقل ایتدیکم کبی طبیعت شعریه‌سی اولانلرکده اک مشهور منظومه‌لریله بالخاصه ادبی، اخلاق، حکمی بعض منظومه‌لرینی علاوه ایله‌دم . اسم‌لرینه‌ده تاریخ وفاتلری صیراسنه کوره شهرت و مخلصارینه و منتسبی بولندقلری علم وفلردن یالکیز بریسنه مخصوص اولان فصله یازه‌رق دیگر فصللره یازمقدن صرف نظر ایتدم . مختلف فصللرده اسم‌لری یازیلان مؤلفاتدن بعضیلرینه دائرده علم احوال کتب (کتابیات) قاعده‌سنه توفیقاً ممکن مرتبه ایضاحات ویردم . فقط مجرد بضاعه نقصانی کبی اسبابدن دولایی کورولن خطالرک علاوه صورتیه یاپیله‌جق جلد مخصوصه درج ایدلک اوزره دوغریدن دوغریه عاجزلرینه اشعار بویورماسنی امتک معارف شناساندن استرحام ایله‌رم . اسم‌لری یازیلان ذواتدن بعضیلرینک وبالخاصه علما زمره‌سی آثارینک اکثریتی اعتباریه عربجه یازماسی بحثنه کلنجه (تورکلرک علوم و فنونه خدمت‌لری) رساله‌سنک مقدمه‌سنده دخی یازدیغ وجهله بر قاجی مستتا اولمق اوزره بالعموم تورک علما و فضلاسی علمی وفی اثرلرینی عربجه و قسماً فرسجه یازدقلری کبی عثمانلی ارباب معارفدن بوزمره‌ی تشکیل ایدن ذواتده قدما اثرینه تبعاً اثرلرینی هان عربجه یازمشلردرکه [۱] فکرجه بوتابعک اسبابندن بری‌ده لسان عثمانی قواعدینک و قتیه تدوین اولنه‌ماسی اوله‌جقدر کرچه لسانزک صرف ونحو قواعدی ۹۳۷ تاریخنده برغمه‌لی قدری اسمنده علم و قلم اربابندن برذات طرفندن واقفانه بر صورتده [میسرّة‌العلوم] [۲] اسمیه‌له تدوین ایدلمش ایسه‌ده نسخه‌لری

-
- [۱] فرانسزجه (عربلرک مدنیتی) اسمنده کی اثر مشهورک صاحبی (کوستاولوبون) ، (کشف الظنون) ک عربجه یازماسندن ناشی مؤلفی اولان (کاتب چلبی) مرحومی علمای عرب میاننده ذکر ایله‌یور .
- [۲] بو مهم اثرک مندرجات و موضوعاتنه دائر محررین عثمانیه‌دن (کاظم نامی) بک طرفندن [تورک یوردی] مجموعه‌سنک (۷۴۸) صحیفه‌سنده ایضاحات لازمه یازلدیغی کبی (تورک بیلگی درنکی) مجموعه‌سنک (۶) نومرولو نسخه‌سنده‌ده طرف عاجزیدن بر مقاله علمی یازلشدر .

انتشار ایده مه‌دی‌کندن کوتاهی‌لی (خواجه عبدالرحمن) افندی‌نک (مقیاس‌اللسان و قسطاس‌الیان) و فاضل شهر (جودت) پاشانک (قواعد عثمانیه) سنک انتشارلرینه قادار اشبو تدوین قواعد خصوصی اہمال ایدلمشدر. مع هذا لسانم‌نک قواعد صرفیه و نحوہ سیلہ اصول ادبیہ سی صوکرہ لری تدوینہ باشلانیدی حالہ له الحمد ہر فندن وجودہ کلن آثار ایلہ افتخار ایتمکده اولدیغمز کبی لطف حقہ بوندن بویلہ ده احتیاجات زمانہ ایلہ متناسب پک چوق آثار نفیسہ و متنوعہ کورمکده مباحی اولہ جفز .

بواثری یازمقدن اصل مقصد عاجزانہ منسوبیتیلہ مفتخر بولندیغم عثمانلی تورکلرندن یتیشن ارباب کمال و معارف زمرہ سندن اولوبده تدریس مشغله سندن ناشی اثر تألیفہ وقت بولامیانلردن صرف نظرله یالکز مسلکلرنده آثار یازان ذواتدن انجق برنبذه سنک مختصر آ تراجم احوالیلہ:

(ان آثارنا تدل علینا . فانظروا بعدنا الی الآثار)

بیتی مفادینہ تبعاً اساساً فضل و کماللرینہ دلالت ایدہ جک اولان اسامی مؤلفاتی یازہ رق بالعموم معارف منتسبلرلہ مؤلفات عثمانیہ بی بیلیمک ایستہ یین سائر ملتله هیچ اولماز ایسہ بو مؤلفات فہرست‌نک بر قسمی حاوی اولمق اوزرہ عثمانلی ارباب معارفنک کمالات علمیہ و مملکات فنیہ لرینک علی طریق الاختصار اثبات و تیانہ ناجیزانہ واسطہ اولوب فطرۃ ذکی و عالیجناب اولان بوقوم کریمہ بر طاقم غرضکارانک اسناد ایتیمک ایستہ دکبری یالکیش و غرضلی فکر و تلقیری رد ایتمکدر. چونکہ عثمانلیلرک عوام قسمی تشکیل ایدنلرک بیلہ راست کلدکبری عرفان اربابنہ صوکرہ درجہ حرمتده بولمہ لری بالعموم عثمانلی قومنک محب و مفتون معارف اولدقلرینہ دلیل قویدر عثمانلیلرک تا بدایت تأسیسلرندن بری معارف پرور اولدقلرینک علی دلائلندن بریسیده همان عادی قصبہ لرینہ وارنجیہ قدر زیرادارہ لرینہ آلدقلری بالجلہ ممالکده سلاطین عظام حضراتیلہ وزراء و اصحاب پسر طرفلرندن بنا و انشا اولونان جامعلر، تکیہ لر، مدرسہ لر، مکتبلر، کتبخانہ لر، کورولر، چشمہ لر، کاروان سرایلر در. [۱] تواریخ صحائفہ عطف نظر اولونسون، معارفله مألوف اولمایان بر قومک بویله استیلا ایتدیکی ممالکده مدرسہ ، مکتب ، کتبخانہ و سائرہ تأسیسی کبی نشانہ معارف اولان آثار براقق خاطر و خیاللرینہ کلشمی در؟ عجبا چهل اسناد اولونمق ایستہ نیلن بر قومدن شعبات علوم و فنونہ دائر بونجه مؤلفات مقبولہ میدانہ کترین و بوائزده آنجاق بر قسم جزئیسنک اسملری یازیله بیلن ارباب فضیلت میدانہ کله بیلیری؟ مادامکہ بو ذوات علمی و فنی اثرلریله منسوب اولدقلری علم و فنلرده فضل و کماللرینی اثبات ایلہ مشلر در، آرتق بوقدر علما و فضلا یتشدیرن بر قومه جهالت اسناد ایتیمک شیمہ انسانیت و انصافہ یاقیشیری؟

[۱] عطا تاریخنیک بشنجی جلدنده بوکی مبانی حقنده اولدجه تفصیلات وارد.

بوابده ایراد اولنه بیلمسی ممکناتدن اولان متنوع براهیندن صرف نظرله عثمانلی فضلاسندن یالکزی ایکی ذاتی اله آله رق (ماجار) ملت محترمه سندن والسنه شرقیه علماسندن متوفی (وامبری) جنابلرینک : [(کاتب چلبی) ، (اولیاچلی)] کبی ذاتلر یتشدرن ملته متمدن ، مترقی ، مستعد دینور [کلاملرینی بعض کوته نظرانک فکر سقیملرینه قارشلی مقام استشاده درج و ایراد ایده ریز .

آنحاق ارباب انصاف نظرنده آثارعدیده سیله تظاهرایله بن معارف عثمانیه بی بالطبع تمامیه بوناچیز اثر بیلدیره میه جکندن معلومات مفصله آلتیق ایچون اصحاب فضیلت طرفدن یازیلان و یازلمقده اولان انار متنوعیه مراجعه حواله ایده رم . شوراسی ده بدیهیدر که بر مملکتدن یتیشن بر فاضلک اومملکت خلقیه برابر منسوب اولدینی قومه بیله شرف بخش ایتیمسی آشکار اولدینی کبی حتی مدفون بولوندینی شهر وقصبه خاکی دخی من وجه اودکرلی ذات ایله افتخار ایتدکلی میدانده ایکن فضلامزک تراجم احواله بالا طرف عدم وقوفزدن ناشی وجودلریله افتخار ایتدیکمز بعض ذواتک تراب نسیان آلتنده قالماسنه هیچ شبهه یوق که بر عثمانلی وجدانی قائل دکدر . ایشه بوکبی مدار مباحتمز اولان اعظمک اوزون اوزادییه مآثر عرفانلرندن قطع النظر هیچ اولمازسه مولد ومدفولریله [۱] باشلیجه اثرلرینی بیلمک - قدر شناسلغمز خاصه سندن اولدینیچون - البته واجبه ذمتزدرد . چونکه غربیلر کندیلرندن یتیشن ملت ومعارف خادملرینک خقی عادیسنی بیله عالی کوستروب اسلافی اخلافه طانتدیرمغه یکانه واسطه اولق اوزره یازدقلری متعدد ترجمه حاللریله اکثفا ایتیمه رک ناملرینه هیکلر یایمقده - سئونلر دیکمکده لر ایکن بزر دینمزه ، دولتمزه ، معارفزه قولاً ، قلماً ، فعلاً خدمت ایدن بویوکلریمزی نیچون بیلمه یلم ؟

(شقایق نعمانیه) ایله (کشف الظنون) و ذیللرینی ، (طبقات فقها) بی (تذکره شعرائی) یازان اسلافک اثرلرینه نیچون اقتفا ایتیمه یلم ؟ فقط حمد اولسون زمانمیزده نشر اولونان (لغات تاریخیه وجغرافیه) ، (مشاهیر اسلام) ، (مشاهیر النساء) ، (سجل عثمانی) ، (اسامی) ، (اسلاف) ، (قاموس الاعلام) وسائر کبی باشلیجه تراجم احوال کتابلری بر زماندن بری ایتیمکده اولدیمیز قصورلریمزی بر درجهیه قدر تحفیف ایتدی . اشبو اثر عاجزانه منده اسملری مندرج اولوب مقداری بیک آلتی یوزی تجاوز ایدن مؤلفین عثمانیه نک منسوب اولدقلری علم

[۱] تراجم احوال کتابلریمزک اکثرنده یالکزی تاریخ وفات کوستریله رک برچوغمک مدفولرینه دائر اغطای معلومات ایدله دیکندن بوابده بعض ذواتک معلومات خصوصیه لرینه مراجعه ایدلشدرد . اولاد عرب وانسال عجمدن یتیش فضلا وارباب کمال بعون الله تعالی آیری آیری یازیله جقدر . مؤلفات عسکریه منزه دائره متقاعد ارکان حربیه فضلاسندن عسکری موزه سی مدیری احمد مختار پاشانک (احوالنامه مؤلفات عسکریه) عنوانیه ۱۳۱۶ سنه هجریه سنده نشر ایتدکلی کلیات آثاره مراجعه اقتضا ایدر .

وفلرده کی درجهٔ اختصاص لرینک بالاطراف ایتانی بالطبع عذیم الامکاندر. هیأت عمومی سی اعتباریله بوکلیاتک طبعنه موفقیت حاصل اولدقدن صوکره براییکی مؤلف انتخاب ایدهرک و اثرلری حقنده الدن کله بیلن تدقیقاتی یاهرق مفصل و اطرافلی برر ترجمهٔ حال یازمق نیتندهیم .
ومن اه التوفیق ل ۲۴ ربیع الاول سنه ۱۳۳۳ ل ۲۷ کانون ثانی سنه ۱۳۳۰
بروسه لی محمد طاهر بن رفعت

بإسئیمه مأضمر :

- (۱) ترجمهٔ شقایق نعمانیه و ذیللرندن عطائی ، عشاقی ، شیخی .
- (۲) کشف الظنون و ذیللرندن ابراهیم رومی ، حنیف زاده ، شیخ الاسلام عارف حکمت بک .
- (۳) (سلم الوصول الی طبقات الفحول) .
- (۴) قاموس الاعلام .
- (۵) موضوعات العلوم .
- (۶) لغات تاریخیه و جغرافیا .
- (۷) سجل عثمانی .
- (۸) اسلاف .
- (۹) اسامی و مجموعهٔ معلم .
- (۱۰) کلدستهٔ ریاض عرفان و ذیللری .
- (۱۱) تذاکر شعرا دن سهی ، لطیفی ، حسن چلبی ، ریاضی ، عهدی ، بیانی ، اسراردهده ، عاشق چلبی ، رامض ، قاف زاده ، و ذیلی بروسه لی بلیغ ، رضا ، سالم ، فطین ، شعرای آمد تذکره لری .
- (۱۲) ممالک عثمانیه کتبخانه لرینک قسم اعظمیله مصر کتبخانه سنک اسامی کتب دفترلری .
- (۱۳) حدیقه الجوامع وینه بوائر مؤلفنک مجموعهٔ و فیاتی .
- (۱۴) الفوائد البهیة فی تراجم الخفیه .
- (۱۵) تیان وسائل الحقایق فی بیان سلاسل الطرائق .
- (۱۶) مطبوع و غیر مطبوع مناقبنا مه لر .
- (۱۷) آماسیه تاریخی .
- (۱۸) هدیه العارفين واسماء المؤلفين وآثار المصنفين .
- (۱۹) ایضاح المکنون عن کشف الظنون .
- (۲۰) مرآت مکتب طویه و مرآت مکتب حربیه و مرآت مهندسخانهٔ هایون .

هر عصر ك زجالی ، ورجالك كندیلرینه مخصوص برطور و حالی ونشوء عرفان و كلی واردر .
اخلافه دوشن اسلافی حرمت و رحمتله یاد ايله مكدرد . یوقسه تفوق نمايشلرله كچمشارلی تزییفه
قالعیشمق روا دكلدر .
(هر سكلی عارف حكمت بك)

هنروران امتك حیات و ممتاده مظهر احترام اولدقلى دائما كوروله لیدر كه هر كس شوقه
كلسونده اولنردن اولمغه چالیشسون .
(معلم ناجی افندی)

انسانی قومنك مناقب و مفاخرینه دائر سویله ن سوز قدر هیچ برسوز محظوظ ایده مز .
(برکت زاده اسماعیل حق بك)

رجال منسیه مز صرء سنده نوعلى شخصلرینه منحصر اویله ذاتلر واردر كه اقوام غریبه
آراسنده كورولان امثالنك ناملرینه هیکلر ركز اولونمش واختصاص ایتدكلى مسلكلرینی
كوستر لو حهلر تصویر ایدلشدرد . بزده ایسه برقرن صوكره بلكه اسملرینی بیله یاد ایده بیله جك
آدم بولونمایه جقدر .
(ابوالضیا توفیق بك)

یاد اعظم اویله بردستور مبدلدر كه ملترك حق حیاتی اوکا مربوط و وابسته در . بناء علیه
یاشامنی ایسته ن ملترك اعظمی ، اكبری ، دائما یاد و توقیر ایدر . چونكه افرادینك تربیه اجتماعیه سی ،
رتبه عرفانی آنجق بوسایه ده یوكسه لیر . محیط اجتماعیه ده موجودیت مادیه سی آنجق بو واسطه
ایله تأمین و حق حیاتی ادامه ایده بیلیر .
(محمد ضیا بك)

استقبالده بویوكلر یتیشدیرمك ایسته ن بر قوم ، اسلافك خاطره لرینی برخشوع دینی ایله
تقدیس و تعزیز ایتمه لیدر .
(كوپرلی زاده محمد فواد بك)

قدر نیلن ملترك آراسنده قدری بیله جك آدملر چوغالیر .

(شهبال)

ماضیسندن خبردار اولمیان برملت ، حال و استقبال ایچون برخط حرکت تعیین ایده مز .
تنویر حال و استقبال عوامل مهمه سندن بری ده ماضی بی هر درلو وقایعیه ، اشخاصیه ، آثاریه
تبع ایتكده در .
(ابن الامین محمود كمال بك)

مشایخ فصلی

بسم الله الرحمن الرحيم

قال الله تعالى في كتابه الكريم (الا ان اولياء الله لا خوف عليهم ولا هم يحزنون)
قال الله تعالى في الحديث القدسي (اوليائي تحت قبائي لا يعرفهم غيري)
قال رسول الله صلى الله عليه وسلم (اذكروا موتاكم بالخير)
(عند ذكر الصالحين تنزل الرحمة)

ایکی عالمده تصرف اہلیدر روح ولی دیمہ کم بومردہ در بوندن نیجہ درمان اولہ
روح شمشیر خدادار تن غلاف اولمش اکا داخی اعلا کار ایدر برتبیغ کیم عریان اولہ
(لا)

آق شمس الدین

شیخ محمد بن حمزہ

کبار اولیاء اللہ علم و عرفان صاحبی بر ذات عالی اولوب عرفای امتدن (شرف الدین حمزہ شامی) نک مخدومی در . (شقایق نعمانیہ) ترجمہ سندہ مسقط رأسنک (شام) اولدینی محرر سہدہ زمانمزلک مدقق مورخ لرندن آماسیہ لی (حسین حسام الدین) اقدینک آماسیہ و حوالیسنہ متعلق (آماسیہ تازیخی) اسمندہ کی اثر جسیمندہ والدہ سنک (عثمانجق) لی بولوندینی مندر جدر . تحصیلنی (عثمانجق) و (آماسیہ) دہ بعد الا کمال کوکلنہ طلوع ایدن آرزوی تصوف داعیہ سنہ تبعاً اوتارینجده فیض ارشاد ایله تشہر ایدن پیران عظامدن (حاجی بایرام ولی) ایله (زین الدین حافی) حضراتندن ایکنجیسنی ترجیح ایدہ رک برای انتساب (حلب) ہ قادار کیتمش سہدہ کیفیت ارشادک برنجی واسطہ ایله ظہورہ کلہ جکنہ دائر کوردیکی برمعنایہ اتباعاً (آنقرہ) یہ عودتہ ولی مشارالہ حضرت لرینک مریدانی میانہ دخالت و خدا داد استعدادینہ انضمام ایدن مجاہداتی ثمرہ سی اولق اوزرہ من جہۃ الطریقہ اخذ خلافت ایلہ دی . بعدہ آنا طولینک بعض بلادندہ و ازجملہ اختیار توطن ایلدیکی (کونوک - طورہ لی) قصبہ سندہ تدریس و ارشاد ایله مشغول اولدی .

بوآراق استانبول فتحی تدارکیلہ مشغول بولونان فاتح سلطان محمد خان طرفندن استجلاب روحانیتلری و محاصرینک قوہ معنویہ لرینک تقویہ سی امنیہ سیلہ پیردashi (آق بیق عبد الله سلطان) ایله برابر اولونان دعوت هایونہ اجابہ موکب هایونہ التحاق ایدہ رک کرک اثنای فتحدہ کی عسکری تشجیع کرک بعدالفتح مہماندار جناب نبوی حضرت (خالد بن زید الانصاری) نک قبر

شریفلرینی کشف و تعیین کبی خصوصات معنویه ده کندیلرندن بك چوق استفاده اولوندی .
 وبوکبی خدمات معنویه نك مكافات و نشانه معنویه سی اولمق اوزره هراکبی عزیزك ناملرینه
 استانبولده برر جامع شریف بنا قیلندی . برمدت صوکره آرزولری وجهله بو عزیزلردن
 (آق شمس الدین) (کوینوک) ه و (آق بیق) (بروسهیه) مطباً اعزام ایدلدی . صاحب ترجمه
 (آق شمس الدین) حضرتلری (کوینوک) ه موصلتلرندن برقاچ سنه صوکره یعنی (کاشف
 اسرار) و (مرشد طریق) ترکیبلرینك دلالتی اولان (۸۶۳) تاریخنده داربقایه رحلت ایده رک
 الیوم زیارتکاه انام بولونان تربۀ مبارکه لرینه دفن ایدلدی . پدرعالیلرینك مدفی آماسیه ده در .
 مرحوم مشارالیهك حق عالیرنده انشاد ایدیلن منظومه معیندار :

قره کون دوستی ایمش فاتحك آق شمس الدین

که یوزوندن لمعن ایتدی آنک فتح مین

نصری چشم حقیقتله کوروب ویردی خبر

بویله هرکاری اوزاقدن کورور ارباب یقین

حضرتك ابیات عارفانه لرندن :

کوردم چو حقك وجهنی عین الیقین یا هو دیرم

که صوفی لادن دم اورور بن هر دم الا هو دیرم

حضرتك آثار عارفانه لری اسامیسی :

۱ — (رساله النوریه) : سلوك طریقت و غوامض علم حقیقه دائر عربی العبارة برتألیف دقیق

اولوب نسخه لری استانبول کتبخانه لرینك بعضیلرنده واردر .

۲ — (حل مشکلات) : اکابر متصوفه دن بعض ذوات عالیه نك غوامض تصوفه عائد

اولان کلمات وجل محققانه لرینك حلنی مین عربی العبارة بر اثر معتبردر . بعضیلرینك بو اثره

(شرح اقوال حاجی بایرام ولی) دیه اسم ویرمه لری نقصانی تبعدن منبعدر .

۳ — (ماده الحیاء) : منتسب بولوندقلری علم طبده کی مجربات متنوعه لرندن باحث تورکجه

بررساله طیه در .

برده (مقامات اولیا) اسمنده بر اثر عارفانه لری اولدیغی (شقایق نعمانیه) ترجمه سنده

محرر ایسه ده بو اثر خلفای کراملرندن اولوب کندیلرندن صوکره سجاده ارشاد لرینه قائم اولان

شیخ (حمزه) بابانکدر .

مناقب علیه لرینه دائر یازیلان رسائلدن (امیر حسین) نککی مطبوع ، ایوبی مؤذن

(عبدالرزاق) افندی نککی غیر مطبوعدر . مخادیم علیه لرندن (سعدالله ، فضل الله ، امرالله ،

حمدالله) افدی لردن اك کوچوکلری اولان حمدالله افندی عرفان و اشعاریه ادبیات عثمانیه عالمنده

تمیز ایدن ذواتنددر . خلفای کراملرینك اك مشهورلری سابق الذکر (حمزه) بابا ایله ناظم (کلزار

معنوی (قیصریه ده مدفون (ابراهیم تنوری) و ناظم (وحدتنامه) آفون قره حصارنده
مدفون (عبدالرحیم) افندیلر حضراتیدر .

آهیهو باسه محمود افندی

نقشبندیه عرفاسندن فاضل برذات اولوب آمد (دیاربکر) لیدر . علم عشقی سائقه سیله بر
مدت سیاحتدن صوکره (بروسه) ده اختیار اقامت ایدرک (دایه خاتون) جامعنده تدریس
وارشادایله امرار حیات ایله دی . (اورادفتحه) یه مداوم ایدی . (۱۰۷۷) تاریخنده ارتحال
ایدوب جامع مذکور خضیره سینه دفن ایدلدی . اون ایکی علمدن باحث بر اثر قیمتدار ترتیب ایدرک
وزیر اعظم کوپرولوزاده احمدپاشایه اهدا ایتدی . رسمی (۱) مخلصلی السنه ثلثینی جامع برده مجموعه
اشعاری واردر . حمیدیه ایله بشکطاشده یحیی افندی کتبخانه سنده بر مجموعه ده یکر می دوقوز
باب اوزره مرتب (کزیده) اسمنده تورکجه مفصل بر تحویدی ، فارسیدن مترجم (اورادفتحه)
شرحی و بروسه ده مدفون (امیرسلطان) حضرتلرینک منسوب اولدقلری (نوربخشی) طریقتنک
اوراد و سلسله سنی مبین (رساله نوربخشیه) نامنده بر رساله سی واردر . آنارینک جمله سی
غیر مطبوعدر .

اشعار فارسیه لرندن :

دربادیه عشق تو سرکشته و حیران
باشدکه بخاک درخود راهنمای
منت بشه عشق که رسمی تو بعالم
آزاده کشمکش خوف ورجایی

اشعار تورکیه لرندن :

بو عالم فانیده نه میرم نه امیرم
افتاده وادی فنا مرد حقیرم
الته الله که اولوب جان ایله بنده
میدان محبتده نظر کرده پیرم
باری یه شکر مالک کنجینه رازم
یوق سیم وزرم کرچه بودنیاده فقیرم

[۱] شاعر مشهور بروسه لی احمد پاشا معاصر و مصاحبلرندن بروسه لی (رسمی) ده شعرای عارفیندن
برذات اولوب باخصوص تخمیدس غزلیاتده بهره سی واردر . از جمله (شیخی) نک غزلی تخمیدسندن ؟
دوران یا قاک ایله دن ظلم ایله چاک سیف ستمله ده سنی ایتده دن هلاک
خاک و له دن بوجسم و یله وارمادن بو خاک ژانکار غمدن ایت دل جان کوز کوسنی [*] پاک
جام می ایله کاینه غیب بین اول
[*] (کوزکو) آینه دیمکدر .

آت یازاری عثمانه فضلی الری

مشایخ جلوتیه دن محقق بر ذات اولوب تفسیر (روح البیان) صاحبی شیخ (اسماعیل حق) مرحومک مرشد مکرمیدر . برمدت مسقط رأسی بولونان (شومنی) ده ، بعده (آیدوس) (قلبه) ده و دها صوکره (استانبول) ده ارشاد و تدریس ایله مشغول اولدی . بوشانده بعض حسود و قدر ناشناسلرک سعایتیه (قبریس) اطه سی قصباتندن (ماغوسه) یه نفی ایدیله رک (مقام الشیخ فردوس و طوبی) جله سیله (روح پاکچون عزیزک او قویه لم فاتحه) مصرعنک دلالی اولان (۱۱۰۲) تاریخده ارتحال یاهدی . مناقب صوریه و کمالات علمیہ سنک الروحلی قسملری حق مرحومک (کتاب الخطاب) نک (شیوخ ثلثه) بحثیه (سلسله نامه جلوتی) و (تمام الفیض) و (رساله خلیله) اسملرنده کی اثرلرنده مندر جدر

مؤلفات علیه لری :

- (۱) (مصباح القلب) شیخ کبیر (صدرالدین قونوی) نک دقایق علم تصوفدن (مفتاح الغیب) اسمنده کی اثر قدسیلرینک شرحیدر خط دستلیله محرر نسخه عاشر افندی کتبخانه سنده در .
- (۲) (مرأت اسرار العرفان علی اعجاز الیان) حضرت صدرالدینک لسان تحقیق و تصوف اوزره یازدینی فاتحه شریفه تفسیرینه حاشیه در .
- (۳) (تجلیات برقیه) حضرت شیخ اکبرک :

لنا من امره روح و جسم
لنا من جوهر الاشیاء و طلم
لنا فی مجمع الاسماء اسم
فهذا من جنون العشق قسم

مطلعلی قصیده لرینک شرحیدر .

- (۴) حاشیه شرح فصوص الحکم
- (۵) اصول فقهدن (تنقیح) شرحی
- (۶) اصول فقهدن (تلویح) حاشیه سی
- (۷) » » (رساله امام جلدکی) حاشیه سی
- (۸) فن آداب و مناظره دن (حنفیه) شرحی
- (۹) (هدایة المتحیرین) حکمت و کیمیای عتیقدن باحث اولوب برنسخه سی (ازمیر) ده (خاتونیه) کتبخانه سنده در .

تفصیل لمعلقات ابواب السقیح

(۱۰) علم بیاندن (مطول) حاشیه سی

(۱۱) مختصر (معانی) حاشیه سی

(۱۲) (فتح الباب) : علم مناظره دن رساله عضدیه شرحیدر

(۱۳) رساله الرحمانیه

(۱۴) لایحات البرقیة فی کشف الحجب والاستار عن وجوه اسرار بعض الاحادیث والایات

اشبو آثار دن یالیکز (حقیه) شرحی مطبوعه در . دیگر لر ی استانبول کتبخانه لرنده موجود در .
ابیات عارفانه لرندن :

شهود ایلردی انواری اولی الایصار اولانلر هپ

ولی اغیاری منع ایلر ایدوب غیرت جلال هو

(آت پازاری) شهرتی استانبوله (فاتح) جوارنده کی (آت پازاری) سمتده اقامتلرندن
ناشیدر .

شیخ اده بالی

عثمانی سلطنتک مؤسسی سلطان عثمان غازی حضرتلرینک قاین پدری اولوب یوز یکریمی
سنه عمر سورمش ظاهر و باطنی معمور برشیخ مشهوردر . تحصیلک بدایتی مملکتی اولان
(قره مان) ده نهایتی (شام) ده در . تفسیر ، حدیث ، تصوفده خصوصیه فقهده صاحب اختصاص
ایدیلر . سلطان مشارالیه حقنده کی رؤیای تعیری و خیردعالری بالعموم عثمانی تاریخ لرنده مذکوردر .
کاتب چلبی مرحومک (سلم الوصول الی طبقات الفحول) نده تاج العارفین (ابوالوفاء بغدادی)
طریقندن اولدقلری محرردر .

بو ذات عالی نک مدفنیه حقنده نوعما اختلاف وارسه ده (عاشق پاشا زاده) تاریخنده کی بو :
[اورخان غازی نک آناسی الله رحمتنه واردی . وهم دهده سی (اده بالی) حتی قیزندن برای
اوکدن الله رحمتنه واردی . ایکسینی دخی (بیله جک) حصارنده قودیلر] افاده یه کوره (بیله جک) ده
مدفون اولدقلری آکلاشیلور . مع هذا (اسکی شهر) دهده نام عالیترینه منسوب برتر به زیارت
اولونمقده در . (قره جه حصار [۱] - قره جه شهر) ده ایلک خطبه استقلالی اوقویان داماد عالیلری
(قره مان) لی (طورسون فقیه) ک قبری اولق اوزره اسکی شهرده کی (شیخ اده بالی) تربیه سی
خارجنده کتابه سز برقبر زیارت اولونمقده ایسه ده بو ذاتک ده (بیله جک) له (سو کود) آراسنده
(کوره کوی) یاننده شوسه کنارنده مدفون اولدینی موثوقاً مرویدر .

احمد بیجا

آتی الترجه یازیبی زاده محمد افندی حضرتلرینک کوچوک برادریدر نحافت بدنیه سی (بیجان)

[۱] اسکی شهره بر بوجوق ساعت مسافده کوتاهیبه خطی اوزرنده برقریه اولوب استقلال عثمانیه
داثر ایلک خطبه جلیله اوقونان جامع شریف بوراده در .

لقبه بادی اولمشدر. آثاری : محمدیه طرزنده مطبوع (انوارالعاشقین) ایله خواص موالید و عجائبدن باحث اون سکنز باب اوزره مرتب غیرمطبوع تورکجه (درمکنون) و (عجائب المخلوقات) و (منتهی) دن عبارتدر. مدفی برادری یاننده در [۱]. (درمکنون) ایله (عجائب المخلوقات) ده نقلیات ضعیفه وارددر. (منتهی) تصوف، کلام و محاضر اتدن باحث برجلد کیر، تورکجه برائراولوب برنسخه سی خالص افندینک خصوصی کتبخانه سنده موجوددر .

(انوارالعاشقین) بش باب اوزره مرتب اولوب برادرلرینک (مغارب الزمان) ندن مترجمدر.

اشرف رومی « اشرف زاده - اشرف ارغلو »

اسم عالییری (عبدالله) اولوب طریقت قادریه شعباتندن (اشرفیه) شعبه سنک مؤسسی اولان عاشق و عارف باللهدر. بدایت ارشادلری قائل پدرلری (حاجی بایرام ولی) دن ، استکمال فیضلری احفاد کیلانیدن (حسین حموی) حضر تلرندندر. آثار منثورده لرندن مطبوع (مزکی النفوس) ایله دیوان عاشقانه لری مشهوردر . برده غیر مطبوع طریقتنامه لری وارددر [۲]. رحلتلری (اشرف زاده عزم جان ایله دی) مصراعنک دلالت ایتدیکی (۸۷۴) ده ، قبر مبارک لری مسقط رأسلری اولان (ازنیق) ددر . الهیات عاشقانه لرندن :

تجلی شوق دیدارک بنی مست ایله دی حیران
انا الحق سرینی جاندن آنکچون قیلمازام پنهان

بیتله باشلایان مشهور الهییری بعض عرفا طرفقدن شرح اولونمشدر . مطبوع دیوان عاشقانه لری یازمه سنه نظر آ تقصا در . (مزکی النفوس) هیأت مجموعه سی اعتباریله عشق و مجاهده وادیسنده یازلمش براتردر . دیوانلرنده عشق و عرفانه دائر پک چوق مسرودات وارددر . (یونس امره) دیوانی کبی تاریخ لسان عثمانی نظرندنده قیمتداردر.

ابراهیم بن دیمر ضانه بن حمزة البوسنی

مشایخ عاشقیندن سیاح برذات اولوب قزار شهرتیه معروفدر. طریقت بایرامیه نک (ملامیه)

[۱] اولیا چلی مرحوم سیاحتنامه سنک بشنچی جلبنده صوفیه یی برحله امامندن نقلاً صوفیه ده مدفون اولدیغی روایت ایدیورسده موقوف دکلددر .

[۲] داماد عالییری صاحب دیوان عبدالرحیم تیرسی نک حفیدی (علی سری) افندینکده (تصدیق العشاق) اسمنده منثور و (سرالارکان) اسمنده منظوم اثرلریله دیوان عارفانه لری وینه یوسلاهدن بروسده انجیری درگاهنده مدفون (سری عبدالقادر) افندینکده (سر دوران) اسمنده برائری وارددر. (تیرسه) ازنیق جوارنده برقریه در .

شعبه‌سندندر . مصرده اختیار اقامت و (۱۰۲۶) تاریخ‌نخده رحلت ایتدی . باب‌الوزیرده نظامیه قارشیسنده مدفوندر . (محرقة القلوب فی الشوق لعلام الغیوب) اسمنده (کشف‌الظنون) ده بر اثری مذکور اولدیفی کبی رسائل سائرده سی‌ده اولدیفی (ابن‌الحنبلی) (درالحیب) نده ذکر ایدیور . بایرام ولی‌یه نسبتی بروجه آتی در : محدرومی ، سیدجعفر ، دده عمرسکینی ، حاجی بایرام ولی .

ابن عباسی صاروفانی

طریقت (بایرامیه) مشایخ عارفیندن واقف علوم برذات اولوب اسمی (الیاس) مولدی (آق‌حصار) در . علوم رسمییه‌یی تحصیلدن صوکره مشایخ کاملیندن پدرلری (مجدالدین عیسا) دن اخذ طریقتله نائل اجازت اولدی . سلطان سلیم ثانی نامنه تألیف ایتدیکی (نوریه) اسمنده کی اثری آثارینک بیوکلرندندر . بوندن باشقا (رموز دلکشا) واحکام جفریه ایله تاریخ و تصوفدن باحث ۱۲ فصل اوزره مرتب (رموز الکونوز) ایله (طبیعت‌نامه) ، (فرخ‌نامه) ، (قیافت‌نامه) ، (فصول سبعه) ، (فصول عشره) ، (منظوم شرح اسماء حسنی) ، (قواعد التسخیر) ، (ابواب سته) ، (کنز الاسرار) اسملرنده غیر مطبوع اثرلریده واردرکه قسم اعظمی علوم غریبه‌یه متعلقدر . بونلردن باشقه پدر عالیبرینک مناقب‌ی مین (۱۵۳) منقبه‌یی حاوی (مناقب شیخ مجدالدین عیسی) اسمنده برائری ده واردرکه آثار سائرلرندن بعضیلریله برنسخه‌یی (آق‌حصار) ده مطالعه کذارم اولدی . علوم غریبه‌نک بتخصیص جفر ، خواص ، وفق ، نجوم شعبه‌لرنده مسلک مخصوص صاحبیدر . (۹۶۷) تاریخ‌نخده مملکتنده ارتحال‌ایده‌رک پدرلری یانه دفن ایدیلدی .

شرح اسماء حسنی منظومه‌سندن :

زهی قادرکه اوردی قافه چون نون

فلاحت دره بیضا من‌النون

بویغنی ظاهر اولدی روح اعظم

زهی روح کیم قودن اولدی اکرم

بوظلمک ظلیدر ارواح واجساد

چوسایه سایه سیدرام و اولاد

اوشمسک ذره‌سیدر عرش وافلاک

اوبحرک قطر‌سیدر فرش واملاک

سلسلهٔ طریقتلری ، پیر طریقت (حاجی بایرام ولی) حضرتلرینه بوجهله پیوسته در :

- شیخ الیاس ابن عیسای صاروخانی
- مجدالدین عیسای صاروخانی
- تنوری زاده سید قاسم قیصری
- تنوری ابراهیم سیواسی ثم القیصری
- آق شمس الدین محمد بن حمزه
- حاجی بایرام ولی آنقره وی

ابراهیم کلشنی

طریقت خلوتیه دن (کلشنی) شعبه سنک مؤسسی اولان عارف بالله اولوب دیاربکر لیدر .
 آنی الترجه آیدینلی (دده عمر روشنی) دن مستخافدر . بعدالاستخلاف بولندقلری تبریزدن
 مصره عزیمتلرندن برمدت صکره سلطان سلیمان قانونی طرفدن اولنان دعوته اجابةٔ استانبوله
 کله رک بعده ینه مصره عودت بیوردیلر . بو ائشاده مولانا ابن کمال ایله دنلوازانه مصاحبه لری
 وقوع بولمشدر . مشنوی شریفه نظیره ومن وجه جواب اولمق اوزره علی روایةٔ قرق کونده
 قرق بیگ بیتلی نظم ایلدکلری (معنوی) اسمنده کی اثر قدسیلری مشهور اولدینی کبی ابن فارضک
 قصیدهٔ تأئیه سنه ده نظیرهٔ عارفانه لری ، فارسی وتورکی دیوان حقایق بیانلریله (سیمرخ نامه) ،
 (چوبان نامه) ، (رسالهٔ الاطوار) اسملرنده آثار محققانه لری واردر . (مات قطب الزمان
 ابراهیم) ترکینک ناطق اولدینی (۹۴۰) تاریخنده مصرده رحلت بیوردیلر .
 مولانا جلال الدین رومی حضرتلری :

دیدم رخ خوب کلشنی را آن چشم چراغ روشنی را

بیتله اوچیوز سنه اقدم ظهورلرینه اشارت بیوردقلری معلوم عرفادر . آثار علیه لرندن
 یالکز معنوی شریفک برقصی مطبوعدر . ترکی دیوانلرینک (۲۴) بیگ بیتلی حاوی اولدینی
 مرویدر . معنوی شریف مطلعندن :

بشنوازی چون زدم ساز آورد

ساز سوزان از چه دمساز آورد

سازنی از سوز عشق آردنوا

کز نوا ذوقی دهند عشاق را

برده (پندنامه) و (قدمنامه) اسمارنده منظومه لری واردرد. پندنامه نك مطلبی :

جهان بر منزل عقبادر ای دوست

مقام حیرت و حسرتدر ای دوست

قتی عیاره و مکاره در بو

قتی غراره و غداره در بو

ابراهیم بن حمزة بن مسعود التیره ری

خلوتیه مشایخی فضلاسندن بر ذات اولوب (تیره) لیدر . (۹۳۳) ده (ادرنه) ده
(نقطه جی) درگاهنده (جامع الانوار فی لجج الافکار والبحار) اسمیله بر تفسیر شریف تألیف
ایتمشدر. اخیراً (مکه) یه هجرت و بوراده دار آخرته رحلت ایله دی . (جامع الانوار) ك بر
نسخه سی کوچوك افندی کتبخانه سنده واردرد .

بو طریق رجالدن اولوب (وفاشیخی) دیمکله معروف (علی بن درویش بایزید) ده
(تیره) دن یتیشن عرفادن اولوب (مقصد السالکین) اسمنده تورکجه بر اثری واردرد .

احمد بایرام

ملامیه بایرامیه عرفاسندن بر ذات عالیدر. سلطان سلیمان قانونینك عراقین سفرنده (ساربان
باشلیق) خدمتنده بولتمشلردی. عودتنده پیر علی حضرت تلرندن اخذ فیض ایده رك خیزه بولیده
اختیار عزلت ایلیدی. ارتحالی (۹۵۲) ده اولوب نامنه منسوب درگاهده مدفوندر. مریدانندن
بعضیلرینه کوندر دکاری مکتوبلریله مرتب دیوانلری اولوب اشعار والهیاتنده گاه (احمدی) ، گاه
(قیغوسز) تخلص ایدرلردی. دیوانلرینك بر نسخه سی اسکدارده سلیم آغا کتبخانه سنده واردرد.
الهیات عارفانه لرینك بر خیلیمی مستقیم زاده نك (احوال ملامیه بایرامیه) رساله سنده
مندرجدر . اشعار عاشقانه لرندن :

برتو نور خدا سین کوکلنک بیل قدرینی

مظهر ذات و صفاته رحمت رحمانی کور

بر نسخه سی نور عثمانیه ده موجود (تعریفات سید) طرزنده (تحلیلات کبری) اسمنده کی اثرک
مؤلفی (شیخ حمزه بن علی) ده (خیره بولی) دن یتیشن فضلاء مشایخنددر .

امی سنان

اسم عالیبری ابراهیم اولوب طریقت خلوتیه شعباتندن (سنانیه) شعبه سنک مؤسس اولان

پیر عالی در. مولداری (برزین) حوالیسنده اولق اوزره منقول ایسهده مصحح بر اجازتنامهده (بروسه) لی اولدقلری کورلمشدر؛ قره مان دیارندن اولدقلری ده. مرویدر. کندیلری عالم اولدقلری خالده کوردکلری بر معنا اوزرینه (امی) لقیله تخاص ایتدیلر. متصوفانه بعض الهیات عارفانه لری اولوب رحلتلری (کتدی ۹۵۸ ده امی سنان) مصراعی وجهله در. حضرت خالد جوارنده (اولوقلو بایر) نام محلهده خلفای علیه لرنندن نصوح افندی طرفندن پنا اولوتان درگاهده مدفوندر. اولاد واحفادیه دامادی طوب قانی جوارنده کورجکی باشی احمد شمس الدین محله سنده سلطان سلیمان قانونی جانبندن ذات مرشدانه لری چون انشاییوریلان درگاهده در. مغیسهده (مرادیه) کتبخانه سنده (رساله شریفه استانبولی امی سنان) اسمنده بر اثری منظور عاجزی اولدی.

الهیات عارفانه لرنندن :

ارنلرک صحبتی اله کیره سی دکل

اقرار ایله کلنلر محروم قاله سی دکل

امی سنان یول عیان اولوبدر هرشی عیان

درویشلک یولی هان تاج و خر قه سی دکل [۱]

تربه علیه لرینک نیاز بنجره سی بالاسنده معلق بیت :

مرید راه حقه قبله کاه عاشقاندربو

ادبله کیرکوزوک آچ تربه امی سناندربو

افئاده « محمد محی الدین » [۲]

طریقت جلوتیه مک زمان عالی لرنده قمر حالنده کی انکشافنه بادی پیر افخم اولوب بروسه لیدر. تحقیق و عرفانلرینه سلوک حقیقت واحوال طریقته متعلق کلمات عالی لرینی جامع اولان وخلیفه ارشدلری حضرت هدایی طرفندن جمع وترتیب اولتان (واقعات) [۳] اسمنده کی

[۱] مطبوع مناقب نامه مصریده بوالهینک (نیازی مصری) حضرتلرینک مرشدلری (المالی) لی محمد سنان امی حضرتلرینک اولدینی مذکور ایسهده موثوقینه حکم اولنه ماز .

[۲] تفصیل احوال علیه لری حسام الدین بروسه وینک ترتیبی اولان مناقب نامه ایله دیگر بر مناقب نامه مخصوصده واسماعیل حق مرحومک (سلسله نامه خلوقی) لرنده مذکوردر .

[۳] عربی اعباره اولان بو اثر کبیرک برنسخه سی طرف عاجزانهدن بروسه ده کی جامع کبیر کتبخانه سنه وقف ایدلشددر. برر نسخه لری ده درسه ائده (بایزید) جامع شریفی دروننده کی کتبخانه ایله استانه هدائی واسکدارده (اطلاما طاشی) کتبخانه لرنده موجوددر. بو اثرک بعض پارچه لری ترجمه اولونمشدر.

اثر عالی شاهد عادلدر. بر خطبه مجموعه سیله متصوفانه الهیاتی جامع دیوانچه لری ده وارددر. رحلت لری (نورالله مضجعه) ترکیبک دلالتی اولان (۹۸۸) [۱] تاریخده و مرقد مبارک لری حصار داخلنده یرقانی (باب زمین) محله سنده جامع شریف لری یاننده کی تر به لرنده در . مرشد لری اولوب بروسه ده اوچ قوزولر آلتنده مدفون اولان حاضر دده نک وفاتندن صکره شیخ اکبر حضرت تریبک روحایتلرندن استفاضه بیوردقلری (واقعات) مندرجاتندن مستباندر. جامع کبیر حقنده انشاد بیوردقلری :

یا جامع الکبیر و یا مجمع الکبار طوبی لمن یزورک فی الیل والنهار
بیت معینداری صنعت خط جهتیه ده معبد مذکور ی تزیین ایدن لوحه لر میاننده مشاهده اولونمقده در .

الهیات عارفانه لرندن :

(ینه دوش اولدی کوکل یارک جمالی شمعنه) و (اصلنی بیان کشی ایتمز بوایللرده قرار)
مصرعلریله باشلایان الهی لری ترجمه حالی (ع) حرقده مذکور شیخ علی عرفی اقدی طرفندن شرح اولونمشدر .
ابیات عارفانه لرندن :

اهل عرفان دیدیلرسن چیقما یجه آرادن
بیله مرسین کیم در کندوی پنهان ایله یین
سن چیقنجه آرادن
قالیر سنی یارادن

حضرت هدای نک حق عالی لرنده کی منظومه لری اولوب صندوقه لرنده معلق اولان منظومه بروجه آتیدر :

باغ عشقک عذلیبی حضرت افتاده در
دردلی عاشق لر طیبی حضرت افتاده در
واصل کامل اودر توحید ذاته شهسز
دوست ایلینک رهماسی حضرت افتاده در

[۱] دوشدی دله قلمدن تاریخ ارتحال افتاده اوفتاده

(مستقیم زاده)

تربه مبارکه لری دیوارنده محکوک تاریخ :

دوشدی اسقاط یا ایله تاریخ
کچدی افتاده بورسه نک قطبی
دیوان عالی لری معرفت عاجزانه مله طبع ایدلدی .

ایله یین روحندن استمداد ایریشور مطلبه
حل ایدن هر مشکلاتی حضرت افتاده در

مرشد عالی دیلر سهك دامن پاكنی طوت
کوسترن راه خدای حضرت افتاده در

صدق ایله قول اول هدائی آشیکنده دأما
بیل حقیقت قطب الاقطاب حضرت افتاده در

اصمد افندی « مرکز زاده »

ترجهٔ حالی م حرفنده مذکور مرکز افندیك مخدم فضائل موسومیدر. والده لری یاووز سلطان سلیمك کریمه لرندن شاه سلطاندر. رجب بك اسمنده کی برادری خدمت دولته سلوک ایتدی . (حدیقه الجوامع) ك نقله کوره (۹۶۳) ده (عشاق) ده ارتحال ایله مشدر. ترجهٔ شقایق ده ایسه پدربینك مسقط رأسی اولان دكزلی کوپلرندن آچه کویده اختیار اقامت ایله دیکى محرردر. مشهور (قاموس) ی (بابوس) اسمیله ترجه ایله مشدر که خط دستیله محرر نسخه سی عاطف افندی کتبخانه سنده در. بر نسخه سی ده (ادرنه) ده (سلطان سلیم ثانی) کتبخانه سیله اندرون ده سلطان احمد ثالث کتبخانه سنده موجوددر. مهم لغت کتابلریمزدن اولان بو اثر مترجمك فضلنه برهانددر . (عصمة الانبیاء و تحفة الاصفیاء) اسمنده بر اثری دهـا وارددر . (بابوس) مفردات و مرکبات نامیله ایکی قسمدر .

ابراهیم قریبی

آتی الترجه (نورالدین زاده) خلفاسندن فاضل برذاتدر. (جراح پاشا) جامع شریفنده واعظلفی وارددر . (۱۰۴۲) ده ارتحال ایله دی . آثاری غیر مطبوع اولوب اسملری بونلردر : (مدارج المنان فی معارج الانسان) (تفسیر سورة نور) (شرح حدیث امراء تعالی اعطانی سبع المثانی . . .) (حاشیه علی الجامی) در .

اوربسی مخنفی

عن اصل (ترحاله) لی اولوب استانبوله اقامتلری زماننده نام مستعارلری (علی بك) ایدی . ملا میه بایرامیه اعظم رجالدن اولان بو ذات عالی صاری عبده افندی وسأره کی بك چوق عرفا یتشدیر مشلردر . رحلتلری (۱۰۲۴) ده قبر شریفلری قاسم پاشاده قولاقسز جامعی قارشیسنده کی یوقوشك آلت باشنده اوق میدانك ترسانه یه ناظر اولان جهته در . عارفانه

الهیاتی حاوی مجموعه‌ری غیر مطبوعدر . (ایش بودمه ایرنجه اوج کز دوغدوم آنادن)
مصرعیه باشلایان نطق‌ری بعض مشایخ طرفندن شرح اولونمشدر .

اسماعیل انقزوری [۱]

مشایخ مولویه کبراسندن فضل و عرفانه مشتهر بر ذات اولوب شارح مثنوی شهرتیه‌ده
بنامدر . آثار علیه‌لرندن مشهورلری شونلردر :

(۱) (شرح مثنوی) موجود مثنوی شرح‌لرینک اک مشهورلرندن اولوب الی جلد اوزره
مرتب و مطبوعدر .

(۲) (شرح نقش فصوص) ک ترجمه‌سی اولان (زبدۃ الفصوص) درکه مطبوعدر . بواثر
شیخ اکبرک اجل مؤلفاتندن بولسان (فصوص الحکم) کینه مشارالیه طرفندن یاپیلان
خلاصه‌سی درکه مولانا جامی طرفندن (نقدالنصوص) اسمیه لسان‌فارسی اوزره شرح اولوندینی
کبی اجله صوفیه‌دن (سید خواجه محمد نورالعربی الملامی) طرفندن ده (مرج‌النصوص) نامیه
عریجه شرح اولونمشدر .

(۳) (شرح هیاکل النور) اسمی (ایضاح الحکم) اولوب تورکجه و غیر مطبوعدر . فلسفه
و تصوف مزوج اولان متن رساله (۵۸۷) ده حلبده مقتول اولان (شهاب‌الدین سهروردی) نک
اثریدرکه علامه (جلال دوانی) طرفندن شرح و شاعر ذوقتون (نوعی) اقدی طرفندن
تحشیه ایدلمشدر .

(۴) (منهاج الفقرا) بعض مباحث تصوفیه ایله احوال درویشانهدن باحث تورکجه برائر
اولوب مسروداتنک هان قسم اعظمی (فتوحات مکیه) و (مثنوی) ایله تأیید اولونمشدر .
مثنوی شرحندن صوکره سالکین مولویه میاننده متعارفدر . مطبوع نسخه‌سنت نهایتیه
سماعک حلنه دائر دلائلی محتوی اولان (حجة‌السماع) رساله‌سی علاوه ایدلمشدر .

(۵) (مفتاح البلاغة ومصباح الفصاحة) خواجه جهانک (مناظر الانشا) سی ایله خطیب
دمشق نک تلخیصی اساس اتخاذ ایدیلهرک میدانه کلن بواثر مطبوع قواعد ادبیه و بلاغت عثمانیه
دائر لسانمزد یازیلان آثارک مقدمی اولدیغندن ادبیاتله متوغل ذواته استفاده بخشدر .

(۶) (نصاب مولوی) فارسی‌العباره برائر قیمتدار اولوب غیر مطبوعدر . تاریخ تألیفی (ختم)
کله‌سنت دلالتی اولان (۱۰۴۱) تاریخیدر .

[۱] منظوم و منثور اوله‌رق مثنوی شریفی تکمیلآ و قسمآ شرح ایدوب ترجمه‌حاللری بواثرده مذکور
ولایان عرفای عثمانیه‌نک اسملری : (سیروزی حسن طریقی کلشنی) ، (مصطفای بوسنه‌وی) ، (صبحی
دده) ، (درویش علمی مولوی) .

بونلردن بشقه (شرح قصیده تائیہ المسمى بمقاصد العلیة)، (شرح حدیث اربعین)، (شرح فصوص الحکم)، (جناح الارواح)، (مصباح الاسرار)، (شرح قصیده المنفرجه المسمى بحکم المندرجة)، (الفاتحة العينية فی تفسیر سورة الفاتحة)، (حل مشکلات مثنوی)، [۱] (سماط الموقنین)، (الرسالة التزییہ فی شان المولویہ)، (مرتب دیوان)، (شرح جلد سابع من المثنوی) [۲] و سائرہ کبی آثار عارفانہ لری وارد ر. فاتحہ شریفہ تفسیری اخیراً طبع ایدلدی. (جامع الآیات) مثنوی دہ کی آیات، احادیث و آیات عربیہ، (فاتح الآیات) فارسی آیات معضلہ، (مجموعۃ اللطائف مطمورة المعارف) دہ ہر ایک سنی مین در. رحلتلری (ختم) کلہ سنک دلالتی اولان (۱۰۴۱) دہ، قبر عالیلری غلطہ مولویخانہ سندہ در. شعر لرنده (رسوخی) تخلص ایدر لردی.

ابیات عارفانہ لرندن :

کل رسوخینک سوزین دیکلہ سماعہ عاشق اول
کی تکیون بین اهل العشق من اهل الشرف

اسماعیل رومی

طوسیہ نک (بابصا) کوبندن اولوب قسطنطنیہ دہ اکیال تحصیلدن صکرہ بغدادہ کیدہ رک تصفیہ باطن ایتش و پیرثانی عنوانہ مظهریتلہ استانبولہ کلہ رک طوپخانہ جوارندہ کی قادریخانہ درکاہنی تأسیس ایلہ فیوضات معنویہ نشر ایلہ مش بر ذات عالی در. رحلتلری (قیلدی اسماعیل افندی نقل کلزار جنان) مصرعنک ناطق اولدینی (۱۰۴۱) تاریخندہ، قبر مبارک لری درکاہ مذکورده در. احوال علیہ لرنک تفصیلی آتی الترجمہ (حافظ احمد رفعت افندی) مرحومک (نفحة الرياض العالیہ فی بیان طریقة القادرية) سندہ مندرجدر.

شبکہ علیہ لری بالاسندہ بیت آتی محکوکدر :

بیلورسین روح اهل اللہی کیم صاحب تصرفدر
بو اسماعیل رومی مشہیددر ایلہ استمداد

صاحب ترجمہ اسماعیل رومی حضرت تلریلہ خلفاسندن بعض ذواتک تراجم احوالی بو طریق

[۱] ترجمہ حالی ادبا فصلندہ محرر شعبان زادہ محمد افندینک (مظهر الاشکال فی بیان لغات المثنوی)

آسندہ بر اثری دہ وارد ر.

[۲] حضرت شارحک اشبو جلدی اجزاء مثنوی شریفدن اولق اوزرہ قبول و شرح ایلہ مہ سی اسبب

اثر ذہول اولدینی فاضل شہیر جودت پاشا مرحومک ۸ حیران سنہ ۳۱۱ تاریخ و (۳۳) نومرولی

(مکتب) جریدہ سیلہ نشر اولونان مکتوبلرنندن مستبان ولور.

منتسب‌نردن تکفور طاغی سری علی افندی طرفدن (۱۲۰۲) تاریخنده تحریر ایدیلن (تحفه رومی) اسمنده کی اثر منظومه محرردر .

احمد رومی آق مهادی «صارو هانی»

مشایخ خلوتیه علماسندن زهدی غالب برذاتدر . (۱۰۴۱) ده وفات ایله دی . آخصارده اوزون طاش نامیله موسوم قبرستانده مدفوندر . مؤلفاتی : مصابیح شریفدن انتخاب طریقیله یوز حدیث شریفک شرح و تفصیلی حاوی اولان (مجالس الابرار و مسالك الاخيار) ایله (دقایق الحقایق) ، (رساله التقلید) ، (رساله فی ذکر اللسان والقلب) ، (دخانیه) ، (ریائییه) (شرح درالیتیم من التجوید) درکه جمله سی غیر مطبوعدر . ابوالسعود تفسیرینه ده سورۀ روم دن سورۀ دخانه قدر تعلیقات یازمشدر .

أر اوغلو نوری افندی

آتی الترجه (یکیت باشی) خلفاسندن الماللی شیخ عبدالوهاب افندیدن مستخلف اولوب (الماللی) دندر . (قوله) ایله (اشمه) قضالری آراسنده نامنه مضاف (أر اوغلو) قریه سنده مدفوندر . دیوانیله (مرآة العاشقین) اسمنده احوال سلوکه دائر تورکجه برائری (قوله) ده منظورم اولدی . (مرآت) ک برنسخه سی ده (مغیسا) ده مرادیه کتبخانه سنده واردر .

حقه کیدنلرک یولیدر توحید	ندا ایتدم کلسون عاشق اولانلر
علم لدن دیلیدر توحید	عشقک درسین بوندن آلدی آلانلر
کفیل اولدی سزه وصلت دوسته	کرکدر بو یولده بر کامل اوسته

یاپیشه لم قدرت الیدر توحید

اولاندر شیخی ابراهیم افندی

سید سیف الله افندی خلفاسندن (حقیقی زاده عثمان) افندیدن مستخلف اولوب (اکرری دره) لیدر . مع مافیه عزیز محمود هدایی ایله عبدالاحدالنوری وحسین لامکانی حضراتندن ده اخذ فیض ایله مشلردر (۱۰۶۶) تاریخنده ارتحال ایتدی . استانبولده اقسرای محله سنده کی درگاهلرنده مدفوندر . آثار عارفانه لری (دل دانا) اسمنده کی قصیده سیله دیوانچه لرندن عبارت اولوب غیر مطبوعدر . خلفاسندن آتی الترجه (غیبی) نک بیعتنامه سنده ملا میه بایرامیه دن (احمد

ساربان (خلفاسندن (طب طب شاه علی) دن مستخلف اولدقلری ده محرردر . مناجات عارفانه لرندن :

الها علمک یوق حد و غایت
خدایا وصفک یوق هیچ نهایت
قو اشیایه ذاتکدر مسما
ایدرسک هر نفسده بیک تجلا
شریکک یوق نظیرک یوق احدسک
منزه ذاتک الله الصمدسک
کمال حکمتک آنافا نا
ظهور ایتمکده دائم آشکارا
هو الاول هو الآخرسک ای حق
هو الباطن هو الظاهرسک ای حق
جميع اشیاده نورک اولدی ظاهر
قو اشیایه نورکدر مظاهر
برده (مفید و مختصر) اسمنده منظوم اثر عارفانه لری واردر؛ مطلعندن :

ذات پاک قل هو الله احد ای صفاتک وصف الله الصمد
جمله عالم نور ذاتکله دولو جمله عالمدن صفاتکدر اولو
آدمی ذاتکله مرآت ایله دک نورکی آدمده آیات ایله دک

اسماعیل آیمینی

مشایخ خلوتیه علماسندن برذات اولوب آیدین حوالیسندنه (شیخ اسماعیل رومی) شهرتیه بنامدر . علم حدیث فروعاتندن (اسمی رواة) نامنده بر اثری واردر که بر نسخه سی بروسده جامع کبیر کتبخانه سمده موجوددر . (۱۰۵۷) تاریخنده آیدینده ارتحال ایلدی . وقتیه اداره سنی تأمین ایدن بر قادیندن ناشی (هندیه) اسمیه بنام اولان درگاهده مدفوندر .

ابوب افندی

آتی الترجه (عدلی حسن افندی) خلفاسندن صاحب فضیلت برذات اولوب شهریدر . (۱۰۷۱) تاریخنده مدینه منورهده ارتحال ایله دی . پدری ایوبده شاه سلطان تکیه سمده

مدفون سلاله صديقيه دن (عبدالحالق) چلبی در . آثاری (رساله الاسمائیه) ، (رساله التحقيق فی سلاله الصديق) ، (مجموعه الهیات) در .

احمد امیری

مشایخ جلوتیه علما و شعرا سندن بر ذات اولوب (قیزانلق) لیدر . در سعادته اكمال تحصیلدن صوکره فاتح سلطان محمدخان جامع شریفنده وعظ ایلر و کوچوک آیاصوفیه قربنده حسین اغا زاویه سنده مشیخت ایدردی . (۱۱۰۶) تاریخنده رحلت ایتدی . فاتحده (چیرچیر) مسجدی قربنده چویمجیلر سوقاغنده پدري اسماعیل افندی یاننده مدفوندر . آثاری غیر مطبوع اولوب بونلردر : یکرمی جزء مقدارنده اولان (مجالس الاولیا) ایله (دیوان الهیات) ، (ترجمه کشف بیان فی الطب) ، (رساله الادعیه) در . پدري اسماعیل امیدی افندی حضرت هدای خلفا سندندر . بر نعتندن :

ای سعادت بر جنک ماهی محمد مصطفی

مرحبا ای نور امت مرحبا یا مرحبا

چونکه دوغدک اولدی عالم مقدمکله پرضیا

مرحبا ای نور امت مرحبا یا مرحبا

انسی مسن افندی

قره باش ولی خلفا سندن و عارفیندن بر ذات اولوب (طاش کوپرو) لیدر در سعادته ارشاد و تدریس ایله مشغول اولدیلر . (۱۱۳۶) ده وفات ایدهرک باب عالی قربنده (صالحم سگود) ده آیدین اوغلو درکاهنه دفن اولندیلر . الهیاتی حاوی دیوانچه لری ایله (سرّ احدیه) اسمنده رساله لری واردر . خلفا سندن اولوب (۱۱۷۵) تاریخنده وفات ایدهرک درکاه مذکوره دفن ایدیلن استانبولی (ابراهیم خاص) کده بیک بر الهی بی جامع دیوانی ایله مناقب اولیای محتوی (تذکره الخاص) وانسی افندینک کلمات عارفانه لرینی جامع (کلام عزیز) و سائره کبی آثاری موجوددر . بو آثارک جمله سی غیر مطبوعدر .

اسماعیل مقلی مبلونی

علما و مشایخ عثمانیه ایچنده کثرت آباریله متعارف بر شیخ فضائل سماندر . محل ولادت لری (ایدوس) ، مجموع انااری یوزی متجاوز اولوب مطبوع اولان لری (م) حرفیله کوستریلن اسامیسی بروجّه آتیدر :

(۱) درت جلد کبیر تفسیر روح البیان م (۲) ایکی جلد کبیر شرح محمدیه م (۳) ایکی جلد
یر شرح مشنوی م (۴) شرح پند عطار [۱] م (۵) شرح بستان سعدی (۶) فروق (۷) شرح حدیث
بعین م (۸) تمام الفیض (۹) کتاب الکبیر (۱۰) تقد الحال (۱۱) رساله الجامعة فی مسائل النافعه
(۱۲) رساله وردیه (۱۳) شرح شعب الایمان م (۱۴) رساله فی علم حدیث (۱۵) حضرات خمس الهی
(۱۶) وسیله المرام (۱۷) کنز مخفی م (۱۸) شرح نظم حیرتی (۱۹) سلسله نامه جلوتی م (۲۰) منزل
احزان (۲۱) شرح الکبائر م (۲۲) کتاب المتفرقات (۲۳) شرح الاصول لتیسیر الوصول (۲۴) تعلیقات
لی الفاتحه لتفسیر القاضي (۲۵) کتاب التبیجه (۲۶) شرح الآداب (۲۷) حاشیه علی سورة النبأ
(۲۸) نخبه الفکر فی اصول الحدیث (۲۹) شرح غزل یرام ولی (۳۰) شرح غزل یونس امره
(۳۱) حیات الببال (۳۲) کتاب الانوار فی حق عوض پاشا (۳۳) سلوک المملوک (۳۴) حجة البالغه
(۳۵) مجموعه الاسرار (۳۶) شرح فقه کیدانی (۳۷) کتاب المرأة (۳۸) رساله محی البشیر النذیر
(۳۹) کتاب النحو (۴۰) واردات الکبری (۴۱) ایها البلیل (۴۲) نخبه اللطائف (۴۳) شرح مقدمه
علم نحو (۴۴) شرح صلواة [۲] ابن مشیش م (۴۵) نوادر الصوم (۴۶) خطب الخطباء
(۴۷) کتاب الحروف (۴۸) کتاب النجاة (۴۹) کتاب الذکر والشرف (۵۰) شرح نظم احمدی
(۵۱) تحفه خلیبیه (۵۲) تحفه اسماعلیه (۵۳) تحفه رجیبه (۵۴) تحفه خصکیه (۵۵) تحفه عطائیه
(۵۶) تحفه وسمیه (۵۷) رساله عمریه (۵۸) رساله بحریه (۵۹) رساله حسینیه (۶۰) کتاب
نق الصریح والكشف الصحیح (۱۶) بیعتنامه طوبی زاده محمد اغا (۶۲) بیعتنامه محمد بحری بك
(۶۳) رساله ان شرطیه (۶۴) شرح نظم صحفی (۶۵) شرح نظم مصری نیازی م (۶۶) شرح
نظم عبدی (۶۷) منظومه معراج النبی « معراجنامه » م (۶۸) کتاب التوجد (۶۹) کتاب المسائل
کلامیه (۷۰) شرح دیباجة قصیده الفارضیه (۷۱) شرح ملتقى الى النصف (۷۲) حاشیه ولدیهم
(۷۳) مجلس م (۷۴) شرح [۳] اصول عشر دم [۳] (۸۵) نجات تام (۷۶) ضیای مغنوی (۷۷) تحفه
س الرحمن (۷۸) اصول سبعة (۷۹) کتاب الفضل والنوال (۸۰) کتاب الصکوک (۸۱) تحفه شیبیه
(۱) [۱] (۸۹۳) ده وفات ایدن شعرا دن ادرنه لی (امری) ده نظماً ترجمه ايله مشدرکه برنسخه سی کتبخانه

ومیده موجوددر .

دیدیلر تاریخ دی ای مر دکار دیدیم ایشته نه صد وشصت وجهار
ای قو دوشمشلره سن دسترس بوی عفوک امری کمر اه بس
بو شرح ترکیدر مشایخ خلوتیه دن احمد راشد مصری طرفندن ده منظوم اوله رق تعریباً ترجمه ایدیان نسخه
۱۲۸۹ (ده طبع اولونمشدر .
(۲) متأخرین علمای عثمانیه دن طرنوویلی طورونجی زاده محمد امین بن احمد افندی ايله عبده فردی افندی
رفلرندن دخی عربی العباده شرح اولونمشدر .
(۳) [۱] (۱۲۴۵) ده (دیمه طوقه) لی محمد صالح نقشبندی طرفندن ده ترجمه اولونمشدر .

(۸۲) رساله خیریه (۸۳) راحة الروح (۸۴) شرح حديث المؤمن مرآت المؤمن (۸۵) رساله عماریه (۸۶) رساله الجهر والاخفا (۸۷) رساله النوافل (۸۸) اسرار الحج (۸۹) شرح مکتوب الشیخ (۹۰) رساله الزلزلة (۹۱) شرح صلوۃ الشافعی (۹۲) شرح کلام عصام (۹۲) رساله وحدت وجود (۹۴) تفسیر بیدک الحیر (۹۵) تفسیر ومابث فیها من دابة (۹۶) تفسیر یا ایها الناس اعبدوا (۹۷) شرح اجازتنامه شیخ برماوی (۹۸) شرح اجازتنامه محمد الشامی (۹۹) دیوان حقایق بیانلری م (۱۰۰) تفسیر و لتد اخذ الله ميثاق بنی اسرائیل (۱۰۱) تفسیر ان الذين یجادون الله ورسوله (۱۰۲) رساله لایحات (۱۰۳) رساله النصایح الی سید علی چلبی م (۱۰۴) عهدنامه م . (۱۰۵) شرح نظم السلوك .

آثار مطبوعه لرندن بعضیلرینه دائر ایضاحات :

(تفسیر روح البیان) عربی العبارة درت جلد کبیرا وزره مرتب بر تفسیر درکه مؤلفک ان مشهور والک بویوک اثریدر . منقولانتک کثرتی دولایسیله (مجموعه التفاسیر) مقامنده در . تصوفی اولان اقسامندن بتخصیص (تاویلات نجمیه) دن آلنان نقلیات ، محققانه در . آنجق سائر بعض افادات وباخصوص تاریخه تعلق ایدن بعض نقلیات ضعیفدر . مع مافیه بویوک مباحندن صرف نظر اولوندینی تقدیرده هیئت عمومیه سی اعتباریله موجب استفاده تفاسیر دندر .

(شرح مثنوی) ایکی جلد اوزره مرتب اولوب مثنوی شریفک مشهور اون سکنز بیتک شرحیدر . اکثر مباحثی وخاصة اثرک مطلبی اولان : (بشنوازی چون حکایت میکند) مصراعی حنقه کی مسروداتی علم تصوف منتسبلریچون موجب استفاده در .

(شرح محمدیه) ایکی جلد کیردن عبارت مطبوع بر اثر نافع اولوب اتی ترجمه یازیچی زاده محمد اقدینک محمدیه سنک شرحیدر . بواژده تصوف مراقلیلریچون استفاده بنخشددر .

(شرح حدیث اربعین) تورکجه یازیلان حدیث اربعین شرحلرینک اک بویوکیدر . اثر اساساً (امام نووی) نک شرحک توسیماً ترجمه سی درکه مطبوعدر .

(کتاب النجاة) تصوف ممزوج اوله رق مؤلف جداً استفاده لی برکلام کتابیدر .

(شرح پند عطار) پند عطار شرحلرینک مفصل واستفاده لیسیدر . بو شرحه بوسنان

شرحندن مؤلفک قواعد فارسیده وقوف تامی اولدینی مستبان اولمقده در . مطبوعدر .

(فروق) متراف ومتشابه لغاتک فرقلیله محل استعمال لرندن باحث بر اثر اولوب باش

طر فلرند قواعد اشتقاقیه دائر باعث استفاده مباحثی شامل اولدیغندن لغت وادیسات ایله

متوغل ذواته لزومی مطبوع بر اثر در . فضلا ی عصردن علی انور اقدی طرفندن (الوثوق

فی ترجمة الفروق) اسمیله ترجمه اولونمشدر .

(تمام الفیض) تصوفی مباحثدن وبالخاصه مؤلفك منتسبی بولوندیغی طریقت جلوتیه آیین و احوالندن باحث اولوب عربی و غیر مطبوعدر . مؤلف بعض آثارنده بو کتابنی ثنا ایله یور .
(واردات کبری) زمانلری کوستملک اوزره مختلف زمانلرده وارد و سانخ اولان واردات و سنوحت غیبیه لرینک شرح و تفصیلندن عبارت عربی بر اثر اولوب بر نسخه سی درسمادته (وفا) کتبخانه -
سند وارد .

(شرح اصول عشره) احوال سلوکه عائد اولوب (نجم الدین کبری) حضرتلرینه منسوب اولان (اصول عشره) رساله سنک تورکجه شرحندن عبارت و مطبوعدر .
(کتاب الخطاب) باش طرفلری ایمان و کلمه توحیدک شرح و تفصیلندن آشاغیلری شیوخ ثلثه (شیخ اکبر ، شیخ صدرالدین قونوی ، شیخ عثمان آت پازاری) نک فضائل و کرامات کونیه لرندن باحث و نهایتلری ده غوث (قطب الاقطاب) ، امامان ، رجیون ، ملامیون ، ابدال و سائر کبی رجال اللهک توصیف احواللرینی حاکی اولوب بر جلد اوزره مطبوع و تورکجه در .
(سلسله نامه جلوتی) کندی ترجمه حالیه برابر مرشدندن اعتباراً فخر رسالت اقدمزه قدر اولان ذوات کرامت مختصر تراجم احوالیه بعض کرامات علمیه و کونیه لرندن باحث اولوب تورکجه مطبوع بر اثر در .

(دیوان) منشیانه و عارفانه بر مقدمه بی حاوی اولان اشبو دیوانلرینک نهایتده شیخ (نیازی مصری) نک : (مشکلم وار حق دوستلری ایلین کشاد) مصرعیه باشلایان غزلنک شرحیه علامه (ابن کمال) ک سنه حسابنک حلی و بعض لایحات منوره وارد ؛ مطبوعدر .
خط دستلریله محرر نسخه کتبخانه عمومیده در .

(کنز مخفی) اساساً (کنز کنزاً ...) حدیث قدسی سنک شرحندن عبارت مفصلجه استفاده دلی مطبوع بر رساله در . اجله متصوفه دن مصری (سید خواجه محمد نورالعربی) حضرتلرینک ده بو حدیثک شرحنه دائر (کنز المخفی عن اهل الحجاب) اسمنده عربی العباده بر رساله لری وارد .

(شرح نطق حاجی بایرام ولی) ولی مشارالیهک (چالایم بر شار یار آتمش ایکی جهان آره سند - باقیجاق دیدار کورونور اول شارک کنارنده) بیتله باشلایان نطقنک مفصل تورکجه شرحیدر . (خواجه محمد نورالعربی) حضرتلرینک ده صغیرالجم کثیر المعنی تورکجه شرحلری وارد . هراکیسی ده غیر مطبوعدر .

مشارالیهک افاده لری اکثریتی اعتباریه بر طاقم استطراداتی جامع اولدیغندن طرز تحریرلری (اظناب) ی آکدیر رسده هر حالده باعث استفاده در . خدما صفا دح ما کدر . استانبوله

استكمال فیض طریقیدن صوکره اوسکوب، بروسه، شام، اسکداره سیاحت ایده رک وطن ثانی اتخاذ ابتدکی بروسیه عودتله (رحله التحریر) ترکیبیه (حق حق دیدی عزم ایلدی حق افندی جتته) مصرعنک کوستردیکی (۱۱۳۷) تاریخنده رحلت ایله مشلردر. شهرک وسطی صایله بیلن طوز بازاری جوارنده کی درگاهلرنده مدفوندر. آثارندن برخیلیسی کندی یازیلری اولمق اوزره بودرگاه کتبخانه سنده موجوددر. استانبول کتبخانه لرندن (وفا) کتبخانه سنده ده برخیلی آثاری وارددر. (کتاب الحق الصریح) خافاسندن (پرتوی احمد) افندی طرفندن تلخیص ایدلمشدر.

ابیات عارفانه لرندن :

یتر ساحلنشین عالم صورت سین ای غافل
مجرد لفظ ایله قالمه ایریش دریای معنیه
صور اسرافیه بکزر اولیانک نغمه سی
برنفسده نیجه یوزبیک مرده دللر جان بولور
(بورسه) بروسه حقدده برقطعه سی :

عجب میدر حیات نو بولورسه مرده دللر آنده
حقیقت مظهر انفاس روح قدسدر بورسه
نیجه کنجینه لر پنهان ایله مشدر قدسیاتنده
در آغوش ایله یوب انلرله دائم انسدر بورسه
مصارعندن :

هر مکان بر طور اولور کرچک مناجات اهلنه

انیس رجب ده ده

مشایخ مولویه سرآمدانندن (۱) اولوب ادرنه لیدر. (کرسی جنتده مولانا انیس اولسون جلیس) مصرعنک ناطق اولدینی (۱۱۴۵) تاریخنده سجاده نشین بولندینی ادرنه مولویخانه سنده انتقال ایتمشدر. کثیرالفیض برمرشد آگاه اولوب ازجمله راغب پاشا وچلی زاده اسماعیل عاصم افندی کی فضلا کندیسندن استفاده واستفاضه ایله مشلردر. مرتب دیوانلری مطبوعدر. حضرت مولانا ناک بعض غزالیاتی شرح ایتمشدر.

[۱] مؤسس طریقت جناب (مولانا) ناک ولادتلری (عشق صمد) ترکیبکن رحلتلری (عبرت) کله سنک دالاتی اولوب مرقد مورلری (قونیه) ددر.

نُعوت عاشقانه لرندن :

انیسک مطلبی دأثم جلال الدین رومیدن

نکاه لطفله بر دم سؤالك یا رسول الله

ابیات عارفانه لرندن :

آشنای روح قدسه حالت افزادر سماع

تشنگان بزم عشقه شوق بخشادر سماع

احمد مرمری افندی

مشایخ عاشقیندن بر ذات اولوب (دیار بکر) لیدر. (۱۱۷۴) تاریخنده مملکتنده ارتحال ایله دی . شهره بر ساعت مسافه ده کی علی بیکاری قریه سیله شهر آراسنده مدفوندر. (بیره جکلی ابو بکر افندی) دن مستخلفدر . آثارندن احمدیه اسمنده کی پندنامه سی مطبوع و مشهوردر . (یوسف و ذلیح) و (مولد نبی) منظومه لری ده وارددر .

احمدیه ارضروم علماسندن شریفی محمد افندی طرفندن (پند) نامیله بر نظیره یاپیلمشدر که بر نسخه سی یحیی افندی کتبخانه سنده وارددر .

اسماعیل نورالدینه اسکنداری « ابرالمین »

مشایخ نقشبندیه فضلاسندن بر ذات اولوب فقه ، حدیث ، تصوف و سائر مه ید طولی صاحبی ایدی . (صحیح مسلم) ایله (شفاء شریف) ی شرح ایله مش (شهاب) ی اختصار ایتیش و سائر نابع اثر لر یازمشدر (۱۱۸۲) ده (مدینه منوره) ده وفات ایده رک (بقیع) قبرستانه دفن ایدلی .

ابرهیم مفتی ارضرومی

تصوف و اخلاق ایله فنون متنوعه دن باحث مشهور و مطبوع (معرفتنامه) اسمنده کی اثر قیمتدارک حاجی اولوب (ارضروم) لیدر . (ارضروم) ه نسبت لری پدر عالی لری (شیخ عثمان) افدینک (حسن قلعه) دن (ارضروم) ه نقل و هجرتندن ناشی در . علوم آلیه و عالییه یی (ارضروم) فضلاسندن اخذ و تحصیل ایتدیکی کبی زبان فارسی یی ده مفتی بلده (حاذق محمد) افندیدن تعلم ایله دی . اکمال تحصیلدن سو کره اختیار سیاحت ایتدیکی ائنده (ساعد) قراسندن (تلو) ده مشایخ قادریه و نقشیه دن عارف بالله (شیخ اسماعیل فقیر الله) ه انتساب ایده رک طریقه مرتبه خلافته

نائل اولمقله برابر صهریه ده کسب قرابت ایله دی . مرشد وقاین پدرلرینک ارثخاندن صوکرده برطرفدن تألیف آثار برطرفندن ده مسترشدینه تعلیم اذکار ایله دمکذار اولوب (۱۱۸۶) تاریخنده دارالقراره عازم اولدی . اثرلرندن یالکز (معرفتنامه) ایله (دیوان الهیات) مطبوعدر . اثرلرینک قسم اعظمی تورکجه متباقیسی عربجه و فرسجه اولوب بروجه آتی در :

(۱) معرفتنامه ،

(۲) دیوان الهیات ،

(۳) تذکرة الاحباب ،

(۴) حصن العارفین ،

(۵) کلمات فقیرالله ،

(۶) عرفانیه : (من عرف نفسه فقد عرف ربه) حدیث شریفنک محتوی اولدینی مضامینه دائر السنه ثلثه اوزره منظوم و منشور آثار منتخبه بی جامعدر .

(۷) انسانیه : اسرار توحیده دائر السنه ثلثه ده کی اک منتخب آثار منظومه بی جامعدر .

(۸) لب العرفان : تصوفه دائر اولمق اوزره رجال اللهک اقوالی جامعدر .

(۹) مرشدالمثاهلین : منشور بر اثر اولوب مطبوع و متداول اولاندن باشقادر .

(۱۰) تجوید : مشهور قره باش تجویدی وادیسنده فقط دها مفید وداها واضحدر .

(۱۱) منتخبات منظومه : قسم اعظمی فارسی اولمق اوزره السنه ثلثه ده کی تصوفی منظوماتی جامعدر .

(۱۲) قوت جان : مرشد اکرم لری شیخ اسماعیل فقیراللهک مناقبی مبیندر .

(۱۳) جلاءالقلوب لتجلی المطلوب : بر مقدمه ایله اون فصل بر خاتمه اوزره مرتب

تورکجه منشور بر اثر اولوب اسمنک دلالتی اولان (۱۱۸۰) تاریخنده تألیف اولونمشدر .

(۱۴) انسان کامل : بر مقدمه اون یدی فصل اوزره مرتب تورکجه تصوفی بر اثردر .

(۱۵) سفینه التوح من واردات الفتوح : تألیفی (۱۱۸۶) اولان بومنظوم اثر قیرق وارده

اوزره مرتبدر .

(۱۶) مجموعه مکاتیب : قسم اعظمی عربی اولمق اوزره محبانیه کوندردیکی مکاتیب عارفانهدر .

(۱۷) نوش جان : مخدومی فهم افندییه خطاباً یازدینی منظومه تصوفیهدر .

(۱۸) رازنامه : بعض اخوانیه کوندردیکی اخلاق و تصوفدن باحث تورکجه بر رسالهدر .

(۱۹) کتاب عالم : تصوفی رساله عربیهدر .

(۲۰) کنز الفتوح : تصوف و اخلاقه دائر بر منظومهدر .

(۲۱) عروة الاسلام : بر مقدمه اون بش باب بر خاتمه اوزره مرتب عربی العبارة بر اثردر .

- (۲۲) ترتیب العلوم : علم دالات ، اجمال آلت ، قرآن و خط ، فقه و لغت ، تعریف ، نحو ، نظم ، آداب ، معانی ، بیان کبی علومدن باحث منظوم بر اثر در .
- (۲۳) وصلت نامه : اون اساسدن باحث تورکجه منظوم بر اثر در .
- (۲۴) شکرنامه : تورکجه بر منظومه در .
- (۲۵) اقبال نامه : تورکجه منظوم رساله اخلاقیه در .
- (۲۶) الهی نامه : » » » »
- (۲۷) منظومه عوامل ،
- (۲۸) اعمال فلسکیه بالربع المجیب : بر مقدمه یکر می بادر .
- (۲۹) استخراج اعمال فلسکیه : اوغلبه خطاباً یازمش بر منظومه فیه در .
- (۳۰) لغتجه : السنه ثلثه لغاتی مین در .
- (۳۱) قواعد فرسیه : بر مقدمه ، درت باب ، بر خاتمه در .
- (۳۲) رساله مرآت کونین : مشایخن (مصطفی فانی) افندی به خطاباً یازمش بر منظومه عربیه اولوب اهل باطن ایله اهل ظاهرک احوالی معرفدر .
- | | |
|---|---|
| <p>بو اثرلر منظور عاجزی اولمامشدر . فقط ترجمه حاللری
مین اثرلرنده مذکوردر .</p> | <p>(۳۳) ادعیه مأثوره
(۳۴) سلوک نقشبندی
(۳۵) تحفة الکرام
(۳۶) نخبه الکرام
(۳۷) الفة الانام</p> |
| | |
| | |
| | |
| | |
- (۳۸) هیأت اسلامیه : ۱۸ تفسیر و ۳۰۰ حدیث شریفدن اقتباس ایدمک شرطیله تألیف اولوندیغی مقدمه سنده مذکور اولوب ۲۰ باب و بر خاتمه اوزره مرتبدر .
- (۳۹) مجموعه الوجدانیة فی معرفة النفس الربانیة : امهات کتب صوفیه دن ۵۸ کتابدن انتخاب اولونمش بر مجموعه قیمتدار اولوب (۱۱۸۴) ده جمع و ترتیب ایدلمشدر .
- مرشد عالی تبارلرینک اساساً اویسی اولدقلری (تذکرة الاحباب) ده مندرجدر .
- مخدوم عالیلری (اسماعیل فہیم) افندی ده ارباب معارفدن بر ذاتدر . بر مقدمه اون بش فصل ، بر خاتمه اوزره مرتب (معیار الاوقات) اسمنده کی اثرلرینک بر نسخہ می کتبخانه خدیوی دفترنده مقیددر .
- خلفاسندن خلیل افندینکده لسان تصوف ممزوج اولوق اوزره تورکجه (آمنت) شرحی وینه خلفاسندن اولوب (ارضروم) ایلیجه سی قرینده مدفون ابراهیم افندینکده تورکجه (کتاب النقطة) ایله وحدت وجوده دائر رساله لری وارددر .

الهیات عارفانه لرندن :

حق شرلری خیر ایلر

عارف آنی سیر ایلر

ظن ایتمه که غیر ایلر

مولا کوره لم نیلر

نیلر سه کوزل ایلر

پارچه سنک باخصوص (مولا کوره لم نیلر) نقرات معنیداری اهل عرفانک
ورد زبانی در.

امین محمد نوقاری

خواجگان نقشبندیہ [۱] کبراسندن برذات اولوب پدرلری دیاربکرلیدر . ا کمال تحصیلدن
صوکره مکّه مکرمه ده سادات نقشبندیه دن خواجه احمد یکدست جوریانیدن تکمیل سلوک ایده رک
در سعادت کلوب تدریس وارشاد ایله مشغول اولدی . خلفاسنک الک مشهوری اولان مستقیم زاده
سعدالدین افندیکن سویلدیکی (اولدی لاهوته روان الله دیوب روح امین) مصرعنک دلالت
ایتدیکی (۱۱۵۸) ده ارتحال ایلدوب زیرک جوارنده (پیری محمد پاشا) نک انشا ایتدیکی (صوغوق
قویو) مدرسه سنه متصل مقبره ده دفن ایدلدی . علم موسیقی ایله خطه ده انقسابی اولوب علم خطی
مشهور یدی قله لی سید عبدالله دن تمشق ایلهدی .

عربی و تورکی اون قدر غیر مطبوع رساله لری واردر که بعضاری شونلردر : (ارشاد سالکین) ،
(رساله الاطوار) ، (شرح قصیده عسقلانی) ، (تحفة الطلاب) ، (خلاصه طریقت) ، (رساله روحیه) ،
(صیانت درویشان فی بحث دوران صوفیان) ، (سؤال و جواب) در . اکثری تورکجه اولمق
اوزره السنه ثلاثه ده الهیات و منظوماتی واردر . مثنوی شریف اییانتندن (آن خیالاتی که دام
اولیاست) مصرعلی بیتی ده شرح ایتشلردر .

فاضل فاسی نک (مطالع المسرات) تیله ابن حجرک (صواعق المحرقه) سنی و امام غزالی نک
(رساله امانت) نی ده ترجمه ایتشلردر .

برنعتندن :

دو عالم اهلنه فریادرس ذات شریفکدر

جمع درد مندانه فضل حقسک یارسلواه

[۱] مناقب احوالی خلفاسندن مستقیم زاده ویحی افندیلر طرفندن تحریر ایدلشد (تذکره شعرای
آمد) ده دخی مفصلجه ترجمه حاللری واردر .

احمد مآبی افندی

طریقت خلوتیه شعباتندن (سبانیه) شعبه سنک مؤسسی (محمد سمان مدنی) خلف-اسندن
(صدیق بن عمر خان) دن مستخلفدر . ۲۴ باب وهر باب برطاقم فصولی مشتمل اولمق اوزره
(مصفا) اسمنده کیفیت سلوک و آدابدن باحث تصوفدن تورکجه مفصل برائری واردر که نهایتده کی:

مصفا نك ختامه دیدی ملهم بونی تاریخ { بیتك دلالتی اولان (۱۲۱۱) اتمام ایتمشدر .
الهی ربنا هئی لنا امرک رشدآ

بواثرک بعض فصولنده برر مقدار اشعاری ده مندرجدر . از جمله :

مال واولاد علم واذعان نافع اولماز آی مآب

ماسوا اغیار الدن دل مسلم اولمادن

بعض قرائنه کوره استانبولی اولدینی اکلاشیلیدور . اثرک بعض یرلرنده اولانلر شیخی .
ابراهیم افدینک منظومه لری درج ایدلشدور .

احمد افندی « حافظ سید احمد بن محمد بن ابوبکر افندی »

طریقت جلوتیه فضلاسندن متفنن برذات اولوب (ایز میت) لیدر . بین العرفاء ، (اسماء
اربعین) نامیله معروف اولوب حضرت (ادریس) علیه السلامه منسوب ولسان عبرانی اوزره
منقول اولان و حضرت شیخ اکبر طرفندن لسان عربی یه نقل و شرح ایدیلن اسماء شریفه نك
توسیعاً ترجمه سنی حاوی بر مقدمه ایکی فصل برخاتمه اوزره مرتب (نورالهدا) اسمنده قیمتدار
برائری واردر . بواثرنده حضرت شیخ اکبر (کتاب الانوار) نی ترجمه ایتدیکنی و علم طدن
(حکمة العارفین) اسمنده برائر تألیف ایله دیکنی واستانه حضرت هدائی سجاده نشینلرندن
(مودانیه لی روشن) افندیدن مستخلف اولدینی بیان ایدیور . (نورالهدایه) یازدینی تاریخی :

فیض حقندن داد ایروب سید دیدی تاریخی

شبه سز احسان حقدور عاشقه نورالهدا

سنه ۱۲۱۴

(سید) مخلصلی الهیات عارفانه سی ده واردر . (نورالهدا) ده مندرج نعت نبویسندن :

اسم رحمن مظهر یسین یا محمد مصطفی

راه عشق رهبر یسین یا محمد مصطفی

(ب)

بدرالدین سیمای «ابن قاضی سمان» [۱]

حرف الافکار افاضل مشایخن فیلسوف بر ذات اولوب (سپاو) لیدر. تکمیل تحصیل ایچون نصره عزیمتله سید شریف وحاجی پاشا ایله مشارکة مبارکشاہ منطقیدن تعلم ایتدکلی کبی شایخ کرآمدن (حسین اخلاطی) دن علم تصوف تلقن ایله مشدر. تبریزده تیمورلنک حضورنده منعقد بویوک بر مجلس علمایه حکمک ایدرک اثبات فضل ایتشلردی. سوق قدرله (عجل الوصل به عشق و دودالابد) ترکیبک دلالتی اولان (۸۲۳) ده سیروزده صلباً اعدام اولوندیلر. مجموع آثارینک (۳۸) پارچه اولدینی سیروزده کی درگاهلرنده منظورم اولان مناقبامه لرنده محرردرکه بعضیلری بونلردر: علم تفسیردن (نورالقلوب) فروع علم فقهدن (لطائف الاشارات) و شرحی تسهیل ایله (جامع الفصولین) [۲]، (جامع الفتاوی) و تصوفدن (مسرة القلوب) (واردات کبری) [۳] و علم صرفدن (عقود الجواهر) اسمنده شرح مقصود علم نحودن (چراغ الفتوح) اسمنده (شرح ضوء) و سائر درکه بوآناردن یالکز (جامع الفصولین) مطبوعدر برده فقهدن مجمع شرحی وارددرکه خط دستیه محرر نسخہ سی شہزاده جامع شریفی کتبخانه سندده. (تسهیل) ک نسخہ لری اشتابول کتبخانه لرینک بعضیلرنده ازجمله ابراهیم پاشا کتبخانه سندده وارددر. واردات، اساساً امور آخرت ایله مبدأ و معاددن باحث دقیق برائر اولوب دقایقنه انتقال ایدهمین بعضیلر طرفندن مظهر قبول اولامامشدر. مقاصدینی تیقن ایدن ذوات ایسه حسن قبول ایتشلردر. ازجمله (نیازی مصری) دیواننده کی :

حی الدین و بدرالدین ایتدیلر احیای دین
دریا نیازی فصوص انہاریدر واردات

مطلعلی منظومه بواثر حقددر.

سلسله طریقتلری بروجہ آتی در :

شیخ بدرالدین، حسین اخلاطی، ابوالفتح السعیدی، ابومدین مغربی، ابوسعیداندلسی،

[۱] کوتاہیه سنجانی ملحقانندن بر قضا مرکزیدر.

[۲] علم فقهہ عائد اولان بوقیمتدار اثر اخیراً طبع اولوندینی کبی بعض علما طرفندن ده شرح و تلخیص ایدلشددرکه فصول المادای ایله فصول استروشی بی جامعدر.

[۳] (شیخ المی)، (شیخ یاصی)، (نورالدین زاده)، (خواجہ محمد نورالعربی) طرفلندن عربیہ (سید کمال الدین حریری) طرفندن تورکجه شرح اولومشدر.

ابوالبركات ابو الفضل بغدادی ، احمد غزالی ، ابوبكر نساچ ، ابوالقاسم ، ابو علی كاتجی ، علی داودباری ، جنید بغدادی .

منقح ترجمه حالی جودت پاشانك (قصص انبیا) سنك ۱۲ نجی جزؤنده مندر جدر .
خلفاسندن اولدینی منظوم مقدمه سندن آكلاشیلان (مصطفى بن برهان) نامنده بر ذاتك
(تصویر القلوب) اسمنده تصوفدن تور كجه بر اثری (آیدین) ده مطامعه كذارم اولدی .

بابزیر رومی بهر تابد
۹۱۰ هجری امارت

فضلادن وآتی الترجه جمال خلوتی خلفاسندن در (۹۰۰) كسورتاریخلرنده ادرنه ده ارتحال
ایده رك قیق قبرستاننده با جدار خانه یه دفن ایدلدی . . مؤلفاتی : (شرح فصوص الحکم)
(شرح نصوص) ، (تفسیر الفاتحه المسمى بسجنجل الارواح) ، (طور سینا) (بیان الاسرار
للاحرار فی بوادی الملك الجبار الغفار) ایله (سر جانان) اسمنده کی منظومه ترکیه سندن عبارتدر که
جمله سی غیر مطبوعدر . خلفاسندن (محی) نام ذاتك (۹۴۶) تاریخده محرر (دوائر المعارف)
اسمنده بر اثری منظور عاجزی اولدی . اشعار عارفانه سندن [۱] .

کندی حسن خوبلر شکنده پیدا ایله دی چشم عاشقدن آتی دوندی تماشا ایله دی

بابا نعمه الله محمود [۲]

عرفای نقشبندیه دن [۳] و کبرای علمادن بر ذات اولوب قافقاسیا قطعه سنده کی نخجوان
قصبه سندن در . مادی ومعنوی اكمال تحصیلدن صوکره اناطولی یه رحلتله آق شهرده اختیار اقامت
بیوردیلر . تاریخ وفاتلری (۹۰۲) ده قبر مبارک لری قصبه مذ کوره خارجنده در . هیچ بر
تفسیره مراجعت ایتکسزین تحریر بیوردقلری (فواتح الالهیه والمفاتیح الغیبه) اسمنده کی
تفسیر شریف لری الحق شایان استفاده آثار قدسیه دن اولوب انفس برطرزده و (تأویلات نجمیه)

[۱] ارزوی یار ظاهر ومظهر یکست لیک در حکم عقل این دیگر آمده . (مولانا جی)

[۲] (۹۶۹) ده در سعاده وفات ایده رك ادرنه قبوسی خارجنده کی امیر بخاری زاویه سته دفن
ایدیلن مشایخ نقشبندیه دن لغات فارسیه صاحبی صوفیه لی (نعمه الله) افندیده فضلا ی عرفادن بر ذاتدر .
(۱۰۶۰) ده وفات ایده رك بو نار باشی مقابرینه دفن اولونان فضلا ی شعرا دن بروسه لی (سید نعمتی
جلی) نکرده بر لغات فارسیه تألیف ایتدیکنی کلدسته ریاض عرفان نقل ایدیور .

[۳] مؤسس طریقت شاه نقشبندك تاریخ ولادت لری (پیر نقشبند) اولوب (قصر عارفان) ترکیبده
ارتحال لرینی مبین در . مرقد انوری (بخارا) قبرنده کی (قصر عارفان) ده در .

وادیستنده در که ایکی جلد اوزره طبعنه همت اولوندی [۱] (کلشن راز) دهه عارفانه بر صورتده فارسی العبارة مفصل بر شرح یازمشلردر که برنسخه سی استانبول کتبخانه لرینک بعضیلرله بروسه ده اینه بک کتبخانه سنده واردر . بونلردن باشقه شیخ اکبرک (فصوص الحکم) نی و (تفسیر قاضی) نی تحشیه ایله مشلردر . (هدایة الاخوان) اسمنده تصوفدن بر اثری و برنسخه سی نور عثمانیه ده موجود (رسالة الوجود) نامنده برساله سی داها واردر . تفسیردن ماعداسی غیر مطبوعدر .

تفسیر شریفک (۹۰۱) تاریخنده خط دست عالیرله محرر نسخه سی (اندرون هایون) ده سلطان احمد ثالث کتبخانه سنده در .

بابا یوسف سیوری مصاری

مظنة کرامدن وآق شمس الدین خلفاسندن بر ذات اولوب (روحنه رحمت) ترکینک دلالتی اولان (۹۱۷) ده استانبولده وفات ایدهرک ایوب سلطان تربته شریفه سی قپوسی حولیسنک قارشیسنه دفن ایدلدی . حج شریفدن عودتنده با اشارت معنویه قبه سعادت خارچنده کی عصاء شریفی آلهرق اوچ پارچه ایدوب برقطعه سی ایوب سلطان، برقطعه سی امیر سلطان، برقطعه سی [۲] حاجی بایرام ولی تربه لرینه وضع ایلدیکی منقولدر . سنوحت ربانیه ایله (حجر الاسود) نزدنده انشاد ایله دککری منظومه عارفانه لری شایان مطالعه در .

بهاء الدین زاده محی الدین محمد افندی

مشایخ بایرامیه فضلاسندن بر ذات عالیدر . علوم رسمیه یی (مولانا کستلی) دن تلمذایله دی . برمدت مرشدلری (شیخ یاوصی) نک مقامنه قائم اولهرق ارشاد عاشقین ایله امرارایام ایتدی . (بهاء الدین زاده اتدی عزمدر که بیچون) مصرعنک ناطق اولدینی (۹۵۱) تاریخنده (قیصریه) ده رحلت ایله دی . آثاری (شرح اسماء حسنی) ، (شرح فقه اکبر) ، (رسالة التوحید) ، (رسالة الوجود) ، (رسالة سر القدر) ، (مدافعه نامه فی حق شیخ اکبر) در که جمله سی غیر مطبوعدر . خلفاسندن آق شهرلی (شیخ مصطفی بن علی) اقدینکده اون اوچ باب اوزره مرتب تورکجه سیر سلوکه عائد بر اثری واردر . ادرنده مدفون پدرلری (رفع المشبهة

[۱] کلشن راز (۷۲۰) تاریخنده وفات ایدن شیخ محمود شبستری نک مثنوی طرزنده کی منظومه عارفانه لریدر که مشایخ کلشنیه دن شیخ محمود حلوی طرفندن جام دلنواز اسمیله ترجمه و شرح اولونمشدر .

[۲] بوقطعه نک سیوری محصارده مدفون (بابا حمدالله) تربه سنده اولدینی ده مرویدر .

العامه) صاحبی شیخ بهاء الدین افندی ایله بالیکسردده دفین خاک بویوک پدرلری شیخ لطف الله افندی ده خلفای بایرامیه دندرلر .

بالی صوفیری

طریقت خلوتیه فضلا و عرفاسندن اولوب استروجه لیدر . مرشدلری استانبول جوارنده کی چتالجه کویلرندن (بابا نقاش) ده مدفون قاسم چلبی در . تحصیل و تفیضلری صوفیه و در سعادتده در . آثار علیه لرینک الک مشهوری مطبعة عثمانیه ده طبع اولونان (شرح فصوص الحکم) در . (اصول فقر) اسمیله ده بنام (اطوارسته) ، (رساله قضا و قدر) ، (مجموعه النصایح) ، (منظومه واردات) ، (شرح حدیث قدسی کنت کنزاً) کبی غیر مطبوع آثار عارفانه لری ده وارددر . رحلتلری (۹۶۰) ده مرقد عالیلری صوفیه نک بر ساعت خارجنده در . واردات منظومه لرندن :

حور و عینک دوشمه دام زلفنه زاهد کبی
کچ هواسندن بهشتک مقصد انصانی کور

ابیات سائره لرندن :

چون نصیب اولدی ازل میخانه عشقک بکا
چکشم خوف و ریادن ماسوانیلر بکا

بهشتی رمضان افندی

مرکز افندی خلفاسندن فاضل ، شاعر برذات اولوب (ویزه) لیدر . (چورلو) ده اختیار اقامت ایده رک وعظ و ارشاد ایله مشغول اولدی . (۹۷۹) ده (چورلو) ده ارتحال ایتدی . علوم عالی و آلیه متعلق تعلیقاتی وارددر که بعضیلری شونلردر :

(حاشیه علی شرح عقائد للعلامة التفتازانی) ، (تعلیقات علی شرح مفتاح) ، (حاشیه آداب مسعودی) ، (تعلیقات علی الجامی) در (جم شاه و علم شاه) اسمنده کی شاعرانه و عارفانه منظومه سی مقبول شعرا در . نصفی منظوم ، نصف دیکری منشور برده (سلیمان نامه) یازمشدر . برنجی اثری مطبوعدر .

ابیاتندن :

وصالک کعبه در روز اجل عنیمی زمانیدر
کفن احرامی تابوت اول یولک تحت روانیدر

دیگر

بلبل کلشن قدسم بوجهان دآمد بنی بونده طوتان اول سروکل اندامدر
ینه کلشنده بوکون بلبله برحال اولمش کلی خارایله کوروب منکسر البال اولمش
کزدیر رشوقله بازار کلستانده مدام بادکل یوسفنی صاتمغه دللال اولمش

شاعر فصیح عبداللہ بوسنوری

پیر اعظم حاجی بایرام ولی خلفاسندن (کوینوک - طوربالی) ده مدفون اولان بروسه لی
بیچاقچی عمرده ده معرفتله تشعب ایدن (ملامیة بایرامیه) شعبه سی مشایخندن جامع الکملات
رذاتدر. مقدمات علومی مسقط رأسی اولان بوسنده ده، علوم آلیه وعالیه نی (استانبول) ده
مدالاکال بروسه یه عزیمتله رجال ملامیه دن بروسه لی شیخ حسن قبادوزه انتساب ایله یوب تکمیل
مراتبه نائل اولدی. بعدده مصره و (۱۰۴۶) تاریخنده حجازه عزیمتله فریضه حجی ادادن سوکره
شامه کلوب شیخ اکبر محی الدین عربی حضر تدرینک تربته شریفه لری جوارنده ازوا ایله دی.
فونییه یه عزیمتله شیخ کبیر صدرالدین قونوی ایله مولانا جلال الدین رومی حضراتی کی ذوات
عالیه نک مراقده شریفه لری زیارتله اختیار اقامت و (۱۰۵۴) تاریخنده ارتحال ایله یوب وصیتلری
اوزده جوار حضرت صدرالدینه دفن ایدلدی. (هذا قبر غریب الله فی ارضه وسماء عباده البوسنوی
الرومی البایرامی) عبارده سنک سنک مزارلرینه یازلماسی وصایای عارفانه لری جمله سندن اولدیغی
(مستقیم زاده) مرحومک (احوال ملامیة بایرامیه) اسمنده کی اثرنده مذکوردر. عربستانده کی
سیاحتلری اثناسنده ملاقی اولدقلری عرفا وفضلائک کافه سی علوکعبلرینی تصدیق ایله دکلری کی
نحریر بیوردقلری آثار محققانه لری ده ارباب علم و عرفانک حرز جانیدر. کندیلرندن اخذ علوم
و معارف ایدن فضلالی عرفانک بائلیجه لری شونلدر :

شیخ غرس الدین خلیلی، شیخ محمد میرزا السروجی الدمشقی الصوفی، شیخ محمد مکی المدنی،
شیخ سید محمد بن ابی بکر العقود.

مؤلفات علیه لری :

۱ شرح فصوص الحکم المسمی تجلیات عرائس النصوص فی منصات حکم الفصوص .
(آثار علیه لرینک المشهوری اولوب مطبوعدر)

۲ مواقف الفقرا .

۳ الوصول الى الحضرة الالهية لا يمكن الا بحصول العبودية .

- ٤ حقيقة اليقين .
- ٥ مطالع النورالسي عن طهارة النبي العربي .
- ٦ تفسير آية فاخلع نعليك على بطون السبعة .
- ٧ رسالة حضرات الغيب .
- ٨ تحلى النورالمين في مرآة اياك نعبد و اياك نستعين .
- ٩ شرح على نظم مراتب الوجود للشيخ غرس الدين [١] .
- ١٠ شرح على القصيدة الثائية لابن الفارض .
- ١١ رسالة في تفسير ن والقلم .
- ١٢ رسالة اعيان ثابته .
- ١٣ رسالة في شرح الحمد لله الذى اوجد الاشياء عن عدم وعدمه [٢] .
- ١٤ ترجمة ترشيحات .
- ١٥ كلشن راز عارفان في بيان اصول راه عرفان . (منظومدر)
- ١٦ رسالة في تفضيل البشر على الملك .
- ١٧ شرح كلام مؤيد الجندی في اوائل شرح الفصوص .
- ١٨ جلاء العيون في شرح قصيدة الشيخ عبد المجيد سيواسي .
- ١٩ ايدالاجود في استلام الحجر الاسود .
- ٢٠ شرح رب يسر ولا تعسر رب تتم بالخير .
- ٢١ البرهان الجلى في حرف السوء عن وجه الآيه في حال يوسف . (ع . م)
- ٢٢ رساله في تمثل جبريل في صورة البشر .
- ٢٣ رساله اخرى في تمثل الجبريل . (توركى)
- ٢٤ تفسير سورة والعاديات .
- ٢٥ رساله في نشأة الانسانية (شرح باب السادس من الفتوحات المكية) .
- ٢٦ تفسير سورة عصر .
- ٢٧ تفسير حتى اذا بلغ مغرب الشمس .
- ٢٨ مناجات .

[١] مراتب وجود رساله سى پير طريقت سيد عبدالقادر كيلانى احفادنن (انسان كامل) صاحبي (شيخ عبدالكريم جيل) نك اثرى اولوب متصوفه نك اعتبار ايتدكلرى (مراتب اربعين) ي مبین دركه غير مطبوعدر . شيخ غرس الدين بو مراتبى نظماً بيان ايتشدور .

[٢] شيخ اكبرك مشهور آفاق اولان (فتوحات مكيه) سنك مقدمه سيدر .

- ٢٩ شرح الفصوص بالعربية .
- ٣٠ كتاب القرى الروحي الممدود للاضياف الواردين من مراتب الوجود ،
- ٣١ كتاب المفاضلة الاسمي بين افضل البشر والملائكة الاعلى .
- ٣٢ كتاب منتهى مقاصد الكلمات ومبتنى توجه التعينات في بيان اكمل النشأت .
- ٣٣ رسالة رفع الحجاب في اتصال البسملة بفاتحة الكتاب .
- ٣٤ كتاب المستوى الاعلى في الشرب الاحلى في تفسير قوله تعالى وكان عرشه على الماء ،
- ٣٥ رسالة الاوبة في بيان الانابة والتوبة .
- ٣٦ رسالة في تفسير قوله تعالى حتى اذا استأس الرسل .
- ٣٧ كتاب مشرق الروحانية ومغرب الجسمانية في تفسير آية حتى اذا بلغ مغرب الشمس .
- ٣٨ رسالة في تفسير آية ولولا ان يكون الناس امة واحدة .
- ٣٩ » » » هو الذى خلق السموات والارض في ستة ايام .
- ٤٠ » » » ولقد ارسلنا موسى بآياتنا .
- ٤١ » » » ولئن اذقنا الانسان منا رحمة .
- ٤٢ كتاب لبالب في بيان الاكل والشرب .
- ٤٣ كتاب روح المتابعة في بيان شروط المبايعة .
- ٤٤ كتاب كشف السراييم في اول سورة مريم .
- ٤٥ رسالة لبالنواة في حقيقة القيام .
- ٤٦ كتاب الدر المنظوم في بيان سر المعلوم .
- ٤٧ كتاب كشف اسرار البردة في تفسير آية قتل الانسان ما اكفره .
- ٤٨ كتاب الغفر المطلق عند ذهاب عالم الفرق .
- ٤٩ رسالة في قول الجنيد .
- ٥٠ تزييل في منازعة ابليس لسهل بن عبدالله التستري .
- ٥١ تحقيق الجزء بصرة الكل وظهور الفرع على صورة الاصل .
- ٥٢ كتاب النفس الواردات في شرح اول الفتوحات .
- ٥٣ كتاب ضياء اللع والبرق في حضرة الجمع والفرق .
- ٥٤ كتاب الكشف عن الامر في تفسير آخر سورة الحشر .
- ٥٥ كتاب سر الحقايق العلمية في بيان الاعيان الثابتة .
- ٥٦ كتاب الانفاس المسكية الزومية في تنفيس الفوايح البانية .

- ۵۷ کتاب الكنز المختوم فی تبعیة العلم للمعلوم فی الرد علی عبدالکرم الجلی المرحوم ،
۵۸ کتاب سرالکلمتین فی مطابقة حروف الشهادتین .
۵۹ مقاصد انوار عینیه و مصادد ارواح طیبه غیبیه .
۶۰ شرح بیت متنوی

کفت المعنی هو الله شیخ دین
بحر معنیهای رب العالمین

بیوهوردی محمد طالب اسکمداری

مشایخ جلوتیه علماسندن بر ذات اولوب دواتی (دیوتچی) شیخ مصطفی افندینک مخدومی در .
(۱۰۹۷) تاریخنده ارتحال ایدهرک شیخ جامعی حظیره سنده پدری یانه ذفن ایدلدی . موعظه دن
(مجالس) اسمنده بر مجموعه سی مفتیل بر تعیرنامه سی و مرتب دیوان الهیاتی وکلشن اسرار
نامنده بر اثری ، بریتی تورکجه بریتی فرسیجه اوله رق منظوم قصیده بره شرحی واردر .
تعیرنامه سی مقدمه سنده (بیوجودی) مخلصیه تخلص ایندیکی مندرجدر . آثار ی غیر مطبوعدر .

بطائی زاده ولی الدین افندری

استانبولجه قطار مشایخی دینیلن کرسی شیخلرندن فاضل متقی بر ذات اولوب بکائی خلیل
افندینک اوغلودر . وفاتندن برسنه اول اردو شیخی اولمشدی . (۱۱۸۳) استانبولده ارتحال
ایتدی . آثار ی غیر مطبوع اولوب بروجه آتیدر :
(حدیقه العلماء) ، (سراج الامه فی مناقب الائمة) ، (نور الابصار فی حق الابرار) ،
(غایة المرام) ، (تفسیر سورة اخلاص) ، (روضة الراحین - مناقب چهار یارکزین) در .
صوک ایکی اثری اسکدارده (آطلاما طاشی) کتبخانه سنده واردر .

بکزاده مصطفی افندری

علمای نقشبندیهدن اولوب ولادتلی (آخسخه) ده تحصیل و تفضلی استانبولده در .
(۱۲۰۰) تاریخنده ایکنجی دفعه حجه عزیمتده جدیه قریب بر محله کیمده رحلت ایتدیلر .
جدهده حضرت حوا قربنده مدفوندر . شارح قاموس مولانا سید مرتضی ایله مصرده
مصاحبه لری و بعدالمفارقة مکاتبه لری و اشعار عربیه لری واردر . مؤلفاتی مطبوع بر مجموعه

روئنده (عربی عبارتہ منشور مولد نبی) ، (مناسک حج) ، (قصیدۃ الدّریہ) ، (رسالۃ المعلوم المجهول من الصرف) ، (قصیدۃ نظم الناصحین) اسمارندہ کی رسائلدن عبارتدر .
چهارشنبه محلہ سندہ کی مراد ملا درکاهنہ برنجی شیخ اولشدر . اکال سلوکی ایوبدہ
دفون مراد بخاری حضرت تلرینک خلفاسندن (کلیولی) لی مصطفی افندیدن مستخلف
حصاری حافظ محمد) افندیدندر .

بہجت علی افندی

شاخ نقشبندیہ عرفاسندن واولاد مولانادن وروسہ لی امین افندی خلفاسندن برذات اولوب
(قونیہ) لیدر . (کوچدی دعوتکہ دیدارہ جناب بہجت) مصرعنک ناطق اولدینی (۱۲۳۸) دہ
رتحال ایدہ رک پوست نشینی بولوندقتری اسکداردہ (سلیمیہ) درکاهنہ دفن ایدلدی .
ملوک نقشبندیہ دائر (رسالہ عیدیہ نقشبندیہ) اسمندہ مطبوع رسالہ سی ایلہ غیر مطبوع
(بہجتہ السلوک) ، (دیوانچہ) ، (حدیقۃ الابدال) وسائرہ کی آثاری وارددر .

(پ)

بیر محمد بہاء الدین ارزنجان

سر خلقہ خلوتیان آتی الترجہ (سید یحیای شروانی) حضرت تلرینک اخص خلفاسندن
برذات اولوب ارزنجان ملحقاتندن (کترلیچ) دندر . خلفاسنک باشلیجہ لری جمال خلوتی ایلہ
ابراہیم کامل ، وتاج الدین قیصری حضراتیدر . (۸۷۹) تاریخندہ ارزنجانندہ ارتحال ایدہ رک
جامع کیر یانہ دفن ایدلدیلر .
مغنیسادہ (مرادیہ) کتبخانہ سندہ (۸۷۳) تاریخندہ (ارزنجان) دہ یازیلش (مقامات
العارفین و معارف السالکین) اسمندہ منظوم تورکچہ برائر عارفانہ لری منظور عاجزی اولدی .
اثر مذکور مطلعندن :

توکل ایلہ دک اسمینہ آنک	ازلدن اولونان قسمینہ آنک
کذاتک ایلہ دی اسمینہ مبدأ	بر اسمی بیگ بر اسمہ اولدی منشأ

بیر محمد افندی

فاضل وعارف بر ذات اولوب (خزینۃ الابرار) اسمیلہ شرح ایتدیکی مشوی شریفک

دردنچی جلدی (اسکدار) ده (سلیمیه) کتبخانه سنده در (۱۰۲۶) تاریخ‌ننده یازدینی بوشرحک نهایتنده کی (پیر محمد مولوی الشیربجان عالم) قیدینه کوره فضلی مولویه دن اولدینی آکلاشیلور. ینه بوشرحده مولداً (بالیکسر) لی موطناً (استانبول) لو اولدیغی ده تصریح ایدیور. (حقیقه الجوامع) صاحبی (آیوانسرای) نک مجموعه و فیاتنده ایسه زمره متصوفه نزدنده (جان عالم) عوام آراسنده (شیخ بوداق) شهرتیه بنام اولدینی و کیرماستیلی اولوب اسمی (عبدالقادر) بولوندینی و (بروسه) ده (اشرف زاده) مرحومک کریمه زاده لری (شیخ حمدی) افندی دن مستخلف ایدوکی و مثنوی شریفک درت جلدینی شرح ایله دیکی و (اسکدار) ایچنده مدفون بولوندینی محرردر. اسمده کی فرقدن صرف نظر اولوندینی تقدیرده بوفاضل ذاتک سلوکاً اشرفی و علی طریق التبرک مولوی اولدینی آکلاشیلور. غوامض مثنوی بی مملکتنده مدفون (فنائی سلطان) نک اشارت معنویه سیله (بروسه) ده حضرت (افتاده) دن تلقی ایتشدرد.

یارما صلابه محمدده

کلیولی مولویخانه سی بانسی کبار مولویه دن کلیولیلی (اغازاده محمدده) نک برادرزاده. سیدر. برآراق مولویه دن مولویه نقل ایتشده برآزوکره ینه مسلك قدیمی اولان طریقت مولویه رجوع ایتشدرد.

مرتب دیوانی، ملک احمد پاشا نامه تصورات شرحی، (ملاجلال) ک کل و نوروزینه کوزل ترجمه لری واردر: (۱۰۹۰) ده کلیولی ده ارتحال ایده رک درگاه مولوی ده دفن ایدلی. برغزلندن:

بزم میک صفاری هپ خاطرمددر

اول بزمک آشنالری هپ خاطرمددر

برقافله ایله هممه ایدم برزمان هنوز

هنکامه درالری هپ خاطرمددر

مست صدای بلبل باغ الست ایدم

اول بلبلک نوالری هپ خاطرمددر

(۱۱۴۷) ده (استانبول) ده وفات ایده رک (ادرنه قاپسی) دیشاریسنده کی (امیربخاری)

درگاهی حظیره سینه دفن ایدیلن مخدومی (عبدالباقی) افندی ده فضالادن بر ذات اولوب (کاشانی) نک (بدایع) نه حاشیه سی و بعض رسائی واردر.

نوری ابراهیم افندی

مشایخ عارفیندن بر ذاتدر . پدری سیواسلی والدهسی آماسیه‌لی اولوب کندیبی آماسیه‌ده نیایه کلمشدر . قونیه‌ده مولانا صاری یعقوبدن اکمال تحصیلدن سوکره بر مدت تدریس ایله شغول اولارب بعد آق شمس‌الدین حضرتلرینه انتساب ایشلردر . محمدیه وادیسند (کلزار منوی) اسمنده کی غیر مطبوع آثار عارفانه‌لری کمالرینه شاهددر که برنسخه‌سی (نور عثمانیه) اسعدافندی کتبخانه‌لرنده واردر . وفاتی (۸۸۷) ده مرقد عالیلری (قیصریه) ده در . بر مت عارفانه‌لرندن :

اول ایتدی حج اکبر قوروب عرش اوسته تختی
اوقو ربی واسطه اندن آنی کیم اسم اعظمدر
آنک میقاتیدر دنیا آنک احرامیدر عقبا
آنک قربانیدر یوقلق اکا عشق آب زمزمدر

کلزار معنوی . مطلعندن :

قیله لم حمد ایله هر ایشه بنیاد
انی خیر ایله ختم ایده استاد
ایشک استادی اولدر کیم جهانی
یاراندی هم ایچنده جسم و جانی
قوسن کوزکو قیلدی صنعتنه

ولی کوزکونک آردندن باقانلر
کوره مه‌دی و کوزسز قالدی آنلر
چو بیلمه‌دی اولار شاه جهانی
دلنده قالدی کوزکونک نشانی

احفادندن و سلطان مراد ثالث معاصر لرندن ابوالسعود بن شیخ سعده افندی ده علما و عرفادن رذات اولوب (مفتاح‌العدالة) اسمنده ایکی باب اوزره مرتب تورکجه بر اثری واردر که باب اول فضائل‌الغزاة و المجاهدین (باب ثانی فضائل مراکب ارباب‌الدین و الدین) در . یدی باب اوزره مرتب تورکجه (طریقت نامه) مؤلفی اولان (دعاجی اوغلو) ده طریقت بایرامیه عرفاسندندر .

ترزی بابا «خیاط وهی»

مولانا خالد بغدادی خلفاسندن ارزنجانی عبدالله افتدین مستخلف عاشق بر ذات اولوب
(ارضروم) لیدر . (مفتاح الکنز) اسمنده مطبوع بر منظومه لری و تقریرات عارفانه لرندن
متشکل صفات ثبوتیه رساله سی واردر . (۱۲۶۴) ده ارزنجانده ارتحال ایله دی . اییاتندن :

کل ای خیاط وهی سن بیان ایت
هدایتدن بر آز معنی عیان ایت
هدایتدر قولینه اول ایمان
قبوله سعی ایدر سه ایلر احسان

(ث)

نائب مصطفی دوده

عرفا و شعرای مولویه دن بر ذات اولوب (ازمیر) لیدر . (سجل عثمانی) ده (بروسه لی)
کوستریلسی اثر ذهولدر . اکمال تحصیل و تکمیل چله دن صوکره (کوتاهیه) مولویخانه سی
مشیخته تعیین اولوندیلیر . رجال مولویه نك تراجم احوالی مبین مفصل و مطبوع (سفینه
مولویه) اسمنده کی اثریله میان مولویانده ابقای نام ایله دی . بوندن باشقه مرتب دیوان
عارفانه لری ده واردر . (۱۱۴۸) تاریخنده ارتحال ایله یوب سجاده نشینی بولندینی درکاهه
دفن ایدلدی . (خدمت) ردیفلی مطول بر قصیده لرندن :

کلز کشینک رتبه سنه شمه نقصان
مالاً بدنأ ایتمده احبابنه خدمت

(فطین) تذکره سنده کیده ریر ردیفنده عارفانه برغزل لری مندرجدر . ترجمه حالی جانشین
و مخدومی اولان (خالص احمد) افتدی طرفندن مفصلاً تحریر ایدلشددر . سفینه نك طرز
تحریری ویسیانه در .

— « ج » —

جمال الدین اسمعہ قره مانی

ذوالجناحین بر شیخ کامل اولوب بعدالحج استانبوله کلدکرنده قره مانی پیری محمد پاشانک یوکسک قالدیرمده بنا ایتدکری درکاهده - الیوم قوروق درکاهی نامیله معروفدر - ارشاد و تدریس ایله مشغول اولدیلر . رحلتی (مات زبده الاولیا) ترکینک و (لامکانی عالم بالایه رحلت ایلدی) مصرعنک دالات ایتدیکی (۹۳۳) ده در . درسعادتده حضرت خالد قارشوسنده (سودلیجه) محله سنده کی تربۀ مخصوصه ده مدفوندر . بو تربۀ یاننده (سلیمانیه) جامعنک یازیلریخی یازان خطاط شهر (حسن قره حصاری) ایله شعرادن (یتیم علی چلبی) مدفوندرلر . علوم رسمیه یی مولانا (کستلی) دن ، علوم باطنیه یی آتی الترجه سید یحیای شروانی خلفاسندن (حبیب قره مانی خلوتی) دن اخذ ایله مشلردر . مؤلفاتی : (حاشیه علی تفسیر بیضاوی) ، (رساله فی اطوار السلول) ، (شرح حدیث اربعین) ایله علم صرفدن (نوابغ) اسمنده برمتی و سورۀ مجادله دن بدأ ایله نهایت قرآنه قدر اون وجه اوزره توجیه بیوردقلری (جمالی) اسمنده کی تفسیر شریفلرندن عبارتدرکه جمله سی غیر مطبوعدر . واعظ ملا عربک دوران صوفیه علیه یازدینی رساله سنده ردیه سی و قصائد عربیه سی واردر . آثار محققانه لرندن (وحدت وجود) رساله سی شیخ الاسلام اسبق (موسی کاظم) افندی طرفندن ترجمه اولونمشدر .

مفصل حدیث اربعین نسخه سی اسعد افندی کتبخانه سنده در .

جمال خلوتی « چلبی خلیفه »

اکابر خلوتیه دن اولان بو ذات عالی قره مانی الاصل اولوب مولدا آماسیه لیدر . مولانا جمال الدین آقسرائی نسلندن استکمال فیضلی (پیر محمد بهاء الدین ارزنجانی) حضرتلرنددر . سلطان یازید ثانی طرفندن اولتان دعوت اوزرینه برمدت استانبوله قوجه مصطفی پاشا درکاهنده .^۱ نشر طریقتدن صوکره جانب حجازه عزیمتله (قدمات شاه اولیا) ترکینک ناطق اولدینی (۸۹۹) [*] تاریخنده طریق حجه شام شریفدن دوقوزنجی مرحله ده (حساء) نام دیکر (تبوک قوروسی) دنیلن محله عازم جنان اولدقلرندن وصیتلری اوزره معبر حجاجه دفن اولوندیلر . عربی مؤلفات علیه لری غایت سلیس و واضح برطرزده محرر اولوب باشلیجه لری بونلردر : (تفسیر سورۀ

[*] (لظان) ک نقلنه کوره رحلتلری (۹۱۲) ده در .

فاتحه) (دیگر تفسیر فاتحه ومن سورة الضحی الى آخر القرآن) ، (شرح اربعین حدیث قدسی) ، (شرح حدیث اربعین نبوی) ، (جامعه الاسرار والغرائب) ، (شرح صدکله امام علی المسمی بزبدة الاسرار) ، (چکنامه) ، (رساله تشریحیه) ، (رساله فی بیان الولاية) ، (تفسیر آیه الكرسی) ، (جواهر القلوب) ، (اسرار الوضوء) ، (رساله اطوار) (شرح صد کلمه صدیق اکبر) (رساله فقریه) (شرح الیبتین - الرب حق والعبد حق ...) (رساله فی اسمین الاعظمین الله ورحمن) (رساله کوثریه) و سائر کبی یکریمی بر پارچه درکه جمله سی غیر مطبوعه . آثار علیه لرندن منظور عاجزانه اولان بتخصیص تفسیر رساله سیله ، حدیث اربعین شرحی و صد کلمه علی شرحی الحق محققانه و عارفانه در .
غزلیات عارفانه لرندن :

صفحه صدرنده دائم عاشقک افکار هو
شا کړک شکرى هو الله ذا کړک اذکار هو
روضه هوین مقام ایت ای جمال خلوتی
تا وجودک ملکنه کشف اوله بواسرار هو

منونی احمد دوده

عارف اسرار مثنوی بر ذات عالی اولوب (لارنده) لیدر. اکمال تحصیل و اتمام چله دن صوکره بر مدت (بغداد) مولویخانه سی مثنوی خوانلغنده بولونه رق بروسه یه رحلتله احیاسنه موفق اولدینی مولویخانه ده نشر انوار معرفت ایله دی. (قلدی جنونی دوده تسلیم روح) مصراعنک و (جنونی فاضل) ترکیبک دلالتی اولان (۱۰۳۰) تاریخنده ارتحال دارنیم ایتدی . غزل آتی زاده طبع عارفانه لیدر :

من طوطی قدسم تن فانی قفسمدر
احیا ایدن امواتی مسیحا نفسمدر
من بار امانت چکیچی بر شترم که
نالهم ره مقصودیمه بانک جرسمدر
دل ویرمه دی دنیا یه اولان عارف بالله
بونده سبب مکشه هوا وهوسمدر
اول لمعه رخساره درر اصل سماعم
موسی صفتم نور شجر مقبسمدر

کنجینه اسرار اولالی قلب جنونی
نفس اژدری حقا که کینه عیسمدر
اشعار فارسیه سی ده واردر .

همشیره زاده وجانشینلری اولوب « ۱۰۷۳ » ده وفات ایدن « ذهنی صالح » دده افندیم
شعراى مولویه دندر .

جاهری احمد افندری

مشایخ عشاقیه دن مجاهد بر ذات اولوب (ادرنه) لیدر . احوال سلوک طریقه دائر منشور
(کتاب النصیحة) ایله مرتب دیوانی واردر که هراکیسی ده غیر مطبوعدر . (قلعه سلطانیه - چاناق
قلعه) بوغازنده کی (کلید البحر) ده مدفوندر . رحلتلری (استراحت) کله سنک دلالی اولان
(۱۰۷۰) ده در

بر منظومه عارفانه سندن :

بر تفرج ایله یوب باقدم جهانک یوزینه
هر نه یه باقدم سه عبرت کورینور هم کوزیمه
عاقل ایسه ک جان کوزک آج طوت قولاق بوسوزیمه
بر دکر مندر بودنیا اوکودور برکون بزى

جهانگیر حسن بهانه المیه افندری

آتی الترجه (رمضان مخفی) طریقتدن مجاهد بر ذات اولوب (خرپوط) قراسندن (پرچین) دندر .
(قدمات مولی العارفین) ترکیبک و (اولدی حسن افندی جتده ده جهانگیر) مصراعنک
دلالی اولان (۱۰۷۴) تاریخنده در سعادته ارتحال ایدرک (جهانگیر) جامع شریفی حظیره سنه
دفن ایدلی . (سلوک خلوتیه) یه دائر رساله سی و بعض الهیاتی واردر . سلوکی (بروسه لی
یعقوب فانی) حضر تله ننددر .

مناقب علیه لری (مصطفی نهجی) افندی طرفندن یازلشددر .

صفت محمد افندی

مشایخ جلوتیه کبارندن بر ذات اولوب (طوبخانه) لیدر. حضرت پیردن صوکره آستانه هدائییه سجاده نشین اولانلرک اوچنجیسیدر. وزمان حضرت پیرده بر مدت عصا دارلق خدمتنده بولمشد. فائی مخلصلی دیوان الهیاتی احوال سلوکه دأثر (تجلیات) اسمنده رساله سی و تفاسیره متعلق تعلیقاتی واردر .

(جنت افندییه اوله دار جان مکان) مصرعنک دلالتی اولان (۱۰۷۵) ده ارتحال ایدهرک درگاه شریفک آلت قاپیسی قارشیسنده کی تر به یه دفن ایدلدی. عشق ردیفنده کی غزلنک مقطع بی تی :

چونکه موجود نطق ایمش عالمده عشق قائم مقام

بیزه بیلدیردی قانی رهبر مولای عشق

مواعظه متعلق اقوال عارفانه لری خانقاه حضرت هدائییه مدفون عرفای جلوتیه دن (عرب زاده محمود دوده ابن احمد) طرفندن (جنتیه فی معارف الالهیه) اسمیله (۱۰۸۵) تاریخنده جمع ایدلمشدرکه بر نسخہ سی (یحیی افندی) کتبخانه سنده موجوددر .

جمال الربه عشاقی « محمد جمال الربه ادرنه »

طریقت خلوتیه نک (عشاقیه) شعبه سی مشایخ کرامندن بر ذاتدر . (ادرنه) ده اکمال سلوکردن صوکره (استانبول) ده (اکری قاپی) خارجنده (صاواقلر) ده احیاسنه موفق اولدقلری درگاهده نشر طریقتله امرار حیات ایله دیلر . آنی الترجمه (صلاح الدین عشاقی) حضرتلرینک مرشد عالیلریدر . (۱۱۶۴) تاریخنده ارتحال ایدهرک درگاه مذکورده دفن ایدلدیلر . مرتب دیوان الهیاتی واردر .

الهیات عاشقانه لرندن :

صحب نادان ایله بیگانه لکدن آل بیزی

صحب عارف ایله ایت آشناکدن ای چالاب

بو جمالی نک وجودی پرده سنی رفع ایدوب

بردم آیرمه آنی ذوق لقاکدن ای چالاب

دیگر :

حقک یولک آراز ایسه ک دلده نهان ایچنده در

آندن نشان صورار ایسه ک هر بر نشان ایچنده در

سندن یاقیندر اول سکا صائمه آتی سندن جدا
سندن یوری سن وار اکا اول سنده جان ایچنده در
آنسز دکل ارض وسما آنکله طولو هر آرا
ظن ایتمه بر یرده اولا اول بی مکان ایچنده در
هر یرده اولدر کورونن هر کوزدن اولدر هم کورن
هر شیئی اولدر بورونن هر آنده آن ایچنده در
ایشیت جمالی نك سوزین آکلا حقیقته اوزین
قو غفلتی آچ جان کوزین کور حق عیان ایچنده در

— چ —

چرکشی مصطفی افندی

مشایخ شعبانیه اعظمندن بر ذات اولوب (چرکش) لیدر. آتی الترجه (قوش اطه لی ابراهیم)
افندینک مرشدینک مرشدیدر. نشر طریقه موفق رجالدندر. (۱۳۲۹) تاریخنده وطنده
ارتحال ایله دی. بر ساسله عرفا و علما تشکیل ایله یین (چرکشی زاده لر) بوداتک اولاد
واحفادیدر. احوال واصناف طریقه دأثر اولان رساله تورکیه لری مطبوعدر.

— ح —

صمیدالربین آقسرائلی «مامر بن موسی»

آتی الترجه حاجی بایرام ولینک مرشد عالی قدری اولوب (قیصریه) لیدر. علوم رسمیه ده
صاحب کمال اولدقلری حالده بروسه ده بولندقلری زمان امیانه برطور ایله اکمک پیشیروب
صاندقلرندن یین الاهالی (صومونجی بابا) نامیله یاد اولونمشلردی. ملا فناری محله سننده کی
فرونلری حالا زیارت اولنمقده در. آثار علیه نرندن لسان تصوفله یازدقلری (شرح حدیث اربعین)
کالترینه شاهد اولدیفنی کبی (امیر سلطان) و (ملا فناری) کبی ذوات عالیه دخی کالترینک
مصدقلرندن ایدیلر. امیر سلطان حضرتلرینک دلائلیه بروسه جامع کبیرنده ایلک دفعه خطابت

ایله دککری زمان علوقدر ومیزلتلری تظاهر ایله مشدی . رحلتلری (تاج عارفین) ترکینک ناطق اولدینی (۸۱۵) تاریخده، قبر عالیلری (آقسرائ) قصبه سنده در .

هابی: بایرام ولی

لسان اهل طریفته (پیر) نامیله یاد اولونان صاحب طریق ذوات عالیهدن اولوب (بایرامیه) طریقنک مؤسسی اولان پیر اکملدر . اسم عالیلری نعمان ایسه ده مرشد عالیقدرلری اولان (حامد اقسرای) حضرتلریله شرف ملاقاتلری برقربان بایرامنه تصادف ایتدیکی ایچون مرشد مشارالیه طرفندن (بایرام) اسمیه تسمیه ایدلشلردر . کندیلرندن صوکره طریقلری آلتی شعبه یه ایرلش سده مشهورلری (آق شمس الدین) واسطه سیله منتشر (بایرامیه) و (۸۸۰) ده (کوبنوک) ده وفات ایدن بروسه لی (دده عمر سکینی) واسطه سیله نشر اولنان (ملامیه بایرامیه) و حضرتده ده خلیفه سی بروسه لی حضرت افتاده ایله خلیفه ارشدی حضرت هدائی معرفتلیله تأسیس اولونان (جلوتیه) در . رحلتلری (ارتحال الانسان) ترکینک دلالتی اولان (۸۳۳) ده ، مرقد مبارککری [۵] آنقرده در . بین المشایخ الله موجود اولان اوچ نطقلرندن باشقا آثار علیه زینه دسترس اولونه مدی . بو نطقلرندن (چالام بر شار یاراتمش ایکی جهان آراسنده) (باقیجق دیدار کورینور اول شارک کنار سنده) بیتله باشلایانی (شیخ اسماعیل حق) و (خواجه محمد نورالعربی) و (بروسه لی محمد صفی) ، (عبدالحی جلوتی) مثللو اکابر متصوفه طرفلرندن شرح اولمشدر .

دیگری ده بودر :

بیلمک ایسترسه ک سنی	جان ایچنده آرا جانی
کچ جانندن بول آتی	سن سنی بیل سن سنی
کیم بیلدی افعالی	اول بیلدی صفاتی
آنده کوردی ذاتی	ایضاً
کیم که حیرته واردی	نوره مستغرق اولدی
توحید ذاتی بولدی	ایضاً
بایرام اوزونی بیلدی	بیله نی آنده بولدی
بولان اول کندی اولدی	سن سنی بیل سن سنی

[۵] مولدلی آنقره جوارنده (صول فصل - ذوالفضل) قریه سیدر .

دیگرینک مطالعی ده :

(هیچ کیمسه چکبیلمز کوچدر فلکک یایی
دردینه کوکل ویرمه بر کون کوتورور وایی) در .
زیارتیله مشرف اولدیغ تربه شریفه لرنده کی لوحه لر دن .

شرق وغریبه نوری اولش منجلی
حصه مند فیضیدر آناتولی
راه عرفانی کشاده ایله مش
حضرت الحاج بایرام ولی

اخیراً طبعنه موفق اولدیغ (حاجی بایرام ولی) اسمنده کی اثر عاجزانه مده حق عالیرنده
بیلنمه سی لازم کلن معلومات مندرجدر . خلفای علیه لرندن (بدرالدین) اقدی ده علم تصوفدن
ابراهیم عراقی نک (لمعات) اسمنده کی اثر مشهورینی ترجمه ایتمشدرکه بر نسخه سی بروسه ده
جامع کبیر کتبخانه سنده واردر .

حسن افندی « حسن خواجه ابن یوسف »

فضلائی مشایخندن برذات اولوب روم ایلی یکی شهری قراسندن (قوچ باصانلر) قریه سندنر .
مملکتنده اکل تحصیلدن صوکره بروسه ده (امیر سلطان - امیر محمد شمس الدین بخاری)
حضرتلرینه انتساب ایده رک امیر مشار الیهک وفاتلرنده وصیتلری موجبجه جانشینلری اولدی .
اون ایکی سنه مقام ارشاده بولونقدن صوکره زیارت کعبه اللهدن عودتنده (قدس شریف) ده
(۸۴۵) تاریخنده ارتحال ایله دی . سنک مزارنده (شیخ حسن رومی) عبارده سنک منقوش
اولدینی (کلدسته ریاض عرفان) ده محرردر . علم تصوفدن عربی العباده (مزیل الشکوک)
اسمنده برائری واردرکه برنسخه سی طرف ناچیزانه مدن بروسه جامع کبیری کتبخانه سنه اهدا
ایدلمشدر . امیر سلطان خلفاسندن بروسه لی (یحیی بن مصطفی) نک ده (۸۹۸) تاریخنده تألیف
ایتدیکی سیر نبی ایله خلفاء اربعه وامامین احوالندن باحث (انواراللوب) اسمنده منظوم اثری
واردر . ینه حضرت امیر طریقتدن (سلیمان بن یوسف کریمانی) نک ده (سیرالسالکین وسراج
السائرین) اسمنده برائری واردرکه برنسخه سی (آیاصوفیه) کتبخانه سنده موجوددر .

ماہی احمد بن سیدی.

طریقت (زینہ) مشائخی فضلاسندن برزات اولوب (بیغا) لیدر . (عوارف المعارف) ده کی آیات کریمہ بی تأویلات نجمیہ ، تأویلات قاشانی ، حقایق سلمی ، عیون التفاسیر کی تفاسیرہ احادیث شریفہ بی ده بخاری ، مسلم ، مصابیح ، مشارق متن و شرح لرینہ مراجعتله (۸۶۳) تاریخندہ توسیعاً ترجمہ ایتشد در . شیخنک (قوجہ ایلی - ایزمیت) لی محی الدین خلیفہ اولدینی ترجمہ نک مقدمہ سندہ مذکوردر . تاریخ وفاتیلہ مدفتہ دسترس اولونامادی . علوم آلیہ وعالیہ بی (بالکسر) لی مولانا (حاجی حسن زاده محمد جامی) دن تعلم آیلہ مشدر . (اسرار فاتحہ) اسمندہ بر تألیفی ده وارددر . آثار سائرہ سی ده اولدینی آکلاشیلورسده کورولہ مشدر .

مسلم الدین علی البتلیسی

ذوالجناحین برزات عالی اولوب ترجمہ حالی مورخین فصلندہ مذکور (مولانا ادریس بتلیسی) نک پدریدر . (۹۰۰) تاریخلرندہ وطنندہ ارتحال آیلہ دی . طریقت نور بخشی نک مؤسس (سید محمد نور بخشی) حضر تلرندن مستخلفدر . (اشاره منزل الکتاب) اسمندہ ایکی جلد کیردن عبارت برتفسیر شریفی وارددر که برنسخه سی ادرندہ سلطان سلیم کتبخانہ سندہ در . (شیخ عبدالرزاق قاشانی) نک اصطلاحات صوفیہ سنی ده شرح آیلہ مشدر که بونک ده برنسخه سی (مغنیسا) ده (مرادیہ) کتبخانہ سندہ در . (کلشن راز) ده ده فارسی شرحی وارددر که بر نسخه سی (اسکدار) ده (سلیمہ) کتبخانہ سندہ موجوددر .

مہیب قرہ مالی

آتی الترجہ (سید یحیای شروانی) خلفاسندن برزات عالیدر . (۹۰۲) تاریخندہ (آماسیہ) ده ارتحال آیلہ دی . آثاری : (منظوم اطوار سبہ) آیلہ منشور (کتاب النصایح) در .

مہیقی زاده عثمانہ افندری

آتی الترجہ سید نظام حضر تلرینک خلفاسندن عارف برزات اولوب شهریدر (شیخ واصل)

لمة التقوى) ترکیلرینک ناطق اولدیغی (۱۰۳۷) تاریخده ارتحال ایدهدک اکرى قاپی ده تکفور سراىی قربنده بنا کرده سی اولان درکاهه دفن ایدلدى . مرتب دیوان الهیاتی ر . الهیاتندن :

بلبل شوریده میم کلدن نصیم وار بنم
صانماکز یهوده میم کلدن نصیم وار بنم

« مسینی بن احمد میروزی »

طریقت خلوتیه عرفا و شعراسندن برذات اولوب (سیروز) لیدر. مرشدینک (صلاح الدین)، نک (سیروز) اولدیغنی برنسخه سی (موزه هایون) کتبخانه سنده موجود (جامع الانوار) ده کی اثر منظومک نهایتده ذکر ایدیور . کندیسنک ده بیک تاریخی رجالدن اولدیغی شلیور . (جامع الانوار) مطلعنندن :

الهی خالق کونین سنکدر ارض هم افلاک
سکا مخصوصدر اول آتجاق یاراتمق نورکی کیم خاک
و سنسین نقش ایدن صورت سکندر عز هم قدرت
ایره مز عقل هم فکرت کمسنه ایلهمز ادراک
بر نسخه سی یحیی افندی کتبخانه سنده موجود اولان (جامع النصایح) اسمنده (محمدیه)
نده کی اثر منظومک مقدمه سندن :

الهی سن سین اولان خلاق و مولا
که ذاتکدر منز قدرک اعلا
کسنه یوقدر هرکز شریکک
بدلی اولیسر سکا یا مثلا
احددر ذات پاک چوق صفاتک
ایرشمز علمکه عقل و دل اصلا
یا لکزی سین آنادن سین مجرد
آنادن کلمه دک یوق سکا نسلا
ایکی دین اولور مغبون و محروم
منزه تا کری سین حاشا وکلا

علم قراشدن مشهور (قصیده جزری) بی‌ده (درمکنون) اسمیله نظماً شرح ایتشدرکه
بر نسخه‌سی (عاشر افندی) ده واردر .

حسام‌الدین بروسری

صفی‌القلب بر ذات اولوب علوم رسمییه بی (اخی زاده عبدالحلیم) افندیدن وطریقت
سمرقندیه بی [۱] شیخ محمد افندیدن اخذ ایله‌مشدر . وفاقی (۱۰۴۲) ده تبری بروسه‌ده کیش
طاعی اتکنده نامنه منسوب درگاهده در . مؤلفاتی : (مناقب حضرت افتاده) ، (دیوان
الهیات) ، (شرح حدیث اربعین) ، (مناقب شیخ علی السمرقندی) [۲] (مرآت الکائنات) [۳]
(درر الاحادیث) ، (منتخب ترویج الارواح) ، (منتخب نزهة التصوف) ، (فضائل الجهاد) ،
(مناقب بابا سلطان) ، (عدالت نامه) ، (رساله فی فضائل السواک) ، (مفتاح‌المعلقات) ،
(مناقب حضرت امیر و خلفائه) ، (مهمات المؤمنین فی امور الدنیا والدین) ، (مناقب
ابدال مراد) ، (مناقب شیخ ابواسحق) درکه جمله‌سی غیر مطبوعدر . (مهمات) آثارینک
اک بویوکی اولوب (۶۰) باب اوزره مرتب موعظه ، اخلاق وسائردهن باحث تورکجه بر اثردر .
بر نسخه‌سی اندرون همایون‌ده (بغداد کوشکی) کتبخانه‌سنده واردر .

حیدر زاده محمد فیضی افندی « کفه‌ری »

حیدر زاده محمد فیضی افندی (کفه‌وی) : طریقت خلوتیه مشایخندن وفضلادن بر ذات
اولوب (کفه) لیدر . آثاری . (رساله فی جواز دوران صوفیه) (شرح حدیث اربعین — روضة

[۱] بوطریقک مؤسس اولان و (۸۶۲) تاریخنده وفات ایدن علاءالدین علی السمرقندی حضرتلری
سادات کرامدن اولوب (ایچ‌ایل) سنجایی داخلنده (کلنار) قضا سنک (زینة) قریه‌سنده مدفوندرکه سورۃ
مجادله‌یه قدر اوچ جلددن عبارت اولان بر نسخه‌سی بروسه‌ده حسام‌الدین درگاهنده موجود بولنان
(بحر‌العلوم) اسمنده کی مشهور وغیره طبوع تفسیر شریفک صاحبیدر . چکرکه لریک دفعنه مدار اولوق اوزره
صفر جق قوشلرینک جمی ایچون برضو کزدیرن شیخلرک منسوبیتلری نقل ایتدکلری (شیخ علی السمرقندی)
حضرتلری ایسه آنقره جوارنده (یابان‌آباد) ده مدفون دیگر بر ذاتدر .

[۲] شیخ شهاب‌الدین هندی‌نک فارسی‌العباره (جامع‌المناقب) و (جامع‌البوارق) کتابلری سید
نظام‌الدین بدخشی‌نک ترکی‌العباره (کتاب‌المناقب) بی بذات عالی حقنده تألیف اولونان اثرلردندر .
[۳] بو اثرده نقلیات ضعیفه واردر . مورخین فصلنده مذکور اولان مرآت الکائنات دن باشقه در .

لعباد) (رساله فی حق الخمر) و سائرہ در . اوچنجی رسالہ نک تاریخ تألیفی (۱۰۱۷) در .
 (۱۰۲۵) دہ استانبولہ ارتحال ایتدی .
 طبیعت شعرہ سی و (قلیج علی پاشا) کتب خانہ سندہ (حدائق الاخبار فی حقایق الاخبار)
 سندہ برائری وارد .

مہلری محمود افندی « جمال الدیہ محمود مہلری افندی »

رجال خلوتیہ عرفاسندن بر ذات اولوب شہریدر . پدری احمد آغا سرای ہایون حلواجی
 شیبسی اولدیغیچون (حلو) مخلصنی اختیار ایتدی . (کلشن راز) شرحی (لاہیجی) بی
 جام دلنواز) اسمیلہ ترجمہ سی مواعظہ متعلق کوزل برائیلہ خمسہ یحیایہ نظیرہ سی ، طبقات
 مناقب اولیاء اللہی حاک (لمظات) نامندہ برتالیفی و مرتب دیوان عارفانہ لری وارد کہ جملہ سی
 بر مطبوعدر . رحلتلری (جان حلوی ایلدی اقبال شہد جنتہ) مصرعنک دلالتی اولان
 (۱۰۶۴) دہ ، مرقدلری استانبولہ شہر امینی جوارندہ تراموای جادہ سندہ ارکلی محلہ سندہ
 شیروغنی) اسمیلہ یاد اولونان درکاه حظیرہ سندہ در . حج شریفدن عودتندہ مصرہ اوغرایہ رق
 ریقت کلشنیہ دن دہ اخذ اجازت ایلہ مشدر .

عاشقانہ برغرلندن :

بز نغمہ سراینده میخانہ عشقز بخشنده شوق دل مستانہ عشقز
 ظاہرہ اولوب عشقلہ مجنونہ مشابہ معنیدہ ولی عاقل و فرزانہ عشقز

بدایت سلوکلری سنبلیہ دندر . خط دستیلہ محرر اولان جام دلنواز شہید علی پاشا کتب خانہ سندہ
 وجوددر .

مہلری « امی سنانہ زادہ مہلری »

رجال خلوتیہ دن فاضل بر ذات اولوب شہریدر . وعظ و ارشاد ایلہ امرار حیات ایدہ رک
 کیتدی اہل سلوکک استادی) مصرعنک دلالتی اولان (۱۰۸۸) دہ استانبولہ ارتحال
 تدی . (شہرامینی) قربندہ کی (امی سنان) تکیہ سندہ مدفوندر . (مجالس سنانیہ) اسمندہ کی
 وعظہ سی مشہور و مطبوعدر . غیر مطبوع (کنوز الحقایق فی رموز الدقایق) (دیوان الہیات)
 (فضائل الشہور) اسملرندہ اثرلری دہ وارد .

الهیاتندن : عاشقی معشوقه واصل ایلهین هو ذکریدر
طالبی مطلوبه واصل ایلهین هو ذکریدر

صہ رضائی افندی « صہ رضائی بہ عبدالرحمہ »

مشایخ جلوتیه دن عالم و طبیعت شعریه یه مالک بر ذات اولوب (قونیه) ولایتده کی (آقسرائ) دندر.
(۱۰۸۰) تاریخده کلستانی نظاماً ترجمه ایتشد که برنسخه سی رستم پاشا کتبخانه سنده موجود در
الهیاتی جامع بر اثری ده واردر .

صہین افندی « حاجی اومر شیخی »

(زعفران بولی) قراسندن عالم و مجاهد بر ذات اولوب آتی الترجه عبدالاحد النوری
حضر تلبندن مستخلفدر. در سعادتده اکمال تحصیل ایدهرک سلیمانیه واعظی اولدی. (۱۱۰۵) ده
وفات ایتدی. مرکز افندی در کاهنک خارجده کی قبرستانده مدفوندر. آناری (مجمع التفاسیر)
اسمنده کی مجلس ایله (رساله دورانیه) و تورکجه (فرائض) و (غزی) شرح لیدر. سید حسین
مخلصلی الهیاتی ده واردر . الهیاتندن :

درویش اولان صادق کرک	اویولده هم صادق کرک
ترک ایله یوب سرکشکی	اثبات ایدهر درویشکی
اثبات ایدوب مردلکی	هم کامله طالب کرک

(حامد افندی)

کومرک حامد افندی

اسکدارده عنادیه محله سنده کی جلوتی در کاهنک بانیسی طریقت جلوتیه مشایخ عظامندن
باندیرمه لی شیخ یوسف افندینک بویوک مخدومی و صاحب دیوان عارفانه هاشم افندینک بویوک
برادری اولوب مولدا اسکداری در. علی الاصول اکمال تحصیل علوم و تکمیل سلو کدن صوکره
محضا استکمال فیض و علوم مقصدیله عربستانه عزیمتله سوریه و بتخصیص مصرده ملاقی اولدینی
اعاظم علمادن بالتعلم اخذ اجازت ایدهرک مدینه منوره ده اختیار مجاورت ایله یوب بر طرفدن

آثار متنوعه تألیفی برطرفدن علوم آلیه وعالیه تدریسیله مشغول اولدی . صوکره باندیرمه یه عودت ایدهرک (۱۱۷۲) تاریخنده عالم فانی یه وداع آیلهدی . طریقت نقشیهدن علی افندی درکاهی حظیره سنده مدفوندر . صاحب ترجمه نک بین العلماء و المشایخ فضیلتیه متناسب اشتهار ایدهمه مسی مجرد آثارینک طبعنه همت اولونمادیغندن نشأت آیلهمشدر . (عقود الفرائد فی حدود العقائد) اسمنده کی اثرینک مقدمه سنده تألیفاتنک سکسانه بالغ اولدیغنی تصریح آیله یورکه منظور عاجزی اولانلردن بعضیلری بوجه آتیدر :

- (۱) تعریفات علم اصول حدیث (عقود الدرر فی حدود علم الاثر)
- (۲) عقائد (عقود الفرائد فی حدود العقائد)
- (۳) اصول فقه (تعریفات الفحول)
- (۴) فرائض (شهود الفرائض)
- (۵) آداب (شهود الفالب)
- (۶) عروض وقوافی (مهمات الکافی)
- (۷) نحو (شهود الصحو)
- (۸) تعریف (جیود التعریف)
- (۹) منطق ومیزان (محلفات حکماء الیونان فی معرفات علم المیزان »
- (۱۰) تبحان فضائل الشهور
- (۱۱) درة التیجان والقلانس ورونق الوعاظ والمجالس
- (۱۲) بدرتام فی تخریج احادیث شرعة الاسلام
- (۱۳) سیل العرم فی جامع الکلم
- (۱۴) تعریفات عقود الاللی
- (۱۵) جامع روایات الفهارس ولامع قلوب اهل المدارس
- (۱۶) جوامع النسم فی جوامع الکلم
- (۱۷) تبیین المسلات فی الحدیث

اشببو آثارک قسم اعظمی پدر عالیلری درکاهنده محفوظ اولدینی کبی صوکره اثرینک بر نسخهمیده (یره باتان) محله سنده کی (اسعد افندی) کتبخانه سنده موجوددر .

عجای عبر الباقی افندی

آتی الترجمة طور حال شیخی مصطفی افندی خلفاسندن فاضل برزات اولوب (قریم) ک (باغچه سرای) قصبه سنده تولد ایتشدرد . ترجمه حالی علما فص لمند مذکور (دهده جنکی) احفادن اولدینی جدی ابوالسعود محمدافندینک کفه مفتیسی ایکن تألیف ایلدیکی (اباحه الدخان) رساله سنک نهایتده مندرجدر . علوم رسمیه یی استیلا تاریخی اولان (۱۱۸۸) ده آماسیه یه هجرتنده (ارکوبی حاجی احمد) افندیدن تعلم ایتشدی . (دهده جنکی) آماسیه لی ایسه ده اون سنه قادار (کفه) مفتیالکنده بولندیغندن صاحب ترجمه عجای افندی وسائر کبی قریمده احفادی واردر . برنسخه سی محفوظم اولان (الابکره المؤتلفه فی شرح امثله المختلفه) اسمنده کی اثرنده مشهور امثله یی لسان تصوفله مفصل برصورتده شرح ایتدیکی کورولمکده در . (هدیه هلال) (ایناس والاستیناس) (باده کوثر) (نکات توحیدیه) (ایقاظ النائم) (باده فقر وقسا) (تعریف الانسان) اسمارنده رساله لری ده واردر .

(۱۲۳۸) ده ارتحال ایده رک آماسیه یه بر ساعت مسافده (زیره) نام محله ده بناسنه موفق اولدوغی درکاه خطیره سنه دفن ایدلی .

مغرب علماسندن (عبدالقادر بن احمد الکوهنی) ده علم نخودن مشهور (اجرومیه) یی لسان تصوفله شرح ایتشدرکه (۱۳۱۶) تاریخنده استانبولده طبع اولونمشدر .

مسین صهری بن سینر مسین افندی

طریق نقشبندی فضلا وعرفاسندن برزاتدر . جناب شیخ اکبرک (فتوحات ملکیه) سنی (صفوة الفتوحات المکیه فی بیان الحقایق الالهیه والکونیة) اسمیه تلخیص ایتشدرکه (۱۲۵۷) تاریخنده خط دستیله محرر نسخه سی (خالص افندی) کتبخانه سنده در . شیخ شمس الدین سیواسی نک اولدینی معلوم عرفاء ایکن اسم مشابهتی دولایسیله بعضیلر طرفندن حضرت (شمس تبریزی) یه نسبت اولتان :

(بمحمدالله دیرم الله آلوب عقلیمی ذکرالله) مطلعلی نطق عارفانه یی ده (درالمصون) اسمیه شرح ایتشدرد . بونکده نسخه سی (یحیی افندی) کتبخانه سنده واردر .

مقی محمد افندری

طریق نقشبندی علماء مشایخندن زاهد و متقی بر ذات اولوب (نازلی) دندر. سادات نقشبندیه دن (عبداللهوی) حضرتلرینک اخص خلفاسندن اولوب (۱۲۱۷) ده مکّه مکرمه ده ارتحال ایله ین هندی (محمدجان) افندی مستخلفلرندن بولونان و (۱۲۸۵) تاریخلرنده مملکتی اولان (اوده مش) ده وفات ایدن (حاجی خلیل حلمی) افندی دن مستخلفدر . (۱۳۱۵) تاریخلرنده (مکّه مکرمه) ده رحمت یزدانه مقارن اولدی .

(خزینة الابرار و جلیلة الازکار) اسمنده عربی العبارة مطبوع بر اثری وارددر . بو اثرک نهایتنه مطبعه خطاسی اوله رق (شیخ اکبر محی الدین عربی) حضرتلرینک (رسالة الانوار) اسمنده کی اثرلرینه مشارالیهک ادق آثار جلیله لرندن اولان (تدبیرات الهیة) سی اسمی ویریلهرک علاوه ایدیلشدر .

(نصره الجنود عمدة الشهود)، (مفرع الخلائق)، (سنوحات مکیه)، (طب القرآن حب الرحمن)، (تفهیم الاخوان فی تجوید القرآن)، (احکام المذاهب فی اطوار اللحن والشوراب) اسملرنده کی عربی العبارة آثاری ده بریده اوله رق مطبوعدر .

صمزه نظری افندری

طریق خالویه مشایخی فضلاسندن و سادات حسنیه دن بر ذات اولوب (قره باغ) لیدر . (آماسیه) ده مدفون شیخ اسماعیل شروانی خلفاسندندر . (۱۳۰۴) تاریخنده (خریوت) ده ارتحال ایدهرک محبائی طرفندن (آماسیه) به نقل ایدلدی . آثارندن تورکی و فارسی دیوانلری مطبوعدر . (نکارنامه)، (ساقی نامه) اسملرنده غیر مطبوع اثرلری ده وارددر .

(خ)

ضیالی احمد شمس الدین افندری

سابق الترجه ابراهیم کلشنی حضرتلرینک مخدوم عالی لیدر . پدرینک جانشینی اولدی . (۹۷۷)

تاریخنده ارتحال ایدہ رک اب محترمی یانسه دفن ایدلدی . مرتب دیوان عارفانه سی و محبانه
مرسول مکتوباتی واردر . برغلندن :

مجلا ایلہ دل لوحن بوکون نور تجلادن

جمالن کوستر الله بو مرآت مجلادن

نظرکاه خدادار دل ولی صانمہ جدادار دل

اوچار مثل همار دل کچر عرش معلادن

مناقب علیہ لرینک تفصیلی مناقب کلشنیہ ولظات حلوی ایلہ تذکرہ شعرای آمدده محرردر .

خلوصی افندی « درونی زاده محمد خلوصی افندی »

طریقت جلوتیہ مشایخی علماسندن و سابق الترجہ اسماعیل حقی حضرتلرینک خلفاسندن
اولوب (اوستروجه) لیدر . اکمال تحصیل وسلو کدن صوکره وطننده افتا وارشاد ایلہ دمکذار
اولہرق (۱۱۶۷) تاریخنده ارتحال ایلہدی . عقائدن مشهور (قصیدہ امالی) ایلہ ، قصیدہ
نونیہ (یی تورکجه شرح ایتشدرکه امالی شرحنک خط دستیلہ محرر نسخہ سی (خالص افندی)
کتبخانہ سنده مرتب دیوانچہ سنک نسخہ سی ده اسکدارده حضرت هدائی درکاه شریفی کتبخانہ سنده
موجوددر .

برغلندن :

شہا خونریز غمزہ ک زحمنی بیمار اولاندن صور

پریشان خاطری دلہستہ دلدار اولاندن صور

خلوصی رمزی چوقدر نسخہ عشق حقیقتده

اوترکیک بیانن واقف اسرار اولاندن صور

ہالہ ضیاء الدین بغدادی « مولانا ہالہ »

طریقت نقشیہ دن (خالیدیہ) شعبہ سنک صاحبی برشیخ جذبہ داردر . نشأتلری سلیمانیدہ ،
تحصیللری بغدادده اولوب استکمال فیضلری ہندی (عبدہ دہلوی) حضرتلرندندر . آثار
مطبوعہ لری دیوان عاشقانہ لری ایلہ (العقد الجوہری من الکلام [۱]) ، (شرح عقائد حاشیہ سی
[۱] شارح قصیدہ برہ عمرالخروطی زاده حمید افندی طرفندن (السمط البقری فی شرح العقد
الجوہری) اسمیلہ شرح اولونان نسخہ مطبوعدر .

سیلکوتی به تعلیقات)، (رابطه رساله سی)، (اراده جزئیة) رساله سی (جلاء الاکدار) (فراڈ الفوائد) اولوب رحلتلری (۱۲۴۲) ده مرقدلری شام شریفده (صالحیة) نام موقعده در. (فراڈ) کاخلی حاجی فیض الله افندی طرفندن ترجمه وطبع اولونمشدر. مولانا جامی نک غزل تخمیسلرندن :

کرچه در صورت ذرات جهان جلوه کری
گاه در خود نماینده و که در بشری
لیک چون ذات توازنک حدوث است بری
نه بشر خوانمت ای دوست، نه حور و نه پری
ای همه بر تو حجابست تو چیزی دیگری

هواجه مسام افندی « منبر فخرانه »

شهری الاصل واقف اسرار مثنوی بر مرد معنوی در. استکمال فیضلری مشایخ نقشبندیه دن بروسه لی خواجه امین افندی دندر. رحلتلری (۱۲۸۰) ده اولوب حضرت خالد جوارنده ادریس کوشکی دینلن محله کی درگاهده استادی آخسرخلی خواجه سلیم افندی یانه دفن ایدلدی. مثنوی شریفک ملاجامی طرزنده ابتدا کی بیتنی و بخاری شریفک ابتداسندن اون بش جزوئی شرح بیوردقلری کبی آثار امام ترمذی دن شمائل شریفه بی ده ترجمه بیورمشلردرکه مطبوعدر. ترجمه حال عالیلری حالت یک طرفندن یازلمشدر.

(د)

داود قیصری

شرف الدین داود بن محمود قیصری

علماء راسخین و مشایخ واصلیندن بر ذات اولوب (قیصریه) لیدر. علوم آلیه بی کاملاً، علوم عالیه بی ده قسماً وطنی فضلاسندن بعدالتعلم دیار مصره عزیمتله برقاچ سنه اقامت و کیجه بی کوندوزه قاتارجه سنه جهد و اقدام ایله نائل مقصد اوله رق شرکاسی میانشده متمیز بر صورتده اخذاجازتدن صوکره مسلک قویم تصوفه سلوک ایله یوب شیخ کیرصدرالدین قونوی خلفاسندن صاحب تفسیر و شارح فصوص الحکم (کمال الدین قاشانی) نک ارشادیه بو سلك جلیله دخی قطع مراتب معنویه ایله رتبه خلافته بعدالمظهریه مسقط رأسه عودتله نشر علم و عرفانه باشلادی.

بواثنالرده (ایزنیک) ك فتحه موفق اولان اورخان غازی ، صاحب ترجمه نك صیت فضائی ایشیده رك (ایزنیک) ه دعوتله ایلک بنا ایتدیكى مدرسه نك مدرسلكنی توجیه بیوردی . وحضرت فاضاك حیات علمیہ سی اصل بوندن صكره انكشاف ایده رك برچوق تلائید یتشدیرمك شرطیله ثمره دار اولدی وبووادیده تدریس وتألیف ایله اوقات كذار ایكن (۷۵۱) تاریخنده ارتحال دارنعم ایله دی . چاندارلی غازی خیرالدین پاشا جامع شریفی قارشیسند، الیوم (چیناردیی) دنیلن محله مدفوندر .

آثار محققانه لری :

(۱) شرح فصوص الحکم : (مطلع خصوص الکلم فی معانی فصوص الحکم) اسمیه مسمی اولوب اخیراً هندستانده طبع ایدلدى . بادیٔ اشتہاری اولان بوشرك حاوی اولدینی مقدمه سی بروجہ آتی اون ایکی قسمه منقسمدر . (۱) وجود حق ؛ (۲) اسماء وصفات حق ؛ (۳) اعیان ثابته ؛ (۴) جوهر عرض ؛ (۵) عوالم کلیه وحضرات خمس الہیہ ؛ (۶) عالم مثاله تعلق ایدن مسائل ؛ (۷) مراتب کشف وانواعی ؛ (۸) بحسب المراتب صورت حقیقت انسانیه اولان عالم ؛ (۹) خلافت محمدیہ واقطاب ؛ (۱۰) عالم انسانیده کی روح اعظمك مراتب واساسی ؛ (۱۱) روحك ومظاهر علویہ وسفلیہ سنك حقہ رجوعی ؛ (۱۲) نبوت ، رسالت ، ولایت .

(۲) شرح حدیث اربعین .

(۳) شرح قصیده تأثیہ ابن فارض اسمی (کشف وجوه العز لمعانی الدر) در .

(۴) مراتب التوحید .

(۵) تحقیق ماء الحیات وكشف اسرارالظلمات .

(۶) نہایۃ البیان ودراية الزمان [درت فصل اوزره مراتب اولوب برنسخه سی بشیکطاشده

یحیی اقدی کتبخانه سنده واردر .]

(۷) شرح قصیده شرح اکبرالمسمى بقرۃ عین الشہود .

(۸) شرح عروض اندلسی .

(۹) تفسیر قاشانیك بسملةٔ شریفہ تفسیرنده کی صورت نوعیۃ انسانیه بحثنه دائر رساله

[کتبخانهٔ عمومی ده واردر .]

(۱۰) شرح فصوص الحکم (صغیر) . [کتبخانهٔ عمومی ده واردر .]

(۱۱) شرح منازل السائرین .

(۱۲) رساله فی بیان احوال خضر (علیہ السلام) [نورعثمانیہ کتبخانه سنده .]

(۱۳) شرح قصیده خمریه . [کتبخانه عمومی ده وارد .]
اشبو آئاردن یالکز برنجیسی مطبوعدر .

دارد مملوئی

آتی الترجه سید یحیای شروانی خلفاسندن (جیب قره‌مانی) خلیفه‌سی جذبه‌دار بر ذات اولوب (مودورنی) لیدر . اطوار سبعة بین عربی و تورکی لسانلریله ملمع (کلشن توحید) اسمیله منظوم و قسماً منشور اثر متصوفانه‌لی وارد . وفاتی (۹۱۳) ده مرقدی (مودورنی) ده در . خلفاسندن (کاشفی) مخلصی بر شاعر فاضلک (شهرستانی) نک (ملل و نحل) ی طرزنده (تهذیب العقائد و مفیده الفوائد) اسمنده بر اثری موجوددر .

ده ده عمر روشنی

۱ کابر خلوتیه‌دن صاحب مقامات قدسی صفات بر ذات اولوب (آیدین) لیدر . بروسه‌ده علوم رسمیه تحصیلی اواننده بر آراق بعض هوایشه‌لر ایله همبزم اوله‌رق تابع هوا وهوس اولغله برابر برده علاقه‌ صوریه بلیه‌سنه گرفتار اولمش ایسه‌ده مایه اصلینک نزاهت و طهارتی سائقه‌سیله بوکچی اذواق عادیه و موقته‌دن روگردان اولوب (قره‌مان) ده ارشاد ایله مشغول اولان بویوک برادری (شیخ علاه الدین خلوتی) نزدینه عزیمت و مرشد مشارالیهک همت و دلالتیله گرفتاری بولندینی عوالم سفیلیه به بالکیله اظهار ندامت ایله یوب تصفیة باطن ایله ملک اوزره (باکو) ده سجاده‌نشین ارشاد اولان سرخلقه خلوتیان صاحب وردستار (سید یحیای شروانی) حضرتلرینک مجلس فیض اینسلیرینه دخالت و اصول خلوتیان دائره‌سنده ا کمال خلوت و استکمال اطواردن صوکره مأموراً بالارشاد تبریز ، کنجه ، بردعه ، قره باغده اجرای سیاحتله نشر انوار طریقت ایله‌دی . (۸۹۲) تاریخنده (تبریزده) دار اخرته رحلت‌ایتدی . بلده مذکوره‌ده (سلجوق خاتون) طرفدن کندیلریچون بنا اولونان درگاهده مدفوندر . (آیدین) لی اولدقلرندن اشعار عارفانه‌لرنده (روشنی) تخلص بیوررلردی . خلفاسنک اکبر وارشدی شعبات خلوتیه‌دن (کلشنی) شعبه‌سینک مؤسسی اولان و ظهوری اوچوز سنه اقدم طرف مولانادن رمزاً اخبار بیوریلان ناظم (کتاب مغنوی) مصرده مدفون (پیر ابراهیم کلشنی) در . دیوان الهیاتنک برنسخه‌سی (مغله) کتبخانه‌سنده موجوددر . اخلاقی و تصوفی منظومه‌لرندن بر قسمی حاوی اولان (آتاز عشق) اسمنده کی اثر عالیلرینک اخیراً طبعنه همت

ایدلدی . نعت عارفانه لرندن آتیده مندرج نعت شریفلری بر چوق شعرا طرفندن تنظیر و تخمیس ایدیلشد .

چون طوغوب طوتدی جهان یوزینی حسنک کونشی
کیم اوله سومه یه بووجهله سن ماهوشی
ترک و کرد و عجم و هندیلور بونی که سن
هاشی سن عربیسن مدنیسن قرشی
سنسک اول پشت و پناه ملک و انس و پری
انیانک کوزلی سوکیلیسی خوب و خوشی
پارمغدن آقیدوب آب روان بخش روان
نیجه یوز بیک کشیدن رفع ایدیسر سن عطشی
سن امیره قول اولان هر تقدیر مدبر ایسه
بنده مقبل اولور مثل بلال حبشی
دیک حکمتده پشوردی چوسنی سوکیلی حق
جبرئیل اولسه نوله مطبخنک حمیه کشی
اوزولور عرقی ابو جهل کی ابر اولور
سن ابوالقاسم ایله هر کیم ایدرسه کورشی
والضحی وردیکه واللیل اوقورم سنبلکه
روشنی وردک اوقور کل غداة وعشی

دمیر طاسه « ابو عبد الله محمد »

سابق الترجه ده ده عمر روشنی حضرت تهرینک اخص خلفاسندن اولوب (کوتاهیه) جوار ننددر .
برای تحصیل (مصر) ه کیتدیکی زمان روشنی خلفاسندن (حسن عینتابی) ایله مشایخ مصردن
(احمد بن عفه) نک محبتلریله مشرف اولدقن صوکره اکمال طریقت ایچون (تبریز) ده حضرت
روشنیه کیده رک اخذ اجازه ایله (مصر) ه عودت و جوار (قاهره) ده یتشدیردیکی بر
خرمالوقده بنا ایتدیکی زاویه ده نشر طریقه مبادرت ایله دی . (۹۳۵) تاریخده ارتحال ایده رک
بنا کرده سی اولان زاویه ده دفن ایدلدی . (شیخ عطار) ک (منطق الطیر) ندن بر حکایه یی
انفسه تطبیق ایتک شرطیله (جمع الاسرار و کشف الاستار) اسمنده بر اثر تصویفلری واردرکه

بر نسخه‌سی (امیرسلطان) خلفاسندن اولوب (آلاشهر) ده مدفون (شیخ سنان) کتبخانه‌سنده منظور عاجزی اولدی برده فقه‌دن اشباه حاشیه‌سی واردر .

داردر بن شیخ محمد افندی

طریقت خلوتیه فضلاسندن بر ذات اولوب (قسطمونی) ملحقاتندن (کره) دندر .
سلطان ابراهیم بن احمد خان معاصری در . (هدی یهدی المضلین الى الحق والاحکام والشرایع)
اسمنده عربی‌العباره بر جلد تفسیری واردر .

دوکوملو بابا «دوکوملو حافظ مصطفی بابا»

مجازیب الهی‌دن باهرالکرامه بر ذات اولوب (آماصری) لیدر . بدایت حائده لاز احمد
باشانک امامنده بولونمش ایدی ایغای حج شریفدن و طریقت نقشبندی‌دن استخلافدن صوکره
کندیسنی حال جذبه استیلا ایله دیکندن همان دوکومدن عبارت البسه کیر و دائمی الیه کچن
ایپلری سیجملری دوکومله یوب صاریغنه البسه‌سنه باغلادیغیچون استانبولده (دوکوملو بابا)
نامیله شهرت بولشدی . قبری سلطان احمد جامع شریفی قارشوسنده کی درکاهده در . (۸۳)
یاشنده (۱۲۸۳) تاریخنده ارتحال ایله دی . (الان اولیاءالله لاخوف علیهم ولاهم یحزنون)
آیت کریمه‌سی تاریخ وفاته مصادف اولدینی کبی (عاش سعیداً ومات شهیداً) ترکیبی ایله :

چله هستی پیچیده آجیلدی چوزیلوب ۶۷۰

حقه ربط ایله دلن کوچدی دوکمی بابا ۶۱۳/۲۴۸۴

بیتی و (علائق عقده‌سن چوزدی دوکمی قید هستیدن) ۱۲۸۳ مصراعی تاریخ وفاتی
بین معیندار تاریخلردندر . مناقبی کمال‌پاشا مرحوم طرفندن (کالنامه دوکوملو بابا) نامیله ایکی
جلد اوزره نظماً تحریر ایدلمشدرکه بر نسخه‌سی سلیمیه کتبخانه‌سنده واردر .

(؛)

ذاکر زاده عبدالله افندی

سابق الترجه شیخ اسماعیل حق‌نک (سلسله نامه جلوتی) نامنده کی اثر مطبوعنده :
(ارباب ذکرک دلبسندی ذاکر زاده عبدالله افندی) وصفیله توصیف بیوردینی ذات عالی‌در .

حضرت هدائی خلفا سندن اولوب جانشینلری اولان بالیکسری دزدار زاده احمد افندینک خلیفه سی و آت پازاری عثمان افندی ایله سلامی علی افندینک مرشد اکرملریدر. پدر عالیلری حضرت هدائی نک ذا کر باشیمی اولوب حضرت مشارالیه ک اکثر الهیاتی بسته له مشدر . صاحب ترجمه عبدالله افندی علی پاشا زاویه سنه شیخ فاتح جامعه واعظ تعیین اولوندی . (شیخ الواصل) ترکیبک دلالت ابتدکی (۱۰۶۸) تاریخنده اسکدارده ارتحال ایده رک قره جه احمدده مسکینلر تکیه سی آرقه سنده کی بویوک مقبره نک اورتاسنه دفن ایدلدی . دیوانچه تشکیل ایده جک قادار اشعار و الهیاتی واردر . از جمله :

الهی فضل و لطفکله بکا بر فتح باب ایله
ایریشدیر وحدت ذاته قولک نعم المأب ایله

وجودم نسخه سین یازدک ید قدرتله چون یارب
سنگ ذات و صفاتکدن عبارت بر کتاب ایله
سنگ عاشقک آلسین ضیای آفتابمدن
هلال قلبی یارب اولارک ماهتاب ایله

قبول ایله قولک بیچاره نک حاجاتی لطف ایت
کریم محض فضلکله آنی سن کامیاب ایله

زانی سلیمان افندی

عرفاء شعرادن و شیخ اسماعیل حقی خلفا سندن اولوب (سجل عثمانی) ده بروسه لی اولدینی محرر سده (مفتاح المسائل) مقدمه سنده (کلیولی) دن اولدیغنی بیان ایدی سورلر . مؤخرآ جوارنده کی (کشان) [۱] قصبه سنه هجرت ایله دی . متصوفانه اشعارینی حاوی اولان دیوانیله (سوانح النوادر فی معرفة العناصر) رساله منظومه سی دیوانیله بر یرده مطبوعدر . منشور اوله رق (۲۳) اسئله متصوفانه جه جوابنامه سی و (اسکدار) ده (اطلاما طاشنده سلیم اغا) کتبخانه سنده (مفتاح المسائل) اسمنده بر اثری واردر . وفاتی (۱۱۵۱) تاریخنده قبری کشانده در .

[۱] مرتب دیوانیله (وصل آباد) اسمنده بر منظومه سی اولان و (۱۱۸۰) کسورده وفات ایدن (ذهنی محمد سعید) افندی ده (کشان) دن نشأت ایدن شعرانددر .

غزل

دلا کیفیت عشقی یورو میخور اولاندن صور
ایچوب و حدت شراخی ابد مخمور اولاندن صور

صاقین سن سر عرفانی مظاهر اهلنه صورمه
آنی انجیق معارفله دولوب پر نور اولاندن صور

اگر ماهیت لطف ایله قهرن بیلیمک ایسترسه
آنی واردرد ایله ایوب کی مشهور اولاندن صور

قنا اربابنک کیفیتن بیلیمک ایسه مقصود
لباس معرفت ایچره کیروب مستور اولاندن صور

انا الحق سرنی ذاتی ریاست اهلنه صورمه
انی سن داردلداره بو کون منصور اولاندن صور

سوانمخندن :

کوروندی کوزلره انواع قدرت	طلوع ایتدی ینه انوار وحدت
قورولدی عالمک رسم و اساسی	جهانی سرتسر طوتدی ضیایی
چون اول نور خفیدر اولدی باهر	احددن واحدیت اولدی ظاهر

ایبانتندن :

بو میقات محبتده کین احرام تجریدی سزادر ذاتیا اکا وصال کعبه علیا

مرشدعالیلری شیخ اسماعیل حقنک :

بر الف بول مکتب عرفانده اول بایی صور

قد خمیده ایله یوب یاکی آندن بایی صور

مطلعی قهصیده سنی ده مفصل بر صورتده شرح ایتشدر که بر نسخه سی طرف حقیرانه مدن
استانه هدائی کتبخانه سنه اهدا قیلنمشدر .

شاهدی مرخومک (کلشن وحدت) منظومه سنی ده شرحه باشلامشلسه ده اتمامنه عمری
وفا ایتدیکندن آتی الترجه فخری اقدی اکمال ایتشدر .

خلفاسندن اولوب (ادرنه) ده صاری جامع شریف قارشوسنده کی مدرسه خداسنده مدفون
(ادرنه) لی (ثنائی علی) اقدینکده مرتب دیوانی واردر .

زکائی مصطفیٰ افندری

شعراى عثمانیه و عرفای شعبانیه دن اولوب اسکدار محافظی میرمیراندن بروسه یکیشهرلی ابراهیم بکک مخدومی در . سیماولی شیخ حسن افندیدن تکمیل طریقت ایله دی . استانبولده طوب قانی جوارنده کورجکی باشی احمدشمس الدین محله سنده کی پیرامی سنان درکاهی مشیخته تعیین اولوندقلری زمان تبرکاً سنانه مشایخندن چوقه دار محمد افندیدن ده استخلاف ایتدی . اشعار متصوفانه سنی جامع اولان دیوانی مطبوع و مشهوردر . وفاتی (هوایله عارف ذکائی عزم لاهوت ایلدی) مجوه مصرعک دلالت ایتدیکی (۱۲۲۷) تاریخنده و مرقد عالیری مارالیان درکاهده در .

برنعتندن :

کل وجودک آتش عشق حبیب اللهه یاق
چشم قلبی اول ضیادن فتح ایدوب مولایه باق
سینهک ایچره نور ذکريله اویاندر بر چراغ
اولچراغک شعله سیله کورونه دیدار حق
نور فخر عالمه ایله توجه دائم
ماه قلبک ایده انکشت عنایت ایکی شق

ابیات عارفانه لرندن :

جان ایله کوش ایله اشیاده انا الحق نعره سن
دیدۀ عبرتله باق هر ذره بر منصوردر

ذکائی بومرایاده کورن اولدر کوریننده
مظاهر کثرتیه وحدت ذاته خلل کلز

برمرثیه سندن :

اولیادن یوجه در شاه شهیدک پایه سی قاب قوسین او ادنادن آلمش مایه سی
یئرب و بطحاده خورشید تجلی برق اوروب کربلاطوراغنه دوشدی اونورک سایه سی
حضرت نصوحی نک (رساله الولدیه) سنی شرح ایتشدرکه غیر مطبوعدر .

(ر)

رمضانه افنری (رمضانه مخفی)

طریقت خلوتیه شعباتندن (رمضانیه) شعبه سنک مؤسسی اولان پیر مکرم اولوب (آفیون ره حصار) لیدر. ا کمال تحصیلدن سوکره استانبوله کله رک ارشاد عاشقین ایله مشغول اولدیلر. (رضاء پاک) ترکیبک دلالتی اولان (۱۰۲۵) تاریخده رحلت بیوروب قوجه مصطفی پاشا جوارینده کی درگاه عالیله دفن اولوندیلر. مخفی مخلصی بعضی الهیات عارفانه لری واردر. مضیلری مطبوع شرح عقائد شرحی [*] بوذاته نسبت ایدر لر سده ذکری سبق ایدن شیخ مضان بهشتی نکدر. الهیات عاشقانه لردن :

مخفی بوکون کوزله یوب کیردی یوله عشق اوزله یوب

عاشق لری جمع ایله یوب کیتسون بوکون هو هو دو

بو طریق رجالدن حسین رومی خلفاسندن قسطنیولی (حسن وصلت) افندی کده مرتب یوانی واردر. دیوانی مطلعندن :

سر بسم الله ایله فتح زبانم ابتدا

لی مع اللهک خطاییدر نهانم ابتدا

عهد و میثاقم ازلدندر رضایی بندینه

باغلا یان اول دست قدر تدر میانم ابتدا

رحیب به شیخ ابراهیم جمال الدین سیواسی

شمس الدین سیواسی حضرت تهرینک برادر زاده سی و دامادی و خلیفه سی عالم بر ذاتدر.

مؤلفاتی غیر مطبوع اولوب بعضیلری شونلردر. عربی العبارة (نجم الهدی فی مناقب الشیخ

شمس الدین ابی الثناء) ایله ، (اسماء الاصول) ، (نور الهدی) و مجموعه الهیات در .

سیواسده حضرت شمس الدین درگاهنده مدفوندر .

رئادی محمد افنری

آتی الترجمه قره باش ولی خلفاسندن عارف بر ذات اولوب مرتب دیوانیله تصوفه متعلق

سائی واردر. (۱۱۱۶) تاریخنده ارتحال ایله دی . الهیاتندن :

کل خیر اول ای مجاهد فی سبیل مرشد ایله ایریشیلور مولایه

بولامشدر حق کیمسه بی دلیل رهبر ایله بیل واریلور مولایه

[*] اواخر عمرنده بروسه ده چلبی سلطان محمد خان غازی مدرسه سی مدرسی ایکن وفات ایدن معلم

یزید ثانی (بولو) لو (صلاح الدین) افندی کده بر (عقائد نسفی) حاشیه ی واردر .

رؤفی سیر احمد اسکندری

طریقت خلوتیه شعباتندن (رمضانیه) شعبه سی مشایخ کرامندن اسکندریه سلامسر
مجلسه سنده سلامی علی افندی جامی حظیره سنده مدفون کوستندی علی افندی خلفا سندن عالم
وعارف بر ذاتدر . (۱۱۷۱) ده ارتحال ایدرهك طوغانجیلر قربنده فاتح یمن سنان پاشا جامی
حریمده ودیعه خاك فنا قیلندی . (قره العیون) اسمنده تورکجه رساله سیله الهیات عارفانه لرینی
جامع دیوانلری واردرکه ایکسی ده غیر مطبوعدر . الهیاتندن :

چالیش رؤفی لمعه آل کیتسون ضمیر کندن جدال
کل وحدتك بحرینه دال عمانه کل توحید ایله

(غلطه) مولویخانه سی کتبخانه سنده (۱۱۶۰) تاریخنده مؤلف ۶۶ مجلس اوزره مرتب
موعظه دن عربی العبارة (مجالس) ی واردر .

رفعت افندی « حافظ احمد رفعت »

مشایخ قادریه علماسندن بر ذات اولوب شهریدر . (۱۲۶۹) تاریخنده در سعادته ارتحال
ایدرهك (حکیم اوغلو علی پاشا) جامی حظیره سنده شادروان یانته دفن ایدلدی . حدیث
وتصوف ایله تاریخك تراجم احوال شعبه سنده بهره سی واردر . (نفحة الریاض العالیة فی بیان
طریقه القادریة) اسمنده کی تورکجه اثر کیرنده سلوک و آداب طریقتله رجال قادریه ك تراجم
احوالی محرردر . تورکجه تعبیر نامه سیله مناسك حجی و علم حدیثدن ایکی اثری و رساله التاجیه سی
واردر . شیخ اکبرك (رساله الخلوت) ی ایله شهاب الدین سیواسینك (جذاب القلوب) فی ده
ترجمه ایتشددر . (طریق العارفین) اسمنده آریجه رساله سی ده موجوددر . آثارندن یالکزر
(مناسك حج) رساله سی مطبوعدر .

رستم افندی « محمد رستم راسر افندی »

طریق نقشبندی فضلاسندن بر ذات اولوب (سیواس) لیدر . (مولانا خالد بغدادی)
خلفاسندن (عبدالفتاح) افندی مستخلفدر . (۱۲۸۰) تاریخنده مملکتده ارتحال ایلده دی .
یکرمی بی متجاوز رسائی اولدینی مرویدر . (۱۲۴۱) تاریخنده تألیف ایتدیکی عربی العبارة

ط دستيله محرر (اسماء حسناء) شرحنده هر اسم شريف شرحك نهايتده (خط عارف) ده سيله عارفانه اقوالی مندرجدر. (۱۲۷۶) تاريخند. جمع و ترتيب ايتديكي طرق عليه سلاسلی بن اولان طومار شكندده كي اثری مطبوعدر .

« مودانيه لی زاده محمد روشن نوفيقي افندي »

مودانيه لی زاده بويوك روشن افنديك حفيدی اولوب استانه جلوتی سجاده نشين لكندده مجلس مشايخ رياستنده ايفای خدمات ايله دی. (۱۳۰۹) ده ارتحال ايله رك تربۀ جناب هدا ئی سنه دفن ايدلدى. عرفا وارباب دانشدن بر ذات ايدى. علم موسيقى دهده بهره كلى صاحبي لديغندن يك چوق الهيات بسته له مشدر . (فضائل رمضان) ، (فضائل محرم) رساله لريله ۲۰ لسدن مركب مواظفه متعلق بر مجلسی (واقعات هدا ئی) دن التقاط ايتك شرطيله ميدانه ن (سلوك جلوتيه رساله سی) و مجموعه الهياتی واردر . آثاری غير مطبوعدر .
عشق ردیفنده بر غزلی :

شهر دلدۀ ايتمه عايقه ديوان عشق
قوردي اقليم وجودده تختی سلطان عشق
جمع ايدوب عاقلری صحرای عشقه سوبسو
هر برينه ايتمه بيك ناز ايله فرمان عشق
چون اوطورمش تخت استغسانه اول پادشاه
هر نكهده اولمه ده افتادكان سوزان عشق
الری باغلی حضورنده دورور يچاره لر
منتظردر هر بری ايستركه بر احسان عشق
نيله سون دنيا وما فيهاي عاشق نيله سون
دائما مقصودی آنك وصلت جانان عشق
وصف اولونماز حالت عشقك دمی بر وجهله
ظاهر آكریان وسوزان معنوی خندان عشق
شمع حقه محو ايدۀ كوركندنی پروانه وش
ايتمه روشن بلبل شیدا كي افغان عشق
پدری سيد عبدالرحمن نسيب افندي ده ارباب دانشدن بر ذات اولوب سيد مخلصلی ديوانچه سيله
لموك جلوتيه دائر رساله سی واردر .

(ز)

زهری احمد افندی

طریقت خلوتیه نك (سنانیه) شعبه سی مشایخ کبارندن مجاهد برذات اولوب (نوره قوپ) لیدر. حریری زاده سیدکال افندی مرحومك (تبیان) نده قیصریه لی اولدقلری محرردر. (۱۱۶۵) تاریخنده سلانیکده ارتحال ایده رک بنا کرده لری اولان والیوم (بازار تکیه سی) دنیلن درگاهه دفن ایدلدیلر. مرشد عالیلری سلانیکده (یعقوب پاشا) درگاهنده مدفون سلانیکلی (سلیمان) افندی در. مناقب علیه لری شعرا فصلنده مذکور (صالح لطفی) افندی طرفندن (کاشن کرامات) اسمیله تحریر ایدلمشدر. الهیات عارفانه لرندن :

طریق حقه کیردکسه عزیمت راه یاباندر

کوکل شهرینه ایردکسه غنیمت حد و پایاندر

طلبکارسه کدل آرایه نظر قیل شرع ضرایه

جهد قیل حکمن اجرایه شریعت بحر عماندر

(س)

سنبل افندی • سنبل یوسف سنانه افندی •

طریقت خلوتیه شعباتندن سنبله شعبه سنك مؤسس اولان پیر اکرمدر. (رسالة الاطوار) ایله دوران صوفیه وسماک حله دائر (تحقیقه) نامیله [۴] بری عربی دیکری ترکی ایکی رساله لری و براق الهیات عارفانه لری واردرکه جمله سی غیر مطبوعدر. مسقط رأسلری مرزیفون جوارنده کی (بورلو) اولوب مرشد عالیلری اولان (جمال خلوتی) دن سوکره مدت مدیده استانبولده قوجه مصطفی پاشا درگاهنده ارشاد عباد ایله مشغول اولدیلر. رحلتلری (ایلدی) بستان زهدك سنبل مأویه عزیم)، (جانیله سنبل سنالك فاتحه)، (توراوله سنبل سنالك قبری هپ) مصراعلریله (استاد عشق) و (فیض الهی) ترکیلرینك ناطق اولدینی (۹۳۶) ده اولوب قبر مبارکلری بودرگاه شریفده در. علوم رسمیه یی افضل زاده دن اخذ ایتدیلر.

[۴] مرکز افندی خلفا سندن اولوب مولدی اولان کوتاهی قراسندن (چاودار - قالبورسی) قریه سنده (۹۷۸) ده وفات ایدن شیخ بشیر افندینك و سلطان محمد بن ابراهیم زمانی خلوتی مشایخندن (ابراهیم بن محمد نیکساری) نكده (برهان الانان فی حکم التفتی والدوران) اسمنده بووایدیه تورکجه مفصل اثرلری وحیدر زاده (فیض کفه وی) نكده بررساله سی واردر.

الهیات عارفانه لرندن :

سرای وحدت اولمشکن مقام بو کثرت عالمن سیرانه کقدم
چو بر در سنبل معروف و عارف ایدوب دعوی دیمه عارفانه کقدم
دیگر :

های عشق صید ایتمک دیلر سهک دل ویرانه مه کل کیم یتا قدر
کل ای سالک دیم بر سوز که حق قدر ایشیدر حق شول کیم حق قولا قدر ، مطلع علی
نطق عالیری زمانمز عرفاسندن جبار زاده عارف بک طرفدن شرح ایدلمشدر .
حق عالیرنده سویله ن ابیاتدن :

خلقه توحیدی فرض ایتسهک اگر برکستان
بر کل صد برکیدر اول کلشنک سنبل سنان
خطاط شهر حافظ عثمان افندی بو خاقانه شریف حظیره سنده مدفوندر . ارتحالی (۱۱۱۰) در .

سماعی محمد دوده افندی «سلطان دیوانی»

طریقت مولویه نك ركن ركنی اولمالریله نزد مولویانده موقع مخصوصلری بک عالیدر .
رحلتلری (۹۳۶) تاریخنده مرقد شریفلری (قره حصار صاحب) دودر . شعرلرنده (سماعی)
مخلص بیور مشلردر . دیوان کبیر مولانای اشارت مغنویه ایله شرفدن کتیر دکتری ایچون
نتسین مولویه آراسنده (سلطان دیوانی) شهرتیه بنامدرلر .
وفاتلرینه سویله ن : (بقا ملکینه چکدی عسکرین سلطان دیوانی) تاریخنی معنیداردر .
زیرا وفاتلرینی متعاقب برچوق محبانی پیرولری اولمشدر .
ابیات عارفانه لرندن :

بلا دلنددر اول دلدار التدن دادمز یوقدر
کوکلدندر شکایت کیمسه دن فریادمز یوقدر
بتی اسرار دوده تذکره سنده مسطور اولان مسدسلرینک نقراتیدر .

سینه چاک یوسف سنانه الرببه مرلری [۱]

کبرا و عرفای مولویه دن اولوب (واردار یکیکجه سندنر) مقدمه فیضلری (ابراهیم کلشنی) حضرتلر نندره. سائقه عشق و محبتله بلاد عربی دولاشدقدنصوکره اولاد اوزنه مولوی درکاهنده بعده درسعادته (سودلیجه) محله سنده ارشاد طالبین ایله مشغول اولمشلردره. تألیف عارفانه لری مشهور و مطبوع (جزیره مثنوی) ایله (منتخبات ربانامه) و (نظیره محمدیه) دن عبارتدر. برادری اولوب (الشیخ) کله سنک دلالتی اولان (۹۴۱) ده وفات ایدن صاحب دیوان (بابا حیرتی کلشنی) ایله برابر (سودلیجه) ده مدفوندرلر. رحلتلری (انسان شیرینکار) ترکیمنک دلالتی اولان (۹۵۳) تاریخنده دره. (جزیره مثنوی) درویش علمی طرفندن شرح ایدلمشدر. اییاتندن :

کیمنک دنیا مرا می کیمنک عقبادر

یوسفک سنسک مرا می ایکی عالمده فقط

ارباب محبت بز یوسف بیلور اما

اصحاب حسد کوزینه ای دوست سناتر

سرفروسه بالی افندی

رجال خلوتیه دن قاسم چلبی خلفا سندن (۹۵۲) ده رحلت ایدن قره باش شیخ رمضان افندی دن مستخلف اولوب پدری آماسیه لی کندیسلی مولدا (تیره) در. سرمست جام توحید اولدقلر یحون سرخوش و سکران نامیله یاد اولونمشلر ایدی. آثار عارفانه لری غیر مطبوع (شرح فصوص) و سائر اولوب شعرده قولاندقلری مخلصی (جوهری) در. مدقنلری استانبوله آغا یوقوشی باشنده قورشونلو تر به جوارنده (آلتونچی) [۵] زاویه سنده اولوب رحلتلری اولان (۹۸۰) تاریخی مبین: (فناجامی ایله بالی افندی مست ایدی کجدی) مصرعی تر به لرنده منقوشدر. اشعار عالی لرندن :

عزایسه مقصود اکر ای یوزی مصباح آلنی نور

منطقک حکمتدن ایت ایتمه عوام ایله کلام

[۱] سنک مزارنده محرم بیت :

غریم دردناکم سینه چاکم

سرا سرروح پاکم کرچه خاکم

[۵] علامه (ابن کمال) ک جدی کجا، پاشا ایله پدری (سلیمان بک) بو زاویه اتصالده کی مسجد حظیره سنده مدفوندرلر.

سړی مصطفیٰ افندی

طریقت زینه مشایخ عارفیندن اولوب (ایزنیک) لیدر. اکمال تحصیل و سلو کدن صوکره درسعاده رحلتله فاتح و سلیمانیه جامع شریفلری کرسی شیخاکنده، مؤخر آسطان سلیم قربنده کی شیخ یاوصی درکاهی پوست نشینلکنده ایفای خدمت ایله دی . (۹۹۳) تاریخنده ارتحال ایده رک ادرنه قپوسی خارجنده کی (امیر بخاری) تکیه سی حظیره سنه دفن ایدلدی . طرز قدیم کتابت اوزره یازلمش (دلائل الهدی) اسمنده منشور اثریله منظوم (حدیث اربعین) شرحی واسماء حسنی شرحی مین (رساله الرشاد فی تحقیق سبیل السداد) اسمنده تورکجه بر اثری ومولد شریف منظومه سی واردر .

سیر سیف الله قاسم افندی

سیلیوری قاپیسی خارجنده مدفون کبار مشایخدن سید نظام الدین حضرتلرینک مخدوم عالیرلی اولوب سابق الترجه (ابراهیم امی سنان) حضرتلرینک اخص خلفاسندن وزمره عاشقین دن برزات عالی در . (معراج المؤمنین) ، (سلسله طریقت) ، (سلسله نسیه) ، (جامع المعارف) ، (اطوار سبعة) ، (شرف سیادت) ، (معدن المعارف) ، (اسرار العارفین) ، (سیر سلوک) ، (دیوان) اسملرنده کی آثار عارفانه لرینی حاوی اولوب جمله سی بربرده مطبوع اولان کلیاتلریله (مفتاح وحدت وجود) ، (تاجنامه) نامنده کی اثر منشورلری مطبوعدر . (قضاء حق) و (یامفخر الاولیا) ترکیبلرینک دلالت ایتدیکی (۱۰۱۰) تاریخنده ارتحال ایله دیلر . قبر عالیرلی مولدرلی اولان استانبولده سیلیوردی قپوسی جوارنده امیرلر محله سنده در .
ابیات عالیرلندن :

نان ایچون مدح ایله مه نادانی نادانلق بودر
خیر نفسک هلاک ایت شاه مردانلق بودر

الهیات عارفانه لرینک اک مشهوری :

بو عشق بحر عماندر بوکا حد و کنار اولمز
دلیم سر قرآندر بونی بیلنده عار اولمز

سوره کادک از لیدن پیرم محمد علیدن
شراب لایزالیدن ایچنلرده خار اولمز

اكر عاشق ايسه ك ياره صاقين آلدانمه اغياره
دوش ابراهيم كبي ناره بوكلشنده يانار اولمز
قيامز سهك باشهء جانه ايراق طور كيرمه ميدانه
بوميدانده نيجه باشلر كسيلور هيچ صورار اولمز
حق ايله حق اولانلره كندی اوزون بيلنلره
دوست يولنده اولنلره قان بهاسی دینار اولمز
باق شو منصورك ايشنه خالق اوشورمش باشنه
انا الحقك فراشنه دوشنلره تيمار اولمز
سيف الله سوزنده مستدر شيخندن آلدیغی دستدر
ديوانه را قلم نيستدر نه سويلسه قانار اولمز
بوغزل بعض عرفا طرفدن شرح اولونمشدر .

سنانه انئری « عالم سنانه انئری »

طریقت خلوتیه نك (عشاقیه) شعبه سی مشایخی فضلاسندن بر ذات اولوب (موغله) کویلرندن
(لینه) لیدر . علم حدیثدن مشهور (مصابیح) ی ترجمه ایتمشدر که بر نسخه سی (موغله)
کتبخانه سنده منظورم اولدی . بواثرده (۳۰) سنه (کلیولی) قربنده کی (بولایر) ده اقامت
ایله دیکی مندر جدر . نهایتنده کی منظومه نك بریتی نقل ایدلدی :

دیار منتشادن درکه لینه خاکیدر خا کم
حسام الدین فقیه اوغلو سنان آدم ابوالقصور
(اسکدار) ده (سلیمیه) کتبخانه سنده ده منظوم بر عقائدی وارد درکه خاتمه سی :
مشایخن بودر نقل وزوایت
کوتوردم تورکی دیلجه قیل درایت
کزوب مصر و حلب شام و عراقی
بولونمایه بو نسخه اتفاقی

کلیولی بولایردن سنانی
دعاء خیر ایله یادایت سن آنی
بودر .

آتی الترجمة (قول اوغلو) نك مرشدیدر . كندیسی ده (می جان) افندی خافاسندن
(کلبولی) لی (عمر قریبی) افندیدن مستخلفدر .

سلوئی محمد افندی

خلوتیه مشایخی فزلاسندن اولوب (مودورنی) لیدر . علوم رسمیه بی اكمالدن صوکره ضرت
(نیازی مصری) دن اخذ فیض ایله مشلردر . کلیولی مفتیسی ایکن زیارت قصیده بروسه یه
کدکرنده (اوله ساکن عرش روح سکوتی) مصرعك دلالتی اولان (۱۱۰۳) تاریخنده ارتحال
ایلدی . دوه جیلر مزار لغنده مدفوندر . مؤلفاتی : (دره) اسمیه قصیده برثیه یازدقلری نظیره یه
(غره) نامنده کی شرحلریله مولانا جامی و مولانا عصام ارالرنده کی تعریضانه (فوائد علیه)
اسمیه یازدقلری بر فیصلنامه دن عبارتدر . دره لرندن :

امن تشوق احباب بدی سلم
تجری دمو عك من عینك كالقلم

سکسان بش بیتلی عربی العبارة بر نعت شریفی ده واردر .
۱۱۳۶ تاریخنده قصیده برثیه (وردة الملیح فی شرح بردة المدح) اسمیه شرح یازان
(محمد بن مصطفی) افندی ده (مودورنی) دن یتیشن ارباب دانشدندر .

سلامی علی افندی [۱]

مشایخ خلوتیه کبارندن بر ذات اولوب منتشانك (قوزیاقا) کویندندر . اختلاف مشارب
نتیجه سی اوله رق حضرت مصری ایله بینارنده بعض مکاتیب تعاطی اولونمشدر . تصوفه متعلق
مطبوع رساله لری ایله متصوفانه بعض الهیاتی واردر . اسکدارده (سلامسز) ، (آجی بادم)
(بولغورلی) جامعلریله بروسده چلبی سلطان محمد جامع شریفی جوارنده کی درگاه آثار
خیریه لرندندر . رحلتلری (خطاب الست) ترکینك دلالتی اولان (۱۱۰۴) تاریخنده ، قبری
اسکدارده (قیسیقلی) ده بنا کرده لری اولان جامع شریف قربنده در .

[۱] . اخص خلفاسندن اولوب (۱۱۵۸) ده وفات ایدر ك اسکدارده بازار باشی محله سنده بنا
ایتدکلری درگاهه دفن ایدیلن کوتاهیله فنا بی علی افندی ده عرفادن بر ذاتدر . فنا بی مخلصی الهیاتی واردر .
براله یسندن : یا الهی آستانك خسته یه دارالشفاء شربت و صلاک ایچنلر بولدی هر درده دوا

سزائی مسوع افندی (۱)

طریقت کاشینه نك كل رعنایی تعیرینه سزا اولان بومرد خدانك نشأتی (کور دوس) (۲) دن اولوب تفیضلری (ادرنه) ده در. شعرلری الحق عارفانه وشاعرانه در. (سزائی) لقبی حضرت مصری* نیازی تلقیب ایله مشدر. رحلتلری (قدسه پرواز ایلدی روح سزائی کاشنی)، (قطب ایکن کوچدی سزائی رحمة الله علیه)، (دیدى هاتف سزائی رحلت ایتدی) مصرعلری نك دلالتی اولان (۱۱۵۱) ده، قبر مبارک لری ادرنه ده نام عالیرینه منسوب درکاهده در. مرتب ومطبوع دیوان حقایق بیانلرندن بشقه (مکتوبات) عارفانه لری مشهور ومطبوع در. بعض ارباب دقت اشعارینك لطافت وروحوازلفی جهتیه مشارالیهی عثمانیلرک حافظ شیرازیدی مقامنده تلقی ایدرلر. حضرت مصری نك : (خلق ایچره برآینه یم هرکس باقار برآن کورر) مصریله باشلایان غزل عارفانه لرینی شرح بیورمشلردرکه دیوانلری نهایتنده مطبوع در. خلفاسندن (محمدفقری* قریمی) ده عارف برذات اولوب (منازل السائرین) ی ترجمه ایتمشدر .

ابیات عارفانه لرنندن : [۳]

شاهد غیبی تجلی ایله دیکجه بی حجاب چاک ایدر عاشق اوشوقیله وجودی جامه سین
مرد کامل شرفن برتر ایدر غربتده قدری آرتار کهرک چیقسه اکر کانتندن

غزل آتی الک مشهور غزلیات عارفانه لرنندن در :

سیر ایدر اللهی خلقده خلقی ده اللهده	آدم معنایی مرآة ایله ینلر ظاهرا
عبد شخصی شاه ایدر لر بواولو درکاهده	سعی ایدوب قوللقدده محو اول صدقله کیم لاجرم
بواشم جام محبت نشئه سن بن آهده	بادة انکوره ال صونمام بو بزم فانیده
ای سزائی کامل اولدر کوله دائم راهده	صانمه منزله قرار ایدن اولور اهل کمال

نعوت عاشقانه سندن :

(حضرت حقک حبیبی سوکیلی بردانه سی اولدیغی چون اولدی عالم حسننک دیوانه سی)

[۱] حضرت سزائی خلفاسندن اولوب کندی وفاتنه [مات من العشق حسیب] تاریخی سویله ین خیره . بولی ده اسمنه مضاف جامع شریف حظیره سنده مدفون اولان چوروی زاده (محمدحسیب بك ده صاحب دیوان شعرادن عاشق برذات اولوب سلسله کاشنی بی (کاشن ابرار) نامیله سلاک نظمه چکمشدر. ینه بوراده مدفون (محوی) افندی ده خلفای سزائیدن صاحب دیوان برذاتدر .

[۲] شیمدیکی [قورینت] شهرینه اسکی عثمانیلر طرفندن ویریلن اسمدر .

[۳] (قلم صنع ازل هر نه که تحریر ایتدی قید ایدوب صحف ابدده آتی تقریر ایتدی) مطلعلی غزل عارفانه لری شرف الدین افندی طرفندن عارفانه بر صورتده شرح اولونه رق طبعنه همت ایداشدر . (آدم همین بو بزم دلارایه برکلیر سر جمال یاری تماشایه برکلیر) مطلعلی غزل عارفانه لری ده خواهجه غلام حریری زاده شیخ سید کمال الدین افندی مرحوم طرفندن محققانه بر صورتده شرح اولونمشدر .

عاشق یونسك : علم وشفاعت كانی
 عالمرك سلطانی
 عاشق یونسك جانی سنسین یار سول الله
 بیتنی فاضل شهیر جودت پاشا مرحوم ادبیات عثمانیه تدریسی اثنا سنده (هم منشور هم منظوم
 اوله رق سویلنمش کوزل سوزلردر) دیهرك تقدیر ایتمشدر .

سنانه امی « محمد سنانه امی »

طریقت خلوتیه نك (یکیت باشی) شعبه سی کبارندن عارف بر ذات اولوب (قونیه) ولایتی
 داخلنده کی (المالی) دندر . (قطب المنعانی) اسمنده تورکجه منشور بر اثریله مرتب دیوانی واردر .
 دیوانی مطبوعدر . خلیفه ارشدلری (نیازی مصری) دیواننده کی (الله الله دیدی وقلدی بقایه
 ارتحال) مصر اعنك ناطق اولدینی (۱۰۷۵) تاریخنده (المالی) ده عازم دار بقا اولدی .
 دیوان مذکورده :

دوست ایلرینك منزلی که عالی کوروندی
 دردلولره درمان اولان المالی کوروندی
 بیتیه باشلایان الهی ده کی المالی صاحب ترجمه نك مسقط رأسی اولان قصبه در .

بر الهیلرندن :

اویالدن عشقنه آنک کرکمز غیری برهانی
 ایرلدن دردینه انک کرکمز غیر برهانی
 بوکون میدان عشق ایچره بنی سیران ایدراول دوست
 چون اولوشم اکا سیران کرکمز غیری سیرانی
 مرادك اکلادم انک بنی دردیه یاندرمق
 انکچون کچمیشم بدن کرکمز بکا بیک جانی
 قیجق جانه اسماعیل اکا کوندردی قوچ الله
 بن ایتدم جانمی قربان کرکمز غیری قربانی
 تجلیدن تسلیدن مبرا اولدیغم آکلا
 خیال عشقه مهمانم کرکمز غیری مهمانی
 سنان امی اناالحق کوروك عشقندن عیان ایلر
 عیانه ایریشن کلسون کرکمز غیری اعیانی

سری عبدالباقی دوده

غلطه مولویخانه سی عرفای مشایخند و (غوئی دوده) به داماد اولان معراجیه ناظم
وبسته کاری (نای عثمان دوده) نک نجل نجیبدر. (غوئی دوده) نک ارتحالندن صوکره (عثمان
دوده) جانشینی اولمش وقوع ارتحالیه (باقی دوده) کچمشدر .
سید وهی نک : (عثمان دوده کوچدی اوله سری باقی)
مصراعی هم عثمان دوده نک وفاته ، هم مخدوم نک مشیخته تاریخدر. (۱۱۶۴) ده وفات
ایده رک غلطه مولویخانه سنه دفن ایدلدی .

جهانندن کتیدی سری آدی باقی قالدی دنیاده

باقی دوده نک مناجاتندن :

یارب کر مکه دستگیر اول	دنیاده و آخرتده یارب
بن زاره معین اولوب ظهیر اول	قیل بن قولکه رضا کی مطلب
بن بی کس ای کریم مطلق	بن شیفته حاله رأفت ایله
هر حالده خیره قیل موفق	غفو ایت کنهم عنایت ایله

سلیم بابا

عاشقیندن بر ذات اولوب (قریم) لیدر. استانبولده اکمال تحصیلدن صوکره مسلک قضایه سالک
اولمشلردی . (بوسنه) نیابتنده ایکن ترک مسلک ایله یوب اولاشیخ محمد افندی اسمنده بر ذاتندن
بعده مشایخ قادریه دن (کسریه) لی شیخ (حسین) افندیدن اخذ فیض ایله دیلر . رحلتلری
(۱۱۷۰) کسور تاریخلرنده ، قبر عالیلری (کوپریلی) دودر . بعض الهیاتی ده حاوی اولان
(برهان العارفین) اسمنده کی مشهور رساله لری ایله آریجه دیوانچه لری و (مفتاح مشکلات الصادقین
و آداب طریق الواصلین) اسمنده اثر عارفانه لری واردر که جمله سی غیر مطبوعدر .

ابیات عاشقانه لرندن :

آلدی عقلن جمله وارین بو-لیم دیوانه نک
وارلغم جمله آنکدر بن آنک برهانییم

کتیدی کثرت اولدی وحدت جمله عالم سرتسر
محو اولوب صورتله اسما جان ایردم بن بوکون

(۱۱۸۵) ده استانبولده ارتحال ایدن خلوتیه مشایخندن مؤلف (رساله توحید) شیخ
(حامد بی نوا) ده قریمدن یتیشن علمای مشایخنددر .

مصطفی افندی

شعراى عثمانیه دن وعاشقین نقشبندیدن برزات اولوب (ازمیر) لیدر . (۱۲۲۸) تاریخنده
حضرت خالد جوارنده (رضه) ده (باباحیدر) محله سنده سجاده نشین بولوندیغی درکاهده
ارتحال ایله دی . پدرلری شیخ اسماعیل شرحی اقدی طرفندن (۱۲۰۰) تاریخنده ازمیرده
بر تکیه بنا اولوندیغی صاحب ترجمه نك دیواننده مصر حدر . دیوانی مطبوع اولوب برده
(مولد) منظومه سی واردر . (ك) حرفی غزل لرندن نظم آتییی مشهوردر .

ادنی قولی یم فخر رسول الثقلینك

اول نور احد احمد جدا الحسنینك

نوش ایلر ایسه م شاه حسن عشقه زهری

چکم الیمی یولنه باش کیتسه حسینك

شوق طرب مقامندن بسته ان نعت نبویسی ده مشهوردر که بوجه آتیدر :

بر معظم پادشاه سن که قولکدر جمله شاه قرب اوادنی ده وضع اولدی سنکچون تحتکاه
نه فلک هفت زمین آنجق سکا بر بارگاه امریکه محکومدر عالم هر سوزك وحی اله
الصلوة والسلام ای هادی راه خدا کنت عاصی یا شفیع المذنبین اشفع لنا
اولالی رخسوده پای پاککه عرش برین عشقک ایله دمدم جولان ایدر ای شاه دین
روضه کایچون چاغری شوب دیر هر ملک یا مؤمنین هذه جنات عدن فادخلوها خالدین

ایضاً

خاک روضه کدن کونش نور ایلر ایکن اکنساب کرد پایک کحل چشم جان ایدر کن ماهتاب
یا عجیبی عرشه فخر ایلر سه روضه کده تراب جاننه منت ایدی نعلینک اولسه آفتاب

ایضاً

کیم که نور مهر ذاتک مظهر آکاهیدر اختر اسلام ایچنده اوج دینک ماهیدر

کیم غلام اولدی درکده کاشناک شاهیدر مور اولق آستاننده سلیمان جاهیدر

ایضاً

هانکی خاکه باصسه پای دولنک اوطور اولور جانب حقندن تجلیات ایله پر نور اولور
هر نظرده عیننه وجه خدا منظور اولور بو سلامی خدمت نعتک ایله مغفور اولور

سليمانه افندى

« کوستندىلى مەرزادە سەلىمانە شېخى افندى »

طريق نقشبندى فۇلاسىدن بىزات اولوب (كوستندىل) دندر ابتدائى ووسط درجەدەكى تحصيللىرىنى مەلۇكىتەدە بەدالاکال تحصيل على ایچون استانبولە کلەرك زمانى افاضلندن تکمیل نسخ ایلهدى . وطنه عودتله تعلیم طالینه وبو ائنادە سادات نقشبندیهدن شیخ علی شامی افندییه انتساب ایله یوب (۱۱۹۳) تاریخندە طریقه مرتبه خلافتە نائل اوله رق ارشاد سەلکینه باشلادی . و (۱۳۳۵) تاریخندە ارتحال ایده رک بنا کرده لری اولان درکاهە دفن ایدلدى . مع التأسف مرقدا لیلری بلغارستان تشککندن صوکره بیقیله رق باشقه بر بنایه تحویل ایدلمشدر . (لمعات نقشبند) اسمندە کی اثرلرنده مرشد اکرملى علی افندی دلائیلە نائل اولدقلىرى تجلیات الهیه تفصیلات لازمه سیله مذکوردر .

اثرزینک الک بویوکى (۱۳۳۱) تاریخندە اتمام ایتدکلى (بحر الولاية) نامندە درکه امام جعفر صادق (رضی الله عنه) حضرت تلمزندن باشلایه رق بیک بر اولیاء اللهک مختصر تراجم احوالیه کرامات علمیه وکونیه لرندن باحث اولوب صوکنده کندی ترجمه حایده مندرجدر . برنسخه سى بشکطاشده یحی افندی درکاهی کتبخانه سنده وارددر .

آثاری بوجه آتیدر :

- | | |
|------------------------------------|----------------------------------|
| (۱) (بحر الولاية) | (۱۴) (ترکیات اربعین) |
| (۲) (زبدۀ نفحات الانس) | (۱۵) (مرآت الموحدين) |
| (۳) (تاریخ کوستندیل) | (۱۶) (نبذات العرفان) |
| (۴) (نکات الحکم) | (۱۷) (مجمع الاسرار) |
| (۵) (مجمع العارف) | (۱۸) (اسئله الاسرار) |
| (۶) (رساله طالعه) | (۱۹) (رساله وصایا) |
| (۷) (دیوان) | (۲۰) (رساله شرح جلالیه) |
| (۸) شرح (بعض غزلیات مصری و نقشی) | (۲۱) (لمعات نقشبند) |
| (۹) (اصول الوصول) | (۲۲) (شرح کلام کبار) |
| (۱۰) (مدارسالکان فی اطوار خواجکان) | (۲۳) (شرح کلام الواسطی) |
| (۱۱) (قوة العشاق) | (۲۴) (شرح کلمات بدرالدین سیماوی) |
| (۱۲) (سبحه اللوامج) | (۲۵) (شرح کلام جعفر الصادق) |
| (۱۳) (تأویلات اربعین) | (۲۶) (مکتوبات اربعین) |

اشبو آثاردر یالکز دیوان مطبوعدر .

سوزی احمد افندی

آتی الترجه شیخ شمس الدین سیواسی حضرت تیرینک احفادنن عاشق برذات اولوب سیواس لیدر. علوم آلیه و عالیہی (خادمی) مرحومدن علم تصوفیده (شیخ عبدالمجید) افندیدن اخذ ایله مشدر. (۱۲۴۶) تاریخنده ارتحال ایده رک جداعلاسی حضرت شمس الدین جوارینه دفن ایدلدی. (سوزی) مخلصلی الهیات عاشقانه سنی حاوی اولان دیوانی مطبوعدر. برده (قصیده بره) ترجمه سیله (سلوک نامه) اسمنده برائی وارددر. اییانتندن :

نه آراسین بوفنا باغنده سن
دل کلساننده کی ازهار کی کور

معبیر افندی « محمد معبر افندی »

مشایخ نقشبندیه علماسندن برذات اولوب قیصریه لیدر آتی الترجه نوری محمد شمس الدین افندینک مرشدیدر. حاجی بکناشی ولی درکاهی مشیخته تعین اولوندی و (۱۲۵۷) تاریخنده ارتحال ایله دی. آثاری : (کنوز الحقایق) ، (تفسیر سورة والعادیات) ، (تفسیر سورة والضحی) ، (رساله تصوفیه) درکه جمله سی بشکطاشده یحیی افندی کتبخانه سنده وارددر .

میر احمد مجابی افندی

مشایخ نقشبندیه فضلاسندن برذات اولوب (قسطمونی) لیدر . پدر عالیاری احمد سیاهی افندی سابق الترجه مولانا خالدک صوک خلیفه سیدرکه (۱۲۹۱) ده قسطمونیده ارتحال ایتمشددر . سید افندی بدایت تحصیلی مملکتی علماسندن کسکین زاده دن بعدالاکمال استانبولده شهری حافظ افندیدن آتمام و علوم ریاضیه یی ده منجم باشی طاهر افندیدن تعلم ایله دی . (۱۳۰۶) ده وفات ایده رک پدری یانته دفن ایدلدی . پدریله کندینک ترجمه حاللری (قسطمونی) ارباب معارفندن و رجال عدلیه دن (زهدی بک) طرفندن تحسیر نامیه یازیله رق طبع ایدلمشددر . آثار ی غیر مطبوع اولوب بروجه آتیدر : (رساله وحدت وجود) ، (تلخیص فکوک) ، (تعلیقات علی الطرسوسی) ، (تعلیقات علی قره خلیل) در . سید مخلصلی اشعار ی والهیات عارفانه سی ده وارددر .

ایاتندن :

پرتو شمع حقیقی چورده سبن پروازایدن
یا قیلور پروانه آسا سیدا آواره لر

(ش)

شهاب الدین احمد سیواسی

مفسریندن و طریقت (زینیه) مشایخی اعظمندن برذات اولوب (سیواس) لیدر . علوم
ایله و عالییه بی بلده سی علماسندن تحصیلدن صوکره مؤسس طریقت (زین الدین خافی) حضرتلرینک
اکبر خلفاسندن محمد افندی نامنده برذاته انتساب ایله دی . برمدت صوکره مرشدیله برابر
او تاریخده معمر اولان (آیالوغ) بلده سنه هجرت و ملکی (آیدین اوغلی) محمد بکدن
کوردکلری احترام اوزرینه اختیار اقامت ایدرک الی آخر العمر تدریس وارشاد ایله مشغول
اولدیلر . ایشته بو وجهله اوقات کذار ایکن مرشدلرینک ارتحالندن برقاچ سنه صوکره یعنی
(۸۶۰) تاریخده کندیلریده ارتحال ایله دیلر . (آیالوغ) استاسیونندن قضا مرکزی اولان
(قوش آطه سی) نه کیدن شوسه نك صول جهته کی تارلارلر ایچنده مشهود اولان برکبند
خرابه سی اوکنده مدفون اولدقلری زیارت ایلدیکم کتابه سنک مزارندن مستبان اولقده در .
بین العلماء (تفسیر شیخ) شهرتیه بنام اولان (عیون التفاسیر) اسمنده ایکی جلد تفسیر
شریفلریله (رسالة النجاة من شر الصفات) نامنده بر اثر تصوفیلریده واردر . صاحب شقایق
علم تصوفدن بر اثری داهای اولدیغی مشهوداته عطفاً روایت ایلدورکه منظوم من اولان اوتوز
باب اوزره مرتب جذاب القلوب اسمنده کی اثر تصوفی اولمالیدر . علم فرائضدن (سراجیه) بی ده
شرح ایتشدیر . اصول واصطلاح علمه دائر (ریاض الازهار فی جلائل الابصار) اسمنده بر
اثری ده واردر . اوتاریخلرده ممالک عثمانیه ده منتشر اولوب الیوم بو حوالیده رجالی منقرض
اولان (طریقت زینیه) صاحب ترجمه شیخ (شهاب الدین) افندی ایله پیر طریقت (زین الدین خافی)
اعظم خلفاسندن بروسه ده (زینلر) ده مدفون (عبد اللطیف مقدسی) و بو ذاتک اخص
خلفاسندن (استانبول) ده نام عالیترینه منسوب محله ده مدفون (شیخ وفاء قونوی) و ساطلریله
نشر اولمش ایدی .

باشی اوزرنده کی طاشده :

ليلة الاحد في يوم الثاني من شهر ربيع الاول سنة ستين وثمانمائة
بدنيا دل نبندد هرکه مرد است که دنیا بی کماندوه و درد است
بکورستان نظر کن تا بیانی که این دنیا حریفش چند برداست
باش طرفک طاشی :
نه چنان رفته ام که باز آیم
آیاق طرفی طاشی :

ترلنا ههنا ثم ارتحلنا وما احد على الدنيا بباق
کذا الدنيا تزول وارتحال وما باق على الانسان حال

شیخ الهی نفسبنری [۱]

سادات نقشبديه دن برذات قدسی سہات اولوب اسم عاليلری (عبدالله) مملکتلری (سیاوی) در. استکمال فیض علوم مقصدیله بخارایه قادار عزیمتله علوم ظاہری مولانا طوسیدن، علوم باطنی ده (عبیدالله احرار) حضرتلرندن اخذ ایدہ رک اول وطنلرینه صوکره استانبولہ کلدیلمر . برمدت صوکره غازی اورانوس زاده احمد بک التماسیله واردار یکیجه سنہ کلہ رک الی آخر العمر ارشاد و تألیفله وقت کچیردیلمر . وفاتلری آغستوس ناحیہ سنده وقوع بولارق مؤخرأ یکیجه یه نقل اولونمشدر . الیوم ناحیہ مذکورہ ده کی فابریقه انصالده مقام عالیلری اولوق اوزره زیارت اولونان اوطہ یی محرر عاجزده زیارت ایله دم . وفاتلری (۸۹۳) ی مشعر اولان (رحمت بر الهی) ترکییدر . آثارعلیه لرینک الک دیققلرندن برر نسخہ سی شہید علی پاشا کتبخانہ سنده موجود اولان عربی العبارة (شرح علی واردات کبری للشیخ بدرالدین سیاوی) ، (شرح علی مفتاح الغیب للشیخ صدرالدین) اولوب (زادالمشتاقین) ، (نجات الارواح من دنس الاشباح) ، (اسرارنامه) ، (مسلك الطالین) ، (منظومہ معراجیہ) ، (فصول الوصول)

[۱] (الهیه قله رحمت منان) تاریخنک دلالت ایتدیکی (۹۷۹) ده وفات اپدن صاحب دیوان یکیجه لی (الهی) ده شعرادندبر .

اسمنک سایان اولدینی ریاضی تذکره سندن آکلاشیلور .

ایپاتندن :

نتیجه حاصل اولادیردک اشکال تفکرندن
فلک عکسنی کویستردی زیان ایتدک تصورندن

اسملرنده کی تورکی عبارتہ آثار سائرہ سی ده وارد رکہ جملہ سی غیر مطبوعہ در . استانبولده فاتح
جوارنده مدفون اولان (امیر احمد بخاری) حضرتلری بوزات عالینک اخص خلفاسنددر .
اشعار علیہ لرندن :

چون تو تسلیم رضای حق شوی بی خویش باش
یفعل الله ما یشاء ویحکم الله ما یرید

شاهدی ابراهیم زده

رجال مولویه افانندن برذات عرفانسمات اولوب (موغله - مغله) لیدر . علوم آلیه
وعالیہ بی بعدالتحصیل (قره حصار صاحب) ده (سلطان دیوانی) حضرتلرینک آستانہ لرینہ
رومال اولارق فیض مولانا یہ مظهر اولدی . (شاهدی) اسمیلہ بنام لغات فارسیہ منظومہ لری
مشہور ومتداول اولدینی کی ترکی وفارسی دواوین عارفانہ لرلیہ مشوی طرزنده (کلشن اسرار)،
(کلشن توحید) ، (کلشن وحدت) اسملرنده کی منظومہ لری ده نزد ارباب عرفانده مقبول
ومتعارفدر . (کلستان) ده برشرحی واردیر (۹۵۷) تاریخنده (موغله) ده عازم دارجنان
اولارق سجاده نشینی بولندینی درکاهہ دفن ایدلدی . (سماعخانہ ادب) قولنجہ مرشد عالیرینی
زیارت ایچون قرہ حصارہ عزیمتلرنده قرہ حصارده ارتحال ایتشدیر . (خدایی) مخلصلی پدر
عالیرینی تلمیحاً انشاد بیوردقلری منظومہ لرندن :

شاهدی* مولوی یم عارفم کلسون بری
ایستہ ین سرخدایی من خدایی زاده یم

برنسخہ سی (مغله) کتبخانہ سنده منظورم اولان (کلشن وحدت) ک نہایتلرنده کی معرفت
فصلندن :

کورونن اشای ظاہر سربر
مظهر دیدار حقدر ای بسر

جملہ حیوان و نبات و ہم جماد
عارفہ مرآت حقدر یا عباد

بوفا صورتده حقدر کورونن
ہم منزہدر قنادن ذوالمنن

جمله عالم بردن اولمشدر عیان
غیری یوقدرینه اول برادر همان
مومی گور کیم نخل ایدوبدر نخل بند
قیلیدی مومی نیجه رنگ وشکل چند
قیلیدی استادآنده ظاهر چوق صور
تا تماشا ایدم هر اهل هنر

(شاهدی) منظومه‌سی برچوق ارباب معارف طرفلرندن شرح وتنظیر ایدلیدی کبی
علماء عربدن (ابراهیم بن سلیمان ازهری) طرفندن مفصل (علامه خفاجی) تلامیذندن
(عبدالقادر بغدادی) ایله (۱۱۲۶) ده شامده ارتحال ایدن (آغریبوزلی) (احمد سلامی)
طرفندن ده مختصر برصورتده لسان عربی‌یه نقل اولومشدر. نظماً روجه‌یه مترجم نسخه‌سی یحیی
افندی کتبخانه‌سنده در. حضرت شاهدی‌نک آثارندن یالکز لغت منظومه‌سیله (کلشن توحید)
کندیلری طرفندن (بللی کوکلشن توحید جو) مصراع تاریخینسک کوستردیکی (۸۳۷) تاریخنده
(مثنوی شریف) ک آلتی جلدینک بهرندن یوزر بیت آلنه‌رفی تخمیس ایدمک صورتیله میدانه
کلشدرکه برپارچه‌سی بوجه آتی نقل ایدلیدی :

مثنوی :

آتش است این بانک نای وینست باد
هرکه این آتش ندار دینست باد

کلشی، توحید :

ازدم‌نایی چوهو رفت اندرو
آتشی پیدا شد از انوار هو
پردۀ عشاق زین آتش بسوخت
ازشعاعش شمع دلهاشان فروخت
کر تو خواهی روشنی شمع دل
شوبرون ازظلمت این آب وکل
باش خالی از تشاویش جهان
ناترا انوارهو کردد عیان
روز حب سیم وزر درا بشو
تادلت روشن شود زانوار هو

تحفه شاهی ده بحث اولونان تحفه حسامی مؤلفی حسام الدین افندینک (مغله) نواحیستندن
(اوله) ناحیه سی مرکزنده مدفون اولدینی مرویدر . یازمه بزنسخه سی مغله کتبخانه سنده
منظورم اولان (تحفه حسامی)
مطلعنند :

ابتدا وافتتاح فاتحت آغازکار
استمات دل خوش دادن موافق سازکار

شاهی فرخومک مخدومی (حسام الدین) افندینک ده قواعد فارسیه بی مین بر منظومه سی
وارد که خاتمه سی بوجه آتیدر :

کک سخته بونی یازدی حسام بن شاهی اوقویان تحصیل فرس ایدوب مرادینه ایره
دیدیلر کوکده ملائک شوق ایله تاریخ ایله شاهی زاده حسامی یادکاری کوره

۹۹۲

(مغله) مولویخانه سنده زیارت اولونان تربده موجود ایکی صندوقه دن بری (خدایی)،
دیگری (شاهی) اولوق اوزره متواتردر . حتی شاهی نک صندوقه سی یاننده کی مزارده
منظومه آتیه محکوکدر :

کدایم شاهی مولوی یم دیار منتشاده مغله وی یم
بحمدالله که مرد معنوی یم که غواص بحار مثنوی یم
شهی به هرکیم ایدر سه دعا ایدر محشرده شفاعت مصطفی

شعبانہ دلی

طریقت خلوتیه شعبانندن (شعبانیه) شعبه سنک مؤسس سی اولان (عارف بالله) اولوب
(طاش کوپرو) لیدر . مراتب عرفانیه بی اکمالدن صوکره (قسطنونی) ده ارشاد عباد ایله
مشغول اولارق پک چوق عرفایتش دیر مشلردر . رحلتلری : (ایلدی شعبان افندی عزم
دلدار جان) مصرعینک دلالت استدیک (۹۷۶) ده ، قبر منورلری قسطنونیده در . کلمات
عارفانه لرینک بر قسمی (۱۲۹۳) ده طبع اولونان مناقب نامه مخصوص لرنده محرردر . خلفای
کرامندن قسطنونیلی (مصلح الدین وحی) افندی ده صاحب کمال بر ذات اولوب (معراج الیان)
اسمنده مطبوع تصوفی منظوم رساله لری واردر .

شمس الدین سیواسی «ابوالثنا شیخ شمس الدین احمد السیراسی»

طریقت خلوتیه شعباتندن (شمسیه) شعبه سنک مؤسسی اولان عارف بالله اولوب (زیله) دندر. یدی یاشنده ایکن پدر عالیلرینک مرشدی. اولان آماسیه وی (شیخ حاجی خضر) افندینک دعاسنی آلمق اوزره معیت پدرده (آماسیه) عزیمت و حضرت شیخک توجهاته مظهریتدن صوکره مسقط رأسه عودت ایله دی. بعده (توقات) ۰ کیده رک مشاهیر علمادن (عرقیه جی زاده شمس الدین) افندیدن تحصیلیه باشلادیلر. دها صوکره استانبوله کله رک تحصیلنی اکمال ایتدیلر طریقه فیضلری جمعه بازارلی (مصلح الدین) افندیه شیروانلی (مجدالدین) افندیلر حضراتنددر. صوکره لری (سیواس) رحلت ایده رک تدریس و ارشاد ایله اشتغال ایتدیلر و (نه فلک شمس طواندی نورایله) مصراعنک دلائلی اولان (۱۰۰۶) تاریخنده ارحال ایله دیلر (اکری) سفرنده بولونان مستجاب الدعوة ذوات عالیهدندر.

مناقب علیه لری شیخ (رجب سیواسی) نک (نجم الهدی) و شیخ (نظمی* استانبولی) نک (هدیه الاخوان) و (مستقیم زاده سلیمان سعدالدین) افندینک (خلاصة الهدیه) اسملرنده کی اثرلریله آثار سائرده مذکوردر.

منظوم اولانلر :

- (۱) مناقب امام اعظم (مطبوعدر)
- (۲) ارشاد العوام
- (۳) مناسک حج
- (۴) مرآة الاخلاق و مشوق الاشواق (۳۱)
- (۵) عبرتناما (۳۲)
- (۶) کلشن آباد
- (۷) هشت بهشت (۳۳)
- (۸) ترجمة الهی نامه شیخ عطار
- (۹) ترجمة پندنامه شیخ عطار (۲۴)
- (۱۰) سلیمان نامه
- (۱۱) دیوان عارفانه
- (۱۲) مولدنی (مطبوعدر)
- (۱۳) الفصائح فی ترجمة اللوائح
- (۱۴) ترجمة قصیده بره
- (۱۵) مرآة الاشواق

مؤلفات علیه رندن منشور اولانلر :

- (۱) شرح مختصر التارالمسی (بزبدة الاسرار)
- (۲) شرح قواعد الاعراب لابن هاشم المسی (مجل المعاهد)
- (۳) مناقب چهاریار کزین (مطبوعدر)
- (۴) جلاء عیون العرائس المخررة
- (۵) نقد الحاطر (۳۰)
- (۶) عمدة الادیب فی التعلم والتأدیب - قواعد فارسیه
- (۷) شرح غزلیات سلطان مراد خان ثاٹ
- (۸) الحمام النفوس
- (۹) لطائف الایات و نقوش البینات
- (۱۰) دائرة الاصول
- (۱۱) حجة الیهیة
- (۱۲) قصة موسى و خضر
- (۱۳) شرح کلمات کمیل بن زیاد
- (۱۴) منازل العارفين
- (۱۵) مجلس

- [(۳۰) شیخ اسماعیل حق افندی حضرتلرینکده بواسمده بر اثرلری واردز .
 (۳۱) ده وفات ایدن قاضی استابول بستان زاده یحیی افدینکده یکریمی سکیز
 باب اوزره بواسمده وبو وادیده بر کتابی موحوددر .
 (۳۲) بروسه‌لی لامی چلبی ایله مشایخ عشاقیه‌دن بروسه‌ده اوچ قوزولرده مدفون
 بروسه‌وی مخلصلی محمد محی‌الدین افدینکده بواسمده بر اثرلری واردرکه بونلردن برنجیسی
 مطبوع ایکنجیسی غیرمطبوعدر .
 (۳۳) مولانا ادریس بتلیسی‌نک بواسمده فارسی‌الباره تاریخ عثمانیسی ، سهی بکک
 (تذکره الشعرا سی) شهری زاده سعید افدینک قسطنطنیه تاریخی واردر .
 (۳۴) مطبوع اولان بوشرح اولمایوب شعزادن «۸۹۳» ده وفات ایدن ادرنه‌لی (امری) نکدر .
 غزلیات عارفانه‌لرندن :

واصل اولماز کیمسه حقه جله‌دن دور اولمادن
 کنز آچیلماز شول کولکدن تاکه پرنور اولمادن
 موتوا قبل ان تموتوا سرینه مظهر اولان
 کوردی آنلر حشر ونشری نفخه صور اولمادن
 سن میسر ایله یارب بزلره بیتک طواف
 علمک ایله عامل ایله وعده تکمیل اولمادن
 حق جمالن کعبه‌سنی قیلدی عاشق‌لر طواف
 یرده کعبه کؤک یوزنده بیت معمور اولمادن
 مست هم مستانه کادیم تا ازلدن تاابد
 ایچمشم عشقک شرابن آب انکور اولمادن
 مست اولانلر کلامی کندودن کیز ولی
 پس اناالحق نیجه سویلر کیشی منصور اولمادن
 بردواسز درده دوشدی بودل شمس مدام
 حقه مقبول اولمق ایستر خلقه مغفور اولمادن
 مولد نبی منظومه‌لرندن :

ای خداوند توانا پادشاه
 یرده کؤکده‌سندن اوزکه یوق‌اله
 یوغیکن اشیایی ایجاد ایلدک
 کن دیدک ویرانی آباد ایلدک

شاه ولی عینتابی « شاه ولی به قایا نائب العسکری »

طریقت خلوتیه مشایخندن فاضل برذاتدر. (۱۰۰۰) تاریخته یاقین مملکتنده ارتحال ایلهدی. (غنیة السالکین) اسمنده عربی العبارة مفصل (وردستار) شرحی وارددر که برنسخه سی طرف عاجزیدن (اسکدار) ده حضرت نصوحی درکاهی کتبخانه سنه اهدا ایدامشدر. ایکسی برجموعه ده ولق اوزره آیاصوفیه کتبخانه سنده (الکواکب المضيئة فی الطريقة المحمدية) اسمنده منشور (ورسالة البدرية فی بیان طريقة المرضية) نامنده منظوم اثرلری وارددر. (بدرية) نک مطلبی:

هو الاول ديدم الحمد لله هو الظاهر له ظاهر اولدی عالم

هو الاخر يه الشكر لله هو الباطن له اولور بیت مهم

(کواکب) ک مقدمه سنده (۹۵۶) ده شیخ یعقوب افندی به انتساب ایتدیکنی ذکر ایدیور.

شهودی محمد افندی

عرفای شعراذن برذات اولوب (بابا اسکی) لیدر. آتی الترجه (نوزالدين جراحی) ايله برداشدر. اکمال تحصیل وسلو کدنسکره وطننده تألیف وارشاد ايله مشغول اولارق (۱۱۲۶) وفات ایتدی. طرف سبحانیدن (عبدالرحیم رحمانی) تلقیب ایدلیدیکی الهام اولندیقندن آثار منوره سنده (عبدالرحیم) امضاسی وارددر. مرشدی علاءالدین علی کوستندیلی نک کلمات عارفانه سنخ جامع برائریله (تذکره) سی و (شهودی) مخلصلی دیوانی (تلویحات سبحانیه) اسمنده برتألیفی وارددر. سنبلیه دن حسن نجم الدین افندی خلفا سندن اولوب (معلم الخیر) نرکینک دلالتی اولان (۱۰۲۱) تاریخنده وفات ایدن (شهودی محمد قندی) دیگر برذاتدر. بوزاتک صنعت خطه ده انتسابی وارددر.

شهودی زاده احمد افندی

مشایخ کلشنیه دن عالم برذات اولوب (بروسه) لیدر. محضاً تحصیل وترقی مقصدیله سیاحتی اختیار ایدرک (مصر) ده اقامت وبوئانده محی زاده حسن افندی دن اخذ طریقت ایلهدی. بعده (بروسه یه) عودتله جامع کبیر قربنده (قره چلی زاده عبدالعزیز) افدینک بنا کرده سی اولان مکتب صبیانه معلم اولدی. (موتوا قبل ان تموتوا) حدیث شریفنک ناطق اولدیغی (۱۰۸۹) ده ارتحال ایله یوب مکتب مذکور حظیره سنه دفن ایلدی. سابق الترجه (ابراهیم

كلشنی (نك مناقب عليه لړینی مین اثریله ۲۸ شیوه اوزره مرتب (كلشنیه) سلوك و احوالی مین تور كچه بر اړی و (رندی) مخلصی الهیاتی واردر . (كلزار عرفان) ده پوست نشینی بولونديغی علی مست سلطان زاویه سنده مدفون اولديغی محرردر .

شعبانه نقشبندي

مشايخ نقشبنديه علماسندن بر ذات اولوب (مودورنی) لیدر. (استانبول) ده امیر بخاری زاویه سنده منزویانه امر ارحیات ایله دی. غیر مطبوع عربی العبارة (قضا و قدر) تور كچه (مراتب سلوك و كشف) رساله لری واردر . (فوت نقشبندي) تركینك دلالتی اولان (۱۰۰۳) تاریخنده ارتحال ایله دی. شیخ وفا تربه سی حریمنده مدفوندر . مرشدی (حكیم چلبی) شهرتیه بنام (شیخ محمد) افندی ده بوراده دفین خا كدر .

شمس الدین افندی « نصوحی زاده »

آتی الترجمة حضرت (نصوحی) نك حفید عالیلری اولوب فاضل و عارف بر ذاتدر. (ایلدی شمس الدین افندی ارتحال) مصراعنك دلالتی اولان (۱۲۴۹) ده ارتحال ایده رك پوست نشینی بولونديغی جد عالیلری دركاهنه دفن ایلدی . (وردستار) ه عربی العبارة شرحی و عربی (رساله سلوكیه) سی وایمان فرعون حقنده حضرت (شیخ اكبر) ك قولنه تبعاً تور كچه رساله مخصوصه سی واردر .

شاكر افندی « محمد شاكر افندی »

طریقت خلوتیه نك جرا حیه شعبه سی مشایخندن عاشق بر ذات اولوب شهریدر. (معزز كوچدی یا هو شیخ شاكر بزم دیداره) مصراعنك دلالتی اولان (۱۲۶۹) تاریخنده ارتحال ایتدی . (فاتح) جوارنده کی (نشانچی) جامعی قارشوسنده مدفوندر . (اطوار سببه) رساله سیله دیوان الهیاتی واردر .

الهیاتندن :

مرشد الدن نوش شراب ایت صوکره درونک عشقه کباب ایت
سینه شوق بزمه رباب ایت راه خدایه بویله شتاب ایت
خلفاسندن (توفیق) اقدینکده دیوان الهیاتی وارددر .

شرف الدین شعیب افندی

شعبات خلوتیه دن کلشنی شعبه سی مشایخ کرامندن عارف ادیب برذات اولوب (ادرنه) لیدر.
(شیخ عارف بالله) ترکیبیک دلالتی اولان (۱۳۲۹) تاریخنده ارتحال ایده رک پوست نشیفی.
بولوندقلری مسلم افندی درگاهنه دفن ایدلدیلر. حضرت سزایی نک (قلم صنع ازل هر نه که تحریر
ایتدی) مصراعیله باشلایان غزل عارفانه لرینی الحق عارفانه بر صورتده شرح ایده رک (ایضاح المرام
فی مزیه الکلام، یاخود شرح النقطة والقلم) تسمیه ایتمشلردرکه مطبوعدر. مکاتیب عارفانه لرینی
حاوی مجموعه لريله طبیعت شعریه لریده اولوب غزل آتی زاده طبع عارفانه لریدر. حقیقت نوره
عائد رساله لريله اسرار صلاته دائر (کشف الصلوة) اسمنده رساله لریده وارددرکه هرایکسی ده
غیر مطبوعدر .

رنک والوان جهانله ایتمه جانا اتصاف
سیل کوکلدن غیر فکرین ایله کندین سینه صاف
نور عرفان ایله کشف ایت اکل نفسک حیله سین
قیل سفر ملک درونه ایله دل بیتن طواف
تخت دلدله حکم ایدوب ای شاه دیوان ایتمه
چوق کرکدر نفسله چون اجتهاد واختلاف
حقه وصلت ایستر ایسه ک سرفرو قیل آدمه
آدم معنی درر زیرا حقیقتده مطاف
واقف اسرار اولان برکاملک کیر قلبه
ای شرف بولمق دیلر سه ک دو جهانده سن معاف

صاری عبدالله افندی

عثمانلی آرباب کمال و معارفی آره سنده دینی ، اخلاقی ، ادبی ، سیاسی آثار یله موقع ممتاز احراز ایله یین بر ذات عرفان سماتدر . مغرب شهزاده لرندن اولان پدر عالیلری سید محمد افندی استانبوله کله رک کوردیکی معامله احترامکارانه یه بناءً اختیار اقامت ایتدیکه زمانده سلطان احمد اول دوری صدر اعظم لرندن خلیل پاشانک برادری محمد پاشانک کریمه سیله ازدواج ایدم رک صاحب ترجمه عبدالله افندی دنیایه کلدی . سن فرقه وصولده خلیل پاشا دلالته زمانی افاضلندن استفاده ایتدیکه کچی ینه پاشانک دلالته پیر افخم عزیز محمود هدائی دن استفاضه ایتدی . پاشانک ایکنجی صدارتده و شرق سردارلنی اواننده تذکره جیلک وظیفه یله برابرجه اثنای عزیمتده رئیس الکتاب اولان محمد افدینک (توقات) ده وفائی جهتیه ترفیعاً بووظیفه یه تعیین اولوندی . فقط اوسنه ایچنده صدارتک خسرو پاشایه توجیهی دولایسه یله خلیل پاشایله برابر اسکداره عودتله حضرت هدائی درگاهنده ازوایی اختیار و پاشانک وفاتندن سوکرده اون سنه قدر بووجهله اوقاتکذار اولارق (۱۲۷۷) تاریخنده رکاب هایون ریاستیه و فاتح ثانی بغداد سلطان مراد رابع معیتله (بغداد) . عزیمت ایلهدی . اثنای فتح و ظفردده قضاء شهید اولان رئیس اسماعیل افندی یه خلف و (۴۷) اواخرنده (دیازبکر) ده بدایع الوقایع مؤلفی حسین افندی یه سلف اولوب (۴۹) شعباننده ریاست وکالتنه (۵۰) اواسطنده (آناتولی) وبعده جزیه محاسبه سنه (۶۰) حدودنده پیاده مقابله سنه و (۶۵) اوائلنده منسوخ مقاطعه یه تعیین اولونه رق ایفای حسن خدمت ایلهدی . بوتاریخندن سوکره مناصب دیوانیه دن چکیلهرک علم و عبادتله اشتغال ایدم رک (زائر عدن اوله روحی صاری عبداللهک) (نسرین عدن اوله الهی صاری عبدالله) مصر اعلمینک دلالتی اولان (۱۰۷۱) تاریخنده ارتحال ایله یوب (طوب قانی) دن (مالته) خسته خانه سنه کیدن جاده نک صولنده سد اوستنده کی مقبره یه دفن ایدلدی . سنک مزارنده : مرد معنوی شارح مثنوی سابقار رئیس الکتاب حضرت عبدالله افندی ابن السید محمد روح شریف لریچون و جمیع اهل ایمان ارواحیچون رضاء الله ایچون فاتحه) عباره سی منقوشدر . احفادنن لعلی زاده عبدالباقی افدینک (ملامیه بایرامیه) رجالتک احوال و مناقبدن باحث مطبوع رساله سندن آکله شلدیفنه کوره صاحب ترجمه نک من جهة السلوک مربی معویلری (ادریس مختفی) حضرت تلریدر . مع هذا پیر عالی حضرت

(هدائی) نك تربیه معنویه لرندن ده استفاضه ايله مشلردر . اشعارى اكثریت اعتباريله متصوفاته اولوب مخلصارى (عبدى) در .

آثار متنوعه لرى بوجه آتیدر :

- (۱) شرح مثنوى — اك مشهور اثر لرى در بش جلد اوزره مرتب اولوب اسمى (جواهر بواهر مثنوى) در مثنوى شریفك تمامی جامع دكلدر .
- (۲) ثمرات الفؤاد فى المبدأ والمعاد — بش باب برخامه اوزره مرتب اولوب توركجه ومطبوعدر .

(باب اول) حضرت آدم عليه السلامك خلافتى واطوار ومنازل خلقت آدمى ومراتب نوع انسانى بياننده اولوب اوچ فصلى مشتملدر . (باب ثانى) طلب حب اصلى وجلالى قلب وغوث وانسان كامل بياننده اوچ فصلى مشتملدر . (باب ثالث) اهل سلوكك اقسام وروشلىرى بياننده اولوب آلتى فصلى مشتملدر . (باب رابع) دنيادن ترهيب وطريق حقه ومرشد كامله ترغيب وفقرايه سوء ظندن اعراض وارباب سلوكه توضيحى لازم بعض ارکان وشرايطى توصيه بياننده در . (باب خامس) نقشبنديه ، بايراميه ، خلوتيه ، مولويه ، كبرويه قادريه نك عموماً غنعة سلسله لرى ، ابوبكر الصديق وامام على رضى الله عنهمادن فيخر كائناته منتهى اولوب اول مناسبت ايله بعض ائمه ، صحابه ، تابعين ، اوليا مناقبى بياننده در . (خاتمه) روح حيوانى وروح انسانى واضافیدن بعض معارف بياننده در .

- (۳) نصيحة الملوك ترغيباً لحسن السلوك — سلطان محمد خان رابعه تقديم اولونان بو اثر توركجه وغير مطبوع اولوب مؤخرآ (عثمان زاده احمد تائب) افندى طرفندن (تلخيص النصائح) اسميله خلاصه ايديله رك سلطان احمد خان ثالثه تقديم اولونمشدر كه مطبوع وايكى باب اوزره مرتبدر . (باب اول) درانتظام امور دنيا واهلها ، (فصل اول) خلافت آدم ، موسى ، يوسف ، داوود ، سليمان ، (فصل ثانى) خلفاى راشدين ؛ (باب ثانى) احوال عقي ، (فصل اول) موت وحقيقت موت وقبض عزرائيل و احوال برزخ ، (فصل ثانى) قيام ساعة ، نفخ صور حشر اجساد مع الارواح ، احوال عرصات جهنم وجنت ، وسعت رحمت خدا ، خط دستيله محرر اولان نسخه كوتاهيه ده رئيس الكتاب محمد امين وحيد افندى كتبخانه سنده موجوددر .
- (۴) مرات الاصفيا فى صفات ملائمة الاخفيا — طائفة ملائمة حقنده فتوحات مكيه نك مختلف باب وفصللرنده مذكور اولان اقوالك توضيحيله (شيخ اكبر) حضرت تليرنك فضائل ومناقبتدن باحث اولوب عربجه وغير مطبوعدر . برر نسخه سى (بايزيد) جامعى كتبخانه سيله بشكطاشنده (پنجي) افندى كتبخانه سنده واردر . (مرقات الاوليا) اسمنده كى ترجمه سى ده (اسكدار) ده (اطلامه طاشنده سليم آغا) كتبخانه سنده در .

- (۵) رجال الغیب — بوطائفة علیہنک احوال و اقسامندن باحث اولوب غیر مطبوعدر .
- (۶) توقیعات سلاطین عثمانیه — دستور الانشا — رئیس الکتاب یعنی خارجیه ناظری بولونقلری زمانلرده (فریدون بک) منشا آتی طرزنده طویلادقلری و یازدقلری یوزاللی قادار مکاتبی جامع اولوب غیر مطبوعدر . (۱۱۵۳) ده محرر بر نسخہ سی مغیسه اده مرادیه کتبخانه سنده بر نسخہ سی ده خالص افندی کتبخانه سنده واردر . (دستور الانشا) تاریخ تألیفی اولان (۱۰۵۳) سنه سی میندر .
- (۷) مسلك العشاق — احوال سلوکه دائر تورکجه منظوم بر قصیده اولوب احفادنندن آتی الترجمه (لعلی زاده عبدالباقی) افندی طرفندن تذیل و تورکجه شرح و تفسیر ایدلشدر . متن قصیده ایله ذیلی باقی افندینک آثاردن مطبوع اولان (مناقب ملا میه بیرامیه) رساله سنک نهایتنده مندرجدر .
- (۸) جوهر البداية ودرة النهاية — سلطان مراد رابعک احوالیه بغداد فتحندن و ائمه اربعه ایله بعض اولیاء اللهک مناقبندن باحث اولوب غیر مطبوعدر که خط دستیله محرر نسخہ سی (خالص) افندی کتبخانه سنده در .
- (۹) ترجمه مقاصد العینیه — بوائزک عبدالمجید سیواسی طرفندن ده ترجمه ایدلدیکی آتی ده محرردر .

مخدوم عالیلری مصطفی رسمی افندی ده علماء شعرا دن بر ذاتدر .

(۱۰) تدبیرالنشأتین و اصلاح النسختین — اون بش باب اوزره مرتب سیاسی و اخلاقی نغایت مهم بر اثردر . نسخهلری شهید علی پاشا ایله خالص افندی کتبخانه لرنده واردر .

مظاهر در بتون اشیا بزم کوردیکمز ظاهر
جهانده هر نه واریسه همان انوار رحمتدر

حضرت هدائی غزلی تحمیسلرندن :

سکا سندن یاقیندر حق صاقین اولمه دلا غافل
همان سنلکدبر انحق اورتاده بوکا اولان حائل
کوزوک آج معنی آکلا بو ذوقله اولور حاصل
محیط بحر توحیدی بیلوب عمان بی ساحلی
وجودک قطره سین محوایت اکرا ولدکسه اهل دل

صفی الدین موسی دوده

عرفا و فضلائی مولویه دن اولوب پدرلری آتنه لی جلال علی دوده افندی طرابلس شام مولویخانه سی شیخی ایکن طرابلس ده تولد ایتشدرد . السنه ثلاثه ده انشاد نظمه مقتدر ایدی . تفسیر ، حدیث کی علوم عالیہ یی (عبدالغنی نابلسی) حضرتلرندن تعلم ایله مشملردر . آخر مشیختی استانبولده یکی قاپی مولویخانه سنده در . (۱۱۵۷) ده ارتحال ایدرک درگاه مذکورہ دفن ایدلدی . (صحاح جوهری) ترجمہ سی اولان (وان قولی) نک طبعندہ مصححک خدمتی ایفا ایتدیلر . مذهب حنفی اوزره مسائل فرائضیہ یی حاوی (ارجوزہ جدیدہ) جملہ مؤلفاتندردر . (۱)

صفی محمد افندی « صحاف »

حضرت نیازی* مصرینک اخص خلفاسندن (۲) عاشق و عارف برذات اولوب بروسه لیدر . (الہی جلوہ گاہ شیخ صفی بنی جنان ایله) مصراع مجوهرینک دلالت ایتدیکی (۱۱۶۶) تاریخندہ بروسه ده وفات ایدرک آستانہ مصریہ دفن ایدلدی . آثاری :

(زین الاعیاد) اسمندہ کی (شرح غزل حاجی بیرام ولی - چالیم برشار یار آتمش ایکی جهان آراسندہ) ایله (شرح غزل اشرف زاده - تجلی شوق دیدارک بنی مست ایله دی حیران) ، (شرح غزل نیازی* مصری کشف الرموز فی حل الکنوز - مشکلم وارحق دوستلری ایله ک کشاد) (۳) . (منظومہ مواجیہ) (مجموعۃ الہیات) اولوب غیر مطبوعدر .

(۱) سلطان عبدالعزیزخان دودی عرفاسندن اولوب غلطہ مولویخانه سنده مدفون بولونان واوراد مولویہ یی مفصل برصورتده شرح ایدن بوسنه لی محمد فاضل پاشاده فضلائی مولویہ دندر . بوزاتک مذکور مولویخانه کتبخانه سنده برده دیوانی واردرد . اوراد شرحی مطبوعدر .

(۲) حضرت نیازی خلفاسندن بری ده بروسه لی امیرقاسم زاده (سید محمد امین) افندی درکہ مرتب دیوانی واردرد . (شیخ افندی بزم ہدنه هو ایله بولدی وصول) مصراع مجوهرینک دلالت ایتدیکی (۱۱۳۴) ده ارتحال ایلہ دی . شیخ حسام الدین افندی درکاهی التندہ کی مصری تکیہ سنده مدفوندر .

ایاتندن :

چاتانہ ویروب جانی جانان اولہلم عاشق	بوراه حقیقتدہ برہان اولہلم عاشق
صدیقہ اکر مؤمن طوتدکسہ سواصومن	کل عید وصالہ قربان اولہلم عاشق
عشقیلہ اولوب زندہ دوستی بولہلم دلہ	کل علم لدنیدہ لقمان اولہلم عاشق

(۳) بومصراع ایله باشلایان غزل شیخ اسماعیل حق طرفندن دخی شرح اولونمشدرکہ مطبوع دیواننک نہایتندہ مذکوردر .

ایاتندن :

- دلاسن منطق الطیری اوزی انسان اولاندن صور
دیلسن کنت کتراً رمزنی وارکاندن صور

صومخی افندی « عبدالله صومخی عشاقی »

جامع الفضائل بر ذات اولوب بالیکسرلیدر. یکریمی یاشنه قادار مملکتی علماسندن علوم آلیه
تعلیمندن صوکره استانبوله کله رک تکمیل نسخ ایتمک اوزره تکرار درسه ابتدار ایتدیکی کبی
قدردان بر ذاتک دلائله ده « تحویل » قلمنه دوامه باشلادیلر .

آزوقت ظرفده طلبه و کتبه آراسنده شیوع بولان شهرت فوق العاده لرینه بناءً اولو
مکتوب بحیل صوکره دیوان اقدیاکی خدمتیه حکیم اوغلو علی پاشا معیتنه تعین اولونه رق بو
خدمتله ایجه دولاشدیلر . لکن مرقدلری اکری قاپی خارچنده اولان و اوتاریخده ادرنده
ارشاد عبادایله مشغول بولان شیخ جمال الدین عشاقی حضرتلرینه انتسابلرندن برمدت صوکره
استعفا ایدره رک یدی سنه وحدت واتزوا عالملرنده امرار اوقات ایتمشلرکه بوفیضلی عالمده :

مشکلن کسمه یه ظاهرده صلاحی صورماز
خواجه باطنه صوردی صوراجق اسراری

بیتله ده تکمیل مراتب عرفانیه ایلدکلرینی و :

جلوتی ، بایرامی و سعدی ، قادری
نقشبندی ، مولوی و کلشنی ، عشاقی یز

بیتله ده جامع الطرق بر ذات اولدقلرینی رمز وایما بیورمشلردر . بوزمانلرده عالم
معنی ده شیخ اکبر قدس سره الاطهر حضرتلری طرف عالیلرندن دوت سطرلق بر یازی
او قودیلهرق مادی و بالخاصه معنوی پک چوق واردات و فیوضات قلبیه مظهر اولدقدن صوکره
تألیفاته شروع ایتمشلردر . ارباب علم و عرفان نزدنده حرزجان ایدلمکده اولان آثار قیمتدار
عارفانه لری فضل و عرفان و تحقیق و ایقانلرینه دالدر . ارتحاللری سنک مزارنده منقوش :
(صلاحی شوق انوار جماله اولدی پروانه) مصراعنک دلالت ایتدیکی ۱۱۹۶ تاریخنده
مدقلری ده سلطان مصطفی خان ثالث دوری رجاندن طاهر آغا نام ذاتک فاتح جوارنده
هاشق پاشا محله سنده بنا ایدره رک مشیختنی عهد لرینه توجه ایتدیکی درگاهک حظیره سنده در .

آثار علیه لری :

- ۱ انا عرضنا ... آیت کریمه سنک تفسیری
- ۲ اصول حدیث شرحی
- ۳ اصول فقهیدن مختصر منار شرحی
- ۴ حضرت شیخ اکبرك آثارندن اولان (مواقع النجوم) شرحی [برنسخه سی کتبخانه عمومیده وارد .]
- ۵ حضرت شیخ اکبرك کلمات قدسیه لرندن اولان (سبحان من اظهر الخلاق وهو عینها) نك (مفتاح الوجود الاشر فی توجیه کلام شیخ الاکبر) اسمیله شرحی
- ۶ دیوان جناب علی شرحی
- ۷ مثنوی شریف ترجمه سی
- ۸ ابن فارضك قصیده خمربه سنک شرحی
- ۹ حضرت شیخ اکبرك (حوض الحیاة) رساله لرینك شرحی
- ۱۰ , , , (غوثیه)
- ۱۱ امام غزالی مؤلفاتندن (فیصل التفرقة بین الاسلام والزندقة) و (معرفة العجز) رساله لرینك ترجمه سی
- ۱۲ مفتاح الرموز والا سرار الكنوز
- ۱۳ علوم المظنون
- ۱۴ مرآت الاسما رساله سی
- ۱۵ توفیق العون فی حق الايمان
- ۱۶ حلیه حسنین الاحسنین
- ۱۷ کلشن توحید ترجمه سی
- ۱۸ مصطلحات صوفیه ترجمه سی
- ۱۹ شیخ محمود شبستری مؤلفاتندن (مرآت المحققین) ترجمه سی
- ۲۰ , ابوالحسن الخرقانی , (اسرار سلوک)
- ۲۱ خواجه محمود پارسا , (ذکر , وجود , قدسیه) رساله لرینك ترجمه لری
- ۲۲ شیخ سهروردی مؤلفاتندن (خواص جل اسماء) ترجمه سی
- ۲۳ مقامات حمیدیه ایله رباعیات فارسیه بی فنون ادبییه تطبیق طریقله وجوده کتیردکری نفیس شرح لری

- ۲۴ مولانا جلال‌الدین زومی و شیخ نیازى مصرى و نصوحى ، اشرف رومى ،
نقشى آفكرمانى حضراتنك بعض نطقلرينك شرحى
- ۲۵ امام‌على‌يه منسوب) عینان عینان لم یأخذها رمد
(فى كل عين من العینین نونان
قطعه‌نك شرحى
- ۲۶ جمعى حسن بصرى حضرت‌ت‌لرینه نسبت اولونان اللى درت فرضك شرحى
- ۲۷ شوكت ، صائب ، میرخسرو دهلوى ، خاقانى‌نك اكثر مشكل غزل‌لرینك شرح‌لرى
- ۲۸ عروض شرحى
- ۲۹ دیوان عارفانه‌لرى
- ۳۰ مکتوبات و انشا رساله‌لرى
- ۳۱ (واهب‌المواهب فى بیان مقامات و المراتب) ترجمه‌سى
- ۳۲ لفظ طریقت رساله‌سى
- ۳۳ نقشبندیه رساله‌سى
- ۳۴ تاج ، کمر ، علامت رساله‌لرینك شرح‌لرى
- ۳۵ بعض قصائد عربیه‌نك شرح‌لرى
- ۳۶ معمای اسماء حسنى رساله‌سى
- ۳۷ نحو‌دون (مغنى) شرحى
- ۳۸ مختصر و مفصل قواعد اعراب
- ۳۹ شافیه شرحى
- ۴۰ قواعد فارسیه شرحى
- ۴۱ (مفاتیح‌الدریه) شرحى
- ۴۲ مدار مبدأ و معاد
- ۴۳ شرح مقالات خواجه نصرالدین
- ۴۴ تسهیل‌المتبدى
- ۴۵ ذیل‌الکتاب باحسن الخطاب
- ۴۶ اسرار نهان درختم خواجگان
- ۴۷ رساله جواهر تاج خلافت
- ۴۸ شرح نطق عاشق عمر

۴۹	کل صدرک
۵۰	تحفة الماشقین
۵۱	شرح قصیده بانت سعاد
۵۲	شرح حل معاقد الرموز
۵۳	تخمیس قصیده بره
۵۴	السنة ثلثة اوزره منظومه معراجیه
۵۵	منظومه مولد نبی
۵۶	تسدیس قصیده منفرجه
۵۷	مستزاد جناب مولانا یه منظوم شرح

صادر محمد ارز بجائی

مشایخ نقشبندیہ دن مجاہد بر ذاتدر. اناطولی وروم ایلی قطعہ لرنده برچوق سیاحت ایله دیکی و (۱۱۹۲) تاریخده ارضرومده بولوندیغی رساله مرغوبه سنده محرردر. (۱۲۰۹) تاریخده شیخی بولندیغی اسکدارده آلاجه مناره زاویه سنده ارتحال ایدہ رک اورایه دفن ایدلدی. جمله سی بریرده مطبوع تورکجه رسائل ترکیه سی واردرکه اسملری بروجه آتی : (رساله مرغوبه) (رساله تربیه نامه) (رساله معرفه النفس) (رساله محبوب) اولوب (حقیقه الیقین) ترجمه سی ده جمله آثارنددر.

صافی احمد افندی

مشایخ مولویه دن عارف وعلوم غریبه یه واقف بر ذات اولوب (توقات) لیدر. اجمال تحصیل وچله دن صوکره برمدت وطنی مولویخانه سنده اجرای مشیخت ایدوب بعدد آیدین درکاهی مشیخته نقل ایله دی. (۱۲۹۰) کسور تاریخلرنده لمصلحة استانبوله ورودنده وفات ایدہ رک یکی قانی مولویخانه سنه دفن ایدلدی. (عروض ملا جامی) بی (جام مظفر) اسمیله تورکجه شرح ایله یوب مصرده طبع ایتدیرمشدی (عینی حسن) افندیکنک (نظم الجواهر) نامنده کی لغت منظومه سنی ده شرح ایتشددر. آثار سائر سنه دسترس اولونامادی. زبان فارسی و علم حکمتی (کتبخدازاده) عارف افندیکنک تعلم ایتشددر (تذکره فطین) ده عارفانه برغزلی مندرجدر.

صالح رفعت افندى

اكابر متصوفه دن سيد خواجه محمد نور العربى الملايى حضرتلرينك خلفاسندن صاحب تمكين
برذات عرفانسمات اولوب (اشتیب) ليدر . خواجه مشارالیه انتسابندن صوكره بنا ايتديكى
درگاهده تربيه سالکين ايله امرار حیات ايله دی . (۱۳۲۶) تاريخنده ارتحال ایده رك درگاه
مذکور حظیره سنه دفن ایدلدى . مرتب دیوانچه لری ومصطلحات صوفیه یی مین رساله سی واردر .
دیوان الهیاتك مطلعندن :

خدايا سكا حمد اولسون سنكله	ينه سن سك سنى حامد سنكله
ظهورك باطن اولدى ظاهر كله	كه معلوم اول آخر كله
وجود كله دونر انجم فلكلر	بوتون شمع وجوه مكدرديلكلر
حييك مظهر ننددر ظهورك	خروشه كلدى دریاى بطونك
سكامرات اولوبدر چونكه ذاتى	تجلى قیلدك آنكله صفاتى
قوا افسال واحكام ايله اسما	اول اولدى مظهر جمله مسما

(ط)

طرمال شفى مصطفى افندى

آماسیه ايله طوقات آراسنده کی طور حال ناحیه سندن فاضل عارف برذاتدر . آماسیه واستانبولده
تحصیلی اکلدن صوكره شیخ مراد نقشبندی مخدومی علی افندی به انتساب ايله یوب نائل
خلافت اولارق وطنه عودتله نشر علم وطریقه باشلادی . (۱۲۹۷) ده وفات ایده رك بناسنه
موفق اولدینی جامع شریف حظیره سنه دفن ایدلدى . صدر اعظم سید محمد پاشانك کندیسنه
اخلاصی دولایسیله ناحیه سی جوارنده کی (طازیه) قریه سی طرف پادشاهیدن تمليك ایدلمشدى .
بوقریه یی کندی املا کله برابر مملکتنده تأسیس ایتدیكى جامع ، مدرسه ، تکیه یه وقف ایتدی .
صحاح احادیثدن جمع وتلفیق ایتك شرطیله (البدر المنیر فی شرح احادیث البشیر النذیر) اسمنده کی
حدیثه دأثر اثریله (مرشد السالکین) نامنده برتألینی ، وحديث اربعین شرحی ايله دیگر
برتألینی واردر . طریقت خلوتیه نك شعبانیه شعبه سندن ده مستخلف اولدینی اسکدارده کوردیکم
برطومارده مندر جدر .

راجعت بکسار عیى ترغیب و ترویج ۱۹۰۰ نوروز سیمى محمد صالح الشیخ (ط)
اوله صحنه ۱۳۸۸ کافضائهم الیزک

(ظ)

ظریفی عمر افندی « بابا »

طریقت سمعیه مشایخ کرامتدن بصر بصیرت صاحبی بر ذات اولوب (روسجق) لیدر .
(۱۲۱۰) تاریخنده مملکتنده ارتحال ایله دی . بک مزارلنی قارشیسنده طومبول جامع شریفی
حظیره سنده مدفوندر . علم اخلاقه دائر مشهور (پندنامه) سی مطبوعدر . برده غیر مطبوع دیوان
مارفانه سی واردر . پندنامه دن مشورت بحی :

کندودن اولویه رغبت ایله کل
هم کلامی بیل ادبیه سویله کل

اولو قدرین فهم ایدن اولور اولو
کوزله ن آداب وارکان ویولو

اولونک خیر دعاسن آله سک
رتبه عالی آنکله بولاسک

اولولرله مشورت قیلسه کشی
چیقاریر البته باشه اول ایشی

مشورتسز کیم که بر ایش ایشله
شول ندامت پارماغن چوق دیشله

(ع)

عاشق علی بابا « شه »

سلطنت عثمانیه نك مؤسسعی عثمان غازی دوری مشایخ و شعرای عارفیتندن و پادشاه مشارالیه ک
هیتنده بولتمش اولان مظنه کرامدن شیخ مخلص پاشا بن الیاسک اوغلو اولدینی (غریب
امه) مقدمه سنده محرردر . عابد وزاهد مستجاب الدعوه بر ذات اولوب اطوار سلوک و مقامات
مارفیه واقف ایدی . زمان اشتهاری اورخان غازی دورنده در . محبت و معرفت الهیه ، روحک
وصاف و خصائله ودها بومثللو مباحث دینی و تصوفیه دائر ارون باب اوزره مرتب (غریب نامه)
ایخود (معارف نامه) اسمنده تورکجه یکریمی درت بیک مصراعه قریب غیر مطبوع برجلد

کبیر منظومه لری وارد در که هر بابی ده اوزر فصل اولارق ترتیب ایدلشددر . بواثر تاریخ ادبیات عثمانیه نقطه سندن ده مهمدر . (۷۳۳) تاریخنده قیر شهرنده ارتحال ایتدیله . مرقدلری زیارتگاه انامدر . (پاشا) لقبی باباسنك ایلک اولادی اولدیغنددر . رتبه رسمییه دکلددر . مغنیساده مرادییه کتبخانه سنده (رساله فی بیان السماع) نامیله منشور برائری ده وارددر . تفصیل احوالی (تورک درنکی) اسمنده کی رسائل موقوته نك برنجی جزئنده کی مقاله عاجزی ده مندر جدر .

اشعار عارفانه لرندن :

جمله عالم بر اشارتدر همان نیجه یوزبیک ملکی وارحقک نهان
انس وجندن کسه لر کورمش دکل کسه اول یردن خبر و یرمش دکل
فکر وعقلک ایره من اول منزله آدی او ملکک دخی کلز دله

کتابک باش طرفده حروف هجا ترتیبی اوزره کورولن منظومه لرك برنجیسی او وقتک نظمیه کوره کوزل بر نمونه اولدیغندن عیناً درج ایدلدی :

اول بزه واجب اولان الله آدین آقمق دورر انک آدین ذکر ایدم اول کیم قومشتاق دورر
اول دخی اولدور قدیم اخر دخی اولدر مقیم اولدر کریم اولدور رحیم اولدور که شکسین حق دورر
ایکی جهان یارادان اول آی وکونش یوریدن اول انس و ملک دورودن اول کیم اول خلاق دورر
اولدور احد اولدور صمد اولدور ازل اولدور ابد اول بی حساب و بی عدد اولدور که اول رزاق دورر
اولدر که جان و یردی تنه اولدر که تن و یردی جان اولدر که رنک و یردی قانه اول حاکم مطلق دورر
آنسین اکا کیم واریر آنسین اکا کیم ایریر آنسین آنی کیم کوریر اندن یکا کیم باقدورر
آیرماسین بولدی انی آیریله سین بیلدک انی اوکدن صوکا (عاشق) جانی انکله مستغرق دورر

مولدنی ناظمی سلیمان دده مرحومک بواثردن اقتباس ایتدیکی برنجی بیتدن اکلاشیلور .
مشار الیهک مخدومی (علوان) الوان چلبی دخی عشق و عرفان ایله مشتهر جذبه دار برشاعر
اولوب قبری [۱] اماسیه جوارنده نامنه منسوب قریه ده در . (اطوار سلوک) اسمنده بر
منظومه سی وارددر . [۲] اشعار عارفانه سندن بر قسمی (ثمرات الفواد) ده مذکوردر . از جمله :

[۱] مورخ عالی چوروم قرینده بر قریه ده اولدیغی بیان ایدیور . مخلص پاشا ، مصرده (قوس)
شهرنده (بابا الیاس خراسانی) ده آماسیه یه ایکی ساعت مسافه ده نام عالیلرینه منسوب (الیاس) کوینده
مدفوندرلر .
مخلص پاشانک وفاتی ۷۰۹ } در
و بابا الیاسک وفاتی ۶۰۷ }

[۲] مراد ثانی یه مقدمه ایله دیکی منظوم (کلشن راز) صاحبی شیرازی (علوان - الوان) چلبی دیگر
برذاتدر .

مزمین ایدہ سنی خوب خلاق
بیلنہ علم انفس و علم آفاق

صفاته ترك ایدرسهك صفات
همان تبدیل ایدرسین ذاته ذاتی

عبدالرحیم نظام الدین مرزایفونی « صاری دانشمند زاده »

چلی سلطان محمدخان دوری مشایخ عظامندن اولوب تصوفدن (ارشادالانام) اسمندہ کی
اثریله عشقنامه سی و دیوانچه الهیاتی واردور .

طریقت زینیه پیری (زین الدین خافی) [۱] حضر تلرندن تکمیل سلوک ایله مشدی .
مملکتنه عودتندہ پک چوق عاشقینی دلسیر ایدہ رک وفات ایله دی . اشعار صوفیانه سندہ
(رومی) تخلص ایدردی . مرشدلری کندیلری حقندہ : (برعشق کوتوکن یاقوب دیار
رومہ آتدق) بیورمشلردر . اشعارندن انجق دسترس اولونابیلن یالکز شو :

توبه یارب خطا یولونه کیتدکلریمه
بیلوب ایتدکلریمه بیلمه یوب ایتدکلریمه { بیتی درکه سهل ممتنع قیلندندر .

منشی مشهور ویسی افندی توبه نامه سندہ بیت مذکورہ :

پیرو اولدم اوسخن پرورہ ایتدم توبه
دائمًا ره سیر عمد و خطا ایتدکلریمه

بیتیلہ اشارت ایله مشدر . (نفحات الانس) ترجمہ سندہ مذکور مفصل اجازه نامه دن
مستبان اولدیغنه کورہ مرشدلرینه مصرده اتسابدن صوکرہ برابرجه (خراسان) . کیده رک
تکمیل سلوک ایله یوب عودت ایتمشلردر . پدرلری (صاری دانشمند) شهرتیلہ بنام (امیر
عزیز) افندی در .

[۱] خاف (خراسان) مضافاتندن برقصہ در . اکثریا خواجه ، خواهر و سائرہ کی واو معدوله
ایله (خواف) صورتندہ یازیلیر .

عهد المریع علی آقمرابی (۱)

(قره‌مانی) شیخ علی السمرقندی خلفاسندن خیرالدین افندیدن مستخلفدر. اشهر مؤلفاتی شیخ اکبر (رضه) حضرتلرینک (عنقای مغرب) اسمنده کی اثر دیقنک شرحی درکه غیر مطبوعدر. سلطان سلیمان قانونی بغداد سفیرنه عزیمتلرنده بوذات ایله ملاقات ایدهدر که حق شاهانه‌لرنده خیر دعاده بولمشلردی. مؤخرأ بروسه‌یه هجرتله دار آخرته رحلت ایله‌دیلر. باشچی ابراهیم بک جامع شریفنک قبله طرفنده مدفوندر. (کلدسته ریاض عرفان) ده لارنده لی اولدقلری محرردر.

عبدالکبریم افندری

سابق الترجه (ابراهیم کلشنی) خلفاسندن (ادرنه) لی (عاشق موسی) افندیدن مستخلف عارف وشاعر برذات اولوب (ادرنه) لیدر. تاریخ تألیفی (۹۶۴) اولان (حضرات خمس) ترتیبی اوزره بر مولد نبوی منظومه‌سی وارددر. (۹۹۲) ده مملکتنده ارتحال ایله‌دی. منظومه‌نک مطلعندن :

الهی معرفت نورین دلیل ایت

سراج عقله قدرتدن قیل ایت

قلوبک قالبی روشن ایله

معانی سری ایله کلشن ایله

خلفاسندن (لارنده) لی (شانی ابراهیم افندی) ده عرفادن برذات اولوب (مرآت‌الصفاء) اسمنده تصوفدن برائر مقبولی وارددر.

ایبانتندن :

کاربان رام اقلیم قناتک شانیا

باش‌وجان ترکن اورر برقافله‌سالاری‌یز

[۱] پچوی تاریخنک جلد اولنده کوریلن برافاده بروجه‌آتی تحریر ایدلدی :

شیخ‌الاکبرک عنقای مغرب رساله‌سین شرح ایدوب اشارات علیه ورموز خفیه‌دن سنه (۹۴۰) ده حرف اولی (ع) اولان شیخ وینه حرف اولی (س) اولان پادشاه ذیشان ایله اولی (ق) آخری (ه) اولان شهرده که قونیه‌ده ملاقی اوله‌لر دیو صریحاً اشارت وارددر.

عبدالمجید بہ شیخ نصوح

(رسالۃ الادویۃ فی الطریقۃ المحمدیۃ) و (رسالۃ آدابہ) صاحبی طریقت زینہ کبارندن طوسیہ لی شیخ نصوح افندینک مخدومیدر . آناری : (تذکرۃ اولی الباب) ، (الخوف والحزن) (الفلاح والہدی) ، (الفوز العظیم) ، (ریاض الناصحین) ، (روضۃ الازہار و جنة الأثمار) بردہ منظوم قیافتنامہ سی وارددر . جملہ سی غیر مطبوعہ در . (۹۷۳) تاریخندہ طوسیہ در ارتحال ایلہ دی . نصوح افندی طریقت زینہ پیری (زین الدین خانی) نک اخص خلفاسندن بروسہ در مدفون عبداللطیف قدسی خلیفہ سی (تاج الدین) افندیدن مستخلفدر . بردہ تمثیلہ تعلق ایدن آیات کریمہ نک تفسیرینہ متعلق بر اثری وارددر کہ خط دستیلہ محرر نسخہ سی شہید علی پاشا کتبخانہ سندہ در .

عارفانہ برغزلی :

کلای طالب قواسمائی مسلمان خبردار اول	صاقین اولمایہ سک عامی معادن خبردار اول
حجاب اسملہ اولہ مسلمان صاقین محجوب	کیدربنلک حجابی بومعاندن خبردار اول
نہ کیم وار ایکی عالمہ وجود حقدر جملہ	بورمرزی آکلہ ای عارف بوایمان خبردار اول
فنا جامیلہ نوش ایدن ہمیشہ نیشنی عشقک	بقا بزمنہ شاد اولور بوصہباندن خبردار اول
کیروب بازار عشق ایچرہ بوکون درد الہی آل	ویروب نازی نیازایستہ بوسودادن خبردار اول
اگر مجنون عشق ایسہک مجیدی حسن لیالیہ	کوز آیرمہ جالندن تماشاندن خبردار اول
برده منظوم پند عطار شرحی وارددر .	

مطلعنندن :

حمد بی حد آن خدای پاک را آنکہ ایمان دادمشتی خاک را
حمد بی حد آکا کیم اول مستعان ویردی ایمان بر آووج خاکہمان

(کنز الفوائد) تصوف و اخلاقدن باحث برجلد کیر عربی بر اثر اولوب نسخہ سی (یحیی افندی) کتبخانہ سندہ موجوددر .

عمر بہ معرہ

طریقت (زینہ) مشایخندن فاضل بر ذات اولوب (ادرنہ) لیدر . طریق مذکور مشایخندن

(فره جيك) لى شيخ (على بن سنان) افندى نامنه مؤلف (انيس الجليس) اسمنده عربى العبارة اخلاق ومحاضراتدن باحث براترى واردركه تاريخ تأليفى (۹۸۶) در . بواثر طابع ذهولى اولق اوزره (۱۳۰۶) تاريخنده (امام سيوطى) يه نسبت ايديلهرك مطبعة عامر ده طبع ايدلمشدر .

عارف محمد افندى

(طريقت زينيه) كبراسندن برذات اولوب (دكزلى) دندر . (استانبول) ده اكالم تحصيل وسلوكدن سوكره (ايزميت) . نقل مكان ايدركه نشر طريقت وتأليفه امراز حيات ايله دى . (روضة التوحيد) اسمنده توركيه منظوم اثر تصوفلىرى (۹۴۷) تاريخنده اكالم بيورديلر . (ايزميت) ده (اورخان غازى) جامعى يوقاروسنده كى مزارستانده مخدومى (احمد افندى) ايله برابر مدفوندرلر . (۹۷۱) ده وفات ايدن احمد افدينك ده (نزهة الموحدين) اسمنده منظوم اثرى واردر . (روضة التوحيد) دن :

اى قديم وحي وقيوم واحد
سن سين اول خلاق اشيا بى عدد

عبدالرحيم قره مهنارى [۱] آفندى قره مهنارى

آق شمس الدين حضرتلرينك اخص خلفاسندن اولوب علم تصوف و اخلاقدن باحث بر مقدمه ايكي قسم وبرخاتمىي وهر قسم اون بابى حاوى تركى العبارة (منية الابرار وغنية الاخبار) ايله (۸۶۵) تاريخنده اكالم ايتديكى منظوم (وحدتنامه) ومنظوم (ترجمة قصيدة رائيه) اسمنده كى آثارندن كالمى مستبان اولور . قره حصارده نامه مضاف جامع شريف ياننده مدفوندر . آتارى مطبوع دكلدر . (منية الابرار) استانبولك فتحي سته سنده اكالم اولونمشدر .

[۱] نجم الدين رازى ونجم الدين دايه اسماريله بنام اولان ذاتك اجل آثارندن اولوب تصوف واحوال سلوك وتربية نفسدن باحث (مرصاد العباد من المبدأ والمعاد) اسمنده كى اثر دقيقك مترجمى سلطان مراد ثانى دورى فضلاسندن (قاسم بن محمود قره حصارى) ده علماي متصوفه دن بر ذاتدر . ترجمه ك اسمنى (ارشاد المريدين الى المراد) تسميه ايله مشدر . سلطان محمود اول معاصرى (شفاء الصدور وشفاء القلوب) مؤلفى (شيخ مصطفى بن مراد) ايله (اصول وصول الهية) اسمنده (۱۱۸۵) تاريخنده براتر يازان (شيخ محمد خلوتى) ده قره حصاردن يتيشن مشايخنددرلر .

ایاتندن :

کرچه اولدی مولدم قره حصار
یوزوم آغ ایت قیلیمه بنی شرمسار

وحدتنامه سندن :

حمدايدر اول ذاته جانى پاك اولان
کیم خلافت بولدی آندن خاك اولان

على دوده بوسندری

علمای خلوتیه دن بر ذات اولوب (بوسنلی) در . (خلاصه الاثر) ده (مستار) لی اولدینی
حرر در . تر به شیخی دینمکله مشهور ایدی . مرشد لرینک رجال خلوتیه دن (نورالدین زاده)
ولدینی وبر مدت (سکتوار) قلعه سنده مشهد قانونی ده بنا اولونان تر به و خاقا هده بولوندیغنی
محاضراتنده حکایه ایدیور . مؤلفاتی ، (۱۰۰۱) تاریخنده مکّه مکرمه ده تألیف ایدوب
ختصر آ (اسئله الحکم) و (خواتم الحکم) اسمیله ده تسمیه ایلدیکی اثریله (تمکین المقام فی مسجد الحرام) ،
سباعیات فی الفروع) ، (مواقف الاخرة واللغات الفاخرة) ، (محاضرات الاوائل والاواخر) ،
انوار المشارق) ، (رساله انتصاریه) ، (تربیع المراتب والاصول لارباب الموصول) در .
ساطرجی محمد پاشانک دعوتی اوزرینه (ارات) سفرینه عزیمتله عودتنده (تمام وصلت)
رکینک دلالتی اولان (۱۰۰۷) ده رحلت ایلده دی . (سکتوار) قربنده (صولق) ده مدفوندر .
آثار مذکورده دن (اسئله الحکم) تصوف ، عقائد و سائرده دن باحث اولوب عربی عبارت
۳۶۰ سؤالدهن مرکبدر . (خواتم الحکم) اسمیله ده مسامدر . اسئله نک قسم اعظمی موجب
ستفاده در . (۱۳۱۴) ده مصرده طبع اولونمشدر . کنارنده طقوز جلدده عبارت اولان تفسیر
روح المعانی) صاحبی مفتی بغداد افاضلدهن (محمود آلوسی) نک (اجوبة العراقیه علی اسئله
لایرانیه) سی واردر .

(محاضرات الاوائل والاواخر) : امام سیوطی نک (اولیات) ی طرزنده اکثریتی اعتباریله تاریخه
ملق ایدر عربی بر اثردر . بوده مصرده طبع اولونمشدر . بعض اقوالی ضعیف اولمخله برابر اکثر
وادی تاریخ و محاضرات ایله مشغول ذواته استفاده نمیشدر .

(رساله انتصاریه) : خاندان آل عثمان حضراتنک فضائیله بقای سلطنتلرینه دائر اکابر
مکاشفین امتک اولبایده کی افادات و نقلیاتنی جامع مفید و مختصر عربی بر اثردر . محفوظ کتبخانه
ماجزی اولان بورساله مطبوع دکلددر .

(تمکین المقام فی مسجد الحرام) سلطان مراد ثالث طرفندن (۱۰۰۱) تاریخنده مقام ابراهیمک تجدیدینه مأمور اولدینی وقت تحریر ایله مشدر . درت رکن بر خاتمه اوزره مرتب اولوب (۱) اومقامده نزول ایدن آیاتدن (۲) اومقامده کی فضیلت صلاتدن (۳) اومقامک اسرارندن (۴) اوائل مقامادن و بر خاتمه دن عبارتدر .
(تربیع) ک برنسخه سی آیاصوفیه کتبخانه سنده واردر .

علی ملی به ضرر ایزنی

علوم متنوعیه واقف عارف بر ذات اولوب مشهور شیخ اده بالی نسلندن (وحی زاده) نک متعلقاتنددر .

بدایه پددرلری محلولندن اولان سلك زعامته دخول ایله بلغراد و جوارى سفرلرنده بولندقدن صوکره مسقط رأسه عودتله یکیدن تحصیله باشلادی و سلطان محمدخان ثالث زماننده (استانبول) ه کله رک (سودلیجه) ده اقامت ایله دی . علوم متداوله و تخصیص علم تفسیر و تصوف و کلام ایله علوم غریبه و حکمیه و کیمویه ده کی وقوف تاملرینی بوفلرده کی تألیفات عدیده لرله اثبات ایلدکلرندن بین الخواص (مؤلف جدید) شهرتیه بنام اولدی . ملایه بایرامیه کبار مشایخندن (ادریس مختفی) شهرتیه بنام (ترحاله لی خواجه علی الرومی) دن مستخلف اولدینی (مستقیم زاده) مرحومک مناقب ملایه بایرامیه سنده محرردر . (من اضعف الخلیقة الى اكمل الطريقة) عباره سیله باشلایان استرشادی حاوی (عزیز محمود هدائی) حضرتلرینه تقدیم ایتدکلری نامهلرینه حسن قبولی متضمن (من اضعف الفقرا) فقره سیله بدأ ایدن جوابنامه دن استنباط اولوندیغنه کوره طریقت جلوتیه یه ده منتسب اولدقلری آکلاشلمقدمه در . (۱۱۰۸) تاریخنده عالم آخرته سفر ایلوب حضرت خالد (رضی الله عنک) تربة شریفه لری حریمه دفن اولوندیلر .

مؤلفات عدیده لرندن باشلیجه لری شونلردر : [۱]

- | | |
|---|--|
| (۱) — جواهر الاسرار . | (۶) — دیوان الحکمة (منظوم) |
| (۲) — ثمره الارشاد . | (۷) — کشف الاسرار و هتک الاستار . |
| (۳) — درر الانوار فی اسرار الاحجار . | (۸) — السر الربانی فی العلم الجسمانی والروحانی . |
| (۴) — الدرة البيضاء فی الاکسیر الاحمر . | (۹) — طوالمع البدور فی شرح الشذور . |
| (۵) — مقدمة الوصل . | |

[۱] مغرط ید عاجزی اولان (درر الانوار فی اسرار الاحجار) اسمنده کی اثرینک نهایتدن آلدی .

- (۱۰) — درة القواص فی اسرار الخواص . (۱۹) — مجموعه مجربات .
 (۱۱) — ترویج الارواح فی اسرار المفتاح . (۲۰) — مفتاح الحکمة .
 (۱۲) — رساله قضا و قدر . (۲۱) — حجر ثلاثة .
 (۱۳) — مفاتيح الكنوز فی حل الرموز . (۲۲) — عشرة ابواب .
 (۱۴) — انوار التریب . (۲۳) — المصباح فی علم اسرار المفتاح .
 (۱۵) — اللوائح فی اسرار الحروف الفواتح (مؤلف بو اثرنده ترجمه حالی یازدیغی)
 (۲۴) — کتاب دقایق المیزان فی مقادیر الاوزان
 (۲۵) — کتاب انواع الدرر فی ایضاح الحجر .
 (۲۶) — کتاب لوح ذهب الاسرار فی معارف
 (۱۶) — المنتخب فی صناعة الذهب .
 (۱۷) — شرح قصیده صعلوکیه . (۲۷) — کتاب المنتخب فی الاکسیر .
 (۱۸) — دیوان اکسیر . (۲۸) — درة الدرر و تحفة القرر .

(۱) نومرولی (جواهر الاسرار) ایله (۲۰) نومرودن آشاغینسی حاوی اولان بش اثرینی جامع بر مجموعه سی (اسکدار) ده (اطلاما طاشنده سلیم آغا) کتبخانه سنده ، برقاج دانه سی ده کتبخانه عمومی ده جارالله ولی الدین اقدی کتابلری آراسنده و (کشف الاسرار و هتک الاستار) اسمنده کی تفسیرینک بر نسخه سی (روان او طه سی) کتبخانه سنده واردر .

علمی دهره

علما و شعرای مولویه دن اولوب (بغداد) لیدر . بغداد و استانبولده اکمال تحصیلدن صوکره برمدت نیابتله سیاحت ایدرک (شام) ده (دالی) ده دهیه انتساب ایله دی . شیخنک و فاتنده جانشینی اولدی . اثنای سلوکرده روحی ، صمقی ، انسی ایله سیاحتلری واردر . (۱۰۲۰) ده . (شام) ده ارتحال ایله دی . مرتب دیوانیله جریزه مشوییه شرحی ، فتوحات و فصوصک بعض نقاطنک شرحه دائر تعلیقاتی و سائر رسائلی موجوددر .

ایاتندن :

علمیا عین کمال ایله کمال کامل
 هر نفس واصل ایدر عارفه روحانی قوت

عمرلی حسن افندی

طریقت سنبلیه مشایخ کرامتدن برذات اولوب (ایشتیب) لیدر. ا کمال سلوک ایله دکن
صوکره آستانه سنبلی مشیختده بولوندی. رحلتلری (رضاء پاک) و (مبشر الحجة) ترکیلرینک
دالات ایتدیکی (۱۰۲۶) ده قبر عالیلری درگاه مذکورده در. تاریخ تألیفی (رساله آخرکار)
ترکیبی اولان منظوم (ترغیبات) ایله (مرتب دیوان) کبی غیر مطبوع آثاری وارد.

الهیات عارفانه لرندن :

لوح دلدن اوقویان علم الیه دن سبق
ذره جه یادنده قالماز محو اولوب هب ماسبق
نور حق قلبک منور ایله سین دیر سه ک دلا
آتش توحید ایله کل ماسوایی اوده یاق

عمر فانی افندی

آتی الترجه نورالدین زاده خلفاسندن دراغمان شیخی بوسنه لی (عبدالمؤمن) افندی
خلفه سی و دامادی اولوب (دبره) لیدر. (۱۰۳۲) ده ارتحال ایله دی. (الحجة النيرة فی بیان الطریقة
النيرة) ، (قیافنامه) اسملرنده اثرلر یازمشدر. علم تفسیر ایله اشتغالدن ناشی (تفسیری)
لقیله ده ملقبدر. فاتح جوارنده (ترجمان - دراغمان) تکیه سندم مدفوندر. اگری سفرنده
بولونمش ایدی. آیاصوفیه ده واعظلی وارد.

عمر فرادی افندی

طریقت شعبانیه [۱] عرفا و فضلاسندن برذات اولوب مؤسس طریقت شیخ شعبان ولی
حضرتلرینک خلفاسندن قسطنطنیولی شیخ محی الدین افندی دن مستخلفدر. (۱۰۴۶) تاریخنده
وفات ایدرک آستانه شعبانییه دفن ایدلیر. مؤلفاتی (ترجمة معیار الطریقة) ، (واقعات) ،
[۱] (مرآت العاشقین) ، (میزان العاشقین) اسملرنده کی مطبوع رساله لرك مؤلفی. زعفرانبوللی
(محمد امین) افندی ده علمای مشایخ شعبانیه دن در. بوذاک خلفاسندن اولوب (۱۳۱۲) ده وفات ایدن
(نورده قوب) لی احمد افندی کده (معین المرید) اسمنده غیر مطبوع بر اثری وارد.

(رساله توحیدیه) ، (مرتب دیوان) ، (بلبلیه) ، (مصلح النفس) ، (پندنامه) ، (تعریفات علم نحو) ، (رساله دریه) ، (مقاله فردیه و رساله وردیه) اولوب یالکز مناقب مطبوعدر . بلبلیه لرندن :

نیک و بددن نه اولسه دلدہ حاضر
لسانہ اول اولور البتہ ظاهر

ابیات سائرہ لرندن :

بن بلا صحرا سنک مجنونی ایلر بی خبر
لیلی بی مولایہ تبدیل ایتدم ایلر بی خبر
کورمک ایسترسه کاکر علم و کالک حالی
کندی آینه کی صاف ایله فوادی هر آن

آثار عارفانه لرندن :

توثیقہ	شرح ورد ستار [۱]
صدیقہ	خلوتیہ
شوقیہ فی حق دوران صوفیہ	کلابیہ
شرح رسالہ زنبیلی علی افندی فی حق	حیاتیہ
دوران صوفیہ	عسلیہ
رسالہ دوران	سلسلہ نامہ
روضات العلما	مثلثات طاسیہ
مناقب شعبانیہ	ترہ نامہ

ایله مخدوم عالیلری (قلبی) افندی نیک بعض اشعارینی حاوی اولان بویوک مجموعہ (یحیی) افندی کتب خانہ سندہ در .

عبدالکریم افندی « ایشیتیلی امیر افندی »

آتی الترجمہ (نورالدین زاده) نک ارشد خلفاسی ملا می مشرب برذات اولوب (ایشیتب) لیدر .

[۱] ورد ستارک دیگر شارحلری : (شاه ولی) ، (عیشی محمد تیرہوی) ، (عبدالله شرقاوی) ، (مستقیم زاده) ، (شمس الدین نصوحی زاده) ، (سید کمال الدین حریری) . بوشرحلردن یالکز (حریری زاده) نک کی مطبوعدر .

ارتحالی (۱۰۱۵) ده مرقد عالیری استانبولده (قدرغه) ده (صوقوللو محمدپاشا - شهید محمد پاشا) درگاهنده در . (مغنیا) ده (چاشنیکیر) کتبخانه سنده (رساله الهدی لاولی الاهتدی) اسمنده برتری و دوران صوفیه نک حلقه دأثر رساله سی و (ایشتیبی) مخلصلی بمض الهیاتی وارددر . علوم غریبه یهده واقف ایدی .

الهیاتندن :

کل برو ای طالب حق مطلب اعلائی کور
جمله وارلقدن کچوب اول ذات بی همتائی کور
هو شرابندن ایچوب مست اولدک ایسه صوفیا
عین وحدتله نظر قیل سر او ادنائی کور
کندیدر کندیسنی چون کیم بیلن ای ایشتیبی
برزخ عرفانده قاله اول هوالمولائی کور

عبدالحمید سیواسی

کبرای خلوتیه دن و عم اکرمی شیخ شمس الدین سیواسی خلفاسندن اولوب ترجمه حالی علما فصلنده مذکور محرم افدینک نخدمیدر . (سلطان محمدخان ثالث) ک دعوت هایونلرینه امتثالاً درسعاده رحلتله وعظ وارشاد طالین ایله مشغول اولدیلر . (بیک قرق طقوزده آلدی او کچمده مکان) مصراعنک دلالتی اولان (۱۰۴۹) تاریخنده وفات ایده رک ایوب قربنده نشانچی ده کی درکاهه دفن اولوندیلر . اشعار عارفانه لرندن (شیخی) تخلص ایدرلردی . مؤلفاتی غیر مطبوع اولوب (شرح منوی) ، (لذائذ الانار و لطائف الازهار) ، (شرح علی قصیده میمه لمولانا جلال الدین رومی) ، (مصقل القلوب) ، (فضائل صلوٰة النبی) ، (درر العقائد) (مرتب دیوان الهیات) ، (شرح جزیره المنوی) ، (عمدة المستعدين فی الصرف) ، (مقاصد عینه [۱]) و مصاعد ارواح طیه و عینه) ، (قهر السوس فی الجلم النفوس) ، (میادین الفرسان - قواعد فارسیه) ، (تفسیر فاتحه) و سائر کبی یکرمیدن زیاده در .

[۱] بو اثر عالی ترجمه حالی (ی) حرفنده مذکور اولان (شیخ یار علی بن سیاوش دیوریکی) نیک کتاب المقاصد الناجیه فی المبدء والمعاش والمعاد) ینک تورکجه شرحی اولوب [۱۰۳۸] تاریخنده اکمال ایدلشدرکه بر نسخه سی (خالص) افندی کتبخانه سنده وارددر .

عبدالکریم وارداری

فضلاى مشايخندن بر ذات اولوب واردار يکجه سندنر . آنارى : (تفسير فاتحه) ، (تفسير آية قال عليك السلام) ، (تفسير آية ما كان على النبي خرج) ، (شرح كما صليت على ابراهيم) در . ايلک اثريني (۱۷۰۱) تاريخنده تحرير ايتشدرد .

عبدالله نوري افندي

خلوتيه مشايخ کرامی آرمه سنده فضل و عرفان ايله اشتهار ايله ين ذواتدن اولوب (سيواس) ليدر . مقدمات علومى تحصيله باشلادقلرى ائناه داييسى معلم و مرشد اکرمى اولان شيخ عبدالمجيد سيواسى حضرتلرى سلطان محمدخان ثالث طرفندن اولونان دعوت هايونه امتتالاً استانبوله عزيمتلرنده برابرلرنده آلدقلرندن تحصيل و تقيضى استانبوله اکمال ايله ديلر .

علوم ظاهره و باطنه دن اخذ اجازه يه مظهر اوله رق وظيفه ارشاد ايله مدلى يه کيده رک بر مدت نشر علم و طريقتله توغلدن صوکره (۱۰۲۳) تاريخنده در سعادته جلب اولونه رق محمد آغا تکیه سى مشيخته تعين اولوندیلر . براز صوکره يعنى (۱۰۴۱) ده فاتح سلطان محمد خان و (۱۰۵۱) ده سلطان بايزيد خان ثانى حضرتلرک جوامع شريفه سنه بعده اياصوفيه جامع شريفه واعظ تعين بيورلدیلر . ايشته بو وجهله وعظ و ارشاد و تأليف اثار ايله مشغول ايکن (الشيخ عبدالاحد) ترکیيله شعرا دن فيضى افدينک (کتدی نهجته عبدالاحد) و خلفا سندن شيخ نظمى افدينک (عبدالاحد افندی اولسون مقيم جنت) مصر اعلرينک دالاتى اولان (۱۰۶۱) تاريخنده ارتحال ايدره رک ايوب نشانچيسنده مرشد مکرملرى عبدالمجيد سيواسى حضرتلرينک تربته شريفه لرى قارشى سنه دفن ايدلدیلر .

علم تصوف ايله تعبير رؤياده کى اقتدار مرشدانه لرى مسلم انام ايدى . اوج بطنه قدر سلسله عليه لرى (شيخ اوحدالدين عبدالاحد النورى ابن مصلح الدين مصطفى صفاي بن اسماعيل بن ابى البركات) اولقى اوزره مضبوطدرکه بونلردن پدرلرى اولان صفاي افندی زمره قضاتدن و عبدالمجيد سيواسى نک جدعا ليلرى ابوالبركاتک کريمه زاده لرى و ملتقى شارح لردن سيواس مفتيسى اسماعيل افدينک اوغلودرد . والده لرى ده ابوالبركاتک مخدومى محرم افدينک کريمه لريدرد . مؤلفات عارفانه لرینک باشليجه لرى :

- | | | | |
|---|---------------|---|----------------------------------|
| ۱ | شرح اربعينيات | ۳ | تأديب المتبردين فى اسلام الابوين |
| ۲ | وياض الاذکار | ۴ | رسالة فى حيوۃ الخضر والياس |

- ۵ رساله في توفيق تعارض الآيات ۱۷ شرح كلمات كميل بن زياد
 ۶ رساله مرأة الوجود في المراتب الكلية والحضرات ۱۸ مراتب معرفة الرحمن
 ۷ رساله في نفع مساعي الاحياء للاموات ۱۹ رساله العطرية
 ۸ رساله في جواز اداء النوافل بالجماعة ۲۰ انقاذ الطالبين
 ۹ رساله في شرائط استجابة الدعاء ۲۱ اثبات العلم والشعور
 ۱۰ رساله في محبة العبد لله ۲۲ حجة الوداد
 ۱۱ رساله في حقيقة ليلة القدر ۲۳ العدل والاقساط بين التفريط والافراط
 ۱۲ رساله في شروط طلب العلم النافع ۲۴ قصص المبتدعين
 ۱۳ رساله في اثبات الشعور لاهل القبور ۲۵ درر نوري
 ۱۴ رساله في ثبوت طي المكان لاولياء الامة ۲۶ رساله التاج
 ۱۵ رساله في جواز دوران الصوفيه باللغة التركية ۲۷ اثبات الواجب في ماهية الوجود
 ۱۶ رساله ماعرفناك ۲۸ مراتب الوجود ومرقات الشهود

غزليات عارفانه لرنندن :

كنت كنزك سريدر دنيا وعقبادن غرض
 اكا مكتب خانه در بوچرخ مينادن غرض
 انفس وآفاني رؤيتله كماله عارف اول
 معرفتدر . ونكه مخلوقات بيداددن غرض
 بر معمار بر بو عالم فهم ايدن عارفله
 اسم اعظم سريدر چون اول معماردن غرض
 صوفيا اسماده قالمه كل مسما درسین آل
 بيل مسمار كوزوم تعليم اسمادن غرض
 قومبادي شغلني سن مقصد اقصابي كور
 چون نتايجدر قومصغرا و كبرادن غرض
 قطره سنده نجه عمان كنزايدر دل بحرینك
 حاصلی در حقیقتدر او دریادن غرض
 (نوریا) هیچ غیری مطلب قالمادی عاشقله
 حق جمالیدر همین جنات عقبادن غرض

عرفی رجب دوده

شعرا و عرفای مولویه دن اولوب سیروزلیدر. نشاطی و آغازاده کچی اکابردن استفاضه ایتشدرد. (۱۱۰۰) تاریخنده شیخی بولوندیغی (بلغراد) [۱] مولویخانه سنده کلشن عدمه عازم اولدی. مؤلفاتی: مثنوی شریفدن منتخب برچوق ابیاتی - هریتنی بش بیت ایله تفسیر صورتیله شارح و برچوق غوامض و ابرار مغنویه یی موضح اولان (نخل تجلی) ایله شرح قصیده عرفی و مرتب دیوان عارفانه لرندن عبارتدرکه غیر مطبوعدر. ابیاتندن:

شاه اولمق ایسته یں غم ایله مبتلا اولمق کرک
عالمده سلطنت طلب ایدن کدا کرک

آه ایتدکجه جوشه کلیر کوزلرم یاشی
دریا تموج ایتکه البت هوا کرک

عین اکبر محمد افندی

رجال خلوتیه دن عارف و فاضل برذات اولوب اسکی شهرلیدر. آتی الترجه حضرت نیازی دن مستخلفدر. شائل شریفی ترکیه نظم ایله دی. مرشدینک قصیده بره تسبیعی ده (فواندزمرده) اسمیله شرح ایتشدرد که خط دستیله محرر نسخه سلطان بایزید ثانی جامع شریفی جناحنده کی شیخ الاسلام تعلیق نویس ولی الدین افندی کتبخانه سنده در. هرایکیسی ده غیر مطبوعدر. ارتحالی (۱۱۳۵) تاریخنده در. بروسه ده امیر سلطان جامعک عزب قوسی دینلن شرق طرفنده کی قاپیسی خارچنده مدفون اولدیغی (کلزار عرفان) ده محرردر. حدیقه الجوامع ده ایوبده یحیی افندی درکاهنده مدفون اولدیغی محرر سده موثوق دکدر.

عاضری سلیمان افندی

طریقت سعیدیه دن [۲] (عاجزیه) نامیله معروف اولان شعبه نك صاحبی برذات اولوب

[۱] علم تصوف و کلامدن باحث (ترشیحات) اسنده کی غیر مطبوع اثر مقبول صاحبی اولان و (واصل رحمة ربه) ترکیبنک دلالتی بولونان (۹۸۴) تاریخنده وفات ایدن عرفای نقشبندیه دن (نصوحی چلبی) بلغراددن یتیشن فضلاندرد. (ترشیحات) ک تاریخ تألیفی (۹۵۷) اولوب برنسخه سی اسعدافندی کتبخانه سنده واردرد.

[۲] مؤسس طریقت (سعدالدین جباوی حضرتلرینک) رحلتلری (کمال نور سعدالدین) ترکیبنک دلالتی اولان (۷۰۰) تاریخنده و هرقد مبارک لری (حوران) قطعه سنده (جبا) قریه سنده در.

عن اصل اشقودره لیدر . علوم رسمیه یی استانبولده اکیلدن موکره مسلک قویم تصوفه دخالتله (برزه دین) ده اختیار اقامت ایندی . رحلتاری (۱۱۵۰) تاریخلرنده در . قسم اعظمی ترکی ومتباقیسی عربی وفارسی اولوق اوزره غیر مطبوع دیوانی اولدینی کبی بعض رسائی ده اولدینی مرویدر . اسکدارده عتیق والدہ کتبخانه سندہ اخلاق وتصفودن باحث منظوم برائری واردر . بوشعبدن اولان درویشان ادهمی (درد ترکی) عراقیه کیرلر .

اشعار عارفانه لرندن :

حقیقت باغ عبرتده اولی الابصار حکمتدر
کل نازکاری ناسوت ایدر انسان اولور پیدا

عبدالکریم مہلری

طریقہ جلوتیہ مشایخندن فضل و عرفان صاحبی برذات اولوب شهیدر . پدرعالیری استانبولده اکمال تحصیلاتی متعاقب پیر افخم عزیز محمود هدائی حضرتلرینک خلفاسندن اولان وشہزادہ جامع شریفی کرسی شیخلکنہ تعین اولنوب (وصل رحمانہ سفر قیلدی ولی کامل) مصرانک دلالت ایتدیکی (۱۰۶۱) تاریخندہ ارتحال ایله (قرہ جہ احمد) تربہ سی قربنہ دفن ایدیلان (قرہ حصار شرقی) لی (شیخ ولی الدین) افندیدر . صاحب ترجمہ (عبدالکریم افندی) علوم رسمیه یی پدریله زمانی فضلاسندن و علم تصوفی مختصراً پدرندن اخذ ایله دکن صوکرہ (لالہ لی) قربندہ (احمد آغا) جامع شریفی واعظلغندہ بولونہ رق ارشاد عباد وتالیف آثار ایله اوقاتکذار اولدی . و (۱۱۰۰) تاریخندہ وفات ایدہ رک پدری یانہ دفن ایدلدی . خط دستیلہ محرر اولان آثار فاضلانہ وعارفانہ سنک قسم اعظمی کتبخانہ عمومیدہ موجوددر . کوچوک برادری (عبدالوہاب) افندی ده فضالان برذات اولوب آثارندن (ابی الفرح ابن جوزی) نک (ذم الہوی) اسمندہ کی اثرینی اختصار صورتیلہ میدانہ کتیردیکی اثری کتبخانہ عمومیدہ واردر .

عبدالکریم افندینک آثاری :

- | | | | |
|---|---|---|--|
| ۱ | تفسیر سورۃ یوسف | ۵ | جامع الاحادیث الانواریه فی الاخبار المصطفویہ |
| ۲ | زبدۃ الاخبار والاثار | ۶ | حدیث اربعین فی فضائل ذکر اللہ |
| ۳ | منزیل الاشتباہ عن اسماء الصحابہ والتابعین والرواة | ۷ | المعارج الوصلیہ الی آی القرآنیہ |
| ۴ | تبیین الکلام فی القیام والصیام | ۸ | حدیث اربعین فی فضائل الصلوۃ علی النبی |

- ۹ رساله فی حق دوران صوفیه ۱۱ تنویر السالکین و ترغیب الطالبین
۱۰ مجمع الفوائد و معدن الفرائد فی حق صلوة شریفه ۱۲ مجالس و عظمیه
بو آثار دن باشقه مطالعه ایتدیکی کتب متنوعه کنار لرنده محققانه تعلیقاتی ده کور و لمکده در.

علی به سابعابه آقمرابی

فضلائی مشایخدن بر ذات اولوب (استانبول) ده وعظ و ارشاد ایله امرار حیات ایله دی .
(۱۱۱۱) تاریخنده وفات ایدرک (طوب قپو) خارجنده قاضی زاده شیخ محمد افندی جوارینه
دفن ایدلدی . آناری: (شرح حکمة العین) ، (حاشیه علی قول احمد للفناری) ، (تفسیر قوله تعالی
والشمس تجری) ایله رسائل عدیده دن عبارت اولوب جمله سی غیر مطبوعه در .

علی به ابراهیم طاغستانی

طریق نقشبندی فضلاسندن بر ذات اولوب (طاغستان) ک (برکشاد) قصبه سندندر .
وطننده اکیال تحصیل و سلو کدن صوکره (مدینه منوره) ده اختیار مجاورت ایدرک (۱۱۱۶)
تاریخنده ارتحال ایله دی . مرشد عالیلری سید محمد ارموی در . آناری غیر مطبوعه در . بر
نسخه سی (اندرون) ده سلطان (احمد ثالث) کتبخانه سنده موجود اولان (کواکب السعادة)
اسمنده کی اثرنده اون عدد تألیفی اولدینی مذکور در که بعضیلری بونلر در :
(مهمات المعارف) ، (دلیل الزائرین و انیس المجاورین) ، (خلاصة التواریخ) ، (جامع المناسک) ،
(اقصى المطالب) ، (مشارع البر والاحسان فی مناقب آل عثمان) .

عبدالحی افندی

مشایخ جلوتیه کبارندن ادرنده مدفون صاحبلی ابراهیم افندینک مخدومی اولوب سلامی
علی افندینک ایکنجی دفعه مشیختندن صوکره استانه هدائی به سجاده نشین اولدی . (قیله
عبدالحی سکا حق رحمتی) مصرعنک دلالت ایتدیکی (۱۱۱۷) ده ارتحال ایدرک جوار
خاقاهده خلیل پاشا تر به سنده خلیل پاشا زاده محمود بکک یاننه دفن ایدلدی . دیوانچه تشکیل

ایده جک قادر الهیاتی وحاجی بایرام ولی نک (چالاپم برشار یاراتمش ایکی جهان آراسنده) مطالعی نطق عالیربنه وحضرت هدائی نک (ایستین یارین خاک ایدر وارین) مطالعی الهیلربنه شرحی واردر . (امام بوصیری) نک قصیده برئه سنی ده نظماً ترجمه ایتشدرکه برنسخه سی نور عثمانیه کتبخانه سنده موجوددر . برده (سوره فتح) تفسیرینه دأثر عربی العباده (فتح الیان لحصول النصر والفتح والامان) اسمنده برآثری واردرکه (بشیر آغا) کتبخانه سنده موجوددر . حفیدلری محمد نسیم افندی ده ارباب دانشدن برذاتدر . اسعد افندی کتبخانه سنده کی بر مجموعه ده (شیخ وردی) اسمنده برذاتک نطقه شرحی واردر .

(هو) ردیفلی غزل عارفانه لرندن :

جلوه کاه سینه ده دوران ایدر افکار هو
طور دلدن منجیلدر شعله انوار هو

عزالدين احمد افندی «اشرف زاده»

فضلا وعرفای قادریه دن اولوب بروسه لیدر . علوم رسمیه یی شارح نصوص (بالقوچ مصطفی) افندی دن تحصیلدن صوکره پدردندن استخلاف ایده رک بروسه ده اشرفیه دن اینجیرلی درکاهنه پوست نشین اولمشلرایدی . (کلدی اوچلر رحیا تاریخ فوتک دیدیلر) (کجدی اشرف زاده عزالدین افندی قطب ایکن) بیتک دلالت ایتدیکی (۱۱۵۲) تاریخنده مسافره استانبولده مقیم ایکن وفات ایده رک طوپخاننده قادریخانه یه دفن اولوندیلر . (انیس الجنان) عنوانیه درت جلد کبیر عربی تفسیر شریفی (مشوق العشاق) اسمنده بر موعظه سیله (عزی) مخلصلی اشعار عارفانه سی واردر . مناقبی مریدانندن تنوری زاده مصطفی افندی (هدیه الفقرا) نامنده کی اثرنده تفصیل ایله منشددر .

الهیات عارفانه لرندن :

سینه که سوراخ آچوب نی کی نالان اولمه دن
حالت عشق ایله هر دم زار وافغان ایسته مه

عبسی محری

علوم رسمیه یه وافف ومعارف محمدیه دن نصیبه دار بر شیخ کامل اولوب آتی الترجه

فتحي عبدالکريم افندی خليفه سیدر . عن اصل (بولی) ملحقانندن (کره ده) لیدر . غنی زاده نادری افندینک همشیره زاده سی و (سلیمانیه) جامعی واعظی ایدی . ایفای حج شریفدن عودتنده (مات عیسی ولمیمت حب) ترکینک دلالتی اولان (۱۱۲۷) ده شامده وفات ایده رک جوار شیخ اکبره دفن ایدلی . مرتب دیوانی ونخودن (مفیدالاعراب) اسمنده باشلیجه برائی واردر .

ابیات عارفانه لرندن :

یوقاغنده وار اولان وارلقده بیلمز یوقلنی
صحبت یار لذتن بیلمز بکم اغیار اولان

بیتی سابق الترجه مستقیم زاده طرفندن شرح اولونمشدر .

(۱۱۷۳) ده درسعادته وفات ایده رک ترجمان یونس (درانمان) جامعی حظیره سنه دفن اولونان مخدومی (محوی) محمد صالح افندی ده شعرای مشایخدن اولوب (تذکره رامز) ده اشعار عارفانه سی مندرجدر . ازجمله :

(جلالک عالمه مهر منور یارسول الله وجودک جمله نور مصور یارسول الله)

مطلعلی نعت شریفی مشهوردر .

علمی محمد افندی (عرب زاده)

فضلائی نقشبندیه دن برذات اولوب (ادرنه) لیدر . (مختصره الولاية) مؤلفی محمد انصاری* اسکداریدن مستخلفدر . شعرا فصلنده مذکور (نجات زاده شیخ رضا) افندینک مرشدیدر . (رهبرطریقت) ترکینک دلالتی اولان (۱۱۳۰) تاریخده ادرنه ده ارتحال ایلهدی . علم حدیثدن (مجمع الدرر والغرر فی احادیث سیدالبشر) اسمنده کی اثرینک برنسخه سی کتبخانه عمومیده واردر :

ابیاتندن

دیا وسمعه بی ترک ایت قلندر مشرب اول علمی
جهانک بود و نابودی حقیقت ابتلادر هب

عربی مصطفیٰ افندری « درویش عربی »

درگاه عالی چاوشلرندن ایکن آتی الترجه (حضرت نیازی) ده کوردیکی آثار کماله بناء ترك خدمتله مشارالیه انتساب ایله دی . مولدا (کوتاهیه لی) در. (متوجه الروحانیه) ترکیبک ناطق اولدیی (۱۱۶۰) تاریخنده ارتحال ایده رک (اسکدار) قراسندن (زردبان) کوینده کی (شاه قوی) درگاهنه دفن ایدلی. آثارندن: (تخمیس دیوان نیازی) مطبوع دیوانی غیر مطبوعدر. دیوانی مطلعندن :

قلم جولان ایدوب دوکسون. زبانک جوهر یکتا
خریدار متاع عشق اولان لایه اولور دانا
بیلن آکلار خبرسویلر یا بیلمز اکلاماز سویلر
رموز نطفه دن سویله بیان اولسون نیجه معنا

عبدالله به عبدالمصمم مملونی

طریقت جلوتیه مشایخ و علماسندن برذات اولوب اکیال تحصیلدن صوکره کدک پاشا تربیه سی قریبده کی حمزه پاشا جامعی امامتده بولوندی. (۱۱۶۴) ده ارتحال ایده رک (اسکدار) ده (قرمجه احمد) دن (حیدر پاشا) یه کیدن جاده نک صولته دفن ایدلی. آثار ی غیر مطبوع اولوب بوجه آتی در: (التحفة النذیره فی منع اطلاق المطلق علی وجود الحق)، (النبتة الیسیره علی الشارح القیروانی لشرح السنوسیه)، (المنح الالهیه فی شرح مقدمة الفخریه)، (المقدمة الفخریه فی اصطلاحات النحویة) .

عبودی سیر محمد افندری « رهیقی زاده »

مشایخ سنبلیه دن شاعر برذات اولوب شهریدر. (سودلیجه شیخی) شهرتیه بنام ایدی . (خاتمه صلحا) ترکیبک کوستردیکی (۱۱۶۶) تاریخنده رحلت ایله دی. (سودلیجه) ده (سینه چاک) قریبده مدفوندر. آثار ی: (دیوان)، (سلسله نامه مشایخ عظام)، (تعمیرنامه درگاهان) در. برنعتندن :

جميع انبياءه پیشواسین یارسلو الله
جميع اولیایه رهناسین یارسلو الله

عبدالقادیر نجیب افغری « اشرف زاده »

فضلا و عرفای قادریه دن اولوب سابق الترجمة بروسه لی شیخ عزالدین افندینک مخدوم لریدر .
(۱۰۲۲) تاریخنده وفات ایله دی . بروسه ده جدعالیرینک تأسیس کرده لری اولان (انجیرلی)
امیله معروف (اشرفی) درکاهنده مدفوندر . مؤلفاتی : (زبدة الیان) اسمنده عربی العبارة بر
تفسیر شریفله (منظومه مولدنی) و دیوانلرندن عبارتدر . پدریله کندیلرینک تفسیرلری غیر
مطبوع اولوب انجیرلی درکاهنده در .

نعوت عارفانه لرندن :

جمالک ای نبی مرآة انوار سعادتدر
نکاهک محض فیض رحمت اسرار رؤیتدر

ابیات سائره لرندن :

طوق عشقی کردن صدقه طاقوب میدانه کل
فوز مقصودی نجیبا سن بو دیوانده آرا

عرفانی عبدالله دارنده ری

علماء مشایخدن برذات اولوب (دارنده) لیدر . (عرفانی) خلصلی اشعار مثنوفانه سی ایله
(فوائد اللطیفة) اسمنده بسمله شریفه تفسیری و (مسالك السالکین) نامنده دیگر برائری
وارددر . صوک اثرینی (۱۱۸۴) تاریخنده تألیف ایتمشدز . (دارنده) ده مدفون اولدینی
مروی در . هرایکی اثری ده (بروسه) ده کی جامع کبیر کتبخانه سنده وارددر .

عثمانه نقشبندی

مشایخ نقشبندیه علماسندن برذات اولوب (مودورنی) لیدر . (۱۲۰۰) تاریخنده اسکی
شهرده ارتحال ایله دی . بروسه ده کی جامع کبیر کتبخانه سنک مؤسی اولوب (۱۲۱۱) تاریخنده
وفات ایدرک بنا ایتدکلری (تللی تکیه) ده مدفون اولان (متزوی عبدالله) اقدی حضر تلرندن
تصفیه باطن ایله مشدر . آناری : (قواعد التفسیر) ، (مسلك السالکین) ، (رساله نقشبندیه)

وسائر اولوب غير مطبوعدر. جامع کبير کتبخانه سنده کی کتابلرک بر قسمی ده بو ذات طرفندن وقف ایدلمشدر .

عبداللطیف بن دردمه فقیه قراملی

فضلاي مشايخدن بر ذات اولوب اخلاق ، تصوف ، مواعظدن باحث تورکجه (آداب المنازل) ايله (معراج المشتاقين و منهاج المتقين) اسملرنده آثاری واردر . برنجی اثرینی (۹۸۵) ده تألیف ایتمشدر . علمادن (بروهلی احمد بن علی) افندی نك ده وظائف وامور بیتیه دأثر (۲۳) فصل اوزره مرتب (آداب منازل) اسمنده تورکجه بر اثری موجوددر که تاریخ تألیفی (۱۰۴۱) در . بر نسخه سی نور عثمانی ده واردر .

عبدالباقي دردمه « ناصر میر عبدالباقي دردمه »

مشايخ مولویه دن صاحب معارف بر ذات اولوب کوتاهیله لی ابوبکر افندی نك ایکنجی اوغلودر. درسعادنده (یکی قپو) مولویخانه سی شیخی ایکن (۱۲۲۶) ده رحلت ایلهدی . علم موسیقی یه ده کمالیله انتسابلری اولدیغندن بر خیلی بسترلر ترتیب ایتمشدر . مؤلفاتی : (شرح شاهدهی) ، (ترجمه مناقب عارفین) ، (دیوان اشعار) اولوب غیر مطبوعدر . سلطان سلیم ثالث نامنه (تدقیق وتحقیق) نامیله رساله موسیقی یازدینی کی مؤخرأ حروف ايله یازیلهرق اتنه دخی رقم ايله مقدار صوتلری اشارت ایدلمک صورتیله اشارت ایدیلن بر نوطه نك اصول وقواعدندن باحث (تحریره) نامیله بر رساله داها تألیف وشهریار مشار الیهک بولدقلری (سوز دل آرا) مقامنده کی آیین شریفلریله ینه بومقامدن اولان پیشرو قیمتدارلرینی بر نوطه ايله تحریر ورساله یه تبدیل ایدهرک حضور شاهانه لرینه تقدیم ایتمشدر . ریاضیه نك موسیقی یه تعلق ایدن الحان و صدا واهترازات صوتیه مباحثنده قدماتک آثارینی کثرت تبیع ومطالعه ايله بوخصوصده صاحب هنر وکمال اولدیغندن اصفهان وعجم بوسلک مقامنده ایکی آیین بسته له مشدر که الیوم درکاهده اوقونمقدهدر . (شوق طرب) آیینی ده بوذاتکدر .

عثمان به احمد فرنکی

طریقت شاذلیه ونقشیه فضلاسندن بر ذات اولوب نیکده قراسندن (فرتهک) قریه سندندر.

(مصر) ده اکمال تحصیل و تفیضدن صوکره مملکته عودت ایدہ رک تدریس و ارشاد ایله مشغول اولدی . جلجلوتیه شرحنک نہایتندہ علم و عرفان تحصیلچون (۴۵) سنہ سیاحت و مجاہدہ ایتدیکنی و آخر عمرندہ (نیکدہ) ده برنقشبندی زاویہ سی بنا ایله دیکنی یازیور . آثار ی غیر مطبوع اولوب بروجہ آتی در :

- (۱) شرح وردستار [(۱۲۱۵) تاریخندہ تألیف (۳) شرح حزب نووی ایتمشدر .]
- (۲) شرح دورالاعلی [(۱۲۰۵) تاریخندہ حسن (۵) شرح جلجلوتیه بن اسماعیل حصاری طرفندہ عربی العبارة (۶) انکشاف القلوب شرح اولونمشدر .]
- (۷) شرح اسم اعظم

عبدالرحمن ہالسی طالبانی

اکابر قادریہ دن بردات عالی اولوب (کرکوک) لیدر . (۱۲۷۵) تاریخندہ رحلت ایله دی . کرکوکدہ کی درگاہ عالیہ رندہ مدفوندر . آثار مطبوعہ لری : (مرتب دیوان) ایله مثنوی شریفک اون سکر بیتنک فارسی العبارة نظماً شرحندن و مناقب عبدالقادر کیلانی یہ دائر شیخ علی نوربخش طرفندن تألیف اولونان (ہجۃ الاسرار) اسمندہ کی اثرک ترجمہ سندن عبارتدر . (ہجۃ الاسرار) (۱۰۰۷) تاریخندہ بغداد حاکمی اولان حسین بن حسن ادرنہوی طرفندن دم ترجمہ ایدلمشدر .

(فضولی) نک اولور ردیفی غزالی تخریسنندن :

آتش عشقک فروزان اولسه عاشق تار اولور
ہر زمان کوردجکہ عاشق کوزلرک خار اولور
حسنی آیینہ دلہ کورن ہشیار اولور
حسنک اولدجہ فزون عشق اہلی آرتق زار اولور
حسن نہ مقدار اولور سه عشق اول مقدار اولور

مثنوی شریفک اون سکر بیتی شرحندن :

جلوہ عشقست کاندہ کل فتاد
شورش عشقست در بلبل فتاد

سایه عشقست در عالم فتاد
مایه عشقست در آدم فتاد

عبدالحمید افندی « قره مهر زاده »

مشایخ نقشبندیه فضلاسندن بر ذات اولوب (عینتاب) لیدر . وطننده تدریس وارشاد ایله
امرار حیات ایله دی . (۱۲۷۸) تاریخنده ارتحال ایده رک (قربان بابا) اتکنده کی جبله دفن
ایدلی . شهر آناری فقهدن مشهور (طحطاوی) حاشیه سنک ترجمه سیدرکه یدی جلدی
مطبوعدر . فرائضه متعلق اولان سکرنجی جلدی غیر مطبوعدر . (محمد بن عبدالله بن احمد
الخطیب التمرتاشی الغنمذی) نک (تنویر الابصار) فی (محمد علاء الدین الحسکفی) شرح ایله مش
وبوشرحی (احمد طحطاوی) تحشیه ایتمشدر .
(آداب الذاکرین ونجات السالکین) اسمنده ده تصوفی بر اثری ده واردر .

عبدالرحیم افندی

مشایخ قادریه علماسندن بر ذات اولوب (ایورانیه) لیدر . مؤخرأ اسکوبه هجرت و (۱۲۸۲)
تاریخنده داربقایه رحلت ایله دی . اوسکوبده دکانجق درگاهنده مدفوندر . آناری : (منظومه
عقائد و شرحی) ، (منظومه فرائض) ، (دیوانچه) ، (منظوم قواعد نحویه) ، (منظوم تجوید) ،
(سبحه صبیان) طرزنده (لغات عربیه منظومه سی) ، (منظوم ترکی و فارسی ترجمه قصیده برنه)
درکه صوک اثری مطبوعدر .

ابیاتندن :

سراسر نطقه مظهر دوشدی عالمده قواشیا
زبان قال و حال ایله خدانک حمدینی کویا

(۱۲۴۴) ده (ایورانیه) ده وفات ایدن پدری شیخ علی افدینکده عربی العباده (رساله الروح)
اسمنده بر اثری واردر .

عبدالرحیم افندی

فضلائی مشایخن عاشق و محقق بر ذات اولوب (پرزرین) لیدر . اجله متصوفه دن مصری

سید خواجه (محمد نورالعربی الملامی) حضر تلیزینک داماد عالیلری و اخص خلفاسیدر. اسکوبده. تدریس و ارشاد ایله مشغول اولدیلر. (۱۳۰۳) غره سنده حج شریفدن عودت لرنده وفات ایدیه زک (سویش) جوارنده (عین موسی) نام محله دفن ایدلیدیلر. خلقه تدریس سنده بولونان طلبه علومه ایکی دفعه اجازت و یرمکه موفق اولمشلر ایدی. آثاری: بیک یته قریب (محمدیه) طرزنده کی (قصیده نونیه)، (قصیده تائیه) ایله (منظوم شرح شافیه)، (شرح سزانا الحق)، (هدیه الحج)، (رساله اراده جزئیة)، (رساله احوال ملا میه)، (منظوم مراتب الوجود)، (منظومه و هییه)، (مجموعه الهیات) و سائر درکه غیر مطبوعدر. الهیاتنده کی مخلصلری (فدائی) در.

عثمانه مصرع البیه افندی

فضلائی مولویه دن سیاستده واقف برذات اولوب سابق الترجه (ناصر عبدالباقی دوده) افندینک مخدمیدر. (هو دیوب عثمان افندی واردی مولاناسنه) مصراعنک دلالتی اولان (۱۳۰۴) تاریخنده ارتحال ایدیه رک پدر عالیلری قریبه دفن ایدلیدی. عربی العباده (اللسان المحمدیه فیماضل به العیسویه) خواجه اسحق افندی مرحومه جواب طرزنده (رساله وحدت وجود) ایله پادشاهان عظام حضر اتنه لازم اولان اوصاف و خصائل عالیهدن باحث اخلاقی و سیاسی رساله لری و بعض متصوفانه اشعاری وارددر. جانشینلری اولوب (۱۳۲۶) تاریخنده وفات ایدن مخدملری (جلال الدین) افندی ده عرفای مولویه دن شاعر و مهره موسیقی شناساندن برذات ایدی. عثمان افندینک ترجمه حاللری زمانمز ارباب دانشندن ضیا بکک (یکی قومولویخانه سی) اسمنده کی اثرنده مندر جدر. سنه ترجمه او قوتدقلری (مثنوی شریف). دأر سنوحات عارفانه لرینی حاوی اولان مجموعه لری مع التأسف درکاهک احتراقده یانمشدر.

عبدالله هلموسی افندی

مظنه دن و (۱۳۰۵) تاریخنده (اوستروجه) ده ارتحال ایله یین (مصری سید خواجه محمد نورالعربی) حضر تلیزینک خلفاسندن اهل تمکین فاضل و عارف برذات اولوب (کلیولی) ملحقاتندن (مرفه) دندر. استانبولده اکال تحصیلدن صوکره یازم عصری متجاوز (فاتح) جوارنده (قاضی چشمه سی) مدرسه سی مدرسلکی ایله اختیار قناعت و اترو ایدیه رک (۱۳۰۵) تاریخنده ارتحال ایله یوب (طوب قانی) خارجنده (صاری عبدالله) افندی یاننه دفن ایدلیدی.

سرعت قلمیسی و خط تعلیقده مهارتی اولدییچون سنه لرجه طاش باصمه سی مطبعه لرنده خطاطلق ایده رک هم عرفان مملکته خدمت هم کفاف نفس ایلهدی . ملاجامی نک فارسی العبارة (مرآت العقائد) نی تورکجه شرح ایلهیوب طبع ایتدیردیکی کبی شیخ عطارک فارسی العبارة منظوم و مطبوع (منطق الطیر) ترجمه سی ده محبانندن فدائی مخلصلی بر شاعر نامه محرر سده اصل ترجمه اساساً بوذاتکدر . مطبوع تعریفات سید تهمیسی ده کندی طرفندن علاوه ایدلمک صورتیله تحریر و طبع ایدلمشدر . باشقا آناری ده اولدینی مأمول قوی ایسه ده منظور عاجزی اولمامشدر .

علی عرفی افندی

عرفای مشایخدن اهل تمکین و سخا برذات اولوب (کوریمجه) قراسندن (پولیان) قریه سندندر . سن فرقه واصل اولدقدن صوکره تجارت طریقله مصره کیده رک مدت مدیده اقامت و او حوالیده سیاحت ایتمش و نهایت سلانیکده اختیار اقامت ایله مش ایدی بعده اکابر متصوفه دن سید خواجه (محمد نورالعربی الملامی) حضرتلرینه انتساب ایده رک فیض محمدی به مظهر اولدی . سنک مزارنده کی (قیلدی الحاجی علی عرفی بهشتی آشیان) مصراعنک دلالتی اولان (۱۳۰۵) تاریخده ارتحال ایلهیوب یکی قپو خارچنده مولویخانه جوارنده کی قبرستانه دفن ایدلدی . آناری : (شرح دیوان نیازی مصری) ، (ترجمه انسان کامل) ، (ترجمه واردات) (ترجمه حکم عطائی) ، (مرتب دیوان الهیات) ، (ترجمه مقصد الاقصی) ، (استله و اجوبه متصوفانه) (شرح غزل حضرت افتاده) و سائر درکه جمله سی غیر مطبوعه در .

عزیمی مبین دوده

عرفا و فضلا مولویه دن اولوب (کلیولی) لیدر . مدت مدیده (کلیولی) و (مصر) مولویخانه لری مشیختنده ایفای رشادت ایله مشدر . اشعاری عارفانه و شاعرانه در . (۱۳۱۱) تاریخده برای تبدیل هوا بولونددلری (بیروت) ده ارتحال ایلهدی . اوئی متجاوز غیر مطبوع رسائلی اولوب اسملری بوجه آتیدر :

(تمیزالامرین) : (یفعل الله ما یشاء و یحکم ما یرید) آیت کریمه سنده کی مشیت ایله اراده نک تمیزینه دائر در .

- (تمديد الحیات) : (الصدقة ترد البلاء وتزيد العمر) حديث شريفى معروف در .
 (رساله تطبيق) : انسانيت وحيوانيتك تطبيقه دائردر .
 (اشرب المرام) : اثبات واجبه وجود ملكة وكتب انبيائك لزومنه دائردر .
 (مرآت الحقايق) : حقايق تصوفه دائردر .
 (لازم البيان) : فرق ضالهدن بعصيلرينه قارشى رديه در .
 (مفتاح القلوب) : سلوك مولويه به دائردر .
 (نخبة الاداب) : قانون مولويه به دائردر .
 (بيان المقاصد) : سير سلوكه دائردر .
 (ميزان الاديان) : نصارا ايله مباحثاتى ميين در .
 (تطبيق) : حكمتله كلامك جمع وتاليفه دائردر .
 (ديوان) : طرز معلوم اوزره در .
 برغزل عارفانه لرندن :

نقوش رنك رودن صانعى برنور كوسترمش
 تعين مظهرنده صامه عيني دور كوسترمش
 تجلى عياني رونمادر جمع وحدته
 كلمه ذات مطلق كوييا كيم طور كوسترمش
 تن پوشيده جان ايله مش چون خانه زنبور
 نه سردر صنع حق اول خانه بي مستور كوسترمش
 مراياي عيانه منعكس اول ماهر واما
 عيون كچ نگاهه برشب ديجور كوسترمش

عبدالقادر كمال الدينه انبرى

فضلاء مشايخدن برذات اولوب (اريل) دندر . طريقة خلوتى ، قادري ، نقشبندى در .
 (۱۳۱۵) ده وطن ثاني اتخاذايتديكي (اورفه - رها) ده ارتحال ايله دى . آتارندن (حجة
 الذاكرين فى الرد على المنكرين) ايله (تفريح الحاطر فى مناقب عبدالقادر) مطبوعدر . ديكرلرى
 بروجه آتيدر : (طريقة الرحمانية فى الرجوع والوصول الى الحضرة العلمية) ، (الالهامات الالهية
 فى معرفة الحقيقة الانسانية) ، (مرآت الشهود فى بيان وحدت الوجود) ، (حديقة الازهار

فی الحکمة والاسرار)، (الدررالمعتبره فی شرح الایات الثمانية عشرة من مقدمة المتنوی الشریف)
(شرح کلمات الفارسیة من اللغات العراییة) تاریخ تألیفی (۱۱۰۶) اولان (مقناطیس العلوم)
مؤلفی شیخ عمر بن محمد الواعظده (اورفه - رها) دن نشأت ایدن فضلای مشایخنددر .

(غ)

غفوری محمود افندی

طریقت جلوتیه مشایخی عرفا و علماسندن اولوب (کلیولی) دندر . اکیال تحصیلدن صوکره
فاتح جامع شریفه واعظ تعین اولوندی . بعده (اسکدار) ده (حضرت هدایی) خاقانه
پوست نشین اولدی . (آچیکز محمود افندی روحه ال فاتحه) (مرشد کامل حق بولدی مقام
محمود) مصراعلرینک دلاتی اولان (۱۰۷۸) ده ارتحال ایتدی . اسنانه هدائی قربنده خلیل
پاشا تربهسی حریمه دفن ایدلی . دیوانچه الهیاتی واردر .

برغزلندن :

چون بهار ایروب شجرلر سبز ورونق کیر اولور
آیت صنع خدایی هر ورق تفسیر اولور

نور ذکرالله ایله هرکیم که قلبی اولدی آق
صورتا اول شاب ایسه معنیه لکن پیر اولور
سجن تندن قور تولوب ایردی سرای وحدته
حصن توحید ایچره کیم پابسته زنجیر اولور
عاشق صادق ایسه ک ترک ایله خواب وراحتی
ای غفوری طالب دیدار اولان شبکیر اولور

(۱۰۸۹) ده ارتحال ایدهرک ادرنه قایسی خارجنده امیر بخاری تکیهسی جوارینه دفن
ایدیلن خلیفه لری (موسی شکوری) افندینکده عارفانه الهیاتی واردر .

غیبی صنع الله افندی

سابق الترجه اولانلر شیخی ابراهیم افندینک خلفاسندن اولوب اسمی سنبل افندی ترجمه

حائده مذکور اولان قابورجی شیخی احمد بشیر اقدی احفادنددر. مملکتی اولان کوتاهییه ده (مصلّا) ده مدفوندر. مرشدینک کلمات متصوفانه سنی جمع ایدرک (صحبتنامه غیبی) تسمیه ایله مشدر. مرتب دیوانی و (۹۹) بیتی حاوی (کشف الغطا) اسمنده بر منظومه عارفانه سیله (طریق الحق فی التوجه المطلق)، (روح الحقیقه)، (بیعتنامه) اسملنده رسائل صغیره سی واردر که جمله سی غیر مطبوعدر. (روح الحقیقه) رساله سنی (۱۰۷۲) ده تألیف ایتشدر.

ابیاتندن :

حمد لله بز بهشت معرفتده ساکنز
دوزخ جهل ایچره دایم یانماده اهل عذاب

(کشف الغطا) مطلعندن :

بر وجوددر جمله اشیا عین اشیا در خدا
هپ هویتدر کورونن یوق خدادن ماعدا

لیک واردر بو وجودک ظاهری و باطنی
پس بو حیثیتدن اولور اول و آخر آکا

(بوسنه) قطعه سنک (غرادیشقا) قصبه سنده وفات ایدن (علی غیبی بوسنوی) ده عرفادن برذاتدر. قائمی حسن اقدی خلفاسندن اولان بوذاتک ده اشعار عارفانه سی واردر.

غوثی احمد دوده

مولویه فضلا و عرفاسندن برذات اولوب (کلیولی) لی یازیچی زاده عالمه سنددر. ا کمال تحصیل و سلو کدن صوکره (غلطه) مولویخانه سی مشیخته تعیین اولوندی. نای عثمان دوده نیک قاین پدر لریدر. (دوران قودی احمد دوده سز تکیه مزنی حیف) مصراعنک دلالتی اولان (۱۱۰۹) ده ارتحال ایله دی. مرتب دیوانی عارفانه و عاشقانه اشعار واردر.

برغزلندن :

برق حسنی عاشق دیدار بیلمز کیم بیلور

نالش نوری دل بیدار بیلمز کیم بیلور

چشم امیدین آیرماز لمعه رخساردن

برق حسنی غوثی بیمار بیلمز کیم بیلور

غزى زاده عبداللطيف افندى

بروسه دن يتيشن فضلا وعرفاى مشايخدن اولوب طريقهٔ (خلوتيه مصرىه) دندر . علوم متداوله يى زمانى علمائى بنامندن وبتخصيص جدى (غزى زاده مصطفى نسيب) افنديدن تحصيل واکمالدن صوکره سلوک خلوتيه اطوارىنى بعدالاکمال تدریس طالين وتسليك عاشقين ايله دمکندار اولدیلر . طريق جلوتى يى ده على طريق التبرک (۱۲۱۶) ده ارتحال ایدن (اقتاده زاده) شيخ مصطفى فنديدن اخذ ايله ديلر .

آثارى : (مهيدالمقامات) ، (روح القدس) ، (رسالة الزينة فى المسلك العلية) ، (عندليب العشاق فى السماع) ، (رسالة العبارات والتعير) ، (رسالة الجهاد) ، (كرامات الاوليا) ، (ردالزنادقة) ، (ارشاد اهل السلوك) ، (مجموعة الفوائد) ، (مجالس) ، (تفسير الفاتحه - فتوحات كنزقرآن) ، (مناقب الاوليا) ، (وقايح بابا پاشا) ، (ترجمة الذخيرة) ، (درة اليضاء فى بيان مولدالمصطفى) ، (اختصار فروق حقى - مجمع الفروق) ، (برتو انوار) ، (حاشية درر) ، (مرغوب السالكين) ، (ناسخ ومنسوخ) ، (واقعات) ، (زائر القدس) ، (ترجمة الجانب الغربى فى حل مشكلات ابن عربى) ، (زبدة البيان - سورة نسادن سورة نخله قدر تفسير شريف) ، (مختصر وفيات بروسه) ، (روضات المفلحون) در. كرك كندى كرك جدى آثارينك قسم اعظمى (بروسه) ده (اورخان غازى) جامع شريفده كى كتيبخانه ده موجوددر . (روضات المفلحون) ، مفصل (بروسه) وفياتيدر .

غزى زاده مصطفى نسيب افندى

عالم وعارف برذات اولوب بروسه ليدر. مرتب ديوانيله احوال سلوکه دائر (تزيين المقامات) نامنده برارى و (عشق نامه) اسمنده بر منظومه سى وتفسير قاضى بىضاوى يه تعليقاتى واردر . آثارى غير مطبوعدر . (۱۲۰۲) ده بروسه ده وفات ايدرك فيشقريق محله سنده كى جدى (احمد غزى) دركاهنه دفن ايدلى .

(ف)

فخرالدین رومی

سلطان بایزید اول دوری علما و مشایخندن اولوب ایزمیت جوارنده (مودورنی) ده ارشاد عباد ايله مشغول ایدی . دعوای مأثوره حقهده کی مباحث و روایاتی حاوی اثریله فتاوا دن (مشمول الاحکام) تصوف و کلامدن (فرائدالآئی) ناملرنده آثاری واردر . (مشمول الاحکام) صغیر و کبیر ناملریله ایکی قطعه در . برر نسخه سی یکی جامع کتبخانه سنده موجود در . (ابن فخرالدین) نامیله بنام اولان مخدوم نکرده (اسرار محمدیه) اسمنده بر اثری واردر .

فیضی من افندی « سیمکس زاده »

السنه ثلثه ده انشاد نظمه مقتدر شاعر ، عارف بر ذات اولوب شهریدر . ذیل شقایق صاحبی شیخی نک پدریدر . (شیخ عبدالاحد نوری) دن استخلافدن سوکره (ملا میه بایرامیه) مشایخندن (شیخ بشیر) افندی یه انتساب ایتدیکی (هدیه الاخوان) ده مذکور در . ۱۱۰۲ ده وفات ایدرک پوست نشینی بولوندی ادرنه قاپیسی خارچنده امیر بخاری دامادی محمود چلبی در کاهنه دفن ایدلدی . تفسیر بیضاوی نک سورة بقره قسمنه تعلیقاتی و مرتب دیوانی و (معراجنامه) ، (جوابنامه) ، (غمره دل) اسملرنده منظومه لری واردر که جمله سی غیر مطبوع در .

جوابنامه سندن :

ایاتندن :

قاله صورتده معنی بین اولاکور
واصل نکته یقین اولاکور
بیله سن لانه در الانه در
آچیلیرسه کوکل کوزی الآ
یوقدر یرده کوکده غیری اله
دیندی چون لاله اله

عرض ایلسه صبحدم یوزین اول شهسواریمز
صحرای صبر عشقه قالماز قرایمز

فتحی عبدالکریم افندی « بلبلچی زاده »

سابق الترجه (عبدالاحد النوری) خلفا سندن بر ذات اولوب علمادن عبداللطیف قرمانی نک

مخدومیدر . اکمال تحصیل وسلوکی (استانبول) دہ در . سلاطین عظام جوامع شریفہ سندن
بعضیلزندہ کرسی شیخلکی خدمتی دہ ایفا ایلہدی . ارتحالی : (عبدالکریم افندی بہ جنت اولہ
محل) مصرعنک دلالتی اولان (۱۱۰۶) تاریخنہ در . مرتب دیوانی سلوک ومواعظہ متعلق
رسائی واردہ . مرشد عالیہری (عبدالاحدالنوری) تربہ سنک قبلہ جہتندہ مدفوندر .

الہیاتندن :

کوکل آیینہ سی اولسون مجلا
سنک بر ذرۂ عشقکلہ مولا
کورونسون صورت معنامصفا
کوکل آیینہ سی اولسون مجلا

کدر کیتسون کوکلردن سراپا
سیلنسون شکل صغرا ایلہ کبرا
وصالک ذوقی اولسون دلدہ میدا
ایضاً

بوسردن دلہ محزون اولدی لوحی
محال اولدی کمالی اوزرہ شرحی
ہلہ دیوانہ اولدی شمدی فتحی

ایضاً

یانندہ مدفون کوچوک مخدومی (عبدالرحیم منیب) افندینکدہ عارفانہ الہیاتی واردہ .

فنائی مصطفی افندی

سابق الترجمہ سلامی علی افندی خلفاسندن عاشق برذات اولوب (شومنی) لیدرہ بشکطاشی
یحیی افندی تربہ سی جوارندہ بنا ایتدیکی درکاہدہ ازوا ایلہدی . وفاتی شیرخدا ترکیبنک دلالتی
اولان (۱۱۱۵) دہدر . مسلك درویشانہ انتساب ایتزدن اول یکیچریلرک یکرمنجی بلوکنک
اوطہ باشیسی اولدینی ایچون زمانندہ (اوطہ باشی شیخی) نامیلہ معروف ایدی . اکثر اشعاری
نعوتہ متعلقدر . برنطقندن :

ای جلالک پرتوین عالمہ پیدا ایلہین
ینہ اول آیینہ دہ حسن تماشا ایلہین

بر آو وچ طور اغه صالمش جام عشقك جرعه سن
کیمنی عاقل کیمن مجنون و شیدا ایلهین
شمس وحدت ذره سندن آب وکلده وار اثر
چشم و عقلی پس اودر دانا و بنیا ایلهین
بریتندن :

کشف اولور اکا بوتون ماهیت کون و مکان
سر توحید اولسه بر آینه دلده عیان

فهری امیر افندی

مشایخ جلوتیه دن و عرفاء شعرا دن بر ذات اولوب (کلیولی) جوارنده کی (شارکوی) لیدر .
سابق الترجه ذاتی سلیمان افندینک مخدومی (حسین شاهی) افندیدن مستخلفدر . اواخر عمرنده
استانبوله کله رک (۱۲۱۴) تاریخنده ارتحال ایلهدی . قاسم پاشاده علی افندی درگاهنده
مدفوندر .
مرتب دیوانیله عرفادن (مفتی بابا) دینیلن ذاتک (یونس امره) طورنده کی نطقنه شرحی
وارددرکه برنسخه سی طرف حقیرانه مدن حضرت هدائی درگاهی کتبخانه سنه اهدا قلمشدر .
برغرلندن :

باخدا برعندلیب دلفزا ایستر کوکل
کلشن بزم الستہ آشنا ایستر کوکل

ایتمکه معراج روحانی حریم حضرتہ
سراودنایه محرم رهنما ایستر کوکل

لن تنالوا البر حتی نک رموزین آکلایوب
رام حقه نقد و باش و جان فدایستر کوکل

حکمت پنداردن دلخانه سین تطهیر ایچون
شمع ذات ذوالجلالیدن ضیا ایستر کوکل

توش ایدوب جام انا الحق ده هوا الحق باده سین
کنت کنز اسرارین عارف اولیا ایستر کوکل

نحن اقرب نغمه سین گوش ایله یلدن فخریا
باغ وحدت کستاننده نوا ایستر کوکل

الفدن باشلادی دل باده بولدی سرروحانی (مطلعلی)
تدنی ایله یوب تادن ثبات امید ایدوب ناده
منظومه بی ده شرح ایله مشدر .

ذاتی افدینک (کلشن وحدت) شرحی ده } هرکه ازدیدار برخوردار شد
این جهان در چشم او مرده شد }
بیتدن آشاغیسنی شرح ایده رک اکال ایتمشدر .

فردی عبدالله افندی

طریقت نقشیه فضلاسندن بر ذات اولوب مغنیسا ملحقاتندن (دورغودلو - قصبه) دندر
(استانبول) ده اکال تحصیلدن صوکره (قصبه) مقبیلکننده بولونه رق نشر علم ایله دی . حجاز
عزیمتنده (مکه مکرمه) ده اکابر نقشیه دن (هندی محمدجان) افندی حضرتلرینه اتساب ایده را
اخذخلافته مملکتته عودت ایتدی . وشیخ الاسلام (عارف حکمت) بکک دلالت قدرشناسانه سیلا
(استانبول) ده (فاتح) جوارنده کی (امیر بخاری) درکاهی مشیخته تعیین اولوندی . بووظیفه ایه
موظف ایکن (۱۲۷۴) تاریخنده ارتحال ایده رک درگاه مذکور حظیره سینه دفن ایدلدی
(قصبه) ده اصحاب خیراتدن (حسین آغا) کتبخانه سینه یازدینی منظوم تاریخ کتبخانه قاییسند
محکوکدر .

آئارندن بوکتبخانه ده (۱۲۵۹) تاریخنده خط دستیه محرر بر مجموعه ده (صلوة مشیشه
شرحی ایله امام سیوطی نک (آیات منسوخه) رساله سنک نظماً ترجمه وشرحی واردر . ترجمه ند
مقدمه سندن :

مکتب مفتاح بسم الله ایله
فتح اولور هر مشکلات الله ایله

حمدلله زینت افزائی کلام
روضه پا که صلوات ایله سلام

آل واصحابك اوله ارواحی شاد
راضی اولسون جمله دن رب عباد

السنة ثلثه انشاد نظمه مقتدر اولدینی درگاهده محفوظ دیواندن آکلاسیلمقده در .
فطین تذکره سنده (قدح) ردیفلی برغزلی مندرجدر . برده قصیده بره شرحی اولدینی مرویدر .

فیضی الله افندی «مثنوی خوانده»

مشایخ نقشبندیه علماسندن برذات اولوب شهریدر . زماننده رئیس القراء ایدی . جوار
ایوبده اقامتدن ناشی عصرنده (ایوبی) شهرتیه بنام اولمشدی . مثنوی خانهده مثنوی خوانلخی،
مراد بخاری درگاهنده مشیختی واردر . رسائل مطبوعهسی بوجه آیدر :
(اشاره المعنویة فی آیین مولویه) ، (احسن التحذیر فی روایة الحدیث) در . (۱۲۸۴) تاریخنده
وفات ایلدی . ایوب نشانچی سنده کبرای نقشیه دن مراد بخاری درگاهنه دفن ایلدی .
مخدومی محمد عبداللطیف اقدی ده عرفادن برذاتدر آثارندن (رساله غوثیه) ترجمهسی مطبوعدر .
مشاهیر خطاطیندن (محمود جلال الدین) اقدی ده بودرگاهده مدفون اولوب تاریخ ارتحالی
(۱۲۴۵) در .

فائق محمد بک

علمای متصوفه اعظمندن سید خواجه (محمد نورالعربی الماللی) خلفاسندن و ارباب
عرفاندن برذات اولوب (اوستروجه) لیدر . (۱۳۱۹) تاریخنده مسافره بولوندیغی سلانیکده
ارتحال ایلدی . یکی قاپی خارجنده کی قبرستانده (لانفاظه) جاده سنک صول کنارنده مدفوندر .
(تحقیقات فائیه علی عقائد اسلامیه) ، (شرح رساله غوثیه) ، (شرح حدیث موتوا قبل ان تموتوا)
(مجموعه الهیات) ، (اجوبه متصوفانه) وسائر کبی غیرمطبوع آناری واردر .
برنعتندن :

تا ازلدن فائق بیچاره عاشقدر سکا
قبل شفاعت لطف ایدوب آل کمتری سندن یکا

روز محشرده جمال پا ککی کوستر بکا
ذات پاک اهل عشق سوکیلی جانانی سک

(ق)

قطب السیرۃ ابن زینبی

مشایخ و علمائک اجله سندن اولوب علوم رسمیه یی مولانا حسن پاشا دن تحصیل ایله مشدر .
(ایزنیک) ده (خیرالدین پاشا) احفادن دن (خلیل پاشا جامعی) اتصالنده کی تربیه سنده مدفوندر .
ارتحالی (۸۲۱) ده در . مؤلفاتی غیر مطبوع اولوب شونلردر :

نام عالیبرینه مضاف تفسیر شریفله (العقد الثمین والعقد الیمین) و کتاب صلاتک مسائل
مهمه سنی جامع (مقدمه) و حواشی سائرهدن عبارتدر . برده (زاد المعاد فی الفروع والایلاق)
اسمنده بر اثری واردر که بر نسخه سی بر وسه دینجیری در کاهی کتبخانه سنده موجوددر . تیمورلنک
ایله اولان مصاحبه سنده اجراءات ظالمانه سنه قارشی دوغرو و آجی سوزلر سویله دیکی حالدۀ تیمورک
سکوتی اختیاره مجبور اولدینی مرویدر . برده فرض اولان علمک تعینتنه و علم حاک و جواب
تحصیلنه دائر تورکجه (راحۃ القلوب) اسمنده بر اثری ده ا واردر که بر نسخه سی (آیاصوفیه)
کتبخانه سنده موجوددر . *توضیح لی مستخرج حاشیای جامعیه بر مصنفه نامی بر ذاتک در راحۃ*
نامیه بر خطه در بر اثری اولوب یازم نسخه سندن در بر خطه

قیغوسنر بابا « قیغوسنر ابرال »

طریقت بکتاشیه قدما و عرفاسندن عاشق بر ذات اولوب (قره مان) لیدر . (مصر) ده
بر مغاره دروننده مدفون اولدینی ایچون اولاد عرب آراسنده (عبدالله مغاره وی) اسمیله
بنامدر . بویوک بردیوانیله مقدمه سنده : (بوکتابه دلیل بدلا و دفتر عاشق شیدا و سیر صادقان
و خیال نادان دخی دیرلر) دیدیکی رساله تورکیه سی واردر . دیوانی تاریخ لسان عثمانی نقطه سندن ده
موجب استفاده در .

دیوانی مطلعندن :

بو عشق موجی ینه باشمدن آشدی

سرم فاش ایله دی رازیمی آجدی

کوروندی اول کیم اول عین بقادر

اوزون فاش ایله یوب اوزی صفادر

قدمای بکتابشیدن ابدال موسی دن نصیب آلدینی دیواننده کی :

آبدال موسی به قول اولدی جاندن }
چکدی الینی ایکی جهاندن }
بیتندن آکلاشیلیمقده در .

قره چلبی محمد افندی

اکابر خلوتیه دن (حبيب قره مانى) خلفاسندن سابق الترجه (جمال الدين اسحق قره مانى)
خليفه سى (تيره لى عبدالکريم) افديزن مستخلفدر . مولداً (تيره) لى ايسه ده اواخر عمرينى
(آيدىن) ده کچيرمشدر . (کوچوک افندى) کتبخانه سنده (مطالع الانوار) ، (جواهر المعنوية)
اسملرنده متصوفانه آثارى واردر . اوراد خلوتيه اولان (وردستار) ده شرح ايتمشدر .

قاسم افندی « قاسم به شیخ الیاس به ادریس آنطاکى »

فضلاء مشایخدن و پیر اعظم عبدالقادر کیلانی احفادنندن برذات اولوب (بروسه) ولایتی
اخلنده کی (اینه کول) ده اختیار اقامت ایدهرک (۹۴۱) ده ارتحال ایلهدی . تصوف ، اخلاق
موعظه دن باحث (۹۰۲) تاریخده تألیف ایتدیکی (۳۲) باب اوزره مرتب تورکجه (جواهر الاخبار)
سمنده کی منظومه سى (اینه کول) ده منظوم اولدی . آتی الترجه یکیت باشی خلفاسندن
(عزالدین علی القرمانی الصاروخانی) دن مستخلفدر . (نقطه جی) شهرتيله ده معروفدر .
(۹۹۴) ده وفات ایدن خلیفه سى (ابن نقطه جی) ناميله مشهر (محمد محی الدین قره حصاری) نکرده
(عرائس الوصول) اسمنده (اصول عشرة) شرحی واردر . سابق الترجه (رمضان) افدینک
مرشدیدر .

فورت محمد افندی « محمد به عمر »

رجال خلوتیه اکابرندن صوفیه لى بالی افندی خلفاسندن ظاهر و باطنی معمور برذات اولوب
اتار بازارچقنددر . علوم آلیه و عالییه تیحصیلدن صوکره مرشدینک وصیتی اوزره جانشینی
ولمش و بعده پیرداشی اولان (نورالدین زاده) نک وفاتنده قدرغه ده (صوقوللی محمد پاشا)
برکاهنده مقامه قائم اوله رق ارشاد طالبین ایله امرار ایام ایلهمشدر . رحم صله ایچون مملکتنه

کیتدیکی صیرهده (خلد آشیان) ترکیبک دلالتی اولان (۹۹۶) تاریخده وفات ایلهدی . آناری غیرمطبوع اولوب بروجه آتیدر . (مرشدالانام الی دارالسلام) تسمیه ایندیکی (شرعة الاسلام) شرحی قرأشدن جزری یه ترکی العبارة شرحی، کافیه جامیسی ترجمهسی، اطوار سبعة رسالهسی، (تعبیرنامه)، (سوره ملک تفسیری)، (وقایه ترجمهسی) وسائر در . مریدانته امام غزالیبک آناری مطالعه سنی توصیه ایلمش، مرشدی بالی افندیبک بوذاته توجهی (نورالدین زاده) یه اولان توجهندن زیاده اولدینی مرویدر . فقهدهن (بدایه) بی (ترجمان بدایه) اسمیله تحوون (مراح الارواح) یدده (ریحان الارواح) نامیله ترجمه ایتشدیر .

قدوسی عبدالرحمن افندی «عبدالرحمن افندی زاده»

علمای مشایخدن و شیخ عبدالاحد النوری خلفاسندن اولوب (مغیسا) لی در . (۱۰۸۰)ده مغیسا ده ارتحال ایلهدی . آثارینک باشلیجه لری (تعلیقات علی تفسیرالقاضی)، (شرح منظومه شاهدی اسمی تحفة الملوك) در . بعض رسائلی ده وارسهده اسملرینه مطلع اولونامادی. آثارینک جملهسی غیرمطبوعدر .

قول ارغابر مصطفی افندی

سلطان مراد رابع دوری رجالدن و خلوتیه عشاقیه مشایخندن کلیوللی عالم سنان افندی خلفاسندن عاشق و فاضل برذاتدر . مصابیح شریفی نظماً ترجمه ایله مشدر . (۱۴۰۵) تاریخده اکال ایده رک (دیوان هایون) نامنی ویردیکی دیوان کیری ده واردرکه هرایکیسنک ده نسخه لری کتبخانه عمومی ده موجوددر . برده مولد نبی منظومه سی واردر .

دیوانندن :

سن سین کریم ذوالنوال سن سین قدیم لایزال
سن سین حکیم بی مثال یوق حکمکه چون وچرا

انزال ایدوب آیاتی کیم بیلیر غایاتی
قیل غیل مجلی ذاتکی مامن علی العرش استوی

ایله عنایتدن اثر ایرکور هدایتدن ظفر
لطف ایله یوب قیل غیل نظر آلدی بزی نفس و هوا

قره قاسم زاده عمر افندی

مشایخ جلوتیه علماسندن وادابدن برذات اولوب (بروسه) لیدر . (۱۰۴۷) تاریخده
ادرنهده وفات ایلهدی . آثاری تصوف و اخلاقدن باحث قدیم کتابت عثمانیه اوزره یازیلان
آثاردن معدود اولان و فقط براز متعصبانه و افراطپرورانه یازیلان (نورالهدی لمن اهتدی)
ایله (شرح رساله خواجه جهان) و مرتب (دیوان) در . (نورالهدی) دن طریقت
نقشیه یهده منتسب اولدینی مستبان اولمقده در .

الهیاتندن :

همین یوقلق درر وارلق عزیزم
بوقولی طوتدی شیخده دهده مده

(مرآت العشاق و نور الاحداق) اسمنده درت باب و برخامه اوزره مرتب بر اثری داه
واردر . بر نسخه سی حمیدهده موجوددر . سلطان احمد اول دوری قاضی عسکر لرندن و محشی
سنان افندی احفادندن (حاجی مصطفی) نامنده برذاتده (زکریا بن محمد الغزنوی) نك
(مفید العلوم و میید الهموم) نی (نورالهدی) اسمیله ترجمه ایتشددر که بر نسخه سی حمیده
کتبخانه سنده واردر .

قطب ابراهیم افندی ، ابراهیم صاده افندی «

حضرت افتاده نك حفیدی اولوب جلالی جمالنه غالب برذات عالیدر . جدعالیرینك وفاتنه
بناءً سیر سلوکنی اشارت معنویه ایله اسکدارده حضرت هدایتدن اکمال ایله مشدر . (کجدی
بیك سکسان طقوزده جنته قطب زمان) (ایلدی افتاده زاده هو ایله عزم سفر) مصراعرلیرینك
دلالت ایتدیکی تاریخده ارتحال ایده رك جدعالیرلی تربه سی قارشوسنه دفن ایدلدیلر . الهیات
عارفانه لری غیر مطبوعدر . برپارچه سی بوجه آتیدر :

آچ کوزوك غفلتدن او یان

فلاح بولماز نفسه او یان

سرتوحید اولسون عیان
کل توحید ایدم توحید

مقطع بیتی شو :

لی مع الله سَرینه محرمدر ابراهیم بوکون
اولسرای وحدته مهمان اولان آکلار بزی

اولان غزل عارفانه لری حضرت نیازی* مصری طرفدن تخمیس ایدلمشدرکه دیوان
نیازی ده محرودر .

قائمی من افندی

علم جفره عائد منظوم استخراج لریله شهرت بولان برذات اولوب (بوسنه) لیدر . مرتب
دیوانندن (قادری) رجالدن اولدینی اکلاشلمعده در . (شقایق) ذیلی (شیشی) ده خلوتی
مشایخ کرامندن (اوزیجه) لی (مصلح الدین) افندیدن مستخلف اولدقلری مذکوردر .
(۱۹۰۱) ده اختیار اقامت ایتدیکی (ایزووزنیک) ده ارتحال ایله دی .

ابیات عارفانه سندن :

حیات جاودان و مرزین حقیقتله بیله م دیرسه م
حشروش آب حیوانی قارالقدده ایچندن صور
مصلح الدین افندی علماء مشایخندن برذات اولوب ذکر جهری و سماع صوفیانه دائر
تحقیقه اسمنده برائری واردر .

قره باسه ولی « علی عمود الدیمه الاطول » [۱]

اکابر شعبانیه دن محقق برذات عالی اولوب (هریکیر) لیدر لر . استانبولده اکال تحصیلدن
صوکره . مسلک تصوفه سلوک ایله اسکدارده اختیار اقامت ایدمک ارشاد و تألیفه مشغول
اولمشدردر . (علی الاطول) شهرتیه بنامدر . مؤلفات علیه لری غیره مطبوع اولوب باشلیجه لری

[۱] علم تجویددن مشهور قره باش رساله سنک مؤلفی (۹۰۴) ده درسعادتده وفات ایدمک محمد پاشا
جواننده کی مسجدی حظیره سنده مدفون اولان (شیخ عبدالرحمن قره باشی) نك اولدینی هریدر . بوساله
ابتدا (۱۲۵۱) تاریخنده (جزء مسکین) نام ذاتک ترکی العبارة یازدینی (تجوید ادائیبه) اسمنده کی تجویدیه
برابر طبع اولومشدر .

باشلیجه لری بونلردر : اصل کمال عرفانلرینه دال اولان (کاشف اسرار فصوص) اسمنده کی (شرح فصوص) وبونک مختصری اولان (جامع اسرار الفصوص) ایله (شرح عقائد نسفیه بلسان التحقيق) [۱] (معیار الطریقه) ، (طریقنامه) ، (شرح قصیده عشقیه للشیخ الاکبر) ، (رساله اصول اربعین) ، (شرح حدیث حبیب الی من دنیاکم . .) ، (رساله فی جواز دوران صوفیه) ، (اساس الدین) ، (تفسیر سوره طه) ، (تعیرنامه) وسائرهدر . (۱۰۹۷) تاریخنده هجندن عودتلرنده مصره یاقین (غیلان) قریه سنده رحلت ایله دیلر . اشبو آثارک بویوکی اولان (فصوص الحکم) شرحک برنسخه سی بشیکطاشی یحیی افندی کتبخانه سنده واردر . حضرت شیخ اکبرک (فتوحات موصلیه) اسمنده کی اثر عالیلرنده : (بعدالنبي المصطفی الاعظم العلی الاطول الاکرم الاجسم غنم ختم وهو یحتم الزمان) عبارده سنده ظهور عالیلرینه اشارت واردرکه ختم (۱۴۰) خلافت تاریخنه ، غنم (۱۰۹۰) نفی تاریخنه ، الاطول (۷۷) مدت عمرلرینه ، الاکرم (۶۵۸) خلفاسنه دالدر .

قره بابا زاده ابراهیم افندی

علمای نقشبندیه دن اولوب بروسه لیدر . (۱۱۳۵) تاریخنده وفات ایدهرک (زینیلر) ه دفن ایدلدی . عقائددن ایکی رساله ایله سلوک نقشبندیه دائر توصل وفصل حقنده برائی واردرکه بو اثرینی مرشدی شیخ (مراد نقشبندی بخاری) نک امریله یازدیغنی مقدمه سنده نقل ایدیور . برده اصول وفصائل ذکره دائر رساله سی واردر . بونلرده باسعه فوه دائر بله القواعد

والقواعد لادبیرلر ده واردر
مأجلت بایست ۱۲۷۷ / ۱ نوامبر ۱۳۵۷ هجری قمریه

قونوی محمد وهبی افندی

عرفای مولویه دن فاضل برذات اولوب قونیه جه (اشعری زاده) دینکله معروفدر . خواجه حافظ شیرازی دیواننه یازدیغنی مطبوع شرح مشهوردر . وفاتی (۱۲۴۴) تاریخنده مرقدی درگاه جناب مولاناده در .

[۱] بو شرح بین العلماء معلوم و معروف اولان شرح وحاشیه لردن هیچ برینه مراجعت اولونمادن یازلمش موجز براتردر .

قبرلی مصطفی افندی [۱]

ادرنه دن یتیشن عرفای رفاعیه دن اولوب بدایت حاللرنده محکمه باش ایکن مؤخرآ ترک مسلک ایدره رک خانه سنی درگاه اتخاذا یتشدی. (۱۲۴) تاریخنده رحلت ایدوب نامنه منسوب درگاهه دفن اولوندی. آناری مطبوع (کنزالاسرار) ایله (موصلة الهدایه) ، (مرتب دیوان) و (مشکلکشا) اسمنده کی یکرمی جزءدن مرکب فارسی لغتندن عبارتدر .

تخمیس غزل سزائی دن :

ای کوکل ایلر غنی الله بریوزدن دخی

» » خلق ایدر مرد سخی الله

» » ایدوب اکرام وفی »

شاد ایدر غمگینلری الله بریوزدن دخی

» » فتح ایدر هر مشکلی »

ترجیع بندینک مطلبی :

صائمک بزى زاهدکى بهوده مقالز

بز کاشف اسرار معانی ومآلز

قدوسی احمد افندی

رجال قادریه دن [۲] اولوب مرعشی زاده لقیله بنامدر . عاشق ومجاهد برذات اولوب مطبوع دیوانی اولدینی کبی مطبوع ومختصر وصیتنامه ایله (مختصر طب نبوی) و (پندنامه) اسملرنده غیر مطبوع اثری ده وارددر. ارتحالی (۱۲۶۵) ده قبرعالیری (نیکده) یاقیننده (بور) قصبه سنده در . اشعار عاشقانه لرندن :

ماسوايه ميل ایدن عاشق خدادن دور اولوب

دفتر عشاقده آنک اسمی نامعلوم اولور

[۱] مؤسس طریقت جناب (رفاعی) نك رحلتلری (جنات عدن) ترکیبنک ناطق اولدینی (۵۷۸) تاریخنده ومرقد شریفلری (بصره) جوارنده (امعبیده) قریه سنده در .

[۲] مؤسس طریقت حضرت (عبدالقادر کیلانی) نك ارتحاللری (کمال عشق) ترکیبنک دلالتی اولان (۵۶۱) تاریخنده ومرقد مبارک لری (بغداد) ده در .

(۱۰۴۴) تاریخنده (حسین واعظ) ك (مواهب لدنيه) اسمنده کی مشهور تفسیرینی ترجمه ایدن شیخ (عمر عدولی) افندی ده (نیکده) دن یتیشن علماء مشایخنددر. ترجمه نك نسخہ سی (اسکدار) ده (سلیمیه) کتبخانه سنده واردر .

قیغولی خلیل افندی

طریقه جلوتی، اصولاً قادری، مشرباً اویسی صفی القلب برذات اولوب اصلاً (اورخان ایلی — اطرانوس) قضاسی مرکزی اولان (بکجه) دندر . (۱۲۳۴) تاریخنده بروسده ارتحال ایده رک (دوه جیلر) قبرستانی یاننده کی درکاهنه دفن ایدلی . (عاشق یونس) دیوانی طریقی آکدیرر (هادی العشاق) اسمنده کی بویوک منظومه سیله بعض الهیاتی حاوی کوچوک دیوانچه سی مطبوعدر. برده منشور ولایتنامه سی واردر. پدری علی افندی (آلاجه خرقة) محله سنده مدفوندر. جدی اورخان غازی امراسندن (قیغولو) بکدرکه دیوان کیرنده: (جدم قیغولو بك وزیر اورخان) مصرعيله اشارت ایله مشدر. (قیغولو) بك سلطان مراد ثانی تربہ سی جوارنده مدفوندر .

قرسه آطلی ابراهیم افندی

طریقت خلوتیه نك (شعبانیه) شعبه سی کبار مشایخندن علم و عرفانی کشف و کراماتیه معروف برذات اولوب (قوش آطه) سنك (چینار) قریه سندندر. مقدمات علومی مسقط رأسیله (آیدین) ده نهایتی ده (درسعادت) ده بعدالاکمال مسلک قویم تصوفه انتساب ایله بهره یاب فیض محمدی اولدیلر. مرشد عالیلری (استانبول) ده بشیکچی درکاهنده مدفون بکپازاری علی افندی در. برآره لق (مصر) و (شام) ده اقامتدن صوکره درسعاده عودتله نشر طریقت بیوردیلر . دفعه ثانیه اوله رق جانب حجازه عزیمتلی تاریخنی اولان (۱۲۶۲) سنه سنده (رابغ) ده ارتحال آخرت ایله دیلر. منتسبلرندن بعض ذواته مرسل مکاتیب عارفانه لرندن آلتش کسوری طریقت مذکورہ رجالی نزدنده محفوظ اولدینی کبی غزل آتی زاده طبع عارفانه لری اولق اوزره منقولدر .

وجه یاره دوش اولان عالمده سیران ایسته مز جاتی جانانه تسلیم ایله یین جان ایسته مز
بو مسافر خانه نك فانیلکن فهم ایله یین خانه قلبنده حقندن غیری مهمان ایسته مز

کرجه ظاهر علمنک نقعیده واردرد طالبه
لیک اسمراره ایرنلر صوری عرفان ایسته من
ارجی آوازی ایردی مرغ جانم سمعنه
ماسوی الهدن مجرد اولدی ابراهیم بوکون
واریخی دلداره ویردی وصل و هجران ایسته من

ترجمه حال مرشدانه لری منسوبلرندن اولوب ترجمه حالی شعرا فصلنده مذکور اولان (عالی
افندی) طرفندن (هدایة الولی فی واردات قوش آطملی) اسمیله یازلمشدرکه برنسخه سی بشکطاشی
(یحیی افندی) درکاهی کتبخانه سنده واردرد .

خلفای علیه لرنندن اولوب (۱۲۷۲) تاریخنده ارتحال ایده رک (اسکدار) ده حضرت نصوحی
درکاهنه دفن ایدیلن کوتاهیله نازکی احمد اقدینک ده مرتب دیوان الهیاتی واردرد .

(ک)

کمال امی « اسماعیل کمال امی »

آتی الترجه مشهور (یونس امره) نشوه سنده برذات اولوب قره مانلیدر . افایم خلوتیه دن
(جمال خلوتی) نک پیرداشلرندن و (محمد بهاء الدین ارزنجانی) مستخلفلرندندر . (شفقت) کله سنک
دلالتی اولان (۸۸۰) تاریخنده (قره مان) ده ارتحال ایتدیکی تراجم احوال کتابلرنده مندرج
ایسه ده (مغیسا) ده دخی بوذات نامه برقرزیارت اولونمقده در . لطیفی تدکره سنده نسیمی ایله
مرافقته دائر تقلیات واردرد . الهیات عارفانه سی جامع دیوان کیری واردردکه بوجه آتی بعض
یتلری نقل ایدلدی :

الهی درد مندم چاره سنندن

کیرومرهم سن اور چون یاره سنندن

الهی فضل واحسان لطف ودرمان

بوکون بو درد وآ زاره سنندن

آغاردی کوزلرم حسرت یاشندن

بؤدر قورقوم که یوزوم قاره سنندن

ا کرجه سن بکا بدنن یاقین سک

ولی بن اولشم آواره سنندن

بکا سن ویر سنی بندن بی آل
چون ایرمک دیله ردم سن یاره سندن
بودیوان عاشق یونس دیوانی کبی تاریخ لسان عثمانی نقطه سندن ده شایان اهیتدر .

کوچوک محمد علمی افندی «قاضی زاده»

فضلا دن بر ذات اولوب (آماسیه) لیدر . (زیله) لی عبدالرحمن افندینک تلمیذی و شیخ
(عبدالمجید) سیواسی نك خلیفه سیدر . آماسیه ده سلطان بایزید ثانی جامع شریفی کرسی شیخی
ایدی . (۱۰۴۵) ده مملکتده ارتحال ایده رک پیر الیاس خلوتی یاننه دفن ایدلدی آثار ی بروجه آتیدر .
(۱) (کتاب المقبول فی حال الخیول) تورکجه اوچ باب اوزره مرتب اولوب سلطان عثمان
ثانی یه تقدیم ایتشدور .

(۲) (مسموعه النقایح و مجموعه النصایح) برنسیخه سی ایوبده خسرو پاشا کتبخانه سنده در .

(۳) (نصیح الحکام سبب النظام) " " "

(۴) (نهر الاصحاب وقهر السباب)

(۵) (رساله فی التعلیم والتعلم)

(۶) رساله رغائیه

(۷) الحکم الالهیه

اشبو آثار دن یالکیز برنجیسی مطبوعدر .

کشفی جعفر افندی

سابق الترجمه عدلی حسن افندی خلفا سندن اولوب شهریدر . (هو دیوب جعفر افندی
عزم فردوس ایلدی) مصرعنک دلالتی اولان (۱۰۵۳) ده ارتحال ایده رک (قندقلی) ده
قبودان عرب احمد پاشا مسجدی تحتنده حرمی پرزاد خاتونک بنا ایتدیکی درکاهه دفن ایدلدی .
کشفی مخلصلی برخیلی الهیاتی واردور .

از جمله :

شول کوکل کیم مبتلای درد عشق الله اولور
درد ایله درمان بولونجه کاری ذکر الله اولور

طالب دیدار اولان ای دردمند کشفی بوکون
ما وسعی رمزینک اسرارینه آگاه اولور

کثری حسن افندی

سنبله عرفاسندن برذات اولوب (آیاش) لیدر . مملکتیله استانبولده تحصیلی اکیلدن
صوکره آستانه سنبله مشایخ کرامندن (سید علاءالدین) افندییه انتساب وعلی الاصول تکمیل
سلوک واطوارایله فیوض طریقتدن بهره یاب اولارق مأموراً للارشاد مغنیسایه عزیمت ایله دی .
برقاج سنه لر نشر طریقت ایله یوب (۱۱۱۲) تاریخنده (مغنیسا) ده ارتحال ایتدی . الهیات
عاشقانه سنی جامع دیوانچیمی واردر . ۱۱۷۷

الهیاتندن :

آلدمکی صفا ایله مصفا خبرین سن
اول نورخدا وجه مجلا خبرین سن
هرمدغییه صورمه که عشقندن خبری یوق
وامقه سؤال ایله اوعدرا خبرین سن

کردی حسن افندی

فضلالی مشایخن برذات اولوب کردستانک (بان) ناحیه سندندر . شامه کیده رک تدریس
و تألیف ایله امرار حیات ایله دی . (۱۱۴۸) ده ارتحالی ایدهرک (مرج دحداح) قبرستانه دفن
ایدلی . آناری غیرمطبوع اولوب بروجه آتی در :

شرح فصوص الحکم	شرح عزری
» مواقع النجوم	» عوامل جرجانیه
» رساله شیخ رسلان	» حاشیه علی شرح العقائد للقیروانی

کوسرج احمد افندی

عارف وفاضل برذات اولوب (طرزون) لیدر . (۱۱۹۵) تاریخنده قونیه ده ارتحال
ایدهرک تربۀ مولانا یاننده کی کتبخانه آرقه سنه دفن ایدلی . طریقه نقشی ومولوی در .

(شرح رسالة القشبنديه للخادمي)، (سلسلة خواجكان في آداب عبودية الاعيان)، (عشرة رشحات) (التحفة البهية في الطريقة المولوية)، (آداب العبودية في السنن المحمدية للسالكين طريقة الخلوتيه)، (الصحبة الصافية) اسملرنده غير مطبوع رساله لری وارد. برده شيخ مراد بخاری نك (سلسلة الذهب) نى (تحفة الاحباب في السلوك الى طريق الاحباب) اسميله شرح ايتمشدر. طريقت خلوتيه يده شيخ مصطفى البكرى خلفاسندن (شيخ محمد حفاوى) دن اخذ ايله مشدر. (الصحبة الصافية) غالب دوده طرفندن تحشيه ايدلمشدر.

کمال افندی

میراج عرفانم ولی نعمتم عربری زاده سید محمد کمال الدین افندی

فضلا و عرفای مشایخدن اولان بو ذات عالی (۱۲۶۷) تاریخ هجریسند (استانبول) ده تولد ايله یوب علوم آله و عالیہ بی تعلمدن صوکره پدر عالیلری شیخ (عبدالرحمن الحریری) دن طریقت رفاعیه و خلوتیه بی تلقن ایدره ک اصولی دائره سند مجاهده و اشتغاله دوام ايله شیخ (محمد انیس الحسینی الدمشقی) دن تکمیل طریقت موفقی اولدیلر. اساساً حلبی اولدقلرندن ناشی (۱۲۸۶) تاریخنده حلبه بعده مصره کیده رک درت آی قادار اوحوالیده کی فضلا و مشایخله صحبت ايله یوب (استانبول) ه عودتلرنده علمای حدیثدن (عبداللطیف بخاری) و شیخ قاسم مغربی حضراتندن (بخاری شریف) و (مسلسلات ابن عقيلة المکی) و سائر قرائت بیوردیلر. (۱۲۸۸) تاریخنده دخی متبحرین متصوفدن (شیخ سیدخواجه محمد نورالعربی الملامی) حضرتلرینک صحبت علیه لرله مشرف اولارق جناب (شیخ اکبر) ک فصوص و (رسالة الاحديه) سیلة (ابن فارض) مرحومک (تأیه) قصیده سنی تدرس ايله دیلر. تاریخ مذکوردن صوکره خرقة شریف جوارنده کی خانه لرنده مطالعه و تألیف ايله مشغول اولدقلری کبی مراجعت ایدن طالین عرفانده استعدادلری نسبتنده معارف ربانیه تلقین بیورورلردی. بووجهله اوقاتکنذار ایکن (۱۲۹۹) سنه سی ذی القعدة سند ارتحال ایدره رک حضرت خالد (رضی الله عنه) قربنده کی (رفاعیه) دن حسیب افندی درگاه شریفی حظیره سند پدر عالیلری قبرینه دفن اولوندیلر. (قدس الله سره العزیز)

شاعر عربینک : (ان آمارنا تدل علینا ، فانظروا بعدنا الى الآثار) بیتی مصداقجه فضل و کمال عالیلری تألیفنه موفقی اولدقلری بوجه آتی قرق کسور آثار متنوعدن نمایان اولاجنی جهته اووادیدن صرف نظرله یالکز اسمی مؤلفات علیه لرینک اتیاننه شروع اولوندی :

(۱) تیان وسائل الحقایق فی بیان سلاسل الطرائق (فاتح کتبخانه سنه وقف ایدیلن بواثر عالی عربی العبارة حروف هجا ترتیبی اوزره اوچ کیرجلی محتوی اولوب یوز الی قادار طررق علیه پیراننک تراجم احوالیه تأسیس بیورد قلمری طریق قلمرک کیفیت سلوک و منبالی مین اولوب قاموس طرق مقامنده در .)

(۲) فتح ورد الاسرار شرح ورد الستار : (تورکجه مطبوعدر)

(۳) فتوحات الهیه شرح واردات الهیه للشیخ بدرالدین سیاوی (تورکجه)

(۴) فتح در لاغلا شرح دور الاعلی للشیخ الاکبر (تورکجه)

(۵) کنز الفیض فی السلوک و آداب الطريق الخلوتیه : (مؤلف خطیله محرر نسخه یحیی افندی کتبخانه سنه در . بر نسخه سی ده طرف عاجزانه مدن اسکدارده حضرت نصوحی درکاهی کتبخانه سنه اهدا قلمشدر .)

(۶) روضة العلیه فی طریقه الشاذلیه (عربی)

(۷) مرأت حقیقت (ترکی)

(۸) شرح غزل سنائی (آدم همین بو بزم دلارایه برکلیر) (ترکی)

(۹) فخر الاسماء و صبح المسمی (ترکی بر نسخه سی یحیی افندی کتبخانه سنه در)

(۱۰) سر الاسرار و نور الانوار (ترکی)

(۱۱) مدار واحدیت و مرکز احدیت (ترکی)

(۱۲) سر التوصل فی الذکر و التبتل (عربی)

(۱۳) الدررین فی شرح الیتین (عربی)

(۱۴) شرح بیت مولانا جامی (کل مافی الکون و هم اوخیال) (عربی)

(۱۵) شرح مرشد العشاق للشیخ خواجه محمد نورالدینی (ترکی)

(۱۶) شرح برهان السالکین » » »

(۱۷) سیر الاسماء و سر المسمی فی شرح الاسماء الاثنی عشر الرفاعیه (ترکی)

(۱۸) حدیقه الحقیقه (ترکی)

(۱۹) حقیقه الطریقه (ترکی)

(۲۰) شرح صلوٰة الانوریه فی شرح صلوٰة الاکبریہ (ترکی)

(۲۱) درة الانوار علی صلوٰة جوهره الاسرار (عربی)

(۲۲) قول المبین فی احوال الشیخ نورالدین جراحی الخلوئی (ترکی)

(۲۳) صلوٰة الانحاف بشرح صلوٰة السقاف (ترکی)

- (۲۴) فیض المغنی فی شرح حدیث قدسی من طلبنی (ترکی)
 (۲۵) شرح حزب الکبیر للشاذلی المسمی برشف الغدیر (ترکی)
 (۲۶) شرح حزب البحر المسمی بضیاء البدر (عربی)
 (۲۷) شرح تحفة المرسله (ترکی)
 (۲۸) تحقیق الطريق (ترکی)
 (۱۹) حضرت مصرینک اوچ عدد غزالی رینک شرحی (ترکی)
 (۳۰) ترجمه امر المربوط المحکم (للشیخ الاکبر) (ترکی)
 (۳۱) اسرار المعین فی شرح اسماء الاربعین (عربی)
 (۳۲) رشحات الاسنی علی توجهات الاسماء (عربی)
 (۳۳) مدد البکری من سید البکری (مناقب مصطفی شمس الدین بکری) (عربی)
 (۳۴) روشن دلتواز شرح کلشن راز (ترکی)
 (۳۵) المورد الخالص بالخواص فی تفسیر سورة الاخلاص (عربی)
 (۳۶) کالنامة آل عبا (ترکی مطبوعه)
 (۳۷) فوائج الازهار الحقایق ولوایح انوار الطرائق (عربی اون ایکی رساله بی حاویدر)
 اشبو آثارک همان کافه سی کتبخانه عاجزانه مده محفوظدر .

مؤلف خطیله محرر
 نسخهلری یحیی افندی
 کتبخانه سنده
 موجوددر .

کرموشخانه لی احمد ضیا الدین افندی

مشایخ خالیدیه فضلاسندن بر ذات اولوب مدت مدیده استانبولده نشر طریقت و علوم دینیہ
 دریسایله امرار اوقات ایدرک (۱۳۱۱) تاریخنده رحلت ایلهدی . (سلیمانیه) جامع شریفی
 خطیره سنده مدفوندر .

آثار مطبوعه لری :

علم حدیثدن (غرائب الاحادیث) و (راموز الاحادیث) ایله شرحی بش جلد (لوامع الفصول)
 روح العارفین ، (جامع المتون فی حق انواع الصفات الالهیه) ، (نجات الغافلین) ، (فضائل جهاد)
 مناسک حج ، (حدیث اربعین) ، (رساله فی المهاجرة) ، (مستغنی الشروح) ، (اسرار طریق) ،
 دواء المسلمین ، (مجامع الاصول) وطرق علیه اوراد واحزانی حاوی مجموعه دن عبارتدر .
 (مجامع الاصول) کنارنده امام (قاشانی) نك اصطلاحات صوفیه سی واردر .

ٲاك احمد قادري افندى

مشايخ قادريه فضلاسندن وسادات برزنجيه دن باهرايكرامة برذات اولوب (سليمانيه) ليدر.
(۱۳۱۵) ده مملكتنده ارتحال ايله دى .
آتارى : (رغبة الطالبين فى فضيلة العلم والعلماء العاملين) ، (فتح الجواد فى بيان فضائل الجهاد) ،
(فتح الرؤف فى معانى الحروف) ، (فك القفول فى شرح سلم الوصول) ، (منظومه فى علم المعانى) ،
(رسالة القلب) ، (ادب الدنيا فى التصوف والاخلاق) ، (رسالتان فى العقائد صغرى وكبرى) ،
(كاك) ، كرده بويوك قارداش مناسنيدر . مع مافيه تورجهدده كوچوكلره تلطيف ايجون آغابك
دينلديكى كي كرده ده دخی كوچوكلره (كاك) دينلديكى مرويدر .

(ل)

الطف الله قره مانى

بروسه ده مدفون امير سلطان حضرتلرينك وفاتلرندن صوكره جانشينلرى اولان ذواتك
اوچنجيسى اولوب فاضل، مجاهد برذاتدر . امير مشاراليهك بخارادن بروسه يه اثنائى هجرتلرنده
قره مانه اوغرا دقلرى زمان صاحب ترجمه تك پدرى عبدالله فقيهك خانه سنده مهمان اولمشلر
وفقيه مومى اليه عن قريب برولد صالحه نائل اوله جقلرينى تبشير ايتمشلردى . (۸۹۴) تاريخنده
بروسه ده ارتحال ايدهرك اميرسلطان جامع شريفى حظيره سنه دفن ايدلدى . علم تصوفدن (جناح
السالكين) اسمنده برائرى واردر .

لعلى محمد فنائى افندى

طريقت كلشنيه خلفاسندن برذات عاليدر . موطناً قسطنطينلى اولدينى حالده ادرنه ده ارشاد
عباد ايله مشغول اولديلر ارشد خلفاسى حضرت سزائى در . معنوى شريفك ابتدالرينه عارفانه
برشرحلى واردركه ابراهيم كلشنى حضرتلرينك ترجمه حالى ومكتوبات سزائى ايله بريرده طبع
اولونمشدر . رحلتلرى (مدد قوبدى نهال كلشنيدن بركل لعلى) مصراعنك دلالت ايتديكى
(۱۱۱۲) ده قبرعاليلرى ادرنه ده كي كلشنى آستانه سنده در . ديوانچه لرى سزائى ديوانى نهايتنده
مطبوعدر . اشعار عارفانه لرندن :

ای فنائی کل فنا بجزنده اول مثل صدف
آچه آغزک تا کالک بوله درّ من عرف
هرنه کسه دوشدن خوش کور بولاسین تاشرف
باغ وحدت بلبل سچمز کلینی خارندن

لعلى زاده عبدالباقى افندى

شارح مثنوى صارى عبدالله افندى نك كريمه زاده سى لعلى شيخ محمد افنديك مخدومى
وملاميه بايراميه عرفاسندن فاضل برذات اولوب شيخ مراد نقشبندى دن تكميل سلوك ايله مشلردره.
وفاتى (كلشن جنته كلبن اوله لعلى زاده) مصراعتك دلالتى اولان (۱۱۵۹) ده قبرى ايوبده
يحيى افندى دركاهى مقابلنده كي قلندر خانه حظيره سنده در. آثارى : (مناقب ملاميه بايراميه)،
(ترجمه انسان كامل للشيخ عبدالكريم جيلى)، (غداى روح)، (ترجمه حقيقه اليقين وزلفه
التمكين للشيخ عبدالكريم جيلى)، (شرح وذيلى على قصيدة مسلك العشاق للشيخ صارى عبدالله
افندى)، (رساله مبدا و معاد)، (ترجمه كيمياى سعادت للغزالى) در. حكيم ترمذى نك (نوادى
الاصول) نى ده اختصار ايله مشدر. خط تعليقده ماهر ايدى. اشعارنده (يتيم) تخلص ايتمشدر.
فن صكه دائر (زبدة الصكوك) اسمنده برائى ده وارددر. مسلك العشاق قصيده سنه اولان ذيلندن:

بودر آنجق صراط مستقيمى اهل وجدانك
مجت راهيدر عاشق لره مأوا سى وصلتدر

آنارندن بالكز (مناقب ملاميه بايراميه) مطبوعدر. عرفاى ايراندن (محمود جلال الدين
الجره) نك (نمود و بود) رساله سنى ده ترجمه ايتمشدر. خط دك تيموره راعب پاشا مؤلف ۱۲۰۵ هـ ق

شرح معاصره راعب پاشا مؤلف ۱۲۰۵ هـ ق

(م)

محمد محى الدين به قطب الدين ابن زبى «قطب الربيه زاده»

(مولانا فنارى) نك الك متعين تلاميذندن اولوب اكمال تحصيلدن صوكره مسلك تصوفه
انتساب ايتمش ذوالجناحين برذات عاليدر. مؤلفات عليه لرى غير مطبوع اولوب بوجه آتى در :
(شرح على مفتاح الغيب المسمى بفتح مفتاح الغيب) خط دستيله محرر نسجه سى راعب پاشا

کتبخانه سنده در . (شرح اوراد زینیه المسمى بتویرالاوراد) ، (شرح فصوص الحکم) ، (شرح علی النصوص للشیخ صدرالدین قونوی المسمى بزبدة التحقيق ونزهة التوفیق) ، (التعبير المنيف والتأویل الشریف) ، (رساله حمله) ، (رساله العمل والحکمة) ، (مزیل الشک) ، (مفتاح جنت) ، (توفیقات المصابیح) (منية الدعوات) ، ایله اکثر کتب معتبره به حواشی مقبوله لریدر . آثارندن اولوب خط دستيله محرر اولان رسائندن (رساله المعرفة) ، (رساله فی شرح حدیث احتجاج آدم وموسی) وسائر بی حاوی مجموعه سی شیخ الاسلام اسبق (صاحب ملا) بک کتبخانه سنده در . رحلتلری (لقد آتی الله بقلب سلیم) و (رحمة الله علیه دائماً) ترکیلرینک ناطق اولدینی (۸۸۵) ده ، قبر عالیلری (ادرنه) ده (زندان آتنده) (تاتار خان) مزارستانده در . سنک مزارنده کی تاریخک (۸۸۵) اولدیغنه کوره (ترجمه شقایق) ایله (کشف الظنون) ده محرر تاریخلرک یا کلش اولدینی اکلاشلمقده در . (شرح سبجائک ماعرفاک) ، (احتجاج آدم مع موسی) ، (شرح قول ابن عربی فی حق ایمان فرعون) ، (شرح العلماء ورثة الانبیا) ، (فی بیان حکمة خلق القمله) ، (تسلیتنامه الی محمود پاشا حین انعزل) رساله لری بی حاوی اولان آثار ی ده (یحیی افندی) کتبخانه سنده در . ادرنه ده مدفون اولدینی ترجمه حالی مورخین فصلنده مذکور (بادی) افندینک ادرنه تاریخنده محرر در . مع هذا (ایزنیک) ده زیارت ایتدیکم پدر عالیلری تر به سنده بوذاته منسوب بر صندوقه ده واردر .

محمود به ارلهم

مشایخ نقشبندیه دن وارباب علم و قلمدن بر ذات اولوب پدری آق شهرلی ایسه ده کندیسینک تولدی (آماسیه) ده در . (تحفة الادب صرف لغة العرب) ، (کلشن انشا) اسملرنده آثار ادیبیه سی واردر . ایکنجیسی اختصار و صوکره انتخاب ایدرک ایکی اثر داهامیدانه کتیرمشدر . فارسی و ترکی (مفتاح اللغة) اسمنده (۸۹۷) تاریخنده بر اثر لغوی ده یازمشدر که بر نسخه سی شهید علی پاشا کتبخانه سنده در .

مرکز موسی مصلح الرب افندی

ذکر عالیلری سبق ایدن سنبل افندی حضرتلرینک کزیده خلفاسندن عارف بر الهی بر ذات اولوب مسقط رأسلری (دکزلی) تاریخ وفاتلری (مرکزک دائره سین نورایده الله)

مصر عیله (مات تقی) ترکیك دلالتی اولان (۹۵۹) تاریخنده و مرقد مبارکلی سوراستانبول خارجنده کی درگاهلرنده در. قرائت اولونمقده اولان اوچ دانه عارفانه الهیلرندن باشقه اثرلرینه دسترس اولونامادی .

برالهیلرندن :

ایا عالمک شاهی تجلی قیل تسلی قیل
کوککله برجنک ماهی تجلی قیل تسلی قیل
جکوردن ایلم فریاد بونلک دعواسندن داد
ایکیلکدن قیلوب آزاد تجلی قیل تسلی قیل

موسی به شیخ طاهر نورقادی

کبار خلوتیه دن شیخ علاءالدین قره مانی خلفاسندن عارف برذاتدر (فیض قدسی) و (منطق الغیب) اسملرنده تورکجه منشور رسائل متصوفانه سی وارددر که هر ایکسی ده اون اوچر بایدر . (منطق الغیب) ک برنسخه سی عاشر افندی کتبخانه سنده وارددر . (فیض قدسی) نک بایزید خان شهزاده لرنندن (اورخان) نامنه تألیف ایدلدیکی مقدمه سنده محرردر .

ممی « محمد » مانه افندی

پیر حسن حسام الدین عشاقی حضرت ترینک اخص خلفاسندن فاضل برذات اولوب (صاروخان) لیدر . (شیخ زمان) ترکیك و (ایله یوب روح روان و یردی جان عزیز) مصرعنک دلالتی اولان (۱۰۰۸) ده در سعادته وفات ایله دی . (امیر بخاری) تر به سندن خسرو پاشایه کیدن یولک صاغنده کی تر به سنده مدفوندر . آثاری (لب الاصول فی معرفة طریقه الوصول) ، (مطالب السلوک) اولوب غیر مطبوعدر . بواثرینی سلطان مراد ثالثه تقدیمه ایله یوب مظهر احترام شهریار اولمشدر . سلطان مشارالیه ک مدایحه دائر اولان برمنظومه لری (اقنوم الحکم فی معرفة سرالقدم) اسمیله خلفاسندن (محمد القاضی چورومی) طرفندن بلیغانه بر صورتده شرح اولونمشدر که بوده غیر مطبوعدر .

الهیاتندن:

عالم ایچره قیل نظر کیم کوستریر رسم نما
بهجة الانوار ایله پیراسته اولمش ای ها

آنی کور کیم عاشقانی دم چکر ارض و سما
الامان خلاق عالم ایگله رم هر صبح شام
ینه بو طریق رجالدن (احمد صافی بن حاجی محمد) کده مراد ثالث نامنه مؤلف (کتر اخلاص)
اسمنده بر اثری وارد رکه برنسخه سی خسرو پاشا کتبخانه سنده موجود در .

محی افندی

« محمد محی الدین کلشنی »

طریقت خلوتیه نك کلشنی شعبه سی فضلاى مشایخندن بر ذات اولوب (ادرنه) لیدر .
سلانیک مولویخانه نك بانسی اتمکچی زاده احمد پاشانك برادریدر . وطنی علماسندن بالتعلم
اخذ اجازه یه موفقیتدن صوکره بر مدت زهد و صلاح دائره سنده عزالت و آثار دینه مطالعه سنه
مواظبت ایله دی . بوائنده (۹۸۱) تاریخده ادرنه قاضیسی اولوب - بحسب المظهریة - زمره
متصوفیه علیهدارانی ایله مشهور اولان (چیوی زاده افندی) بر جمعه کونی جامع شریفده النده
مطالعه ایتمکله مشغول بر کتابدن طولایی صاحب ترجمه یی حضورینه جلب ایده رک کتابک اسمنی
استفسار ایتدی . محی الدین افندی ده مربی العارفین جناب شیخ اکبر محی الدینک اجل آثارندن
بولونان (فصوص الحکم) اولدیغنی لایالایانه بر طرزده بیان ایتمی اوزرینه غضبه کلن چیوی زاده
افندی تصمیم ایتدیکی تکدیر و تویخه وسیله اولور . مطالعه سیله کتاب جلیل مذکورک عباراتی
قواعدندن سؤالر ترتیبیه امتحانه باشلادیسه ده آلدیغنی واقفانه و عالمانه جوابلره قارشى بالعکس
تقدیر و تحسینه مجبور اولدی . بعده اوتاریخلرده مصر دفتردارى بولونان برادرى نزدینه
کیدره رک بورادنده جانب حجازه عزیمتله ایفای حج شریفدن صوکره مصره عودت و اختیار
اقامتله کلشنی زاده سید علی صفوتی افندی یه تسلیم ارادت ایله دی . مجاهداتنک مکافاتی اولمق
اوزره نائل رتبه خلافت اولمغله برابر کریمه سیله ازدواجندن ناشی صهریه ده مرشدینه کسب
قربت ایله دی . والی آخرا العمر ارشاد و تألیفله مشغول اوله رق (۱۰۱۴) سنه سنده ارتحال ایده رک
(آستانه کلشنی) یه دفن ایدلی .

مؤلفاتك طبعنه همت اولونما دئيغيچون علم و عرفاني نسبتنده شهرت آلامايان مشايخ عثمانيه دندرد .
منظوماتنده (محيي) تخلص ايتمشدر .

آثاري :

- | | |
|------------------------------|--|
| ۱ — رساله في بيان اسماء حسنى | ۱۳ — شرح الاربعين |
| ۲ — نفحات المسيح العبرى | ۱۴ — كشف سهر الاعيان في حروف سر سطرلاب الاحسان |
| ۳ — شرح المستزاد | ۱۵ — شرح حديث جبريل |
| ۴ — المعميات | ۱۶ — سلسلة العشق |
| ۵ — معماي مرثيه كلشني زاده | ۱۷ — فيوض المولى |
| ۶ — المقطعات | ۱۸ — حق اليقين في الحكايات والنصايع |
| ۷ — الرباعيات | ۱۹ — هدى الحرمين |
| ۸ — غزال نامه | ۲۰ — نفحات الاسجار |
| ۹ — المصادر السنيه | ۲۱ — اخلاق الكرام |
| ۱۰ — الشمسيه | ۲۲ — مناقب كلشني |
| ۱۱ — العينه | ۲۳ — مشاهد الوجود |
| ۱۲ — حسن دل | ۲۴ — كتاب مآب |
| | ۲۵ — ديوان |

بونلردن باشقه (بالى بلن) اسميله وناشنيده برطرزده بويوجك برقطعهده براغت توركيه سى .
واردركه توركجه نك لغت واشتقاقيله متوغل ذوات ايجون بركره كوروله جك آثاردندرد .
(اخلاق كرام) اوچ فصل اوزره مرتب توركجه برأثردرد .
۱ - فعل - تهذيب اخلاق . ۲ - تدبير منازل . ۳ - سياست مدن .

مؤزده زاده احمد افندرى

طريقت قادريه نك اشرفيه شعبه سى مشايخندن ازنيق شيخ احمد حمدى افندى خلفاسندن
فاضل ، عارف برذات اولوب بروسه ليدر . برمدت حضرت اميرده خطابت ايدهرك (۱۲۰۵) ده .
رحلت ايله دى . (حمزه بك) مزارستانده مدفوندر . تصوفدن (زاد القوافل في طي المراحل)
(رساله قدسيه) ، (تعييرنامه انفسى) ، (اسماء سلوك) اسملرنده تركى العبارة رساله لرى اولدينى كچي .

«احیاء العلوم» ی (شفاء شریف) ی (منهاج العابدین) ی ده اختصار ایتشدرکه جمله سی غیرمطبوعه در . شیخ احمد افندینک ده تورکجه تعبیرنامه سی واردر .

محمد معزالربیه افندی

مشایخ جلوتیه دن فاضل برذاتدر . آتارندن پیر طریقت حضرت (هدائی) خلفاسندن اولدینی آکلاشلمقده در . ایوبده (صوقوللو) محمد پاشا کتبخانه سنده بویوک برجموعه ده رسائل آتیه سی کورلمکده در :

- (۱) ترجمه جامع الفضائل لحضرت پیرعزیز محمود هدائی
 - (۲) » مفتاح الصلوة » » » »
 - (۳) » تجلیات » » » »
 - (۴) » کشف القناع عن وجه السماع » » » »
 - (۵) » واقعات » » » » (برقسم اصغیردر)
 - (۶) » منازل السالکین
 - (۷) » میزان التجات
 - (۸) » شرح مفتاح الصلوة المسمى بمصباح الصلوة ومرآت الدرجات
- آتار مذكوره نك اكثر نده (۱۰۳۳) تاریخی محرر در .

محمدی الربیه بدردی

طریقت خلوتیه نك (عشاقیه) شعبه بندن وجاهدی افندی خلفاسندن علی افندیدن مستخلف عارف، شاعر برذاتدر . (۱۰۹۱) ده وفات ایتدی . بروسه ده اوچ قوزولر درکاهنده مدفوندر . اشعارنده (بروسه وی) تخلص ایدردی . مرتب دیوانیله (توحیدنامه) ، (عبرتنامه) ، (مشاهده) اسملرنده غیرمطبوع اثرلری واردر .

الهیات عارفانه لرندن :

بورسه وی کل ائمه زاری موسایه دیندی لن ترانی
کورونمز دوستک جمالی سیلمه نیجه غبارانی

مولانا جامی نك :

زدریای شهادت چون نهنك لا برآورد سر
تیمّ واجب آمد نوح را در وقت طوفانش
بیتنی ده عارفانه بر لسانله شرح ایتمشلردر .

محمد دوده « کوروسه آباوه »

مشایخ مولویه علماسندن بر ذات اولوب بروسه لیدر . بروسه مولویخانه سی سجاده نشینی
ایکن (۱۱۱۵) تاریخنده وفات ایله دی . (شیخی) مخلصی اشعاری واردر . پدرلری کندیسینی
حدیث السن براقدرلندن سلوک منویسی حضرت مصریدن اکمال ایتمشدر .
آثاری : تصوفدن عربی العبارة (جامع الکلم) ایله (سلوک نامه طریقت مولویه) علم حسابدن
(شرح بهائیه) جغرافیادن برساله درکه جمله سی غیر مطبوعدر .
ایاتندن :

بر عرصه که عشقدر اولسه عجب اولماز
ارباب دل اولمازینه مسرور اولورسه
هر گوشه سی صد و امق و مجنونله مملو
جیب دلی کنجینه قارونله مملو

معنوی مصطفی افندی

سابق الترجه (قره باش ولی) حضرت تلیرنک مخدومی فاضل بر ذاتدر . (۱۱۱۴) تاریخنده
ارتحال ایده رك (اسکدار) ده (طوغانجیلر) ده حضرت (نصوحی) درکاهی حظیره سنه دفن ایدلدی .
عارفانه بر فصوص الحکم شرحیله مرتب دیوانی واردر که ایکسی ده غیر مطبوعدر .
دیواننک مطلعندن :

حق تعالی دن عطادر شرع پاک مصطفی
نور ذات کبریادر » » »

مجمع اوصاف رب العالمین در شبهه سز
مظهر ذات خدادر شرع پاک مصطفی

ذات واسما وصفاتی شرح ایدن شارح بودر
سر وجه کبریادر « » « »
مطلع اسرار حقدر مغز قرآن عظیم
جمله به شمس الضحی در « » « »

مسلم افندی « ابوالوفا احمد مسلم افندی »

سابق الترجه حضرت سزائی نک داماد عالیلری عارف و شاعر بر ذات اولوب اساساً
(بلغراد) لیدر . (ختامه مسک) ترکیبک و (بقانک کلشنی احمد افندی به مسلمدر) مصرعنک
دلالتی اولان (۱۱۶۶) تاریخنده (ادرنه) ده ارتحال ایدرک (ولی دده) درکاهنه دفن ایدلدی.
(شموع لامع فی بیان اطوار سابع) اسمنده حضرت سزائی نک (اطوار سابع) منظومه لرینک
شرحی ایله دیوانلری اخیراً طبع ایدلدی .

اشعار عارفانه لرندن :

هر مقامک پرده رازی اینن اوستونده در
سایه لطف خدا قلب حزین اوستونده در
اهل ذکرک صاغ و صوله انحرافک کورمه عیب
تقی جند ماسوا ایچون کمین اوستونده در

ابیات سائر لرندن :

طومه هر بابه صاقین کوشکی اوله عساس
خلقه وش قالمایه سین طشرده سن لیل ونهار

مخدوم عالیلری اولوب پدرلری یاننده مدفون اولان (محمد وفا) افندی ده شعرا و عرفادن
بر ذات اولوب (حدائق الصلوة) اسمنده عربی العباده (شرح حدیث اربعین) کبی آثاری وارد در .
مجموعه اشعارندن بر قسمی پدری اشعارندن بر قسمیه برابر (نزهة الاخوان) اسمیه طبع
ایدلمشدر .

وطن اصلیمی اولان (بلغراد) تحسیرینه دائر ایاتندن :

خسرت حصن بلغراد ایله هر شام وسحر
طونه وصاوا کبی دورماز دو چشم آغلار

مدنی محمد افندی « طبرزونی »

مشایخ قادریه فضلاسندن بر ذات اولوب (مدینه منوره) ده مجاورتندن ناشی عصرنده (مدنی) افندی نامیله بنام ایدی . (۱۱۲۳) ده مدینهده ارتحال ایله دی .
آثاری : (حاشیه علی نخبه الفکر) ، (تحاف السنیه فی احادیث القدسیه) ، (شرح قصیده بانت سعاد) ، (لوائح السبوحی فی شرح فصل النوحی) ، (شرح حزب الاعظم) ، (شرح اسماء اهل بدر) ، (تحفة الاخوان فی الحرام والحرام من الحيوان) ایله خواص قرآنه دائر (درر الثمینه فی فضائل الایات والسور) ، (رساله فی بیان ما وقع من الاوهام مافی الصحاح) ، (رساله فی بیان الاضداد) ، (رساله فی بیان مثلث لغویه) ، (رساله فیما یتعبدی وما لا یتعبدی) ، (رساله فی بیان صوم عاشورا) ، (کشف معضلات السوالین) ، (تجوید) ، (عدم اکفار مسلمین) درکه جمله سی غیر مطبوعدر . (خواص قرآنه دائر اولان) اثرینک برنسخه سی طرف عاجزانه مدن بروسده جامع کیر کتبخانه سنه اهدا ایدلمشدر . خط دستیله محرر رسائلندن (۱۶) رساله سنی حاوی مجموعه سی سلیمانیه کتبخانه سنده در .

مستقیم مصطفی نیازی افندی

مشایخ نقشبندیه علماسندن بر ذات اولوب (قونیه ارکلی) سندن در . (۱۱۶۳) تاریخنده تألیف ایتدیکی (صحبة الغایة) و (سلوک قویم و صراط مستقیم) اسمارنده کی متصوفانه رساله لری کتبخانه عمومی ده واردر . (۱۱۷۳) ده تألیف ایتدیکی (موجب الايقان) رساله سی ده (یحیی افندی) کتبخانه سنده موجوددر .

محمد به محمد الفاضی

طریقت خلوتیه فضلا و عرفاسندن بر ذات اولوب (چوروم) لی اولدقلری مرویدر . بر مدت وزیر حکیم (قوجه راغب پاشا) نك کتابجیلنی خدمتنده بولونیدلر .
آثاری غیر مطبوع اولوب بروجه آتیدر :
(شرح فصوص الحکم) ، (رساله نابرات فی بیان ختم الولاية المحمدية) ، (اسرار المحمدی وارشاد الاحمدی) ، (اثبات خاتم الاولیا) . ایکنجی اثرینی (۱۲۸۴) ده تألیف ایتمشدر .

مستقیم زاده سلیمان میرالدین افندی

متأخرین علما و مشایخ نقشبندیه دن اولوب اکتساب فیض و کمالدن صوکره عزالتی اختیار ایدهرک وقتی تألیف آثاره حصر ایله مش ایدی . علم خطهده انتسابلری واردر . (توکات علی الحی القیوم) ترکیبک دلالتی اولان (۱۲۰۲) تاریخنده مولدی اولان استانبولده رحلت ایله دی . علمی عرفانه غالب برذاتدر . زیرک جوارنده صوغوق قویو مدرسه سی قربنده مرشد عالیلری توقادی امین افندی یاننده مدفوندر . مؤلفاتی : (ترجمه مکتوبات امام ربانی)، (شرح دیوان علی)، (دوحه المشایخ) (۱)، (مجله النصاب فی النسب والکنی والالقاب) (۲)، (ترجمه لغات قانون الادب للزمخشري) (۳)، (شرح قصیده مضریه)، (شرح وردستار)، (ترجمه فقه اکبر) (۴)، (اهل طریقک سربوش شریفلرینه دائر رساله)، (شرح حدیث من عرف نفسه . .)، (شرح حزب الحفظ)، (رساله فی ایمان ابوی رسول الله) (۵)، (حاشیه حزب اعظم)، (خلاصه الهدیه) (۶)، (شرح اوراد قادریه)، (شرح بی نقط احادیث نبویه)، (جواهر خمسه)، (مناقب اصحاب بدر)، (مناقت امام اعظم)، (انوار دیار بحمایه الابار)، (اصطلاحات شعریه)، (تحفه المرام)، (حلیه نبویه و خلفاء اربعه)، (تحقیق التسلیم)، (امانت معروفه)، (الاسکندریه)، (تحقیق الصلوة)، (حجة الخط الحسن)، (تشنیف الازهر فی تعریف الاحمر)، (حسن التقویم)، (حصن حصین)، (ریاض العلماء)، (شرح العقود الثبوتیه فی الطریقه المولویه للنابلسی)، (مجله الاعیان)، (تذکره شعرا در)، (تحفه الخطاطین) (۷)، (وسیلة التصلی فی شرح منیه المصلی)، (طرز السلام لاحراز

[۱] مسند مشیخت اسلامیة ده بولنان ذوات کرامک تراجم احوالی حاکی بر اثر مقبولدرکه ۱۲۲۱ تاریخنه قدر عینتابی خواجه منیب افندی و ۱۲۴۸ تاریخنه قدر محصل زاده سلیمان فائق بک و ۱۲۷۹ تاریخنه قدر مکتوبی زاده عبدالعزیز افندی طرفلرندن تذیل ایدلشددر . ۱۲۹۳ تاریخلرنده درسعادتده وفات ایدن ارباب معارفندن طوبال رفعت افندی مرحومک دوحه المشایخی بو آثارک جمله سنی جامعدر .
[۲] اشبواسم تاریخ تسویدی اولان ۱۱۶۸ تاریخنه دالدر . نسخه سی غلطه مولویخانه سی کتبخانه سندهدر جداً موجب استفاده بر اثردر .

[۳] خط دستبیله محرر طاقی کوچوک افندی کتبخانه سندهدر . ترجمه یه (السنه ثلاثه) تسمیه ایتشددرکه تاریخ ترجمه یی مشعردر . نسخ خواجه سی احمد افندی طرفندن یاپیلان ترجمه مطبوعدر .
[۴] اقدام مطبعه سی همیتله طبع اولوندی .

[۵] ابن کمال، صاحبانی زاده، سید دحلان کی فضلی بنامکده بوخصوصده رساله مخصوصه لری واردر .

[۶] شیخ نظمی افندیکنک (هدیه الاخوان) نک مخلصیدرکه کتابک اسمی اولان (خلاصه الهدیه) تاریخ تلخیصی مشعردر .

[۷] ۱۰۶۰ تاریخنده درسعادتده وفات ایدن خطاط (نفس زاده ابراهیم) افندیکنک (کلزار صواب) و (۱۱۷۱) تاریخنده وفات ایدن خطاط (صوبولجی زاده نجیب) افندیکنک (دوحه الکتاب) و (۱۲۷۲) تاریخنده کوستندیلده وفات ایدن خطاط (مفتی محمد شمی) افندیکنک (تحفه الخطاطین) اسملرنده تراجم احوال خطاطینی جامع اثر لری واردر . (خط و خطاطان) نامنده کی اثر مطبوعک قسم اعظمی بو اثرلرندن النقاط ایدلشددر .

الاسلام) ، (جهاز المعجون في الخلاص من الطاعون) ، (المقالة المفيدة في الكلام) ، (روضة مشايخ كبار) ، (آداب الاولى الاباب) ، (خصال عشره) ، (رسالة الحی فی بیان الکی) ، (غرة البدر في بيان شهور اثنا عشر) ، (الارادة العلية في الارادة الجزئية والكلية) ، (جدول ائمة اثني عشر) ، (جدول عشره مبشره) ، (شرح بعض ابيات مثنوی) ، (ترجمة مرصع ابن اثير) ، (مشايخنامه اسلام) ، (رسالة صلوة وسطی) ، (تراجم احوال شیوخ آيا صوفيه) ، (مناقب ملامية بايراميه) ، (شرح صلوة البديع) ، (رشف الحقیقه فی كشف العقیقه) ، (رساله نسیان) ، (نصرت مبتدی) ، (تحفة المرام اسئلہ واجوبہ) ، (طرح المعنی فی شرح اسماء الحسنی) ، (مرآة الصفا فی نخبه اسماء) ، (ترجمة عقود اللؤلؤیہ فی آیین مولویہ) ، (تفسیر الفاتحه) ، (طرنوٹ فی البرغوٹ) ، (ترجمة مرشد المتأهلین) ، (کلمات حکمیہ) وسائر ددر برخیلی اشعاری ، لطیف ومعیدار تاریخی در ده واردر .

برمناجاتندن :

یارب قلم موی قادن صاقل
توفیقن ایدوب قنده کیدرسم بکارهبر
شهرآه شریعتده خطادن صاقل
تحریرمی طعن سفهاندن صاقل

رسائلک قسم اعظمی حاوی اولان بر مجموعه ییلدیز کتبخانه سنده در .
دیوان امام علی شرنک خط دستیلہ محرر نسخہ سی اسعد افندی کتبخانه سنده (دوحه مشایخ) عاشر افندی ده مکتوبات ترجمه سی ده یحیی افندی ده در .

محمد مراد نقشبندی

علما وعرفادن بر ذات اولوب شهریدر . استانبولده چهارشنبه محله سنده کی مراد ملا درکاهنده ارشاد ومثنوی تدریسیله مشغول اولورلردی . بودرگاه قربنده بردار المثنوی انشاسنه همت ایله مشدر . مؤلفاتندن (خلاصة الشروح) نامنده کی آلتی جلد مثنوی شریف شرحیله (شرح تحفه شاهی المسمى بمزید الحفا) ، (رسالة الثقایین) ، (معین الواعظین) غیر مطبوع و (ماحضر) اسمنده کی مختصر (پند عطار) شرحیله دیوانی مطبوع در . رحلتی (۱۲۶۴) ده مرقدی دار المثنوی ده در .

برنعتندن :

مراد دردمندک جمله احوالی سکا معلوم
آنی تقریر و تحریر نه حاجت یار رسول الله

وشاعر مشهور (شوکت بخاری) نك :

(ازبسكه ريخت جنون بر سرم هوا)

مصراعيله باشلايان قصيده سنك شرحى . آئارينك كافه سى دارالمنثوى كتبخانه سنده واردر .

مصطفی انور افندى «مصطفی بك»

طريقت شعبانيه مشايخندن رشيد احمد افندى خلفاسندن ايكن مؤخرأ قوشاطهلى ابراهيم افندى حضرتلرينك قائممقام ارشادى حامى شهرتيله معروف بوسنوى الحاج محمدتوفيق افندى دن تجديد نسبت ايله مش ومشار اليك وفاتندن صوكره امر ارشاده مباشرت ايتشدرد . عالم، شاعر برذات اولوب اسكدارده عناديه جوارنده نعلچه جى دركاهى پوست نشيني ايديلر . (۱۲۸۹) ده ارتحال ايده رك دركاه مذكوره دفن اولونديلر . حامى افندى ده بودركاهده مدفوندر . اوچى بريرده اوله رق طبع ايديلن (ترجمه اصول عشره) ، (ترجمه كلمات كميل بن زياد) ، (ترجمه باب الشيوخ من فتوحات المكيه) رساله لريله غير مطبوع (مجموعه الهيات) ائارندندر .

عارفانه بر مختسلرندن :

بايزيدك جذبه سنده جل شانى رمزنى
ذات احمددن تجلى من رآنى رمزنى
اذر ميت نص پاكنده معانى رمزنى
رؤيت ديدار حقدن لن ترانى رمزنى
جسم زارم عشقه طور اولمايجه بيلمدم
سعى وغيرت ايله يوب آ كلا شريعت سرينى
باب حيدر دن دخول ايت بيل انايت سرينى
عارف رمز فنا اول كور طريقت سرينى
كسوه آل عبا انور حقيقت سرينى
وصلت مرشده مسرور اولمايجه بيلمدم

محمد بهاءالدين افندى

فضلادن برذات اولوب كبراي خالديه دن بوزقيرلى محسن افنديك مخدوميدر . اكال تحصيل

هاجى محمد

وسلوکدن صوکره قونیه هجرتله نشر علم وطریقت ایله دی . (۱۳۲۱) ده ارتحال ایله یوب (حاجی عبدالفتاح) قبرستانه دفن ایدلدی . وحدت وجوده دائر عربی العبارة (باعث المغفرة فی بیان اقوال الوحدة) ایله فضائل ذکر الله دائر (ایفاظ التائمین وتنیه المقلدین) اسملرنده رسائل محققانه سی وارددر .

(ن)

نورالدین زاده مصلم الدین مصطفی افندی

صوفیه لی بالی افندی خلفاسندن اولوب قله لیدر . ظاهری وباطنی معمور ذواتنددر . رحلتلری (خیر العمل) ترکینک دلاتی اولان (۹۸۱) ده ، مرقد عالیلری در سعادته ادر نه قاپیسی خارجنده کی صیرت تکیه ده در . سلطان سلیمان قانونی معینده (سکتوار) سفرنده بولنمشلر ایدی . مؤلفاتی غیر مطبوع اولوب شونلردر : (سورة انعام) ه قدر اولان تفسیر شریفلریله آیریجه تفسیر فاتحه و (شرح علی واردات کبری للشیخ بدرالدین) ، (شرح علی نصوص للشیخ صدرالدین) ، (ترجمه منازل السائرین) ، (رساله وحدت وجود) ، (رساله معراج) وسائرده در . (منازل السائرین) تصوف وحکمت اخلاق وسلوکردن باحث بر اثردر . (۴۸۱) ده ارتحال ایدن مشاهیر متصوفه و علمادان شیخ الاسلام لقیله ملقب (عبدالله انصاری هروی) نك اولوب بر خیلی ذوات طرفندن شرح اولونمشدر .

نعمه الله افندی

بروسه ده مدفون اولان امیر سلیمان درکاهی پوست نشینلرندن ابراهیم افندیدن مستخلف اولوب روم ایلی یکی شهرلیدر . (مناقب امیر سلطان) (رساله تاج و خرقة) اسملرنده اثرلری وارددر .

نفی علی آقکرمانی

طریق خلوتی کبراسندن عارف وفاضل برذات اولوب . (عین الحیات) اسمنده کی منظوم اثر

تصوفیلرنده مسقط رأسلرینک (دیوریک) اولدینی مندرجدر . مشهور ومطبوع [۱] دیوان عارفانه لریله غیرمطبوع (منظومه عین الحیاة) ، (واقعات) ، (بیعتنامه) ، (منظومه غوریه) اسملرنده بعض آثاری وارددر . رحلتلری (تاراج نقشی) ترکیبک دلالتی اولان (۱۰۶۲) تاریخنده در . مأموراً للارشاد کوندردلکلری (آق کرمان) ده مدفوندر . (واقعات) اسمنده کی اثرلرنده سالف الترجمة رمضان افندی خلفاسندن اولوب قریمدن اوزی یه هجرت ایدن (مراد قریمی) دن مستخلف بولوندینی محرردر . اشعار عارفانه لرندن :

لی مع الله مکتبده اوقودکسه ماسبق
 $1065 = 1651$

سن سنی بیلدک نه دن سک آچ کوزک بر خوشجه باق

اشعار عارفانه لرندن غزل آتی بعض عرفا طرفندن شرح اولونمشدر :

ایا سن صانع کیم سندن بو کفتاری دهان سویلر	ویا ترکیب اولان عنصر ویا لحم زبان - سویلر
سنی اول سکا بیلدیرمک مرادین قصدایدوب مولا	عنصردن کیوب بردون یوزندن ترجان سویلر
خیال ظل یتربرت کورونن خیمه تنده	دکلدر نطق ایدن صورت دروننده دوران سویلر
شولرکیم بیلمه دی نفس عرفدن المادی درس	دکلدر حقه عارفلر اوزون بیلمز یالان سویلر
کیمیکدربونجه جنبشلر کیمکدر نطق ایدن جوهر	اوزو کدن اولمادک عارف اوزوندن اوزکه کان سویلر
یارآندی جمله اشیایی اوزون پنهان ایدوب آنده	کوروندی نیجه بیک یوزدن ولی کندی نهان سویلر
سقیهم ربهم خرین ایچن عاشقلار ای نقشی	ایرد معشوقه انلر مکاندن لامکان سویلر

(۱۰۴۷) ده اکمال ایتدکلری غوریه منظومه لرینک مقدمه سندن :

کل بروای دردی یولداش ایلهین

راه عشقده کوزلرین یاش ایلهین

بیازی محمد مصری [۲]

طریقت خلوتیه دن مصریه شعبه سنک مؤسسی اولان مرد خدادار . مولدلری (ملاطیه -

[۱] بو دیوانک طبعنه همت اولونمش ایسه ده (نقشی) مخلصنه آلدانه رق سهواً (دیوان شاه نقشبند) اسمیله طبع ایتمشلردر . غیرمطبوع نسخه سنده فضله اشعار وارددر که بر نسخه سی طرف حقیرانه مدن (رمضان افندی) درکاهی کتبخانه سنه اهدا قیلنمشدر .

[۲] احوال علیه لرینک تفصیلی مشایخ مصریه دن اولوب (۱۳۱۰) تاریخلرنده بروسه ده وفات ایدن موره لی زاده (مصطفی لطفی) افندی طرفندن ترتیب و بروسه ده طبع ایدیلن مناقب نامه لرنده مذکوردر .

آشپوزی) اولوب ماردین ، مصرده اكمال تحصیلدن صوکره قونیه ولایتده کی المالی ده (سنان امی) حضرتلرندن استکمال فیض طریقت ایله رک بروسه یی مسکن اتخاذ ایتدیلمسده سائقه قدرله لمنی یه ایکنجی اعزاملرنده (روح مصری محفل عالی یه پرواز ایلدی) ، (ایلیه مصری اقدی قصر عدنی جایگاه) مصر اعلرینک دلالت ایتدیکی (۱۱۰۵) سنه سنده وفات ایله دیلر . جذبه و عرفانی غالب بر ذاتدر . باشلیجه یکریمی سکنز خلیفه سی اولدینی مطبوع مناقبنده مذکوردر . مؤلفاتی :

(۱) (موائد العرفان و عوائد الاحسان) : (۷۲) مائده اوزره مرتب عربی العبارة منثور بر اثر اولوب آثار عارفانه لرینک اک بویوکیدرکه بعض آیاتک تفاسیر انفسیه لرینی ، بعض مقالات عارفانه یی ، بر قاچ مکتوبی ، کندیلرینک قسماً ترجمه حاللرینی محتوی در . بر نسخه سی طرف حقیرانه مدن اسکدارده حضرت نصوحی درکاهی کتبخانه سنه اهدا قلمشدر .

(۲) (تفسیر فاتحه شریفه) : عربی العبارة مختصر و مفید بر اثردر . کتبخانه عمومی ده واردر . (۳) (دوره عرشیه) : مبدأ و معادن باحث اوچ باب برخاتمه اوزره مرتب عربی العبارة بر رساله قیمتداردر . دیوانلرنده : (دوره عرشیه دن هرکیم خبردار اولدی ایسه اول بیلیر آنجق نیازی علم و عرفانم نم) بیتله اشارت ایتدکلری رساله در .

(۴) (تسبیح قصیده برئه) : امام بوصیری مرحومک مشهور آفاق اولان قصیده برئه لرینک عربی العبارة تسبیحی در بر نسخه سی مطبوعدر . طرف حقیرانه مدن بروسه ده جامع کیر کتبخانه سنه اهدا قلمشدر .

(۵) (رساله التوحید) : مراتب توحید اولان افعال ، صفات ، ذاتدن باحث تورکجه بر رساله در .

(۶) (شرح اسماء الحسنی) : کلمه توحید ایله اسماء حسنی دن الله ، علی ، هو ، قهار ، حی ، عظیم ، حق ، واحد ، قیوم ، صمد ، احد اسماء شریفه سنک لسان تصوفله شرحی اولوب تورکجه در . (۷) (تفسیر سوره یوسف) : انفسی تورکجه بر رساله تفسیردر .

(۸) (اسئله واجوبه متصوفانه) : سؤال و جواب طرزنده بعض اصطلاحات متصوفانه یی مین بر رساله اولوب علم تصوفله اشتغاله باشلایان ذواته لزومی رسائلدندر .

(۹) (شرح نطق یونس امره) عارف خدا عاشق یونس حضرتلرینک معمای متصوفانه قیلندن اولان (چیقدم اریک دالنه آنده یه دم اوزومی - بوستان ایسی قاقیوب دیر نه یرسک قوزومی) بیتله مصدر بولونان نطقک شرحیدرکه شیخ اسماعیل حق مرحومکده بو شرحه بر مقدار ذیلی واردر .

(۱۰) (دیوان الهیات) : لسان عثمانی ده زبان تصوفله یازیلان دواوین صوفیه نك الك مشهور ومنتشرلرندن اولوب الحق عارفانه وعاشقانه بر دیوان حقایق بیاندر. مصحح نسخہ سی الك اول (۱۲۵۴) تاریخده مصرده طبع اولونان نسخہ در .

(۱۱) (رساله اشراط ساعات) : علامات قیامتدن اولان اشراط ساعاتک جهت انفسیه سنی مین تورکجه بر رساله صغیره در .

(۱۲) (تعییرنامه) : مفید و مختصر تورکجه بر رساله در .

(۱۳) (رساله حسنین) : حسنین (رضی الله عنهما) حضرت اتنک نبوت تعریفیه ایله نبی اولدقلرینه دائر منشور بر رساله صغیره اولوب وقتيله (روسجق) ده طبع اولونمشددر . (۱۴) مکتوبات : متعدد مکتوبلرینی حاویدر. بر نسخہ سی کوچوک افندی کتبخانه سنده در .

اشبو آناردن (تسییح قصیده برئه) ، (اسئله واجوبه متصوفانه) ، (دیوان) مطبوعدر . بعض ذوات شیخ اسماعیل حقیه منسوب اولان (لبالب و سرالسر) اسمنده کی مطبوع رساله بی ده بعض قرائن دولایسیله حضرت نیازیه نسبت ایتکده درلر . (لبالب) حضرت شیخ اکبرک اجل مؤلفاتندن اولان (فتوحات مکیه) دن التقاط و ترجمه اولونمق صورتيله علماء متصوفه نك (حضرات خمس) تسمیه ایتدکلری حضراتی مین تورکجه مطبوع بر رساله در .

ایات عارفانه لرندن :

برکوزکه آنک اولمایه عبرت نظرنده
آنادن طوغمه کوزسوزلرکاهی کورمز اشیایی
هر مرشد دل و یرمه کیم پولنی صارپه اوغرا در
برغزل عارفانه لرندن :

کیمی ظلمت ظهور ایدر کیمی انوار اولور پیدا
بوکثر عالمی آندن طوغوب ناچار اولور پیدا
او یوزدن غیری یوق تنها کلور دلدار اولور پیدا
فلکلرده کوروب آنی دوزر ادوار اولور پیدا
کلور یوزبیک دخی آندن بولور اعمار اولور پیدا
برندن اول برینه تحفله هر بار اولور پیدا
کهی مؤمن ظهور ایدر کهی کفار اولور پیدا
بوصورت عالمی ایچره ساتو بازار اولور پیدا
آنک چون هر براسمندن کلور برکار اولور پیدا
زهی کتر خفی کاندن کلور هردار اولور پیدا
زهی دریای وحدت کیم کسيلمز هرکز امواجی
نه سحر بوالعجبد کیم بو یوزدن کورینور اغیار
او یوزدن کورونن اغیار دوزر شمع جالندن
طاشینور کونده یوزبیک جان عدم اقلیمه هر دم
طیشک ایچه خیالاتی ایچک طیشه ظهوراتی
اودور ایله کلوبدر انیا مرسل مراتجه
تجلی ایله دجه اول سرای سر اخفاده
آنک ذاته غایت صنعنه هرکز نهایت یوق

تجلی ایلم اول دائم جلال و که جمالندن برینک حاصلی جنت برنده نار اولور پیدا
جمالی ظاهر اولسه تیز جلالی یاقالار آتی کوررسک برکل آچلسه یاننده خار اولور پیدا
بوسر دندرکه بر کامل ظهور ایتسه بوعالمده کمی اقرار ایدر آتی کیمه انکار اولور پیدا
ولی عارف جلال ایچره جمالی کورر دائم بوخارستانک ایچنده آکا کلزار اولور پیدا
نه سردرکه ایکی کسه نظر ایلمر بو اکوانه بری آنجق کورر داری بره دیار اولور پیدا
کورر اول کنز مخفیدن نیجه ظاهر اولور اشیا بیلور هر نقش صورتدن نیجه اسرار اولور پیدا

نقشی ابراهیم افندی

مشایخ سنبلیه دن عاشق وشاعر برذات اولوب شهریدر . (جتنده ده ای نقشی کل هودیه لم یاهو)
مصراعنک دلالتی اولان (۱۱۱۴) تاریخنده ارتحال ایله دی . (حکیم اوغلو علی پاشا) جامع شریفی
حظیره سنده مدفوندر . دیوانی غیر مطبوعدر .

برغزل عاشقانه سندن :

اولدی کوکلم ملک خلوتخانه مردان عشق

منزل یکتا ایدندی قلبی سلطان عشق

داغ یاقش شره چکمش سینه سن چاک ایله مش

بویله درعالمده نقشی حال مشتاقان عشق

عاشقانه بریتی :

هپ ماملکن نقشی نثار ایتدی یولکده بر پیره نی قالدی همان اولده کفنلک

نظمی محمد افندی

ذکری سبق ایدن (عبدالاحد النوری) حضرتلرینک خلفاسندن اولوب پدری طریزونی
ایسه ده کندیمی مولداً استانبولی در . (۱۸۸۲) تاریخنده وفات ایدرک شهرامینی قبربنده یواشجه
محمد آغا زاویه سنه دفن ایدلدی . اساساً کبار خلوتیه دن (یوسف مخدوم) ، (محمد رقیه) ، (شهقباد
شروانی) ، (عبدالمجید شروانی) ، (شمس الدین سیواسی) ، (عبدالمجید سیواسی) ، (عبدالاحد النوری)
کبی یدی ذاتله خلفاسنک تراجم احوالی حاکمی وفرعاً احوال سلوکه دائر بعض موادی حاوی اولان

(هدیه الاخوان) [۱] ایله (مثنوی شریفك دفتر اولك نظمأ ترجمه سی) ، (مرتب دیوان) ، (منظوم معیار الطریقه) ، (اطوار سبغه) اسمارنده غیر مطبوع آثاری واردر .

ابیاتندن :

بی باک کیدر جذبه ایله کعبه وصله
مجنوب الهی هم رهبری نیلر

نصریحی محمد افندی

اکابر شعبانیه دن قره باش ولی اخص خلفاسندن (نصوحیه) شعبه سنك مؤسس اولان ذات عالی اولوب (اسکدار) لیدر. تاریخ وفاتلری (رهرو طریقت) ترکینك ناطق اولدینی (۱۱۳۰) ده قبر عالیری اسکدارده طوغانجیلرده خانقاهاهلرنده در . تربه شریفه لرینك نیاز پنجره سی بالاسنده ذکائی افندینك (مقام اولیادر منبع فیض فتوحیدر. ادبله داخل اول صوفی بودرگاه نصوحیدر) یتیمی منقوشدر . آثار مرشدانه لرینك جمله سی غیر مطبوع اولوب درگاه عالیری کتبخانه سنده واردرکه اسملری بوجه آتی در :

(۱) تفسیر شریف : اون جلد صغیر اوزره مرتب اولوب بعض تصرفات علاوه ایدلک شرطیله تفاسیر معروفه دن منتخب برطرزده در .

(۲) رساله الرشیدیه : اخص خلفاسندن (مودورنی) ده مدفون عبدالله رشیدی افندی نامنه مؤلف وسلوک طریقتدن باحث اولوب عربی العبارة در .

(۳) رساله الفخریه : خلفاسندن اولوب (بشیککاش) ده (ماچقه) محله سنده مدفون فخرالدین افندی نامنه مؤلف بررساله در .

(۴) رساله الولدیه : مخدوم عالیری علاءالدین علی افندی نامنه مؤلفدر . بواثره شیخ ذکائی افندینك شرحی واردر .

(۵) شعب الایمان : اسمی موضوعنه دالدر .

(۶) شرح غزل مصری نیازی : (یا جامع الاسرار والفضائل) مصراعیله باشلایان غزلک عربی العبارة شرحیدر .

[۱] بواثر مع التأسف طرفکیرانه یازلدینتندن بعض نقاطی خلاف حقیقتدر . ازجمله مصری نیازی حقنده استخفافکارانه یازیلان عبارة بومدعایه دلیلدر . بوحالره اتحاد و اخوت اسلامیه نامنه تأسف اولونور . مستقیم زاده تلخیص ایدرک (خلاصة الهدیه) تسمیه ایله مشدرکه متناك اسمی کی بوده تاریخ تألیفی میندر .

(۷) مجموعة الاحاديث : (حضرت خالد بن زيد الانصاري) دن منقول احاديث شريفه نك نقل و شرحه دائر در .

(۸) ديوان الهيات .

بونلردن باشقا برقاچ رساله داها تحرير بيور مشلر سه ده مؤخرأ ضياعه اوغرامشدر .
مناقب عليه لري خلفاسندن (ثنائي حسن) اقدى طرفندن تحرير ايداشدر . احفاد عليه لرنندن
اولوب اليوم بوست نشين بولونان (كرام الدين) اقدى طرفندن ده مفصل بر صورتده يازاشدر .
اشعار عارفانه لرنندن :

كل نصوحينك الندن بر قدح نوش ايله كيم
محو اولوب هب جله وارلق قالميه حائل نه در
جمله بيلور سن سك عيان آنجق جالكدر نهان
اولدى نصوحى غرق آن بحر جمال اللهى كور

نزولى مصطفى افندى

مشايخ خلوتيه عاشقينندن بر ذات اولوب (دكرلى) دندر . (۱۱۵۷) تاريخنده ارتحال
ايله دى (قوله) ده دركاهى واردر . قبرى شهر مدخلنده زيارتگاهدر ساسله طريقتى آتى الترجه
(يكيت باشى) يه منتهى در . ديوان عاشقانه لري اخيراً طبع اولوندى .
ايباتندن :

هر كيم عشقه يار اولور سه هرايشى آسان اولور
آنك ايچون اويدى عشقه انيا واوليا
مرشد كامل يوزوندن بو نزولى مسكينه
حمدلله دوجهانده عشق اولوبدر رهنا

بوذاتك (قوله) ده مشهودم اولان سلسله نامه سنده (لاذقيه وى) ديه محرر در . آنجق بو
(لاذقيه وى) سوريه قطعه سنده كى (لاذقيه) دكلدر . مصرده مطبوع ابن بطوطه ساحتنامه سنده
صحيحه ۲۱۷ ايله شقايق نعمانيه ترجمه سنده مركزز اقدى بختنده محرر اولدينى وجهله (دكرلى) دركه
بوده جوارنده كى (لاؤدقيقا) خرابه مشهوره سندن آلمه در .

نورالدین محمد جراحی [۱]

طریقت خلوتیه شعبانندن (رمضانیه) دن متشعب (جراحیه) شعبه سنک مؤسسی اولوب
شهری الاصل عارفندن برذات عالیدر . جراح پاشا محله سنده تولد لرندن ناشی (جراحی) تلقیب
اولونیدیلر . رحلتلری (نجدی توحید ایله نورالدین قطب واصلین) مصر اعنک دلالتی اولان
(۱۱۳۳) تاریخنده قبر عالیلری استانبولده (قره کومروک) جوارنده در . اسمی تاریخ تألیفلری
اولان (مرشد درویشان) اسمنده منشور غیر مطبوع رساله لری ودرگاهلرنده قرائت اولونان
(ورد کبیر) ایله (ورد صغیرلری) واردر . استکمال فیضلری (علی علاءالدین کوستندیلی) دندر

الهیات عاشقانه لرندن :

دل بیتنی پاک ایدن	درویشی عنقا ایدن
عالم لاهوته کیدن	مولا ذکریدر ذکرئ
ذکر دن حالت آن	آشنای روح اولان
عقباده دولت بولان	ایضاً
ترك اهلنه قاریشان	هم ذوقه ایریشهن
بحر لدنله کوریشهن	ایضاً
ارنلرک یولنی	سوررلر هپدمنی
درویشلرک معینی	ایضاً
شیخ النی کیم طوتار	رفع حجاب اول ایدر
جانان ایلنه کیدر	ایضاً
نورالدینی دیری قیلان	توحید ایله چراغی یانان
بمحمدالله توفیق آلان	ایضاً

مصر مشایخندن (شیخ شرنوبی) حضرتلرینک طبقاتنده حق عالیلرنده صریح برصورتده
اشارت واردر .

[۱] بوذات عالینک مفید و مختصر ترجمه حالی حریری زاده سید محمد کمال افندی مرحوم طرفندن
(القول المبین فی احوال شیخ نورالدین) اسمیله تحریر ایدلش اولدینی کبی (عزری سلیمان) افندی تاریخنده
دخی مذکوردر .

مهری احمد افندی « صربوچی زاره »

طریقت قادریه نك اسماعیل رومی شعبه سی مشایخندن عارف برذات اولوب (تكفور طاعی) لیدر. (۱۸۸۲) تاریخنده مملکتنده ارتحال ایله دی. نامنه منسوب درگاهده مدفوندر. (وحدت وجود) دن باحث بر اثر یله الهیات عارفانه سی و ردر.

نوری محمد افندی

مشایخ رفاعیه علمه اسمندن برذات اولوب کرسی شیخلرندن (اسکداری) (عثمان) افندی نك خدمتیدر. فاتح جامع شریفنده علوم عربیه دن اجازه آلدقندن سوکره شیخ الاسلام مکی افندی دلائله سلطان سلیم ثالث شهزاده و سلطانلر نك خدمت تعلیمه لرینه تعیین اولونه رق یکر می ایکی سنه ایفای وظائف ایله دی. بعده مشایخ رفاعیه دن (قره صاریقی) شهرتیه بنام (ابراهیم) افندی یه انتساب ایله تکمیل سلوکه نائل اولوب (دباغلر) میداننده رجال (حزویه) دن (قربان نصوح بابا) درگاهی مشیخته تعیین اولوندی. بودرگاه شریفده ۴۵ سنه نشر طریقه موفق اوله رق (۱۲۷۳) تاریخنده ارتحال ایله دی. آثار ی غیر مطبوع اولوب اسملری بوجه آتی در :
(ترجمه مقالات سید احمد رفاعی)، (تعبیر نامه محبان)، (شرح صلوٰة کالیه)، (تربیه الطالبین)، (مفتاح الخواص)، (حقیقه توحید)، (روضه الاذکار)، (رساله بیعت)، (رساله معراج)، (آداب طریقت)، (سلوکنامه)، (رساله محبت آل عبا) اشبو آثار دن یالکر (صلوٰة کالیه) شرحی مطبوعدر.

تظیف حسن دوده

طریقت مولویه عرفاسندن لایالی مشرب برذات اولوب یکیشهر لیدر. (تعریف السلوک) [۱] اسمنده مطبوع رساله لری وارددر. غیر مطبوع دیوانچه لرنده کی اشعار عارفانه لری آزا اولمغله برابر رنگین و معنی داردر. وفاتلری (۱۲۷۷) تاریخنده مرقدلری بهاریه مولویخانه سننده در. سلسله مولویه یی مین مطبوع و بحر حقیقت اسمنده غیر مطبوع لوحه لری وارددر. ابیات عارفانه لرندن :

[۱] محبان عالی لرندن اولوب بعض وزرائك دیوان افندیکی خدمت لرنده بولونان و (۱۲۷۰) کسور تاریخ لرنده استانبولده وفات ایدن ادرنه لی خیری افندی طرفندن شرح اولونوب طبع اولونمشدر. بوذاتك برده دیوان شوکت بخاری شرحی واردرکه غیر مطبوعدر.

عزیز مصر وصلت سوزش فرقت نه در بیلمز
آنی تنها نشین کلبه احزان اولاندن صور
نور حق آینه اشیا به اولمش منعکس
خلق استمدادی مقداری بیلنمش ذات هو

مصارعدن :

باکا بسدر برخدا وبرنجی وبرولی

(۱۳۲۹) ده ارتحال ایده رک یانلرینه دفن ایدیلن مخدوملری حسین فخری افندی ده
(الولد صنواییه) سرینه مظهر ارباب دانشیدن بر ذاتدر . مناقب مولای مین فارسی العبارة
(سپسالار) دن انتخاب طریقیه ترجمه سی و دیوانچه تشکیل ایده چک قادار اشعار عارفانه سی واردر .
برغزلندن :

کوی یاره کیتمه دن مقصود بر دیداردر
جستجوی طور دن نور تجلا در غرض

دیگر :

سریر بزمگاه فقری هر بر جانه ویرمزلر
دکل هر جانه یا هو بلکه هر جانه ویرمزلر

افندی او ما سن آب حیات باده دن حصه
آنی انسانه تخصیص ایتدیلر حیوانه ویرمزلر

علم موسیقی ده صاحب اختصاص و نایزنلک ده استاد زمان ایدی . مفصلجه ترجمه حالی
(نوسال عثمانی) نک دردنجی سنه سنده مندر جدر .

نوری محمد شمسی المیه افندی

علما و مشایخ نقشبندیه دن بر ذات اولوب پدرلری (طاش کوبری) قضا سنک آیوالی قریه سندن
ایسه ده کندیلرینک ولادی (استانبول) ده در . مدت مدیده (بشکطاشی یحیی افندی) تربه سنده
ایفای رشادت ایتدیلر . (۱۲۸۰) تاریخنده ارتحال ایده رک تربه مذکوریه دفن ایدلدیلر .
(مفتاح القلوب) ، (رساله مراقبه) ، (رساله وصیتنامه) ، (پندنامه) اسملرنده کی رسائل
متصوفانه لری بریده اولق اوزره مطبوعدر .

خلفا سندن خرپوطلی مصطفی حلمی افندی ده فضلادن بر ذات اولوب تربه مذکوریه

مدخلنده کی کتبخانه ده معارف دینه و دنیویه دن باحث (معرفتنامه) وادیسند هربی العبارمه
(زبدة العلوم و خلاصة الفنون) اسمنده بر اثری وارد در . (۱۲۸۴) تاریخنده ارتحال ایدره رک
مذکور تر به قارشوسنه دفن ایدلدی .

(و)

وفاء قونوی « مصلح الدین مصطفی ایه وفا »

طریقت زینیه اعظم رجالتدن بروسه ده زینلرده مدفون (عبداللطیف قدسی) حضرت تلرینک
اخص خلفاسندن جامع الکمالات بر ذاتدر . بر سائل نایخته نک (منصورک انا الحق دیدیکنه
نه دیرسیکنز) سؤالنه قارشى : (انا الباطل می دیسون ایدى) جواب عارفانه سیله اسکات بیورد قلمری
مشهورد . رحلتلری (الی رحمة ربه) (خلد برین) ترکیلرینک ناطق اولدیغی (۸۹۶) ده
ومرقد مبارک لری استانبولده نام عالیلرینه مضاف محله ده در . تجریده حاشیه لری اولدیغی ناج
التواریخ (نقل ایدیور . نجوم ، هیئات ، موسیقی به ده واقف ایدلر . السنه ثلثه اوزره بهض
اشعار عارفانه لری وارد در . آیاصوفیه کتبخانه سنده (ساز عرفان) اسمنده کی منظومه نک ظهیریه سنده کی
مشروح حاتده بوذاته نسبت اولونماسی اثر ذهولدر . زیرا منظومه نک نهایتنده (بحری) نامنده کی
برشاعرک اثری اولدیغی محرردر . نیاز پنجره سنده سلما بنت عالی پاشا خطیله بیت آتی محرردر :

(مقتدای اهل معنی مصلح الدین بوالوفا — اعین عشاقه خاک مرقدیدر توتیا)

اشعار عارفانه لرندن :

یازدیغن چونکه از لاله دوست تغیر ایلهمز هر که عارفدر بوسری بیلدی تدبیر ایلهمز
روحک جماله آینه اولسه بشیر اولور یاخود جلاله آینه در خود نذیر اولور

اول توحیدی ذکر ایت صوکره جرمنی فکرایت | مطالعی نطق عالیلری زمانمز عرفاسندن جبار
واریولوکه دوغریکیت درویش اولهیم دیرسه ک / زاده عارف بک طرفندن (دافع الظلم لقلوب
الامم) اسمیله شرح اولونمشدر .

برده استانبول طول وعرضه کوره (روزنامه چه) سی وارد در که (حس الاقتفاء لحرروز
نامه شیخ وفا) اسمیله ریاضیون عثمانیه دن بر ذات طرفندن شرح اولونمشدر .

س. و. لم تاریخی یا مکرر ولس کرکر ایچ پات ۱۳۶۷ ویا اسکی ۷۸
 نور و قید معنی الیسیب فایه سنه ۱۸۲۲ کتاب ۱۰۰۶ و یا سیکو ۱۰۵
 می داد ادعیه اعظم ایستگنی قید برودر بومالوره محمد افندی «ایزنیقی» دارالحدیث
 در اردنه صکی دهی ۱۰۰ سیرت هر

فخر زکریا عرفا وفاضلین برذات اولوب کنیه سی (ابوعبدالله محمد بن احمد الایزنیقی) در . بدایت
 صحیح و معنی تحصیلی مملکتنده بیتیره رک استانبوله کلوب اکل ایلدهی . سابق الترجه (علی چلبی) به قرابتی
 با بنی رستگار و آردر . اواخر عمرینه دوغرو (اسکدار) ده (عتیق والده) دارالحدیثنده محدث وجامع
 شریفده واعظ اولدی. (ملاقات موت) ترکیبک دلالتی اولان (۱۱۰۸) ده ارتحال ایده رک
 (عتیق والده) سلطان جامع شریفی محرابی اوکنه دفن ایدلدی. (نورالدین زاده) نک ارشد
 خلفاسندندر . آثاری غیر مطبوع اولوب اک مشهوری علم نحو دن (معنی الییب) ه مدققانه
 یازدینی مفصل شرحیدرکه علمای عربک بو شرح دن مقولات واستشاداتی واردر دیکرلری:
 (شرح مشارق شریف) ، (شرح ابیات مفتاح العلوم) ، (اشارات الحائره لشرح حل الرامزة
 من العروض) در. (حلمی) مخلصلی الهیاتی و(بحرالکمال) اسمنده منظومه سی واردر .

دهرنی عثمانه افندی [۱]

شیخ اسماعیل حقی خلفاسندن اولوب مولدا اسکوبلی ایسه ده ادرنه ده اختیار اقامتندنشای
 ادرنه وی یاد اولونور . علم و عرفانی بعض رسائل عرفانیه و آثار منظومه سندن علم فقهده کی
 اختصاصی ده اخیراً برجلدی طبع اولونان مفصل (مهتدی الانهر الی ملتقی الابحر) اسمنده کی
 ملتقی شرحندن مستبان اولور. غیر مطبوع دیوانچه سیله (شرح حدیث اربعین) جمله مؤلفاتندندر.
 برده فقه دن (کفایه) بی ترجمه ایتشدرکه برنسخه سی آیاصوفیه کتبخانه سنده موجوددر .
 خط دستبله محرر حدیث اربعین شرحی اسعد افندی کتبخانه سنده در. وفاتی: (۱۱۳۵) ده در.
 ادرنه ده (اوزون قالدیرم) ده (عایشه قادین) خانی اتصالنده کی قبرستانده مدفوندر .

اشعار عارفانه لرندن :

الی اهلندن آل کیم اوله سیرنی ظاهر عرافت مهری دست وزره کیرمکه عریف اولماز
 جلوتی یز ظاهر اگرچه سکوندر دأبمز روح و سرده چوقدر اما رقصمز دورانمز

[۱]. مرأت جمالکده ظهور ایلدهی مولا آیات خطوطنده در اسماء و اسماء
 منشی ازل صفحه حسنکده سراسر نطق صفن کنهی ایلده ایلدهی افشا

منظومه سنک ناظمی صاحب دیوان (وحدتی) افندی بکتاشی مشرب حروفی مذهب اولان دیکر برذاتدر.

بوزات عالیدن باشقا علماء عثمانیه ایچنده کی ملتق شارحلرندن بعضیلری :

- ۱ (۱۰۱۶) ده وفات ایدن محمد عیشی تیروی
- ۲ (۱۰۴۸) » » اسماعیل بن سنان سیواسی
- ۳ (۱۰۵۲) » » شاه محمد بن احمد بن ابی السعود الصدیق المناسری
- ۴ (۱۰۷۲) » » شیخ زاده قاضی عسکر عبدالرحمن افندی
- ۵ (۱۰۷۵) » » شیخ خلیل بن رسول سینوبی آقچه چامی
- ۶ (۱۰۵۵) » » قصاب زاده محمد افندی
- ۷ (۱۰۶۸) » » عبدالرحیم مرعشی
- ۸ (۱۱۲۵) » » عبدالرحمن خصالی
- ۹ (۱۱۶۰) » » محمد الازمیری
- ۱۰ (۱۱۳۰) » » محمد بن یوسف
- ۱۱ (۱۱۰۰) » » (داماد عبدالرحمن بن شیخ محمد)
- ۱۲ (۱۱۰۱) » » شیخ نیازلی مصری خلفا سندن مصطفای عشاقی
- ۱۳ (۱۰۳۴) » » بوستان زاده محمد افندی
- ۱۴ (۹۸۰) » » قاسم بن سلیمان نیکده وی
- ۱۵ (۱۱۸۰) تاریخلرنده » سید حسن بن علی القیصری
- ۱۶ (۱۱۱۵) » » عبدالنافع قریمی
- ۱۷ (۱۰۶۵) » » موقوفاتی محمد افندی (ترجه در)
- ۱۸ (۱۱۷۰) » » یایا باشی امامی محمد افندی
- ۱۹ (۱۱۰۵) » » ادرنه لی مرتضی افندی
- ۲۰ (۱۱۲۷) » » دیوریکلی عبدالرحمن پاشا
- ۲۱ (۱۰۹۳) » » مصطفی بن عمر اسکداری
- ۲۲ (۱۲۲۷) » » فیض الله بن ولی الدین طرسوسی ثم الدبره وی
- ۲۳ (۱۱۵۲) » » بروسه لی قوشاچی زاده - (قوشاچی محمد ده ده نک اوغلیدر)
- ۲۴ (۱۰۱۴) » » علی بن شرف الدین (ظریفی)
- ۲۵ (۱۱۲۰) » » اوج زاده شیخ احمد افندی
- ۲۶ (۱۱۴۰) » » سید ابی بکر بن احمد از میدی
- ۲۷ (۱۱۶۸) » » حافظ مصطفی افندی ابن محمد

- ۲۸ (۱۱۱۰) ده وفات ایدن مفتی کلیولی سلیمان افندی
۲۹ (۱۱۲۰) » » » رهاوی سید طاهر افندی
۳۰ (۱۲۹۷) » » » کرد زاده عینتابلی کاتب مصطفی افندی

وصالی ابراهیم افندی

سابق الترجه اسماعیل حق خلفاسندن معارفند بر ذات اولوب (بروسه یکیشهر) لیدر. اکمال تحصیل وسلو کدن صوکره وطنه عودتله نشر علوم وطریقت ایله دی. وفاتنده درگاهنه دفن ایدلدی. اثبات ذات وصفاته دائر بر اثریله الهیات عارفانه سی واردر.

ولی البریه زاده مصطفی افندی

طریق نقشبندی عرفاسندن وارباب دانشدن بر ذات اولوب شهریدر. اکابر نقشبند شیخ (احمد فاروقی) نک (هدایة الطالبین) نی ترجمه ایتمشد که خط دستیله (۱۲۵۳) تاریخنده محرر نسخه سی یحیی افندی کتبخانه سمنددر. کبرای نقشبند (عیدالله احرار) سمرقندی نک (العروة الوثقی لارباب الارتقا) سیله (عبدالله دهلوی) نک (الفیوضات الاحدیة فی مراقبات الاحمدیة) سنی ده تعریب ایتمشد.

رمی مصطفی افندی

مشایخ نقشبندیه دن عالم بر ذات اولوب شهریدر. سابق الترجه (خواجه حسام) افندینک ولد معنوی وتلمیذ خاصیدر. (۱۲۹۵) تاریخنده (مدینه منوره) ده ارتحال ایددرک مجاهد مشهور طاعستانی شیخ شامل (شموئیل) افندی یاننه دفن ایدلدی آثارندن تصوف وعقائده متعلق (سبحة الذاکرین) و (درة العزیزیه) اسملرنده مطبوع و (هزالذاکرین) اسمنددرکی (حدیث اربعین) شرحی غیر مطبوعدر.

هدائی عزیز محمود افنری [۱]

طریقت جلوتیه‌نك زمان عالیرنده بدر حائنده کی انكشافه بادی باهر الفیوضات پیراعظم اولوب (عطائی) نك شقایق ذیلنده خداوندکار ولایتده کی سیوری حصار (سفری حصار) لی اسماعیل حق نك (سلسله نامه جلوتی) سنده قوچ حصارلی اولدقلری مذکور سده موثوق بعض قرائنه کوره سیوری حصارلی اولدقلری آکلاشیلور. برمدت نیابتله سیاحتدن صوکره بروسه یه کلدکلری زمان شیخ افتاده حضرتلرندن تجدید انابتله اوچ سنده واصل حقیقت اوله رق مأموراً للارشاد اسکداره عزیمت ایله یوب الی آخر العمر بوراده سجاده نشین ارشاد و خلافت اولدیلر. قرق سکز خلفای کرامی اولدینی اسملریله برابر یازمه برطومارده محرردر. (اوله مقام محمود اول مرشدك مکانی) (هدائی هوچکوب روحی همان عزم جان ایتدی) مصراعلریله (شیخ عزیز محمود هدائی) ترکیبنك ناطق اولدینی (۱۰۳۸) تاریخنده مرقد پر نورلری اسکدارده کی خاقاه عالیرنده در.

اشعار مرشدانه لرندن برغزل عاشقانه لری :

طینت آدمده قونماسه ازل سودای عشق	جتی بردانه یه صائمزدی اول دانای عشق
کنز مخفیدن ظهوره کادی اشیا لاجرم	باد حیلله تموج ایتدی چون دریای عشق
عشق و مسك اولماز نهان آنی بیلور خلق جهان	عاشق ییچاره یه ممکنمیدر اخفای عشق
بلبلک حالن بیانلر کوش ایدرلر ناله سن	برکل یخار ایچوندربو بجه هوی وهای عشق
طالب دیدار اولوب دور ایله یه تا حشره دك	کیمکه نوش ایده ازل بزمنده کر صهای عشق
عشق شیرین اولدی فریادینه فرهادك سبب	ای نیجه دانالری مجنون ایدن لیلای عشق
ای هدائی حالت عشق نه بیلسون هر مکس	قله قاف حقیقت مرغیدر عنقهای عشق

ابیات حکیمانه لرندن :

استقامت اهلی حفظ حقده در ایرمز زیان
آنك ایچون سروی اینجیتمز بکم باخزان

[۱] طریقت جلوتیه‌نك من جهة النشر اولان احوالی ابراهیم زاهد کیلانی حضرتلری زماننده هلال، شیخ افتاده حضرتلری دورنده قمر، زمان عزیز محمود هدائی ده بدره تشبیه اولوندینی اسماعیل حق مرحومك نقلیاتی جمله سندندر.

الهیات عارفانه لرندن :

ایستین یارین خاك ایدر وارین بولسه دلدارین صاقلار اسرارین

مطلعلی الهیلری بعض عرفا طرفندن شرح اولونمشدر .

تربۀ مبارکه لری قیوسنده محرر اولان منظومه :

بومشهد جمع ارواح اجساد خدائیدر ادبله کبر عزیزم تربۀ پاک هدائیدر

دلا تحصیل ایدم دیرسه کذا کر ذوق خدائیدن نصیبی آلیر البت کیرن باب هدائیدن

(درگاه شریفک قیوسی اوزرنده کی بیت) :

اکرواصل اولام دیرسه کدلا سن سمر مقصوده

کل آداب ایله یوز سور آستان شیخ محموده

مؤلفات علیه لری :

(۱) نفائس المجالس : بعض آیات کریمه نك تفاسیرینی مبین اولوب تورکجه برجلد کیردر .

(۲) تجلیات : تواریخ مختلفه ده مظهر اولدقلری تجلیات الهیهی مبین قسم اعظمی عربی برساله اولوب محقق مشهور (عبدالغنی نابلسی) طرفندن (لمعات البرق التجدی شرح تجلیات محمود افندی) اسمیله شرح اولونمشدر .

(۳) نجات الغریق : لسان تصوفده (جمع و فرق) دنیلن مقاماتی مبین تورکجه منظوم بر رساله درکه مطلبی بروجۀ آتی در :

خدایه حمد و منت اوّل و آخر که اولدر ظاهر و باطنده ظاهر

ظهوری پرده اولمشدر ظهوره کوزی اولان دلیل ایسترمی نوره

کونش ظاهر دکلیدر قرنداش نه وار کورمرسه آتی چشم خفاش

(۴) طریقتنامه : آداب وارکان درویشانهی مبین تورکجه بررساله در .

(۵) دیوان الهیات : نصایح و حکمیت متصوفانهی مبین تورکجه بر دیوان حقایق بیاندر . عاشق یونس دیوانی کچی تاریخ لسان نقطه سندن ده شایان استفاده در .

(۶) تذاکر هدائی : بعضیسی عربی بعضیسی ترکی اولمق اوزره قسم کلیسی منتسبلرندن

سلطان احمد خان اوله ارسال بیوردقلری تذاکر و مکتوبات عارفانهی حاوی اولوب (۱۷۰) کسوردر بر نسخہ سی کتبخانه عمومیده وارددر .

(۷) جامع الفضائل وقامع الرذائل : عربی العباده اولان بواثر ابواب وفصول مختلفه یی حاوی در . باب اول احوال عامه و فضائل مهمه یی مین اولوب بوده برطاقم فصولی جامعدر . باب ثانی اخلاق النفس وطریق اصلاحی مین اولوب بوده برطاقم فصولی جامعدر .

(۸) كشف القناع عن وجه السماع : سماع صوفیه نك احوال ودلائلندن باحث اولوب عربی در .

(۹) فتح الباب ورفع الحجاب : اوج باب اوزره مرتب اولوب باب اول خلق انسان باب ثانی توبه باب ثالث جامعیه الانسان واحتجاب به بالسر الالهی بیاننده در عربی در .

(۱۰) مفتاح الصلوة ومراقاة التجات : اوج باب اوزره مرتب اولوب باب اول کیفیه اقامة الصلوة وبعض اسرارها ورعاية آدابها، باب ثانی فضائل الصلوة وانواعها، باب ثالث فضائل جمعه والجماعه بیاننده در عربی در .

(۱۱) حبة الحجة: برطاقم فصولی محتوی اولوب فصل اول محبة الله، فصل ثانی محبة رسول الله، فصل ثالث محبة آل النبي عربی در .

(۱۲) حیات الارواح ونجات الاشباح : مبدأ ومعاددن باحث اولوب ابواب وفصولی مشتملدر . باب اول موت اضطراری، باب ثانی الفتن عندالموت، باب ثالث احوال السعداء والاشقیاء، باب رابع ان الارواح بعد مفارقة الاشباح این یكونون والی این یذهبون، باب خامس فیمن لا یبلی جسده ولا یموت کل التراب، باب سادس فی النفخ والبعث واول من ینشق فی الارض، باب سابع احوال الحشر وکیفیه، باب ثامن حساب، باب تاسع شفاعة ودخول الجنة وسأثره در عربی در .

(۱۳) خلاصة الاخبار فی احوال نبی المختار : ابواب وفصولی محتویدر . باب اول خلق العالم، باب ثانی خلق آدم وحوی، باب ثالث نشأت حضرت محمد (صائم)، باب رابع علم ومعرفة در عربی در .

(۱۴) مجموعة خطب : ترتیبکرده لری اولان خطبه لری جامعدر که خانقاهاهلرنده قرائت اولونمقده در .

(۱۵) طریقت محمدیه : طریقتنامه نك عربی العباده متنی در .

(۱۶) واقعات : (التبر الممسوك المشتمل على ما جرى من الطائف في اثناء السلوك) اسمنده در . اثنای سلوککرزنده معارف الهیه ایله احوال واسرار طریقته دائر مرشد عالیلری حضرت افتاده دن صادر اولان کلمات محققانه یی جامع اولوب عربی العباده بویوک برائر قیمتداردر . برنسخه سی بایزید جامع شریفی کتبخانه سیله اسکدارده آطلامه طاشنده کی کتبخانه ده واردر .

بر نسخه‌ی ده طرف حقیرانه‌مدن بروسه‌ده جامع کبیر کتبخانه‌سنه اهدا قیلنمشدر. بوان ترکیک
بعض اقسامی ترجمه اولونمشدر .

(۱۷) شرح علی قصیده الوتریه فی مدح خیر البریه (ابوبکر بن عبدالکریم حلبی) نک اثری
اولان قصیده شریفه‌نک تورکجه شرحیدر .

(۱۸) منشور مولد نبوی .

(۱۹) حاشیه علی قهستانی شرح فقه کیدانی

(۲۰) شمائل النبویه الاحمدیه

(۲۱) الفتح الالهی

(۲۲) اخبارالنبی

(۲۳) حال الارواح واحوال الموتی

جمله‌سی عربی العباده اولوب اسملری
مندرجاتلرینه دلالت ایتمکده در .

اشبو آثاردن یالکمز دیوان ، طریقتنامه ونجات الغریق برآراده مطبوعدر .

هاشمی امیر عثمانه افندی

ملامه بایرامیه اکابرندن برذات اولوب (سیواس) لیدر . استانبولده اکیال تحصیلدن
صوکره (ویزه) ده (علاءالدین علی) و (غضنفر) افندیلر حضراتندن فیضیاب اولدیلر .
سابق‌الترجمه (نورالدین زاده) افدیدن‌ده طریقت خلوتیه تلقن ایتدیلر . (۱۰۰۳) قاریخنده
ارتحال ایدهرک (قاسم پاشا) ده بنا کرده‌لری اولان درکاهه دفن ایدلایلر . (هاشمی) مخلصلی
الهیات عارفانه‌لرینی جامع دیوانچه‌لرینک اخیراً طبعنه همت اولوندی .

ابیات عاشقانه‌لرندن :

شول کتبی کیم جان و دلدن ربی ایلر طلب

هیچ اولامی کیم مرادن ویرمه‌یه آکا چلب

سن همان آنک یولونده جد ایله جهد ایده‌کور

دامن مقصوده چون ایرمک دیلرسه‌ک چک‌تعب

باده عشقی ازل جامندن ایچدکسه اکر

مست عشق اولدک سکالازم دکل ماء‌غنب

اخوان و محباننه کوندردکری مکتوبات عارفانه‌لرندن متشکل منشاتی وارددر .

هفت افندی

مشایخ بایرامیه کبارندن برذات اولوب (بولی) دندر . طریقت خلوتیه یه ده انتسابلری وارددر . عشق و عرفانلرینه دیوانچه لرله منظومه مواجهه [۱] (و طریقتنامه) لری شاهددر . وفاتلری (رحمت بهمت) ترکیبیه منتسبه لرندن صدق امة الله قادینک (بوکون همت افندی عدنی . قیلدی کندویه مأوا) تاریخی اولان (۱۰۹۵) ده قبرعالیلری اسکدارده دیوتجیلرده (بزجی زاده محمد محی الدین افندی) درگاهنده در .

سوادن قلبکی پاکایت کوکل مرآت رحندر
صفادن سینه کی چاکایت کوکل مرآت رحندر

بو عالم نسخه صغرا نه در بیل نسخه کبرا
چکلمش طغره غرا ایضاً

سوره رسک ماسواللهی بولورسک حق باللهی
طلب قیل وجه اللهی کوکل مرآت رحندر

کل ای همت شکار ایله کوکلدن اوزکه کارایله
بوسری آشکار ایله ایضاً

طریق بایرامی بی (بولی) لی احمد افندی دن، طریق خلوتی شعبانی بی بزجی زاده محمد محی الدین افندی دن اخذ ایتشلرددر .

هشتم مصطفی بابا

مشایخ خلوتیه عرفاسندن اولوب (الی ربه الکریم) ترکیبک دلالت ایتدیکی (۱۱۹۷) تاریخنده رحلت ایلدیلر . (اسکدار) ده عنادیه محله سنده پدر و مرشد عالیلری یوسف نظام الدین افندی نک بنا کرده لری اولان (باندیرمالی زاده) درگاهنده مدفوندر . غیر مطبوع (عقای مشرق) اسمنده کی منشور اثریله مطبوع دیوان و مقالات عارفانه لری وارددر .

[۱] عزیز مشار الیهک (زبدۃ الحقایق) اسمنده کی اثر عارفانه لرینک (غایۃ الدقایق) اسمیله (عینتابی حافظ محمد افندی) طرفندن ترجمه اولونان نسخه سی (۱۲۹۲) تاریخنده کنارنده متن فارسیبی اولدییی حالده مصرده طبعا یدلیدیکی کی بالکتر ترجمه سی ده (استانبول) ده طبع ایدلشدرکه الحق موجب استعاده آثار دندر .

ایاتندن :

حضور اتقیایی مظهر انوار اولاندن صور

ظهور اولیایی جامع اطوار اولاندن صور

خلفاسندن اولوب (۱۲۲۰) ده کرید آداسنک (قاندیه - قندیه) شهرنده وفات ایدن کریدی
(صلاحی زاده مصطفی) افندی ده مرشدی مشربنده شعرای مشایخدن اولوب غیرمطبوع دیوان
ومقالات منشورسی واردرکه برنسخهسی طرف عاجزیدن حضرت هدائی آستانهسی کتبخانه سنه
اهدا قلمشدر.

ایاتندن :

شعر ارباب حقیقت باشقه بر رفتاردر

نطق اهل الله طعن اولماز سلیس اولماز سه ده

حضرت سزائی نک بر غزلانی تخمیسندن :

کوهر عشقله دلخانه سن ایت مالا مال ایتمه انکاره محل زاهد بیایه مثال
دیکله مردان حق نطق شریفک درس آل حاسد قلبه دیمه حق و حقیقله مقال

نه روا بوینه کلبک طاقاسین زر خلخال

حانیه ده مدفون صاحب دیوان پیرداش لرنندن حکمتی افدینک غزلانی تخمیسندن :

چون سعیده بسدر عالمده آنحق برسبق

ذره دن ارشاد اولور عبرتدر ایشته هرورق

هو دیوکل سن دخی عرفان قپوسن ایله دق

قلعه پولاد آهسدر بکا اسمای حق

دشمن اوزره نعره الله اکبر بزده در

کل حقیقت اهلنک دنیاده بول اربابی

کوستره تا کیم سکا هم راه حق آدابی

دیلر ایسه ک علم سرک جمله فصل وبابی

آتشه یاق ای منجم زیج واضطرلابی

نه فلک برج منازل یدی اختر بزده در

صلاحی زاده خلفاسندن کریدی (عبد اللطیف) افندی ده ارباب عرفاندن برذات اولوب محققندن (عزیز محمد نسفی) نك رسائل قارسیه سنی ترجمه ایتشدرد . تورکجه وحدت وجود رساله سی مؤلفی (خلیل بن ابراهیم) افندی ده (کرید) دن یتیشن عرفاندرد .

(۱۱)

رمطانی مسین افندی

ملا میه بایرامیه عرفاسندن و بروسه لی (حسن قبادوز) افندی خلفاسندن اولوب (پشته) لیدر . [۱] (۱۳۰۴) تاریخنده (استانبول) ده ارتحال ایده رک داود پاشا جامع شریفی جوارنده (سلطان شاه) مسجدی حظیره سینه دفن ایدلدی . سابق الترجه اولانلر شیخی ابراهیم افندی خلفاسنک باشلیجه لرنندرد . (وحدتنامه) اسمنده ترکی العبارة غیر مطبوع منشور بر اثریله بعض غزلیات و مکاتیب عارفانه لری واردرد . آیوانسرائی و فیاتنده درت رساله سی اولدینی مذکوردر . [۲]

غزل

پاك ايله كوكل چشمه سنی تا دورولونجه
انكاری قودل دستیسنی اول چشمه یه طوت دور
چون حق سنی دربان درخانه سی ایتدی
سن چیق آرده دن خانه سنی صاحبه ویر
اول قومه کیم صوکره چقارمق کوچ اولور کوچ
چکدك بو جهان ایچره نیجه محنت وزحمت
ای لائی مکانه سنی بن چوق آرادم چوق
دیک طوت کوزینی کوکله کوکله کوز اولونجه
اول آب صفا بخش ايله بو دستی طولونجه
دور قپوده غیری قومه تا آنی بولونجه
بی شک کلیر الله اوینه سن ضا وولونجه
شیطان چریسی خانه قلبه قویولونجه
اول پیر خدا مرشد کاملی بولونجه
سینه مده مقیم اولدیجغك تا دیولونجه

بونطق شعرای عرفادن بعضیلری طرفندن تنظیر و تخمیس ایدلمشدر . (۱۱۸۱) ده وفات ایدره رک اسکدارده سیداحمد دره سینه دفن ایدیلن قضاتدن و رجال سعدیه دن (حسین لیب) افدینک تخمیس الی مشهوریدرکه مطلبی بوجه آتیدر :

[۱] یازمه بر اثرده بوسنه لی اولدینی کورولدیکی کبی آیوانسرائی و فیاتنده ده (خورپشته) لی اولیق اوزره مقیده ده هرا یکسی ده موثوق دکلدرد .
[۲] خلفاسندن (هادی احمد) افندینکده وحدته دائر بر اثریله منظوم سلسله بایرامیه سی واردرد .

برکاملک اول بنده سی تا کامل اولونجه سیر ایله طریقتده کمال اوزره بولونجه
 قیل خدمتی جان وکوکلدن یورولونجه پاک ایله کوکل چشمه سی تا دورولونجه
 دیک طوت کوزوکی کوکلکه کوکلک کوز اولونجه
 تاریخ تألیفی (۱۰۵۱) اولان تورکجه (بحرالعیون) اسمنده کی اثرک صاحبی (شیخ
 علاءالدین لامکانی) ده عرفادن برذاتدر. بوائزک برنسخه سی بروسه کتبخانه سنده واردر .

(ی)

یارعلی ب. سیاسه ب. آورده دیوریکلی

فضلاذن برذات عالی اولوب (آماسیه) لیدر . پدری (زین الدین سیاوش) دیوریکلی
 ایسه ده آماسیه هجرت ایتشدرد . (۷۷۷) تاریخنده فارسی العبارة اوله رق اکمال ایتدکلی
 (کتاب المقاصد الناجیه فی المبدء والمعاش والمعاد) اسمنده کی اثر دقیق عرفان وکالترینک شاهی در .
 بوائزک (شیخ عبدالمجید سیواسی) طرفدن ترجمه وشرح ایدلیدیکی مذکوردر .
 (۸۱۲) ده آماسیه ده ارتحال ایتدی : علم تصوفدن مشهور (لمعات عراقی) یی ده فارسی العبارة
 (لمحات) اسمیه شرح ایتشدرد که برنسخه سی آیاصوفیه کتبخانه سنده واردر .

یونس امره — غائبه یونس

اهل طرق میاننده عشقیله ، اخلاصیله ، عرفانیله ، مجاهده سیله مشتهر برذات اولوب
 ترجمه شقایق نقلنه کوره (بولو) منجاغندن (سقاریا) نهری سواحلندرد . احوالیده ارشاد
 ایله مشغول — علی روایه اعظمی — (طایبق امره) نامنده (طریقت قادریه) رجالدن برذاته
 انتساب ایدرد که مراتب عالییه واصل اولدی . تواتراً نقل اولندیغنه کوره سیرسلوک و مجاهده سنده
 منسوب اولدینی درکاهه صیرتیه کتیردیکی اودونلر ایچنده — بودرکاهه اکریلک کیرمنز دیهرک —
 اکری براودون بولوندر مامشدرکه بودخی صدق و اخلاصنک کالنه دالدر . مطبوع دیوان
 الهیاتی ، الهیات عارفانه لرینک کانه سنی حاوی دکلدر . مع هذا طبعنه همت اولونان بونسخه
 علم تصوف نقطه سندن بالوجوه حائز اهمیت اولدینی کی اشعار عثمانیه نک تاریخ ادواری نقطه سندن ده

قیمتداردر . بعض تراجم احوال کتابلریمزده تاریخ وفاتلری (کلشن توحید) ترکیبک دلالتی اولان (۸۴۳) اولمق اوزره مقید ایسهده دیواننده کی :

تاریخ دخی یدی یوز یدی ایدی
یونس جانی بویوله قودی ایدی

بیته نظراً (۸۴۳) دن اقدام اولمسی لازم کلیوز. الهیات عارفانه لری ساده و آمیانه اولمقله برابر غوامض علم تصوف جهتله پک چوق مضامینی جامع اولدینی کنديسندن صوکره کلن بالجمله ارباب عرفان وکالک مسلمیدر .
برالهیدن :

نظر ایله ایتری ، بازار ایله کوتوری
یارادیلانی خوش کور، یارادندن اوتوری

دیگر :

عارف آکا دیرلرکه کان اولا
معرفت عالمده عمان اولا

دیگر :

عشق آلدی بنی بندن مولام سنی ایستم سنی
بن یانارم دونی کونی
عاشقازره وصلت کرک زاهدلره جنت کرک
مجنونلره لیل کرک مولام سنی ایستم سنی
جنت جنت دیدکلری برقاق اوله برقاق حوری
ایسته یه نه ویر آنلری ایضاً

دیگر :

ات ایله دری یه بوروندیم یونس دیه کوروندیم

بعض مشاهیرک مدافنی حقنده اولدینی کی بوذاتلرک مدقلری حقنده دخی بربرینه بکزه مز برطاقم نقلیات واردرکه بعضیلری بروجه آتی نقل ایدلی :

بروسلی (لامعی چلی) نک مطبوع (نفحات الانس) ترجمه سنده (پورصوق) صوینک (سقاریه) نهری قاریشدینی محله اولمق اوزره مذکور صاحب ترجمه نک معمای متصوفانه قیلندن اولان مشهور (چیقدم اریک دالنه آده یدم اوزومی ، بوستان اسسی قاقیوب دیر

نه برك قوزومی) بیتله مصدر اولان منظومه سنك (شیخ نیازی* مصری) طرفدن اولونان شرح مطبوعه بروسلی شیخ اسماعیل حقنك یازدیغی حاشیه غیر مطبوعه ده: (امره ظاهر بودر ترکی ده القاب مدحنددر اتراك آراسنده (آتابك) ورومیان میاننده (لالا) وامثالی کبی (شیخ یونس امره) اناطولیده اسپارطه جوارنده (کچی بورلو) نام قصبه قربنده اولان غدیر عظیمك جانب شرقیسنده اولان پشت طرفده برقریه ده نشو ونما بولوب مزاری دخی اول قریه ده در) عباره سیله محرردر. (قره مان) ده وبروسه ده چلبی سلطان محمد ایله امیر سلطان آراسنده کی شبلی محله سنده کی طریقت سعیدیه دن (قره عبد الرزاق) درگاهنده هرایکسی نامنه برقریه زیارت اولونمقده در. برده (اسکیشهر - آقره) خطی اوزرنده کی استاسیونلردن صاری کوی استاسیوننده بوذات نامنه برزیارتگاه واردرکه (لامعی) چلبی نك بیان ایتدیکی یردر. بونلردن باشقا (صاروخان) سنجاغنك قوله وصالحلی قضاری آره سنده (امره) نامنده کی یتیم خانه لی برقریه ده اخیراً زیارت ایتدیکم کارگیر برتریه ده (طابدق امره) نك اولاد واحفادی ایله تربه دروننده (عاشق یونس) تربه قپوسنك اشیکی اوکنده مدفون اولدقاری منظور عاجزی اولدی. فقط مزارطاشلرینك هیچ برنده یازی یوقدر. یالکز (عاشق یونس) لکسنك مزارنده اوافق بربالعه رسمی محکوکدر (امره) کله سی حقنده کی افادادن شیخ اسماعیل حقنك عباره سی بوجه بالا ذکر ایدیلدی. (مرآت الکائنات) اسمنده کی مطبوع تاریخده دخی (تورکجه ده بیوک بادره امره دیرلر) عباره سی مندرجدر. بعضیلرینك قوله کوره (امرالله) مخفی در. (طابدق) کله سی ده (ارضروم) وحوالیسنده الفله یعنی طابداق صورتنده دوز وعارضه سز مقامنده مستعملدر. طابداق یول یعنی دوز وعارضه سز یول دیمکدرکه بومعنايه کوره (طابداق امره) یه پاکی وجدانلرندن ناشی تلقیب اولنق لازم کلیور. فقط طابمق یعنی عبادت ایتک مصدرندن طابدق یعنی عابد معناسنه حمل ایدلک دها مناسب کییدرکه امره قریه سنده کی یاپدیغم تحقیقات ده بونی مؤیددر.

یازیبی زاده محمد افندی [۱]

مشایخ بایرامیه فضلاسندن اولوب مشهور آفاق اولان (محمدیه) نك ناظم عارفیدر. عشقی، عرفانیله معروف برذاتدر. مولدی (معلقره) قراسندن (قاضی کوبی) ایسه ده کالیولی بی اقامتگاه اتخاذ ایدنمشدر. تحصیل کمال مقصدیه ایران و ماوراءالنهر کیده رک حیدر خانی وزین العرب [۱] پدر عالیلی (یازیبی صلاح الدین) ده ارباب معارفدن برذات اولوب (سبع المثانی)، (ماهیه)، (تعبیرنامه)، رساله فی الطلب) کبی آثار ی اولدیغی و علم خطده دخی بهره سی بولوندیغی اولیا چلبی روایت ایلدورکه ترجمه حالی ریاضیون فصلنده محرردر.

کجی مشاهیردن استفاده ایتمش ایسه ده اصل باعث فیض مغویلیری حاجی بایرام ولی حضرتلریدر . تاریخ وفاتلری (۸۵۵) ده قبر مبارک لری کلیو لیده در . قونیه مظفریتی اعلام ایچون خداوندکار غازی طرفندن سفارتله مصره کوندرلمشدی . (شرح فصوص الحکم) (۱) و (تفسیر الفاتحه شریفه) ایله بش فصل اوزره مرتب و بررنسخه سی (شهرید علی پاشا) ، (نور عثمانیه) ، (آیا صوفیه) کتبخانه لرنده موجود اولان (مغارب الزمان لغروب الاشیاء فی العین والعیان) غیر مطبوع مؤلفاتندندر که برادرلرینک (انوار العاشقین) ی التقاط صورتیله عربی العباده اولان بو اثر دن ترجمه ایدیلرک میدانه کلشدر . سابق الترجه شیخ اسماعیل حتی نک (محمدیه) یه ایکی جلد اوزره مکمل مطبوع برشرحی واردر .

محمدیه نک مطلبی :

اله واحد رب تعالی	هو الله البديع الحق الاعلی
تعالی ذاته لما تجلی	من الغیب الی العین فخلی
احد در ذاتی مستجمع صفاتی	تجلی ذاته اسماسی مجلی
مقدسدر جلال کبریایی	کمال سلطنتده شانی اجلا
کمالینه بو موجودات آیات	جمالینه دو عالم لر مجلی
چون اولدر عالم غیب و شهادت	پس اولدر قادر و خلاق مولا
تخیرده قوا افهام و اوهام	آنک درگاه عزتده تعالی
جمیع کائناتی قیلدی ابداع	دلائل قیلدی ذاتینه معلا
آنک در نصر عزت جود در حمت	آنکدر غیب و عین اخری و اولی
چو فردانیت آنک حد آ کادر	چون وحدانیت آنک شکری اولی

ابیات سائره سندن :

بولدی مریم بکر ایکن برشمه حسنکدن اثر
بو سبیدن طابیدلر عیسایه چندین ماه وسال

ینه عرض ایله دی دلبر یوزین قصر جلالیدن ینه نالنده شیدایم شراب لایزالیدن
ینه کشف حجاب ایتدی کوزوم کوکلم جهالتدن کیرو جانہ ندا ایتدی ندا ذوالتعالیدن

[۱] کوستندیلی سلیمان شیخی مرحوم (بحر الولاية) نامنده کی اثرنده بو شرحی برادرلری احمد بیجانہ نسبت ایدیورکه فی الحقیقه شرح مذکورده اعتراف کونا مسطور اولان بعض مواد صاحب محمدیه نک عرفانیله متناسب دکدر احتمال که مدسوس اولا . حاجی بایرام ولی یه ملاقاتدن اول اولیق احتمالی ده واردر .

مطلعلی قصیده الهیه سنی سابق الترجه (صاری عبدالله) افندی (ثمرات الفوائد) ده (کمال لطافت و غایت بلاغتمه در) دیه رک تقدیر ایدیور .
دیگر:

طلمک نقشن خیال کوردم همه عالم چو مظهر حقدر
اوخیال ایچره بر جمال کوردم آنک ایچون قو کمال کوردم

(مغارب الزمان) ک جاوی اولدینی فصولک مندرجاتی :

(۱) فی ترتیب الموجودات والنظام

(۲) فی خطابات الله مع الانبياء العظام

(۳) فی کلمات الله مع الملئكة الکرام

(۴) فی خطاب الله يوم القيام

(۵) فی کلمات الله فی اعلی المقام

یوسف مغبی

سابق الترجه (حمیدالدین) آقسرائی حضرتلرینک مخدوم عالیلری صاحب عرفان برذاتدر .
(محمدیه) طرزنده و (حقیقی نامه) اسمنده ایکی جلد اوزره مرتب منظوم اثرعارفانهلری واردرکه
علی روایة کریمهلری خطیله محرر برنسخه سی تر به لرنده موجوددر . (مغبیسا) ده (محبته نامه)
اسمنده دیگر بر اثری ده منظورم اولدی .
(حقیقی نامه) نک توحید سر لوحه لی قسمندن :

ایمان انس و جن ده آنک فیضی در جود فاش
اطوار جسم و جان ده آنک لطیفدر نهان
عباد آنک عبادتی ذوقده دلفروز
عشق آنک محبتی شوقده جان فشان
کیم وصف ایده بیلیر حقیقی بو رازی چون
صیغماز بو معرفده همان کل اولور لسان

مشارالیه پدرلری یاننده مدفون اولوب اکمال سلوکی حاجی بایرام ولی دندر . بشیکطاشده
یحیی افندی کتبخانه سنده (مطالع الايمان) اسمنده تورکجه بر اثری ده واردر .

یحییٰ شروانی «سید یحیی مہول الدیہ»

سردفتر خلوتیان اولان پیراعظم و مرشد اکرمدر . ترتیب کردہ لری اولان وردستار [۱] بالعموم شعبات خلوتیہ قرائت اولوئمقدہ در . رحلت لری (جانشین جنت) ترکیبک ناطق اولدیغی (۸۶۲) تاریخندہ قبر عالیری (باکو) [۲] دہدر . آثار علیہ لرندن اولوب کلمہ توحید عدد حروفی قادار اولان (۲۴) فصل اوزرہ مرتب (اسرار الطالبین) [۳] نامندہ کی مطبوع رسالہ لری مشہوردر کہ زمرة درویشانہ الزم آثار دندر . (شفاء الاسرار) و (اسرار الوحی) اسم لرنده آثار عارفانہ لری داها اولدیغی مرویدر . نام عالیرینہ منسوباً مغنیساده مرادیہ کتب خانہ سمنده یازمہ بر مجموعہ دہ قسم اعظمی فارسی اولوق اوزرہ بروجہ آتی رسائل منظوم اولدی :

(کشف القلوب) ، (مراتب اسرار القلب) ، (اسرار الوضوء) ، (رموز الاشارات) ، (منازل العارفين) ، (شرح اسمای ثمانیہ) ، (شرح سؤالات کلشن راز) ، (اطوار القلب) ، (علم لدنی) .

یوسف مخدوم «یوسف ضیاء الدیہ مخدوم»

(شروان) ک مرکزی اولان شاخی بلده سی قاضی القضاۃ مولانا (علی فاضل) ک مخدوم عالیری فاضل و عارف بر ذاتدر . علوم رسمیه یی بدریلہ عربستان علماسندن علم تصوفی دہ سابق الترجہ (سید یحییٰ شروانی) دن تلقن ایله مشدر . (۸۹۰) تاریخندہ مملکتندہ ارتحال ایدہ رک خانقاہ لرنہ دفن ایدلدی . (آداب الارشاد) اسمندہ (۲۴) فصل اوزرہ اثر عارفانہ لری و علم روحہ دائر (سلسلۃ الارواح) نامندہ تألیف عالمانہ لری واردر .

یکیت باشی احمد شمس الدیہ مرمرہ ری

طریقۃ خلوتیہ شعباتی میانندہ (اورتا قول) و نام عالیرینہ نسبتاً (احمدیہ) نامیلہ دہ بنام اولان شعبہ نک مؤسس ی بولونان عارف بالله اولوب (صاروخان) سنجاغی ملحقانندن (آقحصار)

[۱] بالعموم طریقت خلوتیہ رجال پینندہ قرائت اولوئمقدہ بولونان اوراد شریفک متعدد شرح لری واریسده . الک مشہور و منتشر ی ترکی عبارتہ اولوب حریری زاده سید کمال الدین افندی مرحومک آثار دندن اولان و (۱۲۸۷) سنہ ہجریہ سمنده مطبعۃ عامرہ دہ طبع ایدلندر .

[۲] (تلخیص الآثار فی عجائب الافکار) مؤلفی عبدالرشید بن صالح نامندہ کی ذات دخی باکودن یتیشن ارباب معارف دندر .

[۳] مثالیچندن (اسد بن احمد البروسہوی) نک دہ (ارشاد الطالبین فی شرح وصایا المہتدین) اسمندہ اخلاق و تصوفدن باحث (وصایای سہروردیہ) شرحی واردر .

قضاخانه مربوط (کول مرمره سی) ویا مرمره جک وساده (مرمره) اسمیلده مسمی ناحیه دندر علوم رسمیه یی تحصیلدن صوکره (عشاق) ده (قباقلی) قریه سنده مدفون کبار خلوتیه دن (علاءالدین عشاق) حضرتلرندن اخذ فیض ایده رک خدمت ارشاد ایله (مغیسا) یه عزیمت ایتدیلر . او تاریخده استانبول مشایخی آره سنده تگون ایدن برمسأله نك حل وحسمنه مأمور اولدقلرندن مشهود اولان کالات مغویه لرینه بناءً اولجه تلقیب اولندقلری (یکیت باشی) لقبی تأید ایلدی . بعده (مغیسا) یه عودتله کالاول ارشاد طالین ایله مشغول اولوب (۹۱۰) تاریخده رحمت حقه قرین اولدیلر . نام عالیبرنه منسوب درگاهده مدفوندرلر . طریقت خلوتیه شعبه لرندن (سنانیه) ، (مصریه) ، (رمضانیه) ، (جراحیه) ، شعبه لری کندیلرندن صوکره تشعب ایله مشدر . احوال طریقت وسلوک حقیقته دأثر تورکجه منشور (رسالة التوحید) ، (روضة الواصلین) ، (مقدمة الصالحة) ، (کشف الاسرار) ، (اعمال الطالین) ، (منظومه جامع الاسرار) ، (بحرین العشاق) ، (احوال الابرار والمقربین) اسملرنده غیر مطبوع آثار متصوفانه لری میان اهل طریقتده حرزجان ایدلمکده در . جامع الاسرار مطلعنندن :

ابتدا قیلدق کتابه فضل بسم الله ایله
ذکر اولونسون هم دخی توحید ذات الله ایله

آثار مذکوره دن آلتیسنی جامع اولان برمجوعه طرف حقیرانه مدن استانبولده حضرت امی سنان آستانه سی کتبخانه سنه اهدا قلمشدر .
آلاشهرده مدفون قاضی مخلصی مرتب دیوان عارفانه سی اولان (آلاشهرلی قاضی محمد) افندی ده بعض قرائنه کوره (یکیت باشی) شعبه سندن عاشق و عارف برذاتدر .
ایاتندن :

نوش ایدن عشق شرباک آب کوثر ایسته مز
باغ وصلک سیر ایدن فروس اعلا دن کچر
ماسوایی قاضیا ترک ایله یارک عشقنه
عاشق دیدار اولان دنیا وعقبادن کچر

یاوصی محمد محی الدیمه عمادی [۱]

مولانا ابوالسعودک پدر محترم لری اولوب اسملری (محمد محی الدین) مولد لری (اسکلیب) در .

[۱] یاوصی ، کله سنک کنه دنیلن حیوانحق معناسنده مستعمل اولدینی بر (اسکلیب) لی دن تحقیق ایلدی . صاحب ترجمه نك علم شریفه کنه کی یاپیشدیغندن کنایه اولسه کرک .

ذوالجناحین علمادندر. آق شمس الدین خلفاسندن (ابراهیم تنوری) دن مستخلفدر. علوم رسمیه یی مولانا (علی قوشچی) دن تعلم ایله مشلردر . (۹۲۲) تاریخنده (اسکلیب) ده رحلت بیوردیلر . (ابوالسعود) افندی طرفندن مکمل برتر به انشا ایدلمشدر . مؤلفاتی غیر مطبوع اولوب بروجہ آتی در :

(شرح علی واردات کبری للشیخ بدرالدین سیناوی) ، (تعلیقات علی تفسیر الیضاوی) ، (رساله فی احوال السلوک) ایله بعض رسائل عارفانه دن عبارتدر . (احوال سلوک) رساله سی سابق الترجه کمال الدین حریری حضرت لرینک (تیان) نده مندرجدر . اوچ باب اوزره مرتب عربی العبارة (بهجة الضیاء فی احوال التلاوة والذکر والدعا) مؤلفی (محمد بن عثمان) افندی ده (اسکلیب) دن یتیشن فضلا دندر .

یونس به ضلیل

طریقت خلوتیه فضلاسندن برزات اولوب (قسطمونی) لیدر . (۹۴۰) تاریخنده اسفندیار زاده لردن (اسماعیل بک) نامنه اخلاق و موعظه دن باحث (معیار الاسرار والاخبار) اسمیله تورکجه برائر منشور یازمشدر که نسخہ سی (یحیی افندی) کتبخانه سنده واوردر .

یحیی به بخشی

بروسه ده مدفون امیر سلطان حضرت لرینک خلفاسندن فاضل و عارف برزاتدر. آلاشهرده مدفون شیخ سنان افیدیدن تکمیل سلوکی (بویوک لطف الله) افدیدن اولوب قره سی بلادندن (کونان) لیدر . (۸۴۰) ده یایلاجقده (طوزله) ده ارتحال ایتدی . آثاری مطبوع اولوب بروجہ آتی در :

- (شرح شرعة الاسلام) ، (مناقب امیر سلطان) ، (انوار القلوب) ، (مناقب شیخ محمد بن عیسی آق حصار) ، (صحاح عجبی) ، (مقتل امام حسین) ، (دیوان الهیات) ، (مولدنجی) در .
- (شرعة) شرحک برنسخہ سی (نور عثمانیه) کتبخانه سنده واوردر .
- (امیر سلطان) حضرت لرینک مناقب علیه لرینه دائر یازیلان آثار :
- (۱) صاحب ترجمه (شیخ یحیی) افندی طرفندن
- (۲) روم ایلی یکیشهرلی (نعمه الله) افندی طرفندن .
- (۳) وسیلة المطالب وجواهر المناقب اسمیله ابراهیم چلبی طرفندن

- (۴) بالیکسری ثنائی افندی طرفندن (مطبوعدر)
(۵) بروسلی شوقی محمد بن احمد افندی طرفندن (۹۶۲) ده

یحیی افندی بشیکطاشی

ذوالجناحین برذات عالی اولوب آماسیه‌لی عمرافندینک مخدومیدر . مولداً طریزونی اولوب .
طریقه (اویسی) در . در عاده وروده زنبیلی علی افندی دن اکل تحصیلدن برمدت صوکره
بشیکطاشده اختیار انزوا ایده رک ارشاد طالبین ایله مشغول اولدیلر . رحلتلری (ارتحال ایله دی
قطب‌العلماء) ترکیبک ناطق اولدینی (۹۷۸) تاریخنده در . مدرس مخلصیه متصوفانه دیوانچه‌لری
واردر . اشعار عارفانه لرندن برقسیمی (۱۳۱۳) سنه‌سنده طبع اولونان مناقبانه لرنده مندرجدر .
(۱۰۶۲) تاریخنده بشیکطاشلی داعی نامنده برشاعر طرفندن یازیلان مفصل ومنظوم مناقبانه
مطبوع دکلدر .

لدن علمینی اهل‌یله همین مولا بیلور دیرلر
مسائل که اوله شرعی آنی منلا بیلور دیرلر

(۱۲۹۲) ده وفات ایدن مشاهیر خطاطیندن (شفیق بک) مرحوم ایله تلمیذ خاصی اولوب
(۱۳۳۱) ده ارتحال ایله بن نظیف بک‌ده بودرگاه شریف حظیره‌سنده مدفوندرلر .

یوسف سنانه افندی «سنبل»

مشایخ سنبله عرفاسندن (۹۷۸) ده استانبولده وفات ایدن (شیخ یعقوب کرمیانی) نک
مخدومی اولوب پدرلری مأموراً للارشاد (یانیه) ده بولونقلری زمانده یانیه‌ده تولد ایله مشلردر .
بعده برابرجه در سعاده هجرت و برمدت صوکره مدینه منوره‌یه رحلتله (شیخ اولیا) ترکیبک
دلالت ایتدیکی (۹۸۹) تاریخنده وفات ایله (بیعیع) ده مدفوندر .
آثاری : مطبوع (تنییه‌الغی فی رؤیه‌النبی) ، (تضلیل التأویل) ایله غیر مطبوع (رسالة الحقیقه
لطالب الايقان) ، (مناسک حج) و (جمال خلوتی سنبل ، مرکز ، یعقوب) افندیلرک مناقبی
حاکی مطبوع (تذکره‌الخلوتیه) در .

بنی بئلکدن آل قورنارالهی

که کیده بنده دن بئک کناهی

تجن بوندن کوچم اولام مسافر

جمالک کعبه‌سنده قیل مجاور

يوسف دوده

مشايخ مولويه دن فاضل برذات اولوب (قونيه) ليدر . (بستان) افنديدن اخذ فيض ايده رك (بشيكطاش) زاويه سنه شيخ اولدى (اولدى يوسف دوده من مصر نعيم الحجرة عزيز) مصر اعنك دلالت ايتديكى (۱۰۸۰) تاريخنده ارتحال ايله يوب زاويه مذكوره يه دفن ايدلى . معجزات نبويه يي جامع فارسي العبارة اون بيك بيت (روضة النور) آثار فاضلانہ سندنر .
اياتندن :

برسينه ده كيم نار محبت اثرى يوق
ظلمتده در اول نور خدا دن خبرى يوق

زاويه مذكوره ده يتيشن (زهدي يوسف دوده) افندي ده مشايخ مولويه فاضلانندن اولوب آلتى جلد اوزره مرتب (منهج القوى) اسمنده عربى العبارة مثنوى شرحلى (۱۲۸۹) ده مصرده طبع اولونمشدر . بشيكطاش زاويه سى ناميله وقتيله معروف زاويه نك محله چراغان سرايى بنا ايديله رك زاويه اولا ماجقه يه مؤخرأ بورايه ده سلاحخانه انشا ايديله رك بهاريه يه نقل ايدلمشدر . صاحب ترجمه يوسف دوده ايله اون اوچ رجال مولويه اليوم چراغان سراينك آلت قاتنده كي برتر به ده مدفوندر لر .

يعقوب عفوى

طريقت جلوتيه مشايخنندن فاضل برذات اولوب طريق مذكور شيوخ كرامندن (اوطه باشى شىخى) لقييله بنام (آماسيه) لى (فنائى مصطفى) افدينك مخدوميدر . تحصيل علميسنى پدر فاضليه زمانى افاضل علماسندن اكمل ايتدك دن صوكره اسكدارده (چاووش دره سى) قربنده بنا ايتدكلرى (جلوتى) دركاهنده نشر عرفان ايتمكده اولان (بيله جيك) لى شيخ عثمان افندي يه انتساب ايده رك همت مرشده تكميل مراتب ايتمكده شيخلرينك صهرितنه نائل اولدي لر . و (۱۱۴۷) تاريخنده اسكدارده جديد والده سلطان ومتعاقباً شهزاده جوامع شريفه لرى كرسى شيخلكلرى توجيه اولونديسه ده آز برمدت ايفاي خدمتدن صوكره هرايكيسندبه فراغتله آستانه جلوتى ده نشر فيض ومعرفت بيورديلر . و (شيخ راحل) تركينك دلالتى اولان (۱۱۴۹) تاريخنده عزم جلوتخانه بقا ايله يوب وصيتلى اوزره (عنايه) دن (قرمجه احمد) ه كيدن ايجادنه نك صاغ طرفنده ويول كنارنده والده محترمه لرى ياننه دفن اولونديلر . آناى :

- (۱) علم حدیثدن مصابیح شرحی مفاتیح : عربی العبارة بر اثر فاضلانه اولوب خط دستلریله محرر اولان طاقم کتبخانه عمومیده (جاراه ولی الدین افندی) کتابلری آره سنده در .
- (۲) الوسيلة العظمی لحضرت النبی نبی المجتبی : سیر نبویه و فضائل صلوات شریفه دن باحث بش باب اوزره مرتب و مطبوع عربی بر اثر کزیندر . صحافلر شیخی احمد افندی طرفندن ترجمه اولونمشدرکه بر نسخه سی یره باتان محله سنده کی اسعد افندی کتبخانه سنده در .
- (۳) نتیجة التفاسیر : سورة (یوسف) تفسیری مبین بر اثر منیف اولوب عربی العبارة و مطبوع در .
- (۴) لمعة نورانیة : پیر عالی حضرت هدائی نك (ازلدن عشقله بز یانه کلدك، حقیقت شمعنه پروانه کلدك) مطلعلی الهیلرینك شرحیدرکه نسخه سی خاقاه پیر کتبخانه سنده واردر .
- (۵) الحاقات علی التجلیات : حضرت پیرك آثار قدسیه لرندن اولوب عارف صمدانی (عبد الغنی نابلسی) طرفندن (لمعات البرق النجدی شرح تجلیات محمود افندی) اسمیله شرح اولونان (تجلیات) ك مقدمه سنه عائد الحاقاتدر بونکده نسخه سی مذکور کتبخانه ده واردر .
- (۶) خلاصة الیان فی مذهب النعمان : حضرت امام اعظمك مناقب علیه لرله اجتهاد و استنباط بیوردقلری بللی باشلی مسائل فقهیه دن باحث اولوب نسخه سی کتبخانه مذکورده در .
- (۷) کنز الواعظین (۸) هدیة الوعاظ : مجالس طرزنده مواعظ علیه دن باحث اولوب هرایکسنك نسخه لریده مذکور کتبخانه ده موجود در .
- (۹) هدیة السالکین : سلوك جلوتیه یی مین تورکجه بر رساله عارفانه اولوب الیوم آستانه حضرت پیر سجاده نشینی (محمد کلشن) افندی طرفندن طبعنه همت اولونمشدر . دیوانچه تشکیل ایده جك قادار الهیات عارفانه لریده واردر . بر الهیلری مطلعنندن :

نیدر عاشق خیالاتی ، جمالکدر مناجاتی
نیدر معشوق مناجاتی تجلی ایله یاالله

یوسف افندی

طریق نقشبندی مشایخندن و علم قرائت متخصص لرندن بر ذات اولوب (شومنی) لیدر .
(۱۲۸۲) تاریخنده (ادرنه) ده ارتحال ایده رک (بوچوق تپه) قبرستانه دفن ایدلدی . قرآن کریمك جمع و ترتیبی حقنده (امعان فی جمع القرآن) اسمنده بر اثری واردر .

يوسف يانيري

مشايخ نقشبنديه اکابرندن صاحب مقامات برذات اولوب ترجمه حالي سبق ايدن بکزاده مصطفى افدينک کزیده خلفاسيدر . مدت مدیده يانیهده ارشاد عباد ايله مشغول اوله رق (۱۲۴۵) تاريخنده ارتحال ايله ديلر . مسترشدانه يازدقلری اوتوزی متجاوز مکتوبلریخی حاوی مجموعه لری ایچنده فقهای عظامدن (احمد الطحطاوی المصری) یه یازلمش وجوابی آلمش ایکی مکتوبده منظور عاجزی اولدی . اشبو مجموعه مکاتیدن مستبان اولدینی اوزره شیخ مشارالیهک اساس مسلکلی ورع وتقوی اوزرینه مؤسسدر . بوجمعه دن باشقا احوال سلوکه عائد رساله سی ورابطه نقشبندیه یه دائر دیگر برآریده واردر . کندیلرندن صوکره جانشینلری اولان مشايخ کرامک تاریخ ارتحاللری بوجه آتی در :

شیخ علی الصابری افدينک ۱۲۷۰

شیخ صالح افدينک

شیخ زین العابدین افدينک ۱۲۸۷

شیخ محمد امین احمد افدينک ۱۳۱۱

شیخ علی افدينک ۱۳۱۵

مذکور مکتوبلر میاننده کورولن منظومه آتیه کندیلرینک اولمق احتمال غالبه بناءً دوج

ایدلی :

اولدر طلبکار خدا وقت سحر بیدار اولان

بولور صفا اندر صفا * * * *

شم ایلر اول جان بویخی بلبل کبی ایلر فغان

آرزوسی حقدربی کآن وقت سحر بیدار اولان

مشايخ فصلتك خطا صواب جبرولى :

صواب	خطا	سطر	صحيفه
لمعان	لمعن	۱۰	۱۳
رجيون	رجيون	۱۰	۳۱
نغمه سى	نغمه سى	۱۱	۳۲
رودبارى	داود بارى	۲	۴۰
سنگدر	سکندر	۱۳	۵۹
بوکون ايز کوزله يوب	بوکون کوزله يوب	۸	۷۵
بو عشق بر بحر عماندر	بو عشق بحر عماندر	۲۲	۸۱
کبار خلوتيه دن	کبار خلوتيه دن	۱۶	۸۳
۱۲۳۵	۱۳۳۵	۷	۸۸
۱۲۳۱	۱۳۳۱	۱۱	۸۸
وارکان اولانندن	وارکاندن	۳	۱۰۴
سپر	سیر	۱۶	۱۱۱
۱۰۷۱	۱۷۰۱	۳	۱۲۱
منحصراً	مختصراً	۱۵	۱۲۴
مؤذن زاده محمد	مؤذن زاده احمد	۲۱	۱۶۳
۱۰۲۵	۱۲۰۵	۲۳	۱۶۳
آلان	آن	۱۱	۱۷۸
سرىتى	سرىنى	۲۰	۱۸۲
۱۰۳۴	۱۳۰۴	۷	۱۹۱

علما فصلى

بسم الله الرحمن الرحيم

قال الله تعالى ، انما يخشى الله من عباده العلماء

- (١) رسول الله ، اطلبوا العلم من المهد الى اللحد
- (٢) ، اطلبوا العلم ولو بالعين
- (٣) ، العلم فريضة على كل مسلم ومسلمة
- (٤) ، اتبعوا العلماء فانهم سراج الدنيا ومصابيح الاخرة
- (٥) ، عظموا العلماء فانكم تحتاجون اليهم في الدنيا والاخرة
- (٦) ، عليكم بمجالسة العلماء واستماع كلام الحكماء
- (٧) ، العلماء ورثة الانبيا
- (٨) ، علماء امتي كانوا بني اسرائيل
- (٩) ، مجلس العلم روضة من رياض الجنة
- (١٠) ، اقرب الناس من درجة النبوة اهل العلم
- (١١) ، عالم ينتفع بعلمه خير من الف عابد
- (١٢) ، وقرؤا علماء امتي فانهم نجوم الارض
- (١٣) ، لكل شئ طريق وطريق الجنة العلم



(آق بىدك بختى خليفه)

افاضل ومظنه دن برذات اولوب (آماسيه) نك (صونسه) كويندندر . مقدمات علومى مملكته اكلدن صوكره عربستانه كيدوب مشاهير فضلادن (امام سيوطى) وشيخ الاسلام (زكريا الانصارى) و (شمس الدين محمد السخاوى) كى ذوات عاليه دن اخذ علوم ايده رك وطنه عودتله نشر علمه باشلادى . وقرق سنه تدريسدن صوكره (٩٣٠) ده ارتحال ايتدى . نامنه مضاف قبرستانده مدفوندر . مفتى الثقلين (ابن كمال) بوذاتدن تفسير وحديث اخذ واستماع ايتمشدر .

مفصلجه ترجمه حالى (الكوكب السارى فى اعيان مائة العاشرة) ايله (سلم الوصول) ده مندرجدر . طريقه خلوتى اولوب مرشدى (جمال خلوتى) خلفاسندن (محى الدين بن محمد) افنديدر . آثارى غير مطبوعدر :

(١) (معراج العلاء فى تفسير سورة الاسراء) : آماسيه رجانه دائر اولان (تذكره عبدى) ده مذكوردر .

(٢) (تنبيه الغبي فى رؤية النبي) : مخدومى شيخ يعقوب افندى طرفندن تذييل ايدلمشدر . طريقته خلوتيه شعباتندن (سنبله) شعبه سى مشايخندن (يوسف سنان) افدينك ده بوموضوع وبواسمه برساله سى واردر كه مطبوعدر .

آبادى محمد جليلى

آقى الترجه مفتى الثقلين (ابن كمال) مرحومك تلاميذندن فاضل فقيه برذات اولوب (آماسيه) نك (محمود آباد - خاقاله) قريه سندندر . تحصيلانى (استانبول) ده اكلدن صوكره بالترقى (فتوى امينى) اولدى (آياصوفيه) كتيخانه سنده (مجموعه فتاوا) سى واردر . آثار سائره سى اولدينى ده آكلاشيلمقده در . (٩٦١) تاريخنده ارتحال ايدن استادى جوارينه دفن ايدلى .

آلتي پارماق محمد افندى [*]

السنة ثلثة ادبياته واقف فضلاى اديبان برذات اولوب (اسكوب) ليدر . مملكتنده (چقريقى زاده) و (آلتي پارماق) شهرتيله بنام اولمش ايسهده اخيرا ايكنجى شهرتيله تشهر ايتمشدر . (تزهت جهان) مقدمه سنده اسمنى يازديغى صيراده (محمد بن محمد الشهير بالتي پارماق) يازديغى ده ايكنجى شقى تأييد ايدييور . علوم آليه وعاليه تحصيلنى وطننده اكمال دن صوكره مسلك تصوفده انتساب لزومنى آكلايه رق (اسكوب) قلعه سنده مدفون طريقت (بايراميه) رجانندن (شيخ جعفر) افندى يه انتسابله غايه تصوف اولان تصفيه وجدانهده موفق اولدى . بعده (استانبول) هكلهرك برمدت علم و فضيلت مشهرى بولنان فاتح جامعى شريفنده حديث ، تفسير تدرس ايلهدى . داها صوكره (مصر) هرحلتله بورادهكى تدريسيلهده علمائى عربك انظار تقديرلرينه مظهر اوله رق ايفائى حج شريف ايجون جانب (حجاز) ه عزيمت وبعدالحج ينه (مصر) ه عودتله كالاول علوم عاليه تدريسيله مشغول اولوب (۱۰۳۳) تاريخنده ارتحال ايتدى . جنازه سى برجم غفير طرفندن قالدريله رق (سوق غر) ده بنا كرده سى اولان مسجد حظيره سنه دفن ايدلدى : آثار فاضلانيسى :

(۱) (آلتي پارماق) : مشاهير علمادن (ملا مسكين) نك بر مقدمه درت ركن برخاتمه اوزره مرتب سيرا انبيا وسيرت جناب مصطفى دن باحث (معارج النبوة فى معارج الفتوة) اسمنده كى فارسى العبارة اثر مشهورينك ترجمه سى اولوب مطبوعدر . بواثر (قوجه نشانجى مصطفى بك) طرفندن ده (دلائل النبوة المحمدى وشمائل الفتوة الاحمدى) اسميله ترجمه اولمشدر .

(۲) (ترجمه نكارستان غفارى) : (غفارى) شهرتيله بنام (احمد بن محمد القزوينى) نك تاريخ اسلام ايله خلفا وملوك ونوادير حكاياتدن باحث فارسى العبارة اثر معروفك ترجمه سى (تزهت جهان ونادرد دوران) دركه موجب استفادة آئاردندر .

نسخه لرى (استانبول) كتبخانه لرينك بعضيلرنده واردر . نكارستان غفارى فضلاى عثمانيه دن شاعر مشهور شيخ الاسلام (يحيى افندى) طرفندن ده ترجمه اولونمشدر . فحول علمادن (معين الدين اسفرائينى) نكده (ابى سعيد بهادرخان جنكيزى) نامنه (نكارستان) اسمنده فارسى العبارة برتاليفى اولديغى كى علامه روم (ابن كمال) مرحومكده بواسمده براترى واردر . (۳) (ترجمه ستين الجامع البستانين) : اصل اثر (ابوبكر احمد طرسوسى) نك آلتمش مجلس اوزره مرتب تأليف مقبولى اولوب ترجمه نك برنسخه سى (كوپرولو) كتبخانه سنده موجوددر .

[*] (ايزنيق) ده لفكه قاپيسنده تربيه سى زيارت اولنقده اولان (آلتي پارماق) آناطولى ديارندن (۱۰۴۶) ده وفات ايدن علمادن (خيرالدين) افنديدر .

(۴) (کاشف العلوم و فاتح الفنون) : (شرح تلخیص المعانی) ترجمه سی اولوب برنسخه سی کتبخانه عمومیده وارد . بو ترجمه نك مقدمه سنده کی (نیجه رسائل دقیقه علم تفسیر وحید شده و نیجه اوراق منیفه اصول و فروعده تصنیف ایتدم) عباره سندن آ کلاشیلدینی اوزره صاحب ترجمه نك تعداد ابتدی کمز آ ناردن باشقا اثر لری اولدینی ده آ کلاشیلور . تراجم احوال کتابلر مذك بعضیلرنده مشهور (مطول) ی ده ترجمه ایتدیکی محرر سده منظور عاجزی اولما مشدر .

تزهت جهان مقدمه سنده کی اشعارندن :

کار وباری عاقلک دائم خطا پوش اولمه در
عیب بین اولوق روادر سرورا جاهلله

دیدۀ انصاف ایله ناظر اولان اهل کمال
نسبت ایتمز شین و غیبی بر نفس کاملله

آطه لی شیخ مصطفی به ممزه « قوسه آطه لی »

علوم آله متخصصلرندن اولوب (قوش آطه) سندندر .

بین العلما معروفیته بادی اولان (برکوی محمد افندی) مرحومک (اظهار) ینه (۱۰۸۵) تاریخنده یازدینی (نتایج الافکار) اسمنده کی شرحیدر . مولداً (طریزونی) موطناً آماسی اولان مصطفی افندی طرفندن (منافع الاختیار) اسمیله و مولداً (آخسخه وی) موطناً استانبولی (مصطفی بن دده) طرفندنده (غایة الانظار) اسمیله تحشیه و طبع ایدلمشدر . برکوی مرحومک (امتحان الاذکیا) سنی ده تحشیه ایلشدر قوش آطه سنده مدفوندر . سنک مزارنده یازی یوقدر .

آینه زاده محمد شمس الدینه « سیروزی »

علمادن و طریقت خلوتیه رجالندن بر ذاتدر . مدت مدیده سیروزده خطابت و نشر علم ایله دی . (۱۱۰۰) کسور تاریخلرنده وفات ایدرک سیروز یایلاسنه دفن ایدلدی . آتاری غیر مطبوعدر که شونلردر :

(حاشیه علی شرح نونیه للخیالی ، شرح جزری من القرائة ، شرح قصیده امام الحرمین ،

شعراى عثمانیه دن رسوخى نك (اى كه عالم دن خبردارم دين عالم ندر) مصراعيله باشلايان غزلنك شرجيدر .

آفكرمانى محمد افندى ، محمد به مصطفى

زمره قضاى اولوب علوم آله وعاليه انتساب تامى وارايدى . مكه مكرمه قاضيسى ايكن (۱۱۷۴) ده وفات ايله دى . آتارندن از مير نيابتده ايكن برطاقم علاوله لر ياپه رق (اكليل التراجم) اسمنى ويرديكى حكمت وفلسفه عتيقه دن قاضى مير (هداية) ترجمه سى و آداب مناظره دن (حسينيه شرحى) ايله حديث اربعين شرحى و (اراده جزئيه رساله سى) مطبوعدر .

(شرح حليه النبى) ، (بسمله شرحى) ، (موضوعات علوم رساله سى) ، (تفسير بيضاوى) ايله بخارى شريفه اولان حاشيه لرى (شرح الحمد الى اجمعين) ، (فوائد المسواك) ، (شرح تخميس قصيده دمياطيه) ، (زبد المتخب - مترجم تعبير نامه) ، (شرح امكان العلوم والحاصل) ، (عقد اللالى علم الله تعالى بغير انتاهى) ، (ترجمه ذكر سبحان الله وبحمده) ، (ادعيه مأثوره) ، (فرق ضاله) رساله لرى غير مطبوعدر .

امام (زمخشرى) نك (اطواق الذهب) نى ده يوز مقاله اوزره شرح ايتمشدر كه برنسخه سى حميديه كتبخانه سنده واردر . (نخودن معنى اليب) ى ده اختصار ايتمشدر كه خط دستيله محرر نسخه سى عاطف افندى كتبخانه سنده در .

آلاشهرلى عثمان به صبر افندى

علمائى اعلامدن بر ذات اولوب (استانبول) ده تدريس وتأليف ايله مشغول اوله رق (۱۱۹۰) ده وفات ايتدى .

آتارى :

(رساله فى علم المناظره) ، (رساله فى الدخان) ، (رساله فى التصريف) ، (رساله فى المنطق) ، (عمده وافية وزبد شافيه من النحو) در .

آرسوله زاده مصطفى افندى

طريقت خلوتيه مشايخندن دكترلى ده مدفون اسپارطه لى آرسلان افنديك مخدوميدر . مدينه منوره قاضيلكنى متعاقب (۱۱۸۵) ده (استانبول) ده ارتحال ايتدى . وفادن زيركه

ایتن جاده نك صولنده مدفوندر . فنون عربیه نك اكثر شعباتندن باحث رسائل كیره سنی حاوی مجموعه لری مفیدساده چاشنیکی کتبخانه سنده موجوددر نهایتده عربی مکاتب منشیانه لریده واردر .

آه علی افندی «ایزمیری»

علمادن برذات اولوب (قوجه ایلی — ایزمیتلی) در. (۱۱۶۸) تاریخنده (فضائل) نامیله قسماً عقائد و قسماً موعظه دن باحث اوچ باب اوزرینه مرتب تورکجه بر اثری واردر که بر نسخه سی یحیی افندی کتبخانه سنده موجوددر. (کوکلی) قضا سنک نوطیه ناحیه سنده مدفوندر. بین الاهالی (آق بابا) نامیله معروفدر . غازی اورده نوس بک طرفندن اوقافی احیا اولونان جامع شریفده امامت وظیفه سیله موظف ایدی .

آه عثمان افندی «عثمانه به علی»

فضلادن برذات اولوب (عربکیز) ک (آندری) قریه سندندر . (شرح حروف الهجاء و ابی جاد) اسمنده محاضراتی آکدیرر اثرینک بر نسخه سی (خالص) افندی کتبخانه سنده در . بوائزک (۱۲۰۱) تاریخنده تألیف ایدلدیکی خاتمه سنده محرردر .

آباقی کتبخانه محمد امین افندی

آنطالیه مفتیسنک مخدوم فضیلتمندیدر . لقبندن دخی استدلال اولونه بیله چکی اوزره علامه زمان عد اولونوردی . مشهور کلتبوی اسماعیل افندی ایله تاتارجق عبدالله افندی تمیز ایدن شاگرداندنددر . (۱۲۲۳) ده در سعادتده وفات ایله دی . معمریندن برذات اولوب یوز سنه عمر سورمشدر . اسکدارده سید احمد دره سی قربنده مدفوندر .

آطه لی ضراب محمد افندی «آطه یازاری»

متأخرین علمادن اولوب آتقره لیدر. (آطه بازار) ی نه نقل ایتدیکی جهته (آطه لی) شهرتیه

مشهر ایدی . (آطه بازاری) مفتیلکنده (قدس شریف) قاضیلکنده و آخر عمرنده (زغفرانبولی) نیابتده بولونه رق (۱۲۷۸) ده (زغفرانبولی) ده ارتحال ایله دی .

آثار مطبوعه سی :

(مفصل تفسیر سورة الواقعة) ، (کشف الفرائض) ، (حاشیه مفصله علی حاشیه قره تپه لی) در .

آقشهرلی مسـ فراهی افندی « شیخ الاسلام »

تحصیلی آتی الترجه (ویدینی) مرحومدن اولوب مسند مشیختی ایکی دفعه احراز ایدن فضیلا دندر . سلطان عبدالعزیز خان مرحومك معلمی ایدی . خلع وقعه سندن صوکره مدینه ده اقامته مأمور اولدی . (۱۲۹۸) سنه سنده (مدینه منوره) ده ارتحال ایله دی (جنة البقیع) ده مدفوندر . آق شهرک (ایلغین) قضا سندنر .

آثار مطبوعه سی :

(ریاض خاقانیه) معانی ، بدیع ، بیاندن باخدر .

(رسائل امتحانیه) علوم آلیه نك همان هر شعبه سندن باخدر .

(احکام مرعیه) منطقدن منظوم برادرر .

(عزیزیه و شرحی یوسفیه) منطقدن منظوم بر متن ایله شرحدر .

آثار غیر مطبوعه سندن :

(شرح علی صلوٰۃ فیضیه للشیخ اکبر)

(رساله فی کیفیه ایمان فرعون)

(یوسفیه) منطقنك قیاس بحئی (آتی الترجه یملیحازاده کامل اقتدی طرفندن شرح اولونمشدر)

(شرح عقائد) و (قاضی سلیکوتی) لرینه تعلیقات ، سیوطینك در منشوری طرزنده (۱۲)

قندن باحث بر اثری وارسه ده ناتمامدر . حضرت مولانا نك (ای خالق هفت آسمان در مانده ام

فریادرس) مطالعی مناجاته تخمییسی وبرقاچ قصائد عربیه سی واردر . مصرده (جامع الازهر)

مشایخندن صاحب التفسیر وحافظ حدیث مشاهیر فضالادن (شیخ سقا) ایله مصاحبته شیخ

مشارالیه طرفندن قدرت علمیه سی تقدیر اولونمشدی . نفیس برخط تعلیق ایله محرر عربی العبارة

دیوانچه سی موزۀ عثمانیده واردر . خط دستی اولوب آداب قضاء ایله شروط کتابت وحبیب

وسجالاتی مبین (مناشیر قضاة) اسمنده (۹۷۳) تاریخنده بر اثر یازان (علی بن مراد) افندی ده (آق شهردن) یتیشن فضلا دندر .

آق شهرلی زاده علی میبر بک

فاضل وصاحب قلم بر ذات اولوب پدری حسن فهمی افندینک اغترابندن سوکره مدت مدیده نیابت طریقیله طشره لرده بولونه رق اعلان حریتی متعاقب اقامته مأمور اولدینی (ازمیر) دن استانبوله کلوب (۱۳۳۳) تاریخنده ارتحال ایله دی . (قره جه احمد) تربه سی یاقینده والده لری قبری نه دفن ایدلی .

آثار مطبوعه لری :

- (۱) شرفما : مناقب مولانای مبین رساله در .
- (۲) فوائد : مختصر تاریخ انبیا ایله عباسیلرک نهایته قدر مختصر تاریخ اسلامدر .
- (۳) حدیقه العقلاء فی ادخار اذهار الفضلاء : عقائد وکلامدن باحثدر .
- (۴) منهاج النجاح الی معراج الفلاح : اصول حدیثدندر . (موساجه لی زاده محمد سعید آق حصار) طرفندن شرح و (عمادالدین طرسوسی) طرفندن ترجمه اولونمشدر .
- (۵) ارشاد : اخلاق وعقائده دائردر .
- (۶) منرکی الصبیان : ارشادک مختصریدر .
- (۷) تحفة الیب : فن مناظره دندر . (کاف الاریب) اسمیله ینه کندی طرفندن شرح اولونمشدر .
- (۸) شمة الاسرار : امام علی کلماتی مفسردر .
- (۹) مراصد الحکم : (شمة الاسرار) ک مختصریدر .
- (۱۰) منظوم ترجمه لمعات : مغنیسالی صادق زاده (نشأت) افندی طرفندن شرح اولونمشدر .
- (۱۱) تحقیق التصریف : اعلال قواعدندن باحثدر . غیر مطبوعدر .
- (۱۲) قدوری ترجمه سی : بونلردن باشقا اجتماعیه متعلق احادیث شریفه ترجمه لرینی حاوی غیر مطبوع بر اثر لریده واردرکه برمقداری (جریده صوفیه) ایله نشر ایدلمشدر .
- (۱۳) امثله شرحی .
- (۱۴) لوائج : تصوف وفقه دن باحث و غیر مطبوعدر لر .

(۱)

احمد جمال الدین بہ مسعود قونوی

اکابر علمادین برذات عالیدر۔ (۷۳۲) تاریخندہ شامدہ وفات ایلہدی ۔ مؤلفاتی برزسخہسی
اسعد اقدی کتبخانہ سندہ موجود (قلاند) اسمندہ کی (عقائد طحاوی) شرحیلہ دوت جلد
(التقدیر فی شرح جامع الکبیر للشیبانی فی الفروع) درکہ بونلر مخدومی جمال الدین محمود طرفندن
اکمال اولونمشدر ۔
(۹۴۴) ده وفات ایدن (مصطفی بن ادريس بروسهوی) نكده فروع علم فقهه دائر (مجمع
الاحكام) اسمندہ بر اثری واردر ۔

ابن زکانه عمود الدین علی بہ عثمانہ مار دینی

اعظم فقہا ومحدثین برذات اولوب علوم سائرہ دہدہ بہرہسی واردر۔ تحصیلنی مصر دہ
اکالدن صوکرہ دیار مصریہ دہ قاضی اقدہ بولونہرق (۷۳۵) دہ ارتحال ایلہدی ۔
آثاری :

(مختصر الهدایہ) ، (سعدیۃ فی اصول الفقہ) ، (مختصر علوم الحدیث لابن صلاح) ، (الجوہر التقی
فی الرد علی البیہقی) در ۔ صوبک اثری (۱۳۱۶) دہ هندستانک (حیدرآباد دکن) شہرندہ طبع
ایدیلدی ۔ (امام فخر الدین رازی) نک (محصل افکار المتقدمین والمتأخرین من الحكماء) سنی دہ
اختصار ایتدیکنی (کشف الظنون) بیان ایدیور ۔ کوچوک برادری احمد اقدی دہ افاضلدن
برذات اولوب (۷۴۴) دہ ارتحال ایتدی ۔
باشلیجه آثاری :

(شرح جامع الکبیر) ایله (شرح الهدایہ) ، (بہیمۃ الاعارب بما فی القرآن من القریب) ، (مختصر
رسالة القشیریۃ) ، (کتاب الضعفاء والمتروکین) ، (المنتخب فی الحدیث) ، (المؤتلف) ، (المختلف)
(سنن الصغیر والکبیر) در ۔

ابوالثنا محمود بہ احمد جمال الدین قونوی

ذکری سبق ایدن (احمد بن مسعود قونوی) نک مخدوم فضائلوسومیدر۔ ایکی دفعہ (شام
شریف) قاضی اسقندہ بولوندی۔ متبحریندن برذات اولدوغنه مؤلفاتی شاهددر ۔

آثارى :

(شرح معنى المسمى بكتاب المنتهى فى اصول فقه) ، (كتاب القلائد فى شرح العقائد) ، (كتاب النديدة فى شرح العمدة فى اصول) ، (اختصار شرح الهداية المسمى بمخلاصة النهاية) ، (كتاب التفريد فى شرح التجريد للقدورى) ، (كتاب تذهيب احكام القرآن) ، (كتاب التكملة فى فوائد الهداية) ، (كتاب الغنية فى الفتاوى) ، (كتاب الجمع بين وقفى هلال والحصاف) ، (كتاب الاعجاز فى الاعتراض على ادلة الشرعية) ، (كتاب المعتمد مختصر مسند ابى حنيفة) ، (كتاب مشرق الانوار فى مشكل الآثار) ، (مقدمة فى رفع اليدين فى الصلوة) در .

ابن ملك

اسم عاليلرى (عز الدين عبداللطيف) اولوب تيره ليدر . افخم علماء عثمانيه دن مدقق برفاضل محققدر . (آيدن اوغلو محمد بك) طرفندن (تيره) ده بنا اولونان مدرسه ده نشر علوم وكمال بيورديلر . مدرسه مذكوره ده زيارتيله مشرف اولديغم سنك مزار مباركلرنده عربى العبارة (۷۹۷) تاريخى محكوكدر . درسعادته (آق سراى) جوارنده (صوفيلر) محله سنده نام عاليلرينه اخيراً برطاش ديكلمشدر . مسلك قويم تصوفده سالك ايديلر .

آثار فاضلانه لرى بوجه آتى در :

(۱) (شرح مشارق شريف) : متن اثر (۶۵۰) تاريخنده وفات ايدن (امام رضى الدين حسن بن محمد الصاغانى) نك علم حديثدن اثر مشهورى اولوب اسمى (مشارق الانوار النبويه من صحاح الاخبار المصطفوية) دركه برچوق فضلا طرفلرندن شرح اولنمش ايسه ده بين العلماء مشهور ومتداول اولان صاحب ترجمه ابن ملك مرحوم مكيدر . بوشرك اسمى (مبارك الازهار فى شرح مشارق الانوار) در .

(۲) (شرح منار الانوار) : متن اثر (۷۱۰) تاريخنده وفات ايدن (حافظ الدين نسفى) لقيبيله مشهور (امام ابى البركات عبدالله بن احمد) ك اصول فقهندن اثر مشهورى دركه بواترده برچوق علما طرفلرندن شرح وتحشيه اولونمشدر .

(۳) (شرح مجمع البحرين) : متن اثر (۹۶۴) تاريخنده وفات ايدن (ابن ساعاى) شهرتيله بنام (مظفر الدين احمد بن على البغدادى) نك فروع حنفيه دائر اولان تأليف مشهوريدركه بواترده برچوق افاضل طرفلرندن شرح وتحشيه ايديلمشدر .

(۴) (شرح وقاية) : متن اثر علامه (محمود بن صدر الشريعة) نك اولوب اسمى (وقاية الرواية

- فی مسائل الهدایه) درکه بواثرده برچوق اکابر علما طرفلرندن شرح وتحشیه ایدیلشدر . صاحب ترجمه (ابن ملک) مرحوم بوشرحی مخادیم علیه لرنندن (جعفر) افندی نامنده کی مخدومه (وقایه) بی اوقوتدینی زمان تألیف ایلمش ایسه ده خسته لک دولایسیله آتام تییضه موفق اوله میوب دیگر مخدومی (محمد افندی) طرفندن تییض ایدیلشدر . کذا (فی کشف الظنون) و (شقایق نعمانیه) .
- (۵) (شرح تحفة الملوك) : متن کتاب (ابی بکر رازی) نک فروع حقیقه دائر تألیف ایتدیکی اثر مشهوریدر . بوده بعض علما طرفندن شرح اولونمشدر . کذا فی (کشف الظنون) .
- (۶) (کتاب من التصوف) : اسم اثر (شقایق) ده مندرج دکدر .
- (۷) (شرح مقدمة الفقهية) : متن اثر فقیه مشهور (ابی الیث سمرقندی) نک اولوب برچوق فقها طرفندن شرح وتحشیه ایدیلشدر .
- (۸) (منظوم قانون لغت الهی) : الفاظ قرآن کریمه دائر برلغتجه اولوب (ابن فرشته) نامیله بنام برادری (عبدالمجید) لده بووایدیه بواسمه منشور برلغتی وارددر .
- (۹) (منية الصيادين فی تعلیم الاصطیاد واحکامه) .

ابن ملک زاده محمد افندی

- فاضل ابن فاضل برذات اولوب ارتحالی (۸۵۴) ده قبری پدری یاننده در . سنک مزارنده تاریخ یوقدر آناری بوجه آتیدر :
- (۱) (بحر الحکم) علم اخلاق ومحاضراتدن باحث اوچ باب ویوز فصل اوزره مرتب ترکی العبارة برجلد کبیر اولوب سلطان مراد ثانی نامنه مقدمه ایدلدیکی سلائیکه مطالعه کذارم اولان یازمه بر نسخه سنک مقدمه سنده مذکوردر .
- (۲) (بدر الواعظین و ذخرا العابدین) : اخلاق ومواعظدن باحث عربی العبارة بر اثردر . بواثرده نصایح وادیسنده (۶۰۰) ابیات عربیه ایراد ایدلدیکی (ترجمه شقایق) ده مندرجدر . ییلدیرم یایزید خانه اهدا ایدیلشدر .
- (۳) (فضائل رجب، شعبان، رمضان) : شهر ثلاثه نک فضائله دائر عربی العبارة بر اثر مفیددر .
- (۴) (شرح وقایه) : پدر لرینک شرحندن باشقه برشرح اولدینی (ترجمه شقایق) ده مصر حدر .

- (۵) (روضة المتقین فی مصنوعات رب العالمین) : (۸۴۴) تاریخنده مؤلف خطیله محرر نسخه سی فضلائی عسکریه دن بغدادی اسماعیل پاشا کتبخانه سنده منظور عاجزی اولدی . بواثر علمادن

(محمد بن مصطفی) افندی طرفدن اعیانندن محی الدین بك نامنه ترجمه ایدلمشدر . صاحب ترجمه محمد افندینك مخدومی اولوب (حفید ابن ملك) شهرتیه بنام اولان (عبدالرحمن) افندینك ده علم حدیثدن مصابیح شرحی واردر . اسمى تنوير المصابيح در

ابه همام كال الربيه محمد سیراسی

فاتح دوری فضلاسندن وفقهای حنفیه دن اولوب تحصیل و تکمیلی مصرده در . فقه اصول و ادبیات عربیه ده صاحب ید طولای ایدی . مسلك قویم تصوفده انتسابی واردر . (۸۶۱) ده مصرده ارتحال ایله دیلر .
آثاری :

(فتح القدیر) اسمنده کی هدایه شرحیه (فواتح الافکار) اسمنده کی (مقدمه التشریح) شرحی وفروع حنفیه ده دائر (زاد الفقیر) و علم کلامدن مسایره و علم اصولدن تحریر و سائر در . (مسایره) نک (کمال بن ابی شریف) طرفدن اولونان شرحی اخیراً مصرده طبع ایدلمشدر . (شرح بدیع النظام لابن ساعاتی) ایله (شرح حدیث کلتان خفیفان) جمله آثارنددر .

ابراهیم به سلیمانہ رضی الربیه

اکابر علمادن برزات اولوب (قونیه) لیدر . مملکتنده تحصیلتی اکیلدن صوکره شامه رحلت و علماء بلده دن استفاده ایدرک یدی کره حج شریفی ادایه موفق اولدی . (۷۸۲) ده شامده ارتحال ایتدی .
آثاری :

آلثی جلد (شرح جامع الکبیر) ایله (شرح منظومه فقهیه) در .

اکمل الربیه محمد بایوردی

اکابر علما و مؤلفیندن برزات اولوب (بایورد) لیدر . ارتحالی (۷۸۶) تاریخنده در .
قطلو باغانک طبقات حنفیه سنده مذکور اولان مؤلفاتی بروجہ آتی در :

(۱) عنایه — شرح هدایه	(۳) الانوار — شرح منار الانوار
(۲) التقرير — شرح اصول پردوی	(۴) شرح الفیه ابن معطی فی النحو

- (۵) شرح تلخیص المعانی
 (۶) شرح مختصر ابن حاجب من الاصول
 (۷) شرح سراجیه من الفرائض
 (۸) مقدمة الفرائض
 (۹) شرح تجرید نصیر طوسی
 (۱۰) حاشیه کشف
 (۱۱) شرح مشارق شریف (حاجی پاشا خطیله محرر نسخہ سی کتب خانہ عمومی) ده در .
 (۱۸۰۷) ده (ذخیره الملوك) ی ترجمه ایدن (ابراهیم بن خلیل) ده (بایبورد) دن یتیشن ارباب معارفنددر .

الباس میفری

علوم عربیہ کی مہارتی مسلم برفاضلدر بروسدہ (سلطانیہ) مدرسہ ایکن (۸۹۱) ده وفات ایلہ دی . زینلردہ مدفوندر .
 مؤلفاتی :

(تفسیر بعض) آیات کریمہ (شرح فقہ اکبر) ، (حاشیہ شمسیہ من المنطق) ، (حاشیہ شرح مقاصد) وسائرہ در . علم خطہ انتسابی وسرعت قلمی اولوب برکوندہ (قدوری) یازدین (تاریخ تبی) ده مضبوطدر . (۹۳۶) تاریخندہ وفات ایدن موعظہ دن (حیات القلوب) صاحبی (تبی بن طورخان) ایلہ (۹۸۷) ده (۲۹) باب اوزرینہ مرتب تورکچہ (ذخر العارفین فی یوم الدین) یازان (مصلح الدین مصطفی) و (۹۱۴) تاریخندہ تفسیر بیضاوینک باش طرفہ (مظهر انوار التزیل فی کشف اسرار التأویل) اسمیلہ حاشیہ یازان (احمد) (۷۲۱) ده (طوالع) ی شرح ایدن (احمد بن محمد) و (ربنا انزل علینا مائدۃ من السماء) آیہ کریمہ سنہ دائر مفصل برتفسیر یازان (شمس الدین) وفقہدن (درالمنثور) مؤلفی سلطان ابراہیم معاصری (عبدالله عہدی بن القاضی علی السینوبی) وسلطان سلیم اول معاصری اولوب صدر الشریعہ (اسئلہ شرعیہ) اسمیلہ حاشیہ یازان (یوسف بن طورمش) اقدیلردہ سینوبدن یتیشن فضلانددرلر .

افضل زادہ حمیدالربہ افندی

فاتح دوری فضلاندن اولوب حلیم الطبع بذات ایدی . : مؤلفاتی (حاشیہ علی مطالع) ، (حاشیہ علی شرح مختصر) ، (اجوبہ مقننہ علی شارح ہدایہ للشیخ اکمل الدین) وسائرہ در . وفاتی (۹۰۳) ده قبری ایوب جامع شریفی حریمندہ در . آثار خیرہ سندن فاتح قربندہ بر مسجدیلہ بر مدرسہ سی وارددر .

بہ کمال «شیخ الاسلام»

مولداری توقات [۱] منشألری (ادرنه) در . قوہ علمیہ لرندن کنایہ اولہ رق زمانندہ (مفتی الثقلین) لقیلہ یاد اولونورلردی . مجموع آثار فاضلانہ لری اوچیوزہ قریب اولوب [۲] زمان عالیرندہ متداول همان بالجلہ علوم وفنونہ واقف ایدیلر . اشعاری سادہ وحکیمانہ در .
آثار نحریرانہ لرندن باشلیجہ لری شونلردر :

(تفسیر شریف) سورہ (والصافۃ) قدردر ، (تفسیر کشافہ) ناتمام حاشیہ فقہدن (شرح ہدایہ) ایلہ اصلاح وایضاح اسملرندہ برر متن وشرح علم اصولدن تعبیر وتنقیح اسملرندہ متن وشرح تہافت مولانا طوسی ایلہ مولانا خواجہ زادہ نک تہافتلرینی محاکمہ معایندن اصلاح مفتاح نامندہ بر متن وشرح ، حاشیہ شرح مفتاح لسید شریف نکارستان (بہارستانہ نظیرہ) در . اون بیک بیتلی منظومہ یوسف وزلیجا ، دقایق الحقایق [۳] لغات فارسیہ نک مترادف ومتشابہ اولانلرینک تفریقہ دائردر . تاریخ آل عثمان (۶۹۹) دن (۸۹۵) سنہ سنہ قادار (حاشیہ تفسیر قاضی) ، (شرح بخاری شریف) ، (شرح مشارق الانوار) ، (نجوم الزاہرہ فی احوال المصر القاہرہ) (مصر تاریخدر) . مهمات (فتوادندر) . محیط اللغہ (لغات عربیہ فی فارسی ترجمہ لرلہ جمع ایتشدرد) . (رسالۃ القافیہ) ، (اشکال الفرائض) ، (شرح حدیث اربعین) ، (دیوان اشعار) ، اقدام مطبعہ سی ہمتیلہ طبع اولوندی . مقطعات ابن یمین طرزندہ در .

اشعارندن :

نا اہل اولور معارض اہل

ہراحمدہ بولونور ابو جہل

*

*

کوز یوم جہاندن آج کوزیکی کندی حالکہ

سن کوز یوموب آچینجہ بودنیا کلیرکیدر

*

*

[۱] ریاضی تذکرہ سندہ (دیمتوقہ) لی کوستریلش ایسہدہ موثوق اولمہ جقدر .

[۲] رسائل محققانہ لرندن (۳۶) سی ایکی جلد اوزرہ اقدام مطبعہ سی ہمتیلہ طبع اولوندی ، حروف ہما اوزرہ مرتب اسامی مؤلفاتنک قسم اعظمی سورہ ارباب معارفندن عظم زادہ جیل بکک (۱۳۲۵) تاریخندہ بیروتہ طبع ایتدیردکلری (عقودالجوہر) دہ مندوجدر ،
[۳] علوی مخلصیلہ معروف احمد بن حق اسکوبی طرفندن مفردات ومرکباتی حروف صرہ سیلہ ترتیب اولونمشدرد .

منصبده بر اولسه دخی کر عالم و جاهل
ظاهرده مساویسه حقیقتده بر اولماز

*
**

آلتون ایله فرضا که برابر چکیله سنک
وزن ایچره بر اولمق ایله قیمتده بر اولماز

یاووز سلطان سلیم حضرتلرینه سویله دکلی مرثیه لری اشعارینک اک مهمیدره. (مات التحریر)
ارتحل العلوم بالکمال [۱] جمله لرینک ناطق اولدینی وجهله (۹۴۰) تاریخده (استانبول) ده وفات
ایده رک ادرنه قاپیسی خارجنده امیر بخاری تکیه سی جوارنده ایوبه کیدن جاده نک صول طرفنه دفن
اولوندیلر. جدی کمال پاشا ایله پدیری سلیمان چلبی آماسیه ده مدفوندرلر. تلید خاصلری ابوالسعود اقدیدر.
مرثیه نک بعض پارچه لری :

عزیمده نوجوان حزمده پیر
صاحب السیف وصائب التدریر
آزمدته چوق ایش ایتیشدی
سایه سی اولمشیدی عالمگیر
شمس عصر ایدی عصرده شمسک
ظلی ممدود اولور زمانی قصیر
اومرد اودار کیر اول شیر
آکسون وقانلر آغلاسون
حیف سلطان سلیمه حیف و دریغ
هم قلم آغلاسون هم تیغ

افندی مصطفی

افاضل علمادن اولوب (آفون قره حصار) ایدر. اکثر علومده علی الخصوص ادبیات
عربییه ده و علم لغتده ید طولی صاحبی ایدی. نامنه مضاف اولان مطبوع و مشهور لغت کتانبندن

[۱] (قبر احمد مدام اوله پرنور)، (اول بارگاهه واردی ابن کمال پاشا) مصر علری ده تاریخ و فالتربی
مشعردر. کفی ایچون (هی آخر اللباس) قبری ایچون (هذا مقام احمد) عباره لری تاریخ دوشمشدر. حال
احتضارنده (یا احد نجما ممانخاف) دیمش ایدی. بونکده تاریخ و فاتی مشعر اولدینی صوکره دن بالحساب
آکلاشمشدر.

باشقا مسائل فقهیه به متعلق (جامع اللسان) وفروعه دائر (جامع المسائل) علم محاضراته عايد (حامل المحاضرات) جمله مؤلفات فاضلانه لرندن اولوب بونلردن يالكز لغت مطبوعدر . وفاي (۹۸۶) تاريخنده قبری (کوتاهیه) دهدر. قره حصاردهده نامه مصاف برقبروارددر . خلقت آدمدن خاتم الانبیا افندمره قادار کذران اولان وقایع ایله چهاریار کزین وائمه مجتهدینک احوالندن باحث عربی العبارة برجلد تاریخی واردرکه برنسخهسی فاتح کتبخانهسندهدر . (۹۷۸) ده (مهمات القضاة لاحتیاجهم الیه فی کل مهمات) ی تألیف ایدن (جزه) افیدیده (قره حصار) دن یتیشن فضلادندر .

اصم به محمودالاصم قره مانی

فضلادن برذات اولوب (لارنده) لیدر . (رحمت بروح او) ترکینک دلاتی اولان (۹۸۱) تاریخنده قره مانده رحلت ایلهدی .
آثاری :

(تقشیر التفسیر) [۱] اسمنده سورة مجادلهیه قادار اون ایکی جلد تفسیری ایله علم محاضرات و اخلاقدن ترکی العبارة (لطائفه) در (تفسیر سمرقندی) یی ده اتمام ایله مشدر . طریقت خلوتیه دن مستخلف ایدی . تفسیرینک اکالنه عمری وفا ایله مه مشدر . (۱۰۳۲) ده وفات ایدن (اسحاق قره مانی) نکهده بر مقدمه اون باب اوزره مرتب (لطائف) نامنده بر اثری واردرکه یدنجی واوننجی بابلرنده دولت عثمانیه نک بعض احوالندن باحثدر . (سلطان سلیمان قانونی) عصری قضاتندن (حسن بن حسن) افندینکده باب اولی احکام ، ثانیهی سیاسیات ، ثالثی ادبیات ، رابعی اخلاق ، خامسی عجائب مخلوقاتدن باحث (لطائف الافکار وکاشف لاسرار) اسمنده بر اثری وارددر .

ابوالسعود العمادی

سابق الترجمة (علامة ابن کمال) دن استکمال علوم ایله دیلر مشایخ فصلنده مذکور شیخ (یاوصی) افندینک مخدوم فضائلوسومیدر . زمانمزدده موقعی تعین ایدمه یین استانبول قربنده کی مدرس کوبنده طوغدقلری مروی ایهده ایوب جوارنده مدفون اولانلری مین رسالهده بدرلری

[۱] بوتفسیر شریف شقایق ترجمه سنده (حجره قره مانی) یه (کشف الظنون) ده ایهه حاشیه بیضاوی اولق اوزره بوذاته نسبت اولونیور بوخالده اسمنک نورالدین جزه بن محمود اولسی محتملدر .

نامنه بنا اولونان مؤخرآ سیواسی تکیه سی نامیله شهرت بولان درگاهده تولدایله دکبری محرردر . سلطان سلیمان قانونی و سلطان سلیم ثانی زمانلرنده اوتوزسنه شیخ الاسلامق ایتمش سردفتر علماء عثمانیان اطلاقه چسبان برفاضل ذیشاندر . صوقوللی محمد پاشا کبی (سودلیجه) ده مقیم ایدیلر . (ارشادالعقل السليم الى مزایا القرآن العظیم) عنوانلی مشهور و مطبوع تفسیر شریفلریله (فتاوی ابوالسعود) نامیله معروف فتاوالری (کشافک) سورة فتحه و (هدایه) نك کتاب الیوسف قسمنه حاشیه لری اولدینی کبی السنه ثلاثه ده (عربی ، فارسی ، ترکی) اشعاریده واردر اشعار عربیه لرینک اک مشهوری (ابعد سلمی مطلب و مرام : غیرهواها لوعة و غرام) بیتیه باشلایان (قصیده میمه) سیدر . بوقصیده فضلاى عربدن غرس الدین احمدالحلی و شمس الدین محمدالحلی طرفلرندن شرح اولونمشدر . صاحب ترجمه نك بوقصیده سیله دیگر آثار منظومه سندن بعضیلری (عقدالمنظوم) ده مندرجدر . سلطان سلیمان سوله دیکی مرثیه غراکه (اصوت صاعقه ام نفحة الصور، فالارض قد ملئت من نقرنا قور) بیتیه باشلار انافس عربیه دن معدوددر .

اشعار ترکیه لرندن اولوب کبی ردیفنده کی منظومه رعنا لرندن :

واقف اولماز بارگاه عالمک ترینه

بیلمه یں صف تعالی مسند عزت کبی

ایات سائر لرندن :

محو اولوب کیتمز مرور دهرله باقی قالور

خامه ایله صفحه اوراقده مسطور اولان

رحلتلری (قدانتقل المولى ابوالسعود) (مات فردالزمان مولانا) ترکیلیرینک ناطق اولدینی (۹۸۲) تاریخنده اولوب جوار حضرت خالده کی چارشى جاده سنده مدفوندرلر .

حرمین محترمین ده وفاقی شایع اولونجه علماء مملکت صلوۃ غائب قیلمشدرلر .

(حسم الخلاف فی المسح علی الخفاف) ، (موقف العقول فی وقف المنقول) ، (تهافت الاحجاد فی اول کتاب الجیاد) ، (معاهد المطارقة فی اول سورة النبیج من الکشاف) ، (غمرات الملیح فی اول مباحث قصر العام من التلویح) ، (ثواقب الانظار فی اوائل المنار) کبی رسائل فاضلانلری ده واردر .

ابراهیم برهانیه المریه کورانی

اعظم علمادن و مشایخ نقشبندیه دن اولوب (۱۰۲۵) تاریخنده (شهر زور) ده دنیایه کیش

وتحصيل علم همچون شام ومصره كیده رك اورالرك علماسندن اخذ وقرائت ایتدكن صوكره
تدریسه باشلايوب علم وفصلی وحسن تقریریه شهرت بولمغه دیار بعیده دن برچوق طالب علم
كلهرك خلقه تدریسنه جمع اولورلردی یوزدن زیاده مصنفاتی اولوب باشلوجهلری علم صرفه
داثر (تكمیل التصریف) نام کتابیله قصیدینك (شرح اندلسیه) سنه برحاشیه سی (عوامل جرجانیه) یه
شرحی : (النبراس للكشف الالتباس فی الاساس) ، (جواب العتید لمسئلة اول واجب ومسئلة التقليد)
(ضیاء المصباح فی شرح بهجة الارواح) ، (القول الجلی فی تحقیق قول الامام زین الدین بن علی) ،
(تحقیق التوفیق بین كلامی اهل الكلام واهل الطريق) ، (قصد السبیل الی توحید الحق والوکیل) ،
(ستر العقیده) ، (الجواب المشكور عن المنظور) ، (اشراق الشمس بتعریب الكلمات الخمس) ، (بلغة
المسیر الی توحید العلی الكبير) ، (القول المبین فی مسئلة التكوين) ، (افاضة العلام بتحقیق مسئلة الكلام) ،
(الاماع المحیط بتحقیق الكسب الوسط بین طرف الافراط والتفريط) ، (تحاف الزکی بشرح التحفة
المرسلة الی النبی) ، (مسلك الابرار الی احادیث النبی المختار) ، (مسلك السداد الی مسئلة خلق افعال العباد) ،
(المسلك الجلی فی حكم سطح الولی) ، (بیت الایم لایقظ الهمم) ، (حسن الاوبه فی حكم ضرب النوبة) ،
(تحاف الخلف بتحقیق مذهب السلف) ، (حلال الفهوم) عنوانی اثرلریدر .

(۱۱۰۲) سنه سی ربیع الاخرنده وفات ایدهرك (بقیع) قبرستانه دفن ایدلدیلر . مذهباً

شافعی ، طریقه بدویدرلر .

ابیه فیروز محمد بك «استانبولی»

سلطان سلیم ثانی معاصری سیاست شرعییه واقف برذات اولوب شهریدر . صدراعظم
احمدپاشا کتخداسی (فیروزآغا) نك مخدومیدر. (۱۰۱۸) ده مطعوناً ارتحال ایتدی . مدرسیندن
ایدی . خرپوطلی (شیخ محمود بن اسماعیل) ك (۸۴۴) تاریخنده سلطان مصر چاقاق نامه
تألیف ایتدیکی (الدره الثغراء فی نصایح الملوك والقضاة والوزراء) اسمنده کی اثرینی (غرة الیضاء)
اسمیه توسیعاً ترجمه ایتشدركه برنسخه سی تیره ده (ابن ملك) کتبخانه سنده مطالعه کذارم
اولدی برنسخه سی ده اسعد اقتدی کتبخانه سنده واردر .

مندرجاتی بوجه آتیدر :

- | | |
|-----------------|-----------------------------|
| (۱) امامت | (۵) اصول امامت |
| (۲) شروط امامت | (۶) اصول وزارت |
| (۳) حکم امامت | (۷) قواعد سپاه جند (عسکرلك) |
| (۴) قواعد امامت | (۸) احکام سلطانیه |

(۹) حیل شرعیه
(۱۰) مسائل متفرقه
(الدرة الغراء) نك برنسخه سی حمیدیه کتبخانه سنده واردر.

احمد به محمد «مغنیاری»

فضلا دن بر ذات اولوب (مغنیسا) لیدر . علم قرائتن مشهور قصیده شاطییه بی تورکجه
وعلم کلامدن قصیده نونییه بی عربجه وفقهدن (فقه اکبری) کذا عربجه شرح ایتمشدر .
(فقه اکبر) شرحنک تاریخی (۹۸۹) در . آثار سائره سی ده اولدینی آکلاشیلور .
(حرزالامانی) یه ده (اظهار المعانی) اسمیله شرحی واردر . (۱۰۰۰) تاریخلرنده ارتحال
ایتدی .

علم قرائت متخصصلردن (ریزه) لی (حافظ حسین) افندی ده (۱۲۰۱) تاریخنده (قصیده
شاطییه بی) شرح ایتمشدر که نسخه سی (عاشر افندی) کتبخانه سنده واردر .

اخى زاده هلمی افندى

تفسیر بیضاوی محشیسی (سعدی چلبی) احفادن اولوب ابوالسعود افندی تلامیذنددر .
اکال تحصیلدن صوکره دور مراتبله قاضی عسکرلک پایه سنه نائل اولمشدی . (جان اوله اخى
زاده افندینک جایی) مصرعنک دلالت ایتدیکی (۱۰۱۳) تاریخنده در سعادتده وفات ایله دی .
خانه سی قارشوسنده کی چوقور مدرسه یه متصل تربده ده مدفوندر .
مؤلفاتی :

(شرح هدایه) ، (حاشیه جامع الفصولین) ، (حاشیه درر) ، (حاشیه اشباه) ، (حاشیه شرح
مفتاح) ، (ترجمه شواهد النبوة) [۱] (رساله فی السعی والبطالة) و سائره در . تسوید بیوردقلری
وقفنامه لر و حجج شرعیه و تمسکات و صکک [۲] دستورالعمل اولمشدر . شعرده انتسابی واردی .
مصر مولویتندن منفصلاً در سعادتده کلیرایکن (۱۰۲۰) تاریخنده (شام) ده وفات ایدن مخدومی
یحی افندی ده فضلا دن بر ذاتدر (بحریه) اسمنده بر اثری واردر .

[۱] مطبوع اولان لامی چلبی نك در .

[۲] (۹۸۲) ده وفات ایدن کول کدیسی لقبیله معروف (محمد بن موسای بروسه وی) نك (بضاعه .
القاضی) اسمنده صکوکه متعلق بر اثری واردر .

ابوبکر کورانی

فضای اکراددن برذات اولوب سادات حسینیه دن (هدایة الله) افندیك مخدومیدر .
(۱۰۱۴) ده وفات ایله دی . اوچ جلد اوزره مرتب (سراج الطریق) اسمنده کی اثر فاضلانه سیله
(مطول) شرحی واردر .

ابراهیم برغمه ری

سابق الترجه (سنبل سنان) حضرت لرینك خلفاسندن برذاتك مخدومی اولوب (برغمه) لیدر .
اکمال تحصیلدن صوکره دور مدارس ایله یوب نهایت سنان پاشا دارالحدیثه مدرس تعیین
اولوندی . اون سنه بو خدمت تدریسی ایفا ایده رك (۱۰۱۴) تاریخنده ارتحال ایتدی . تفسیر ،
حدیث ، کلام علملرنده اختصاصی وار ایدی . (انواع البوارق فی ترتیب تشریح المشارق) ایله
علم کلامدن (نظم الفرائد فی سلك مجمع العقائد) اسمنده کی آثارینه مؤخرأ برده شرح یازدی .
علم تفسیره متعلق رسائل ایله کتب مدونه یه دائر تعلیقاتی ده واردر . (۱۰۲۶) ده وفات ایدن
شعرا ی قضاتدن (قصیده منفرجه) شارحی (عبدالله) و (سیف الموحیدین) مؤلفی (شمس الدین)
افندیلرده برغمه دن یتیشن علماندرلر .

احمد به مسلم الریمه سیردی

زمره قضاتدن اولوب عصرنده ملاجق نامیله معروف ایدی . وفاتی (۱۰۳۳) ده قبری
(هزار غرادر) ده ابراهیم پاشا جامعی حظیره سنده در .
مؤلفاتی :

(کتاب علی مغلفات من فتاوی قاضیخان) ، (القول لمن لم یکمل) ، (کتاب مواطن
من التفسیر) ، (حاشیه التلویح والهدایه) وسائر در .

اسماعیل به سنانه سیواسی

فقهایی بنامدن برذات اولوب (۱۰۴۸) تاریخنده سیواسده ارتحال ایتدی . آثار فاضلانه سندن
(فرائد) اسمنده کی (ملتی) شرحیله (ابن نجیم) ک ، (رسالة الصغائر والكبائر) شرحی تعداد

اولونور . تحصیل واستفاضه سی (عبدالمجید سیواسی) دندر . (فرائد) ك برنسخه سی آیاصوفیه
کتبخانه سنده واردر . (دررالعیقائد و غرر كل سائق وقائد) مؤلفی (شیخ احمد) افندی ایله
(مرآت الیان فی کرامات آل عثمان) مؤلفی (محمد بن خلیل) و (۸۵۶) ده وفات ایدن (شرح الانوار
لعمل الابرار) مؤلفی (نورالدین علی بن احمد) ده (سیواس) دن یتیشن فضلادندر لر .

ابراهیم ایزدینی

فقهان برذات اولوب ایزدینلی در . درت جلدن عبارت اولان وبرطاقی کتبخانه
عمومیده موجود بولونان (عدة الاحکام فی شرح غرر الاحکام) اسمنده کی (درر) شرحی علم
فقهده کی اختصاصه برهان جلیدر . بوشرحك ختام تألیفی (۱۰۵۷) اولدیغه نظراً صاحب اثرک
بیک کسور رجالدن اولدیغی آ کلاشیایور (ایزدین) یونانستانک شالنده الیوم (زیتون - لامیا)
دینیان شهر در .

ابراهیم به محمد

زمره قضاتدن فقیه برذات اولوب قاسم پاشالی در . (۱۰۵۰) تاریخنده درسعادته ارتحال
ایده رك محله سنده کی خانه سی قربنه دفن ایدیلدی . علم صرفدن (شافیه) به (صافیه) اسمیله
شرحی ومجدول فرائضی واردر .

ابوالبقا ایوب کفری

کفه مفتیسی شریف موسی افدینک مخدوم فضائلندی اولوب نیابتله قدس شریف وسائر
یرلرده بولونقدن وکفده اوتوز سنه اقامتدن صوکره استانبوله عودت ایله مشدی (۱۰۹۴)
تاریخنده رحلت ایده رك حضرت خالد تربة شریفه سی اتصاله دفن اولوندی .
مؤلفاتی :

ساده جه (کلیات ابی البقا) اسمیله ده متعارف اولان عربی (کلیات علوم ابی البقا علی
وفق اللغة) (۱) نامنده کی اثرافضالنه لری ایله فقهدن ترکی العبارة (تحفة الشاهان) اسمنده کی
مجموعه دن (حاشیه وضعیه) و (القعد الفرید) (۲) دن عبارتدر .

(۱) (مختصر کلیات ابوالبقا) اسمیله تلخیص ایدیلن یازمه برنسخه سی مناستر کتبخانه سنده موجوددر .
(۲) علماء عربدن (ابن عبد ربّه) ایله (ملک السعید) ك علم محاضراتدن بواسمه کی اثرلری مطبوع
اولوب برنجیسی (۳) ایکنجیسی (۱) جلددر .

(تحفة السلطان) مؤلفی (حبيب الدين على) ايله (حدائق الاخبار في حقايق الاخبار) مؤلفی (ابوالفيض محمد بن حيدر) و (اقوم الوسائل في ترجمة الشمايل) محرری (لطف الله) افنديلرده قريمدين نشأت ايدن فضلادند. (حدائق) (۱۰۵۳) ده مؤلف اولوب (۲۰) حديقه اوزره مرتبدر.

اسمى به حسن نوقارى

فضلاذن برذات اولوب (۱۱۰۰) تاريخلرنده توقادده ارتحال ايلهدى. (شرح جلاء القلوب) منظومه ترتيب العلوم، (منظومه عقائد) واسطريلا بدن (ماردنجي) يه حاشيه سى كچي آثاري واردر. (۱۰۹۸) تاريخنده اتمام ايتديكي منظومه عقائد بين المعلما متداولدر.

اسمى محمد افندى «شيخ الاسلام»

علم فقه متخصصلرندن برذات اولوب (بروسه) ليدر. (اوله اعلاى ارم منزل الكهك الفاتحه) مصرعك دلالتى اولان (۱۰۹۲) ده بروسه ده ارتحال ايتدى. پرنچ خانى ياقينده بنا كرده سى اولان مسجد حظيرسنده مدفوندر. فقهدين (جامع دعاوى والبيانات) و فتاوا دن (خلاصتين) اسملرنده اثرلى واردر. كوپرولو زاده فاضل احمد پاشا ايله اولان محاوره سى (راشد) تاريخنك برنجى جلدينك يكرمى آلنجى صفحه سنده محرردر. مخدومى عبدالباقى افنديك ده (ميزان المدعين) اسمنده فقهدين توركجه برائى واردر كه برنسخه سى اسعد افندى كتيخانه سنده در.

ايزميرى سليمان افندى

زمره قضاة و علم فقه متخصصلرندن برذات اولوب مسقط رأسى (كريد) تحصيل و تفيضى (ايزمير) ده در. (۱۱۰۲) تاريخنده كوپرولو زاده مصطفى پاشا ايله نيمه سفرنده ياوله لهرق بلغرادده ارتحال ايتدى. عمارت جامع شريفى ساحه سنده مدفوندر. علم اصول فقهدين مشهور مرآت و مرقات ايله قهستانى كيره و حديث اربعين شرحه حواشيسى و منطقدن رساله سى واردر.

اسمہ ضوابعہ سی احمد افندی

علمای اعلام و ادبای بنامدن بر ذات معارفیات اولوب (آیدین) نواحیسنندن (صوبیجہ) لیدر۔ بدایت تحصیلی مملکتندہ بعدالاکمال سیاحت و (شروان) دہ مشاہیر فضلادن خواجہ نعمۃ اللہک درس فضائلثارینہ مداومتلہ اخذ اجازت ایلہ یوب بروسیہ رحلت ایلہ دی۔ بورادہ کبلیق مظهر احترام اولہرق بعض مدارسده تدریسہ ابتدار ایتدی۔ بوآراق (بروسہ) اغنیای قدرشناسانندن (اسحق افندی) نامندہ بر ذاتک مخدومنی دہ تعلیم و تربیہ یہ باشلادی کہ مدت مدیدہ بوذاتلہ ہمبزم اولدینی ایچون بعدما بین الاہالی (اسحق خواجہ سی) شہرتیلہ اشتہارہ باشلادی۔ بوائثالردہ (بروسہ) دہ ارشاد سالکین ایلہ مشغول اولان پیران طریقت خلوتیہ دن شیخ (نیازی مصری) حضر تدرینہ انتساب ایدہ رک تصفیۃ باطن ایلہ مشدی۔ ایشتہ بوجہلہ اوقتکذار ایکن (ایلہ دی احمد افندی روضۂ عدنی مقام) و (ایلہ مدرستہ جنت علیادہ مقام) مصر اعلرینک دلالتی اولان (۱۱۲۰) تاریخندہ عازم دارالقرار اولوب (دوہ جیلر مزارلنی) دنیلان مقابر مؤمنین دہ تاریخ (روضۃ الابرار) وسائرہ صاحبی شیخ الاسلام (قرہ چلبی زادہ عبدالعزیز) افندی یانندہ ودیعتہ خاک فنا قیلندی۔ اشعارندہ (احمدی) تخلص ایدردی۔

آثار فاضلانہ لری بروجہ آتی در :

(۱) (ترجمۂ مقدمۃ الادب) : (علامۂ زمخشری) نک لغات عربیہ نک قواعد وفوائدینی مبین اولان اثر مشہوریدر کہ باب اول (اسما) ، باب ثانی (افعال) ، باب ثالث (حروف) ، باب رابع (تصرف اسما) ، باب خامس (تصرف افعال) دن باحث اولوق اوزرہ بش باب اوزرہ مرتبدر۔ علما و مشایخ عثمانیہ دن (مستقیم زادہ سلیمان سعدالدین) افندی طرفقذندہ ترجمہ ایدیلشدر۔ صاحب ترجمہ احمد افدینک ترجمہ سی اخیراً مطبعۂ عامرہ دہ طبع ایدیلدی۔ مترجمک خط دستیلہ محرر نسخہ سی درسعادتدہ (آیا صوفیہ) جوارندہ (یرہ باتان) محلہ سندہ کی (اسعد افندی) کتبخانہ سندہ در۔ قواعد وادبیاتلہ متوغل ذواتہ جدآ موجب استفادہ آتاردندر۔

(۲) (منظومۂ عقائد) : امالی ونونیہ قصیدہ لری طرزندہ بر منظومہ در۔

(۳) (وحدتنامۂ عالم انکیز) : قسم اعظمی تورکی وقسم اصغری فارسی اولوق اوزرہ (۲۹۱۸) یتیی حاوی مثنوی طرزندہ بر منظومہ در کہ اخیراً طبع ایدیلشدر۔

(۴) (صندوقۃ المعارف) : علم محاضراتدن قیمتدار براتردر۔

(۵) (اقوم الوسائل فی ترجمۂ شمائل) : اصل اثر (۲۷۹) تاریخندہ وفات ایدن کبار ائمہ حدیثدن (امام محمد ترمذی) نک اولوب برچوق علما طرفلرندن شرح و تحشیہ ایدیلشدر۔

(۶) (جاشیه متن طوابع الانوار فی الکلام) آتی الترجه آیدینی حاجی پاشانک ترجمه حائده متن اثره دائر ایضاحات لازمه یازیلشدر .

(۷) (رساله ارتفاع) : مقنطرات تحتسی وسائر کبی ارتفاع آلتلرینک تعریفات و اصول استعمالندن باحث اولوب اسحق افندی نامنه مؤلف اولدینی ایچون اسمی اسحاقیدر .

(۸) (حدیث اربعین) : قرق حدیث شریفک ترجمهلرینی حاویدر .

(۹) (منشآت) : بالمناصب یازدینی مکاتیب ادیبانه بی جامعدر .

(۱۰) (تعلیقات شفاء شریف) : علامه قاضی عیاض سبتی نک شفاء شریفنه یازدینی تعلیقه بی

محتویدر .

(۱۱) (حاشیه میر ابوالفتح) : علم آداب مناظره دندر .

(۱۲) (تعلیقات انوارالتزبیل) : تفسیر قاضی بیضاوی نک بعض نقاطنه یازدقلری تعلیقه لری

مبین در .

(۱۳) (تعلیقات تهذیب المنطق) : علامه قنارانی نک تهذیب المنطق دیباجه سنده جلال دوانی

وسائر فحوک بیانانک تحقیق و خلاصهلرینی مشتملدر .

(۱۴) (ظل تحدید جهات) .

(۱۵) (دائرة هندسیه شرحی) .

اشعار فارسیه ده کی مخلصی (خواجه) عثمانیه ده کی (احمدی) در . اشعارندن :

دوران سرشک آلی بزمه شرب ایدر

سیخ بلاده باغریمی خونین کیاب ایدر

معمار کم اساس سپهرک بودر روشی

معمور ایدنجه بردلی بیک دل خراب ایدر

ابوبکر بن رستم شیروانی

فضلادن معارفند برذات اولوب دفتردارلق وسائر کبی خدمات دولته بولوندی (۱۱۳۹)

تاریخنده استانبولده ارتحال ایلده دی . سلیمانیه جامع شریفی حظیره سنده مدفوندر . متنوع ونفیس

کتابلره مالک ایدی .

آثاری :

(مالابد للادیب) ، (شرح تاریخ و صاف) در .

(وفیات الاعیان) که بر قسمی ده ترجمه ایشدر که بر نسخه سی ولی الدین اقدی کتبخانه سنده واردر.

امیرزاده احمد افندی

علم فقهده صاحب اختصاص بر ذات اولوب (قسطمونی) ملحقانندن (کره نحاس - باقی کره سی) لیدر. استانبولده اکمال تحصیلدن سوکره (۱۱۱۷) تاریخنده شهزاده جامع شریفی مدرسی اولدی. (۱۱۲۰) تاریخنده ارتحال ایتدی. آثارندن (جامع الشروح) اسمنده کی مفصل (ملتی) شرحنک خط دستیلده محرر نسخه سی (لاله لی) کتبخانه سنده در. بهر مجلس بشرموعظه دن مرکب اولمق اوزره اون ایکی مجلسی حاوی مفصل برموعظه سی ده واردر. پدری شیخ محمد اقدی ده علمادن بر ذات ایدی. هرایکیسی ده طریقه جلوتی درلر.

اسعد خواجه

یانیلی فزوان محمد اسعد به علی

علوم دینه وفنون عقلیه ده تمیز ایدن فضلا و مؤلفین عثمانیه دن بر ذات عرفان سمات اولوب (یانیه) لیدر. علوم آلیه یی مملکتی علماسندن مفتی محمد و ابراهیم افندیلردن علوم عالییه ده (۱۰۹۸) تاریخنده استانبولده آق شهرلی زاده ابراهیم افندیدن بالتحصیل شرکاسنه فائق بر صورتده اخذ اجازه یه موفق اولمق تدریسه باشلادی. بو ائنده تحصیلنه خواهشکر بولوندینی علوم ریاضیه وطبیعیه یه اساس اولمق اوزره (تکفور طاغی) مفتی سابق فاضل فنون آشنا (محمد) افندیدن حساب و هیاتی ورئیس المنجمین محمد افندیدن اصول ارتقاعی تعلم ایلهدی. بوتعلمدن سوکره ده زبان فارسی یه مراق ایدره ک بولسان لطافت بیان متخصصلرندن (ملا منجل) دن واصل حرام اولدی. واکتساب ایتدیکی شهرت علمیه سی مکافاتی اولمق اوزره باب مشیخته رتب علمیه دن (۱۱۱۱) تاریخنده ابتداء خارج و (۱۱۳۸) ده (غلطه) ملانلی توجیه اولوندی.

و بومولوتی متعاقب اوتاریخنده یکی احداث اولونان (دارالطباعة العامره) مصحح کلکنه تعیین ایلدی. مبنا و غایه سی تزکیه نفس و تصفیة قلب اولان طرق علیه دن طریق نقشبندی یه انتساب ایله یوب نائل فیوضات محمدی اولدی. بو وجهله اوقاتکذار ایکن (۱۱۴۳) تاریخنده

رتحال داربقا ایدرك (ادرنه قاپیسی) خارجده امیر بخاری درکاهی قربنده کی مقابرده و دیعه ناك فنا قیلندی (رحمة الله علیه) .

مرحوم مشار الیه علوم و حکمیات اسلامیہ ایلہ - زمانہ کورہ - فنون و فلسفہ غریبیہ واقف بر فاضل حکمت شناس ایدی. السنۃ اسلامیہ دن تورکجه، عربجه، فرسجه والسنۃ نصارادن آتینجہ، روحجده تکلم و کتابت ایلہ بحق ترجمہ مقتدر والسنۃ ثلثہده انشاد شعره قادر ولدیفنه آثار متنوعه سی شاهد عادلدر. فقط اکثر مؤلفین عثمانیه کی بوذاتکده آثارینک طبعنه بت اولونمادیغندن ناشی بالطبع زماننده قازاندیغی شهرت علمیہ سی زائل اولدیغی جهتله صیت ضلی بالآخره - عددلری محدود اولان - بویولده کی ارباب تحری و تبعه منحصر قالمشدر. ناز علمیہ و حکمیہ سنک بعضیلرینی جامع اولان بر مجموعه سی راغب پاشا کتبخانه سنده موجوددر. ستانبول کتبخانه لرنده بولابیلدیکم آثار سائره سی ده بروجہ آتی در :

- (۱) ترجمۃ شفالابن سینا
 - (۲) شرح حکمة الاشراقية
 - (۳) ترجمۃ مطالع الانوار
 - (۴) ترجمۃ کتب سماویة فی حکمة طبیعیہ
 - (۵) ترجمۃ شرح الانوار فی المنطق
 - (۶) شرح منظومۃ شاهی (بوشرحدن باشقه متن شاهی بی روحجه ترجمه ایدره رک وطننه ارسال ایتدیکی تذاکر شعرا دن (تذکرۃ رامن) ده محرر در .
 - (۷) مرتب دیوان
 - (۸) ترجمۃ کتب ثمانیه لحکیم ارسطو (داماد ابراهیم پاشا ایلہ شیخ الاسلام یکیشهرلی عبداہ افندی نالتماسلریله ترجمه ایتمشدر .
 - (۹) حاشیۃ اثبات واجب
 - (۱۰) رسالۃ لاهوتیه
- بو آثار دن باشقه مطالعه ایتدیکی کتابلرک همان اکثرنده تعلیقاتی کورولمکده در .
- ابیات متصوفانه سندن :

آکله باز فیض خدایی سرین ادراک ایلہ من
کیرمه ینلر حلقۃ توحیدہ الله عشقنه

مخدومی (محمد افندی) ده ارباب معارفدن بر ذات اولوب عربی العبارة هندسه سی واردر.

ابن آطه‌ری مصطفی بن ابراهیم

علمادن بر ذات اولوب قوش اطمه‌لی در. اون کسور رساله‌سنی حاوی آیدینده کوردیکم خط دستيله محرر مجموعه‌سنده مندرج رسائنندن بعضلری شونلردر :
(ملاقات الارواح) ، (مناسک حج) ، (رساله فی الطهارة) ، (رساله فی الصلاة) ،
(رساله فی العبر) در. (۱۱۴۶) تاریخنده (آیدین) ده توطن ایده‌رک نشر و تألیف ایله اشتغال ایتدیکنی یازیور. (زینی زاده) جوارنده مدفون اولدینی مرویدر. (ابن آطه‌وی) تخلصنک سببی آکلاشيله مادی .

اسماوه افندی « شیخ الاسلام »

سلطان محمود اول دورنده مسند مشیختی احرازیدن اولوب شیخ الاسلام شهری ابواسحق اسماعیل افندینک « دومی و آتی الترجه اسحق افندینک برادریدر. السنه ثلثه‌ده اشعاری و مرتب دیوانی وارددر. سائر مؤلفاتی (ترجمه شفاء شریف المسمى باستشفاء) (ترجمه بوستان العارفين المسمى بقصر المتین) (بعثت نامه) دن عبارتدر .
ارتحالی :

(۱۱۴۷) تاریخنده قبری سلطان سلیم جوارنده چهارشنبه محله‌سنده پدرلرینک بنا ایتدکلری مسجد یاننده در .

شعری استادانه اولوب :

حالمی عرض ایت صبا دلداره اه عشقنه

سوزش دلدن خبر ویر یاره اه عشقنه

ای طیب حاذق نبض اشنا‌ی درد دل

خسته هجرم بکا بر چاره اه عشقنه

غزل مشهورینک باخصوص (کشف اسرار ایله‌مه اغیاره اه عشقنه) مصرعی ضروب امثال صره‌سنه کیرمشدر .

ایزمیری

مولانا محمد بن ولی بن رسول

علمای اسلامیہ آراسندہ (مرأت محشیسی) شہرتیلہ بنام احاطۃ علمیہ صاحبی افاضل امتدن بتخصیص فقیہ برذات فضائلہات اولوب (قیرشہر) لیدر . مقدمات علومی و طنتدہ بعدالتعلم (استانبولہ) کلہرک (میرزا فاضل) دن و جزئیات دینلن فنون سائرہ پی دہ فضلالی سائرہ دن تدرس ایدہرک شرکاسی آرسندہ پارلاق بر صورتدہ اخذاجازہیہ موفق اولدقدن صوکرہ اولونان دعوتہ اجابہ (ایزمیر) ہ عزیمتلہ اصول معروفہ وجہلہ تدریسہ باشلادی . بر آرزوکرہ مملکتجہ کوریان فضیلت فوق المادہ سنہ بناء عہدہ سنہ (مفتیک) توجیہ ایدلدی والی اخرالعر تدریس وافنا وتالیف آثارایلہ مشغول اولہرق (۱۱۶۵) تاریخنجدہ عازم داربقا اولدی . (ایکی چشمہک) جادہ سندہ کی (اولو مزارلق) دہ مدفوندر . فاضل مشارالہک تالیفات متون و متعدد اولوب تحقیق ایدیلہ بیلنلری بروجہ آتیدر :

(۱) تفسیردن (قاضی بیضاوی) تفسیرینہ حاشیہ [قل ان کتم فی رب مما نزلنا علی عبدنا] آیت کریمہ سنہ قادیار جلد کیر اولوب اتمانہ دوام ایتدکلری کندی یازدقلری مختصر ترجمہ حاللرندہ مندرج سہ دہ نرہیہ قادار موفق اولدقلری مجہولدر .

(۲) فقہدن (مرأت) حاشیہ سی (مطبوع و مشہوردر) .

(۳) ادعیہ دن (حزب النصر) شرحی (اسمی جلیل القدر اولوب غیر مطبوعدر) .

(۴) فقہدن (اشباہ) شرحی (غیر مطبوع اولوب بر نسخہ سی رادوس کتبخانہ سندہ در) .

(۵) ادعیہ دن (دلائل الخیرات) شرحی [غیر مطبوع . اسمی، استجلاب المراداتدر . مؤخرآ

تورکجیہ ترجمہ ایدلشددر . بر نسخہ سی از میر علماسندن بر ذاتہ منظورم اولشددر .]

(۶) کلامدن (زبدۃ علم کلام) . (بر نسخہ سی آق حصار کتبخانہ سندہ در) .

(۸) عقائد و موعظہ دن (زخرا المتأهلین) شرحی (غیر مطبوعدر) .

(۸) کلامدن (مسائل خلافیات) [اشعری ایلہ ماتریدیلر آرسندہ فرعاً التمشیدی

موضعہ کی اختلافاتک حلنہ دائر اولوب بر نسخہ سی استانبولہ لالہ لی کتبخانہ سندہ در] .

(۹) الہیات ، طبیعیات و منطقدن باحث ہدایۃ الحکمۃ حاشیہ سی (غیر مطبوعدر)

(۱۰) علم منطقدن فناری حاشیہ سی

(۱۱) علم نحو دن (امتحان الادکیا) حاشیہ سی

(۱۲) اداب مناظرہ دن (رسالہ برکوی) شرحی

- (۱۳) علم کلامدن متن و شرح [بر نسخه سی سلطان بایزید ثانی جامع شریفی ایچنده کی ولی الدین افندی کتبخانه سنده موجود اولوب (شرح عقائد جدید) نامیه مقیددر] .
- (۱۴) علم سیردن عصامک (شمائل ترمذی) شرحه حاشیه (غیر مطبوعدر) .
- (۱۵) علم فقهدن سید شریفک (مختصر المنهی) شرحی حاشیه سنه حاشیه (غیر مطبوعدر) .
- (۱۶) علم نحو دن لبالباب شرحه حاشیه (بواثرک موجودتی قره باش زاده ایزمیری احمد افندینک تاریخ و تراجمدن باحث تألیف کزینده مندرجدر) .
- (۱۷) علم اصول وجدلدن مختصر ابن حاجب شرحه حاشیه (غیر مطبوعدر) .

احمد بن ابراهیم

قونیه ارکلیسندن اولوب مدینه منوره ده اختیار اقامت ایله مشدی. فاضل برذاتدر. مؤلفاتی غیر مطبوع اولوب (شرح شمائل شریف)، (شرح مقامات حریری) در. علم طبعده انتسابی واردی. وفاتی (۱۱۶۲) تاریخنده قبری (بقیع) ده در.

اسعد محمد افندی «ابراهمی اسماعیل افندی زاده — شیخ الاسلام»

فضلا و شعرای عثمانیه دن در. علی الاصول اکیال تحصیلدن صوکره دور مناصب ایدرهک شیخ الاسلام اولمشلردی. وفاتی (۱۱۶۶) تاریخنده قبری سلطان سلیم جوازنده پدرلرینک احیا کرده سی اولان جامع شریف حظیره سنده در.

شاعره (فطنت خانم) ک پدریدر. فن موسیقی یه ده منتسب اولدیغنه (اطرب الآثار فی تذکره سرشاء ادوار) اسمنده کی (تذکره خوانندکانی) شاهددر.

اشهر آثار فاضلانله لری :

(لهجه اللغات) [۱] نامنده کی تورکجه دن عربی و فارسی یه اولان اثر مقبولدر. (۸۵۰) صحیفه دن

[۱] بواثر مقبول الفاظ مترادفه غیر مشهوره لرندن صرف نظرله مشهور اولان معانی و مترادفات عربیه و فارسیه لری اراشه ایدیلک شرطیله (محمد رفعت) اسمنده برذات معارفیات طرفندن (سرآت اللغات) اسمیله تلخیص ایدیلهرک (۱۲۹۳) ده استانبولده طبع اولوغشددر. موره مهاجرلرندن و دونمای هایون یوزباشی متقاعدلرندن اولوب (کرید) جزیره سنک (حایه) شهرنده اسکله مأمور سابق حسن افندینک (۱۱۸۸) تاریخنده طبع اولوغمش.

عبارت اولوب (۱۲۱۶) تاریخده طبع اولونمشدر . بوندن باشقه (تفسیر سورۃ یسن) و (تفسیر آیه الکرسی) ، (تفسیر آیه النصر) و سائر بعض آیات کبریه ايله (نظیره اطواق الذهب للزمخشری) (بلبل نامه) در . اشعاری لطیف و سلیس اولوب (همزیه ، لامیه) اسمارنده ایکی قطعه قصیده سی اولدینی کبی (برئه ، دمیاطیه، مضریه) کبی قصائد عربیه بی ده تخمیس ايله مشدر . (بهجة) اسمنده (لهجه) نك مختصری غیر مطبوع برلغتی داها وارددر . (اطرب الاثار) عثمانلی موسیقی شناسلرینک تراجم احوالی جامع یکانه بر اثر اولوب اصلنک مطبوعی یوقدر مع مافیہ (۱۳۱۱) ده نشر اولونان (مکتب) رساله موقوتہ سندہ عبارہ سی ساده لشدیر یله رک برخیلی قسمی نشر اولونمشدی . موسیقی شناسان ایچون باعث استفاده بر اثر در . برده (چیچکجیلک) صنعتنه دائر (کزار ابراهیم) اسمنده بر اثری اولدینی مرویدر .
ایاتندن :

حقیقه نظرایت دور بین ایسه ک زاهد

مجاز آینه سندن ریا کورونور

کینه منظر دهر اول که چشم سوزندن

نکاه عبرت ايله ماسوا کورونور

(زبدۃ اللغات اللهجة) اسمنده ایکی جلد اوزره مرتب لغتی ده بو وادیده در . ارباب فضیلتدن (ناظم) افدینک (ترجمان اللغات) اسمنده کی ایکی جلد اوزره مرتب اولان و (۱۲۸۹) تاریخده درسعادتده طبع اولان اثری دخی عربی ، فارسی ، تورکی لغاتی حاویدر . آتقره علماسندن کاتبی اسمیله مشهور (محمد بن ولی) نام ذات دخی فاتح سلطان بن محمد خانک امریله مغنیساده (کاتبیه) اسمیله یازدینی منظومه لغت عربیه سنی لسان فارسی اوزرینه شرح ايله مشدر . مشایخ مولویه دن محمد علی دده دیک ده بو وادیده (کوه منظوم) نامنده برلغتی وارددر .

احمد به عبدالله «غراب زاده»

علماء کرامدن بر ذاتدر . ابراهیم پاشانک بغداد والیلکی زماننده عبدالقادر کیلانی حضرت تفرینک جامع شریف لرنده واعظ و ناصخ ایدی (انوار التزیل) ايله حسین کاشنک (مواهب لدنیه) سندن التقاط بیتک اوزره تاریخ تألیفی اولان (۱۰۹۶) سنه سنی مشعر اولق اوزره (زبد آثار المواهب والانوار) اسمیله ایکی جلد تورکجه بر تفسیر میدان کتیر مشدر که (۱۲۹۴) ده طبع اولونمشدر . خط دستیله محرر نسخہ سی نور عثمانیه کتبخانه سندہ در . (مولانا یعقوب چرخ) نك

فارسی العباده (تبارك وعم) جزؤلرینی ده ترجمه ایتدیکی تفسیرینك مقدمه سنده مذکوردر .

اصمء عطار افندی

علم قرائت قرآن متخصص لرندن فاضل بذات اولوب (ادرنه) لیدر . (وقایع القرآن) ، (مرشد الحفاظ) ، (کمل الحافظین) ، اسملرنده اثرلری واردر . برنجی اثرینی (۱۱۶۷) تاریخنده یازمشدر اقراء بنامدن ادرنه لی ابراهیم افندی تلامیذنددر .

ابراهیم رومی

آراباجیلر اوجاغنك شیخی فاضل بذاتدر . (۱۱۸۹) تاریخنده ایفای حج شریفه موفقیتله عودتنده اثنای طریقهده (مصر) جوارنده ارتحال ایله دی . آنارندن کاتب چلبیك (کشف الظنون) نه یازدیغی ذیلی اصلیه مزج ایدیلهرك اخیراً درسعادتده طبع اولوندی . علم فقهدن (صدر الشریعه یی) ده ترجمه ایله مشدر . علم قرائتی آتی الترجه یوسف زاده عبدالله حلمی افندیدن تعلم ایله مشدی .

ابوبکر «آمری»

علماء عصری میاننده (کوچوك احمد زاده) شهرتیه بنام ایدی . (۱۹۱۰) تاریخنده دیار بکرده وفات ایله دی .

مؤلفاتی :

(تفسیر فاتحه) ، (حاشیه علی تفسیر الیضاوی) ، (شرح بخاری) ، (حاشیه علی الحسینیة) ، (رساله متشابهات) ، (رساله فی النسب بین القضايا) ، (رساله فی الفرق بین الشی و تقیضه) ، (رساله فی الفرق السلب والعدول) وسائرهدر .

(۱۱۹۰) تاریخنده وفات ایدهرك روم قبوسنه دفن ایدیلن (شرح وجیز) صاحبی عمر بن حسین افندیده دیار بکردن یتیشن مؤلفینددر .

اصغر به عمر از میری

علم وعرفانندن تصیبه دار بر ذات اولوب (تکه) لی عمر افندینک مخدومیدر . پدریله برابر
ازمیرده اختیار اقامت ایله دی .
آناری :

(فتح المولی لشرح حزب المرضى) ، (فتح القوى لحزب النووی) ایله رؤیة اللمهدن باحث
(نهایة المقال فی مباحث الجمال) در . برنجی اثرینی (۱۱۷۹) ده تألیف ایتشد . پدری واعظ
عمر افندینکده (حسن کافی آق حصاری) نك (روضات الجنات فی اصول الاعتقادات) نه (ازهار
الروضات) اسمنده بر شرحی ایله عوامل جدیده شرحی وارد . از میرلی شیخ (احمد بن مصطفی)
افندینکده (المنح الالهیة فی الصلوة علی خیر البریة) اسمنده بر اثری وارد که بر نسخه سی (نور عثمانیه)
کتبخانه سنده موجوددر .

ابوالسعود محمد افندی به عبر الواهر افندی

فضلا دن بر ذات اولوب (دده جنکی) احقادندر . یکرمی اوتوز سنه (کفه) مفتیلکنده
بولوندی . (۱۲۱۴) تاریخنده (قاپلان کرای) ک دفعه ثانیه کرایلنی زماننده نفی ایدلدی .
(مستقیم زاده) نك تاجنامه سنده (رساله السلسله) اسمنده بر اثری اولدیعی محرردر . (۱۱۴۵)
تاریخنده مؤلف برده (رساله فی اباحه الدخان) اسمنده بر رساله سی وارد . طریقه جلوتی در .

ابوبکر ادیب مورومی « داماد زاده »

فضلا دن بر ذاتدر . درس وکیلی اولمش ایدی سلطان سلیمه خواجه لنی وارد . وفاتی (۱۲۰۳)
تاریخنده مرقدی ابن کمال یاننده یول کنارنده در . (شرح نوابع الکلم للزمخشری) و منظوم
و منشور (کتاب الادب) آثار فاضلانده سندندر .

ابراهیم به یعقوب کرموشخاندوی

عصر اخیر علماء کرامندندر . (۱۲۰۷) تاریخنده آماسیه قربنده حوضه ده وفات ایله دی .

مؤلفاتی :

غیرمطبوع اولوب (زهرة العروس) ، (شرح عوامل) ، (رسالتان من الاستعاره) در .

ابراهيم اليراي ' ارضرومی

(بكدست) شهرتيله معروف عالم برذات اولوب (ارضروم) ليدر . (۱۲۱۴) ده وفات ايله دی .

آثاری :

(شمس القصائد) ، (نصح الواعظین) ، (ردالاقیسه و شرحه) در .

اسکیمی زاده علی مدعی افندی « ادرندی »

فضلاذن برذات اولوب ادرنه قریب (حلواجی) قریه سندر . (۱۲۴۳) ده ادرنه ده ارتحال ایدرهك (زندانی آلتی) قبرستانه دفن ایدلی .
آثارمطبوعه سی :

(ایساغوجی شرحی) ، (امثله شرحی) ، (ترجمه جهت وحدت) ایله برکوی مرحومك علم تجویددن (دریتیم) ترجمه سیدر . ادرنه ده سلطان سلیم کتبخانه سنده فنون مختلفه دن باحث وخط دستيله محرر ایکی مجموعه سی واردر . اك متمیز تلمیذی یکرمی ایکی یاشنده اولدینی حالده (۱۲۲۰) تاریخنده ادرنه ده وفات ایدرهك ابراهیم پاشا جامع شریفی حظیره سنده دفن ایدیلن (کراس علی افندی) شهرتيله بنام (علی وحید) افندی درکه اون آلتی یاشنده ایکن (ایساغوجی) شرحی (فتاری) یه برحاشیه یازدینی کبی اون دو قوز یاشنده ایکن ده (فوائد وحیدیه علی الولدیه) اسمیله برائرعالمانه تألیف ايله مشدر . بوائز مؤخرآ ادرنه ولایتی مطبعه سنده طبع اولونمشدر .

ابو رسول محمد زکی افندی « سلیمانیری »

علمای اعلامدن برذات اولوب سلیمانیه قراسندن (چارتا) قریه سنده تولد ایتمشدر . مذهباً شافعی در . (۱۲۴۶) ده وفات ايله دی . عقائد سسلکوتیسنه یازدینی مطبوع حاشیه جله آثار فضالانه سندر . (ابن حجر هیتمی) نك تحفه سنده حاشیه سی وفقه شافعیدن (نووی) نك (منهاج) نه ده شرحی واردر .

اسماعیل مفیر افندی « استانبولی »

شهری الاصل اولوب اکیال تحصیلدن سوکره مکه پایه سنه نائل اولمشدی تدریس و تألیف ایله امرار حیات ایلمر همتلی برفاضلدر . (ایله - ون یزدان مفیدی رحمتدن مستفید) مصرعنک دلالت ایندیکی (۱۲۱۷) ده وفات ایدهرک داود پاشا جامع شریفی حظیره سنه دفن ایدیلدی . (طریقت نقشبندیه دن) مستحلف ایدی .

مؤلفاتی :

(حدیث اربعین امام نووی) ، (دلائل الحیرات) ، (شمائل شریف) ، (اخلاق عضدیه) ، (قصیده نونیه و برئه) ، (بند عطار) ه برشرح یازدینی کی تفسیر بیضاوی به و باشقه جه سورهُ (نبأ) اوزرینه حاشیه یامیش (شرح فناری) استعاره عصامی طاش کوپرو زاده نك (آداب) شرحی اوزرینه تعلیقات یازمش ، ابن ملکک (منار شرحی) و کنزالعمالی اختصار و قدوری ایله فقه کیدانی و ملا جامی نك لوایحی (بروسه لی دهده افندی) نك (سیاست شرعیه) سنی لسان ترکی به ترجمه ایله مشدر .

اشعارندن :

باق ساعتیه بردقیقه فوت ایله مه یوب
اوینا تماده رقاصی درونده هرگاه
مفتاح انابتله قور ایشیت سن ده
دل ساعتنی بصوت الله الله

ابراهیم صرغی افندی « اشقودره دی »

علمادن متورع برذات اولوب (اسکدار) ده (شمسی پاشا) مدرسه سنده اختیار اقامتله نشر علم و تألیف آنا رایدهرک امرار حیات ایله دی . اون ایکی رساله سنی حاوی بر مجموعه سی (بشکطاش) ده یحیی افندی کتبخانه سنده و اون بش رساله سنی حاوی بر مجموعه سی ده یدی قوله ده کوچوک افندی کتبخانه سنده درکه بعضیلری بروجه آتیدر :

(شافیه للمریض و کافیه للمرید ، تحفه الیتیمه ، صدقیه ، دره الیتیمه فی الاحادیث القدسیه ، رساله فی حق اسم اعظم ، منجیه الفقراء ، اصول حدیث) . صوک اثرینی (۱۲۴۷) تاریخنده یازدیغنی اترك نهایتده تصریح ایدیور . اشقودره مضافاتندن ایکن براین عهدنامه سیله قره طاغه

ترك اولونان (بودغوريجه) دن نشأت ایدن (حسن) افندی ده فضلادن برذات اولوب (۱۱۶۶) تاریخده امام شعرانیك (لواقح الانوار فی طبقات الاخیار) ینی تلخیص ایله مشدر .

امام زاده اسعد افندی «استانبولی»

سلطان محمود عدلی دورنده یتیشن علمادن اولوب زیرك جامعی امامی قونیه لی برذاتك مخدومیدر .

آثار مطبوعه سی :

عقائدن مشهور (دریكتا) و شرحی ایله (شرح سراجیه) ، (حلبی شرحی حلیه الناجی) واستانبولك فتحه ودولت علیهك اعلائی شاننه دأثر (لتفتحن القسطنطنیه) حدیث شریفك شرحی حاوی اولان ویااراده سنیه تحریر و (۱۲۸۵) ده طبع اولونان (فتح قسطنطنیه) رساله سی ومنطقدن قضایانك تصدیق وتفریقنه و صرفدن (انفعال) بابنك تطبیقاتنه متعلق رساله لری دها واردر . طریقت خلوتیهك یكیت باشی شعبه سندن مستخلف ایدی . (۱۲۷۶) ده ارتحال ایدهرك سلیمانیه جامع شریفی حظیره سنه دفن ایدلی .

اسماعیل نبیل افندی «آخسره لی»

فضلادن برذات اولوب (آخسره) لیدر . کورجی اسماعیل افندی نامیله معروف ایدی . استانبولده نشر علوم ایدهرك (۱۲۷۸) ده وفات ایله دی . فاتح تربه سی جوارنده مدفوندر . علوم آلیه رسائلنی حاوی اولوب (۱۲۸۵) ده طبع اولونان (مفاتیح التحقیق) اسمنده کی اثری قوه علمیه سنه دالدر .

ابراهیم افندی «یالواچی»

فضلادن ناطق برذات اولوب (یالواج) قضاسی قراسندن (حصار آردی) قریه سندنر . قره آغاجلی رشدی افندی وسأثره کی فحول علمادن تعلم ایله دی . (۱۲۹۳) تاریخده ارتحال ایدهرك قریه سنده بنا ایتدیکی مدرسه قربنده کی جامع شریف حظیره سنه دفن ایدلی .

آثاری :

(رساله اخبار بالذی) ، (اصول المشاوره فی امواج المحاوره) ، (غرائب اعلال) ، (حاشیه دیباجه درالناجی) ، (حاشیه قصیده بره) در .
قصائد عربیه سی ده واردر . برنجی رساله سی کندی نه انب اولمشر (۱۱۴۰) تاریخ لرنده ارتحال ایدن (ایصاله لی) (شیخ عبدالله بن شیخ احمد) افدینک ده (ارشادیه) اسمنده (قصیده بره) شرحی واردر .

اسعبر سعری افنری «قرنوی»

فضلادن برذات اولوب قونیه لی مصطفی افدینک مخدومی و بالیکسر مفتیسی (صباح الدین علی الشعوری) افدینک متمیز تلمیذیدر . (ادرمید) وحوالیسمنده (امیر حافظ) و (امیرخواجه) اسمرلیله مشهور ایدی. مدت مدیده (ادره مید) مقتیلکنده بولوندی . طریقت نقشبندی دن مستخلفدر . (۱۲۹۹) تاریخنده ارتحال ایده رک (ادره مید) یاقیننده کی (حوران کیر) قریه سنه دفن ایدلدی . آثارینک اک مشهوری (مرآت حاشیه) سی در . عقائدن (انامل الرسائل) اسمنده کی بر متن متین ایله (دلائل المسائل) نامنده کی شرحی و بونلرک توسیعا ترجمه لری اولان (حمائل الوسائل) درکه هراوچیده مطبوعدر . طبیعت شعریه سی ده اولوب (دیوان کلزار حافظ) اسمنده کی (سعدی) مخلصلی مطبوع دیواننده مشهود اولان اشعار عربیه و ترکیه لرنده معنیدار پارچه لر واردر .

ابراهیم افنری

فضلادن حسن تقریره مالک برذات اولوب (صاروخان) سنجاغنک اشمه قضاسی قراسندن (اینه ی) قریه سندن در .
تحصیلی (قرق آغاج) و (صومه) ده بعدالاکمال بروسه یه عزیمتله نشر علمه ابتدار ایله یوب برقاق دفعه اعطای اجازیه موفق اولدی . علوم عربیه نک اکثر شعباتنده و تخصیص تفسیر و اصول فقه علملرنده معلومات واسعه اصحابندن ایدی . و اخر عمرینه دوغرو (بروسه) مقتیلکنه تعیین اولونمشدی . بروسه جه (عشاقی ابراهیم افندی) نامیه بنامدر . (۱۳۰۹) ده بروسه ده

ارتحال ایله دی . فضائل شیخ اکبره دائر (المسک الازفر فی تبریة شیخ الاکبر) اسمنده غیر مطبوع
بیوجک اثری واردر .
تقریرات علمیه سنک اکثر نقاطی تلامیذی طرفندن ضبط اولونمشدر .

احمد صمدی افندی «سیرانی»

معارفند برذات اولوب (شیروان) لیدر . استانبوله ورودندن واکمال تحصیل ایله بعض
مأموریتلرده بولونقدن صوکره ملغا انجمن تفتیش و معاینه ریاسته نصب اولونمش برفاضلدر .
آثار مطبوعه لری :

(ترجمه مقامات حریری) ، (هندستان سیاحتنامه سی) ، (اصول فقه) ، (خلاصة الفرائض) ،
(مقالة العرفاء فی مسائل الحکما) ، (علم العروض والقوافی) ، (ترجمه مختصر منطق) ، (قواعد سیلمیه) ،
(جغرافیای کبیر) ، (اصول جغرافیا) ، (صور الکواکب) ، (مدخل انشا) ، (نصایح الشبان)
وسائر اولوب (۱۳۰۷) ده درسعادته وفات ایله دی ایوبده مدفوندر . السنه ثلثه ده انشا ونظمه
• مقتدر ایدی .

مولانا جامی نك نعت جناب نبویسنی تخمیسندن :

درازل داد مرا یار بغم پرورشی
عاشق غمزده ام هست چنینم روشی
شد ازینم فرح و شادی دل درد کشی
لی حیب عربی مدنی قرشی
که بود درد و غمش مایه شادی و خوشی

احمد صمدی افندی «برسوی»

مولدا برسوی ایسه ده طول مدت استانبوله (وفا) قربنده کی مدرسه ده اقامتندن ناشی
بین الطلاب (وفالی) شهرتیه بنام برفاضلدر . علوم آله دن تخصیص منطقه کی بهره لرینه
آثاری شاهددر .

تدریس و مذاکره وقف موجود ایله مشدی آثارندن (ایساغوجی شرحی) (ذریعة الامتحان)
ایله شمسیه شرحی (میزان الانتظام) مطبوعدر . قواعد تعریفاتنی مین (زنجیر) اسمنده کی اثریه

(حاشیه شرح عقائد)، (تحریرات الانظار)، (شرح رساله الاستدلالیه) و ایریجه (مجموعه تعریفات) اسمارنده اثر لری وارد در . رحلتی (۱۳۱۲) در ، قبری ادرنه قایمسنده در .

اسمى افندى «ضراجه»

فضلادن برذات اولوب (خرپوط) لیدر . (۱۳۱۰) تاریخنده ارتحال ایده رك فاتح تربه سى جوارینه دفن اولوندى آثار مطبوعه سیندن (شمس الحقیقه) [۱] ، (ضیاء القلوب) هرايكیسی ده

[۱] (۱) بویوله یازیلان آثار مطبوعه : — اظهار الحق : اعظم علمای اسلامیة دن (۱۳۰۶) ده مکه ده وفات ایدن هندلی (رحمة الله) افندی مرحومك آثارندن اولوب ترجمه لرینك برنجی جلدی ترجمه حالى شعرا فصلنده مذکور (نزهت افندی) طرفندن در سعادته طبع اولوندى کبی ایکنجی جلدی ده موالیدن اولوب (۱۳۱۳) ده در سعادته وفات ایده رك فاتحه دفن ایدیان آنقره وی (عمر فهمی افندی) طرفندن (ابرازالحق) اسبيله (۱۲۹۳) تاریخنده (بوسنه) ده طبع اولونمشدر .

(۲) — (ترجمه تحفة الاریب فی الرد علی اهل الصلیب : مهتدی (عبدالله ترجمانی) نك اثری اولوب اخیراً ترجمه اولونه رق در سعادته طبع اولونمشدر .

(۳) — مدافعه : (احمد مدحت) افندیك اثری اولوب استانبولده طبع اولونمشدر .

(۴) — ایضاح المرام فی كشف الظلام : (حاجی عبدی) بكك اثری اولوب استانبولده طبع اولونمشدر .

(۵) — الفاصل بین الحق والباطل ترجمه سى : (اطنه لی اصمى یوسف افندی) نك اثری اولوب مصرده

طبع اولونمشدر . بواثر ك اصلی مصر علماسندن (عزالدين) افندی طرفندن مؤلف ومطبوعدر .

(۶) — نور الهدی لمن استهدى : (سرى پاشا) مرحومك اثری اولوب دیاربكر مطبعه سنده طبع اولونمشدر .

(۷) — بیان الحق : هندلی (رحمة الله) افندی نكدر . ترجمه سى استانبولده طبع اولونمشدر .

(۸) — رسالة الصمصامیه : (حاجی عبدی) بك مرحومك اثری اولوب استانبولده طبع اولونمشدر . آثار عربیه دن بروجیه زیر محرر اولانرك جمله سى مصرده مطبوعدر .

(۱) — كتاب الاعلام بما فی دین النصاری من البدع والاهام : (امام قرطبی)

(۲) — هداية الحباری فی اجوبة اليهود والنصارى : (ابن قیم الجوزیه)

(۳) — تحجیل من صرف الانجیل : (ابى البقاء صالح بن حسین جعفری)

(۴) — (النصيعة الايمانية)

(۵) — الفارق بین الخالق والمخلوق : (پاچه جی زاده بغدادی عبدالرحمن افندی)

(۶) الجوهر الفريد فی ابطال التثلیث : (ایوب صبری بك)

(۷) الاجوبة الفاخرة : (شهاب الدین احمد بن ادريس المالکی المعروف بالقرافي)

(۸) (كتاب سفر الحیر) عبدالله سالك انطاکی : اسمنك ایجد حسابيله دلالتی وجهله (۱۱۸۱)

تاریخنده (تحجیل من حرف الانجیل) دن تلخیصاً ترجمه ایدلمشدر . (آغری یوز) ده مدفوندر

(۹) — علم الیقین فی الرد علی المنتصر عماد الدین

(۱۰) — الاسلام والتصرانيه مع العلم والمدنيه

(۱۱) — خلاصة الكلام فی ترجیح دین الاسلام

انجيل شريفك الده بولونان نسخه لرینك محرفیتی و سائریه دائر اولوب دیکر لرلی (زبدۀ علم کلام) (اسئله واجوبۀ حکمیة) ، (مفتاح العیون) و علوم آلیہ تعریفاتی مین (اسئله واجوبه) ، (کاشف الاسرار دافع الاشرار) در .

بونلردن بانقا (ابن سینا) نك مشهور (شفا) سنیده (استشفافی ترجمۀ الشفا) اسمیلہ ترجمہ ایتشد که غیر مطبوعدر .

اولیا زاده حاجی علی رضا افندی

افاضل علمادن بر ذات اولوب (مغنیسالی) در . مقدمات علومی حجازده ارتحال ایدن پدری حاجی اولیا زاده حاجی ابراهیم افندیدن تحصیل، علوم آلیہ و عالیہ بی استنبول علماسندن (یحیی) افندی دن اکیال ایده رک مغنیساده تدریس و افتا ایله مشغول اولدی بر قاق دفعه اعطای اجازه به موفق اولان علمادندر . خلقۀ تدریسندہ پک چوق علما و فضلا یتشمشدر .

مشهور قبریلی خواجه افندی مجاز لرینت متمیز لرندندر . (۱۳۰۱) تاریخندہ مغنیساده ارتحال ایده رک (نشائجی پاشا) جامعی خطیرہ سندہ عائله سنه مخصوص قبرستانه دفن ایدیلدی . زمانندہ مغنیسا شهری دارالفیض و المعارف اولمش ایدی .

(ملجأ المفتین) اسمندہ کی درت جلد کیرا وزره مرتب فتو اسنک بر طاقمی (مغنیسا) فتواخانه سندہ موجوددر . فنون عیدده دن باحث امتحان رساله سیله (مرآت) تعلیقاتی ده واردر .

برده فرائضدن بر اثری اولدینی مرویدر .

طریقت خلوتیه دن مستخلف ایدیلر .

حسن خطه ده مالک اولوب خط دستلریله محرر فنون عربیه مجموعه لری واردر . (لاری) حاشیه سنه (۱۱۴۰) تاریخندہ (مرصاد الفوائد) اسمیلہ مدققانه تعلیقات یازان (محمد افندی) ده (صاروخان) دن نشأت ایدن فضلا دندر .

احمد محمد الد افندی

فضلا دن بر ذات اولوب پدری (آتقره) لیدر . کندیبی غلطه ده قله قپوسندہ (مؤیدزاده) محله سندہ تولد ایتشددر . اکیال تحصیلدن صوکره طشره نیابتلرنده بولونه رق (۱۲۹۶) ده مجلس تدقیقات شرعیہ اعضا لغنه تعیین بیورلمش وفاتنه قادار بو خدمتده قالمشدر . (۱۳۱۷) تاریخندہ استانبولده وفات ایله دی ایوبده مدفوندر .

آثاری :

- (۱) (مضبطة الفنون) : (مجله جلیله) و (مرآت الاصول) ك توضیحه دائر اولوب برنسخه سی (فاتح ، بایزید ، راغب پاشا ، حمیدیه) کتبخانه لرینه وقف ایدیلشد .
- (۲) (النجوم الدراری الی ارشاد الساری) بخاری شریفك فهرسی مقامنده در .
- (۳) (مرآت المرافقین) فتاویه عائد اولوب (۳۵۰۰) مسائلی حاویدر .
- (۴) (تذكرة المشتقات) : قواعد فارسیه دن باحث اولوب مطبوعدر .
- (۵) (فرائد الآثار وخرائد الاشعار) السنه ثلاثه اشعارینی جامع اولوب ایکی جلد اوزرینه مرتبدر . برنسخه سی و یانه جمعیت شرقیه سی کتبخانه سنه برنسخه سی ده حمیدیه ومصر کتبخانه لرینه کوندلشد .
- (۶) (مرآت الاصول) اختصارینه دائر اولوب حمیدیه وعاطف کتبخانه لرینه اهدا ایتشد .
- (۷) (مجله نفیسه) : تلخیص ده کی آیات ولغاتك تفسیر وایضاحنه دائر اولوب راغب پاشا وبایزید کتبخانه لرینه اهدا ایتشد .

ادرنه مفتیسی محمد فوزی افندی

صدور دن طلاق لسانیه سیله مشهر بر ذاتدر . مولدی (طواس) قضای مرکزی اولان (یاران کومه) قصبه سی در .
ابتدائی تحصیلی مولانا (خادمی) نك حفیدی (سعید) افندیدن استکمالی مغنیسالی (حاجی اولیا زاده علی افندی) وندر . ایچه مدت ادرنه مقتیلکنده بولندیغدن ناشی بین العلماء (ادرنه مفتیسی) شهرتیه بنامدر . (۱۳۱۸) تاریخنده استانبولده ارتحال ایتدی . فاتح جامع شریفی حظیره سنده مدفوندر .

آثاری رسائل طرزنده آلتشی متجاوز اولوب مطبوع اولانلردن بعضیلری شونلردر :

(جلال شرحی جمال) قصیده بر نه شرحی (فتح الوردۀ) اظهار شرحی (مفتاح المرام)
فناری شرحی (خلاصة المیزان) بنا شرحی (فتح الغنا) (معنی الطلاب شرحی) (سیف الغلاب)
ایله (انس الانتظام) - (کثیر الفرائد) (نجوم الاهتداء فی رجوع الابتداء) (عین موهبة الوهاب)

(تمسك الازیال فی سادات الرجال) (التوسلات القوثیه فی نعوت النبویه) كلستان و بهارستان
طرزنده (ملستان) و سائرہ در .
فوزی مخلصی دیوانی دہ وارد .

احمد قدسی افندی « طوب باسمہ زادہ »

فضلا دن و طریقت خالیدیہ مشایخ کرامندن برذات اولوب (قونیہ) ملحقاتندن (قادین خانی)
دندر . مشاہیردن بوزقیرلی (ممش) اقدیدن مستخلفدر . مملکتندہ اکیال تحصیلدن صوکرہ (مکہ)
مکرمہ (یہ عزیمتله (شیخ قطبی) و (شیخ سنوسی) کبی اکبردن علم حدیث و تفسیر تحصیل ایلہ مشدر .
(۱۳۰۵) تاریخندہ اختیار اقامت ایتدیکی (قونیہ) دہ ارتحال ایدہ رک تربہ مولانا حظیرہ سنہ
دفن ایدلدی . (ہدایۃ المرتاب فی فضائل الاصحاب) اسمندہ یکرمی فصل اوزرہ مرتب اثر
فاضلانہ لری مطبوعدر . بوندن باشقا آثاری دہ وارسہدہ ضیاعہ اوغرامشدر . علم حدیثدہ
صاحب اختصاص ایدی .

احمد قبضی افندی « چورومی »

فاضل برذات اولوب (چوروم) لیدر .
مملکتی مقتبسی ایکن (۱۳۲۷) تاریخندہ ارتحال ایتدی .
آثاری :

فیض الہی فی شرح حزب النووی

فیض الغفار فی شرح وردالستار

فیض المولی فی شرح دورالاعلی

فیض الواہب فی تجات ابی طالب

الفحفاع فی معرفۃ السلاح

الفوائد الفیضیہ فی شرح رسالۃ اللامیۃ

مشہور فتاوی حامدیہ نک منقولاتی دہ تحریر ایتشدر .

(ضیاء البدر) مؤلفی (عثمان نوری بن عمر) افندی دہ چورومدن نشأت ایدن فضلا دندر .

اسماعیل افندی «مناسرتلی اسماعیل مقی افندی»

افاضلدن و مجلس اعیان اعضای کرامندن بر ذات فضائل سہات اولوب (مناسرت) لیدر .
لمکتبجہ (سہجاقدار زادہ) دنیلن عائلیہ منسوب درہ تحصیلک بدایتی و طنتہ بالا کمال استانبولہ
لوب آتی الترجہ (شوکت) افندی مرحومدن اخذ اجازہیہ و درسہ چیقہرق اعطای اجازہیہ
وفق اولدی . طلاق لسانہیہ مالک اولدیغندن کرسی شیخلکنہ تمین اولنہرق بو طریقک
نہاسی اولان آیاصوفیہ شیخلکنہ ارتقا ایتشدی . مکاتب عالیہک اکثرندہ خدمت تعلیمیہ
یلوندی . ارتحالی علم و عرفان نامہ ضایعات عظیمہ دندر . (۱۳۳۰) سنہ سی نہایتندہ اقامتکاهی
لان آناتولی حصارندہ فجۃً ارتحال ایدہ رک فاتح جامع شریفی حظیرہ سنہ دفن ایدلدی .
طبوع آثار فاضلانہ لری بروجہ آتی در :

- ۱ تلخیص الکلام فی براہین عقائد الاسلام
- ۲ وسائل الفلاح فی مسائل النکاح
- ۳ کتاب الوصایا والفرائض
- ۴ مواہب الرحمن فی مناقب الامام ابی حنیفۃ النعمان
- ۵ مطالب عرفانیہ و ایضاحات نونیہ (شرح قصیدہ نونیہ)
- ۶ احکام شہر صیام
- ۷ الرسالة الحمیدیۃ ترجمہ سی بیات احمدیہ
- ۸ حق و حقیقت (اسلامیت علیہندہ دو قنور دوزی نک نشریاتنہ ردیہ)
- ۹ موائد الانعام فی عقائد الاسلام
- ۱۰ مواظ (اوج جزء انتشار ایتشد)
- ۱۱ شرح الصدر بفضائل لیلۃ القدر

(ب)

براہ الدین افندی «معلقہ روی»

فضلا و ادبای قدیمہ دن بر ذات اولوب (کلیولی) جوارندہ کی معلقہ دندر . ۸۲۷ دە
آیائلوغ) دە مدرس ایکن عربی ، فارسی ، تورکی لسانلرندہ نظم ایتدیکی (اعجوبۃ الغرائب

فی نظم الجواهر العجائب) اسمندہ کی لغت منظومہ سیلہ (تاج المناظم والمحمدیہ) و (معشرات السحریہ فی الابیات الفکریہ) اسمارندہ آناری واردہ (عجوبہ) نک بر نسخہ سی حمیدیدہ موجود در .

برالدین محمود افندری «آماسی»

فضای مشایخن محمد افندینک مخدومی اولوب (آماسیہ) لیدر . اکیال تحصیلدن صوکره بروسه قاضیلکنده بولونہرق (۹۱۴) ده وفات ایتدی . فضیلت علمیہ سی اولدینی کبی طبیعت شعریه سی ده واردہ . مشهور (محمدیہ) منظومہ سنہ (محمودیہ - وسیلہ) اسمیلہ نظیرہ یاپوب سلطان یزید ثانیہ تقدیم ایله دی . اخلاق و تصوفدن باحث (فوز وفلاح) نامندہ اوتوز باب اوزره مرتب بر اثری ده واردہ . (محمودیہ) نک مطلق ایتاندن :

بدیع رب اعلادر جلالی نوری اجنادر
دو عالم قول او مولادر قویہ حکمی استیلا
آنکله کائنات زنده ایدر لر شکر هرچینده
آنک درگاه عزنده تحیرده قو احیا
بوجودات کمالینه نشاندر هم جلالینه
دو عالم پس جمالینه بحلی در اولوب ضوآ

فکر عاجزانہ مه نظر آ کرک منظوم کرک منشور قبول عامیہ مظهر اولمش بر اثرہ نظیرہ یاماغہ قالدیشمق کوشش بی فائده قیلندندر که بونظیرہ ایله سلیمان ده ده نک مولدنی سنہ خاقانی محمد بک حایه نبویہ سنہ یاپیلان نظیرہ لرده بوجله دندر .

برالدین محمود افندری «آبینی»

آکابر علمادن بر ذات اولوب درسعادتده صوفی پاشا مدرسه سنده تدریس و تألیف ایله امرار ایام ایدہ رک ۹۵۰ تاریخنده وفات ایله دی . مؤلفاتندن ناهنه منسوب تفسیر شریفی کالنه شاهد در .

(صکوک) ه دائر مکمل بر اثری اولان (علی بن همت بن آیدین) اسمندہ کی ذاتده (آیدین) دن یتیشن علمادندر .

بالی افندی

آئی الترجه قره داود افدینک دامادی اولوب (ماناو - منو) لقیله مشهور ایدی (۹۵۸)ده روسیه ده وفات ایدرک قان پدری بانه دفن ایدلدی . شرح مفتاحه یازدینی حاشیه ده ابن کلاک مندرج اولان سوالرینه جواب یازمشدر (صدرالشریعه) یه (حاشیه تجرید) ه حاشیه لری وارددر .

بوستانه زاده مصطفی افندی « تیره دی »

مشاهیر فضالان برذات اولوب (تیره) لیدر . دور مناصب علمیه ایله (۹۶۸) تاریخنده استابولده وفات ایله دی (علامه روم ابن کمال) ک تلامیذنددر .
(ادرنه قاپیسی) خارجنده کی امیربخاری زاویه سی حظیره سنه دفن ایدیلدی آناری (حاشیه سورۃ انعام علی تفسیر بیضاوی) (حاشیه صدرالشریعه) (حاشیه اصلاح وایضاح) (رساله قضاء و قدر) (رساله جزء لای تجزی) (نجات الاحباب و تحفه ذوی الالباب فی الکیما) وسائر در . جنازه نمازلری امامتی ابوالسعود افندی ادا ایله مشدر .

برکری محمد افندی

مدرس علی افندی نامنده فاضل برذاتک مخدومی اولوب (بالیکسر) لیدر . پدرندن مقدمات علمی تحصیل ایله سرمایه ابتدائیسی ایجه ایلیرلند کدن صوکره فطرتنده کی حب علم سائقه سیله درسعاده عزیمت ایتمش وفضلائی عصردن انخی زاده محمدافدینک دائره درس وخدمته ملازمته باشلامشدر . صوکره افاضلن عبدالرحمن افندی به انتساب واختصاص پیدا ایدرک بعض مدارس علمیه ده بولوندر یلشلرددر . برآراق مشارالیه عبدالرحمن افدینک دلالتیه ادرنه ده قسام عسکری اولمشدی . مرویدرکه بعدالفراغ محصول قسمدن آلدینی پاره لری اصحابنه رد واعاده ایچون شهر مذکوره کیتمش واخذ ایتمش اولدینی مبلغی دفتر موجبنجه صاحب لرینه اعاده ایتمشدر . خواجه حضرت پادشاهی عطاءه افندی ایله آرملرنده مناسبت وصمیمیت حاصل اولمغله خواجه مشارالیه آیدین ولایتک اوده مش قضا سنه ملحق (برکی) ناحیه سنده بویوک بر مدرسه تأسیس ووظیفه تدریسی صاحب ترجمه تفویض ایله مشدر . ذکراولنان مدرسه ده نشر علوم ایله اشتغال ایدرک ملازمین علمیه بی وشهرت فضلنه مجلوب اولوب اطرافدن کان طلبه بی تدقیقاتیه مستفید ایتمشدر . اواخر

عمرینه یاقین استانبوله کلوب، وزیر اعظم محمد پاشا ایله ملاقات ایدیه رک تمشیت امور عباد حقنده بعض مسرودات عالمانه ده بولونمشدر. تلاوت قرآن وسائرہ مقابلنده اخذ اولونان اجرت خصوصنده کی رأی ابوالسعود افندی ایله مشاهیر قضاتدن بلال زاده طرفلرندن تصحیح اولنمشدر .

طریقت بایرامیه مشایخ عظامندن عبدالرحمن قره مانی یه انتساب ایتیش ایسه ده علوم شرعیه ده قابلیت واستعدادی داهمازیاده اولوب معنویاتده کی نشو و سنه غالب بولوندیغنی کورن مرشد مشار ایله محمد افدینک کافی السابق نشر علوم عالیه و شرعیه ایله اشتغال وبویولده احراز اجر واکتساب فیض و کمال ایتیمسنی تنبیه وتنسیب ایله مشدر .

(۹۸۱) ده الی بش یاشنده اولدیغنی حالده (برکی) ده مطعوناً ارتحال ایله دی .
آثاری :

- (۱) طریقت محمدیه [۱]
- (۲) تفسیر سورة بقره
- (۳) روضات الجنات [۲]
- (۴) رساله فی بیان رسوم المصاحف العثمانیه
- (۵) شرح حدیث اربعین [۳]
- (۶) جلاء القلوب [۴]
- (۷) معدل الصلوة
- (۸) ایقاظ النائمین
- (۹) متن و شرح من الفرائض
- (۱۰) شرح المقصود المسمى بامعان الانظار
- (۱۱) انقاذ الهالکین

-
- [۱] علماء عثمانیه دن؛ ابوسعید خادمی ، رجب افندی ، آقشهرلی خواجه زاده عبدالنصیر افندی ، چتالجهلی حسین افندی ، صماقولی احمد کشنی افندی ، قیصرلی محمد زهدی افندی ، کسروی محمد افندی طرفلرندن شرح، طریقتجی امین افندی، محمد عصمتی افندی؛ بابا طاعی ابراهیم افندی، محمد افندی بن احمد طرفلرندن ترجمه و تیره وی محمد عیثی طرفندن دخی اختصار ایدلشدر.
 - [۲] فضلائی عصردن محمود اسعد افندی طرفندن ترجمه اولونمشدر .
 - [۳] سکزنجهی حدیثدن اشاغیسی (۱۱۷۴) ده مکّه مکرمه قاضیلغنده وفات ایدن مؤلفین عثمانیه دن محمد آفکرمانی طرفندن اکمال ایدلشدر .
 - [۴] اسحق بن حسن توفادی و محمد امین ادرنه وی طرفلرندن شرح اولنمشدر .

- (۱۲) (عوامل) [۱]
 (۱۳) احوال اطفال المسلمین
 (۱۴) ذخیر المتأهلین
 (۱۵) اظهار [۲]
 (۱۶) علم حال - وصیتنامه [۳]
 (۱۷) نور الاحیاء
 (۱۸) الدر الیتیم فی علم التجوید [۴]
 (۱۹) حاشیه هدایه
 (۲۰) امتحان الاذکیاء شرح اللب من النحو [۵]
 (۲۱) کفایة المبتدی فی الصرف [۶]
 (۲۲) رساله فی اصول الحدیث [۷]

- [۱] علمای عثمانیه دن عواملی شرحلری :
- (۱) (۱۲۰۷) ده وفات ایدن ابوبکر بن یعقوب کوموشخانهوی
 (۲) (۱۲۴۴) » » مصطفی منطق فیلورینهوی
 (۳) (۱۲۳۰) » » خلیل نعیمی مغنساوی
 (۴) () » » احمد قوش آطهوی
 (۵) () » » شیخ مصطفی ابن ابراهیم افندی
- [۲] علمای عثمانیه دن اظهاری شرح ایدنلر :
- (۱) (کشف الاسرار) اسمیله صاحب اثرک تلامیذندن اولامشلی مصاح الدین افندی
 (۲) (نتایج الافکار) اسمیله (۱۰۸۵) ده وفات ایدن قوش آطهلی مصطفی افندی بن حمزه
 (۳) (فتح الاسرار) اسمیله (۱۱۴۱) ده وفات ایدن صویجهلی محمد افندی
 (۴) ۱۲۵۲ ده وفات ایدن عبده ایوبی
 (۵) ۱۲۰۶ ده » » رئیس الکتاب سلیمان فیضی افندی
 (۶) ۱۲۰۹ ده » » بروسهلی قصاب زاده ابراهیم افندی
 (۷) رفع الاستار اسمیله عثمان پازارلی نیازی شیخ اسماعیل افندی
 (۸) مفتاح المرام اسمیله ۱۳۱۸ ده وفات ایدن ادرنه مفتیسی محمد فوزی افندی
 (۹) حل اسرار الاخبار علی اعراب اظهار الاسرار اسمیله زینی زاده حسین بن احمد افندی طرفندن ده اعرابی توضیح ایدلشدور .
- [۳] قاضی زاده ایله نیازی افندی طرفلرندن شرح اولنشدور .
- [۴] (۷۴۲۳) ده وفات ایدن ادرنهلی اسکیحی زاده علی افندی طرفندن ترجمه و شرح اولنشدور .
- [۵] آطهلی طرفندن تحشیه ایدلشدور .
- [۶] فضالی - صدردن ارمناکلی سلیمان سری افندی طرفندن شرح اولنشدور .
- [۷] (۱۱۵۱) تاریخنده داود قارصی طرفندن شرح اولوندینی کبی مدینه منورهده محمودیه مدرسه سی مدرسی ایکن (۱۲۹۲) تاویخنده وفات ایدن یوسف خرپوطی طرفندن ده مفصل برصورتده شرح ایدلشدور .

- (۲۳) تعلیقات علی صدر الشریعة
(۲۴) امالی طر زنده فنون عالیہ دن باحث رساله
(۲۵) سیف صارم
(۲۶) رساله من الاداب
(۲۷) امثله فضلیه : مخدوم لری فضلہ افندی نامہ تألیف و ترتیب ابتدکاری علم صرفدن
امثله عربیہ اولوب مؤخرأ برده شرح یازمشلردر.

بابا قوشی عبدالرحمن افندی

رستم پاشا خواجه سی بابا افندی افاربندن اولمغله (بابا قوشی) دیمکله مشهور برذات اولوب ابوالسعود افندی تلیدلرندن در . (۹۸۳) تاریخده (کفه) مفتیلکنده وفات ایتدی . فروع علم فقهدن (بستان شقایق نعمان) اسمنده اثری وارددر . مخدومی مصطفی افندیده فاضل برذاتدر . (نظام التواریخ) ی (انیس الملوك) اسمیله ترجمه ایتمشدرکه برنسخه سی حمیدیہ کتبخانه سنده موجوددر .

بابا زاده محمد افندی «لارنده وی»

زمره مدرسیندن فاضل برذات اولوب (لارنده) لیدر . (۹۹۵) ده استانبولده وفات ایدهرک قرب حضرت ایوبه دفن ایدلدی . (تفسیر لارنده وی) اسمیله بنام تفسیریله هداییه تعلیقاتی وارددر . صوقوللو محمد پاشانک صاحب ترجمه حرمتی وحسن ظنی وارایدی .

بوستانه زاده محمد افندی «تیره وی»

سابق الترجه بوستان افدینک مخدومیدر . اکال تحصیلدن صوکره مولویتله برخیلی سیاحتدن صوکره استانبوله ورودنده مسند مشیخته نائل اولدی . (وفات بوستان) ترکییله (درس علمک بوزولدی بستانی) مصرعینک دلالتی اولان (۱۰۰۶) تاریخده ارتحال ایدهرک شهزاده جامعی حظیره سنه دفن ایدلدی . (احیای العلوم) ی ترجمه (ملتی) ی شرح ایله مشدر . السنه ثلاثهده بعض اشعاری وارددر . آناری غیرمطبوعدر .

پوسته زاده محبی افندی «نیره دی»

ذکری سبق ایدن محمد افندی نك مخدوم فضائلوسومیدر . اكمال تحصیلدن صوکره دور
مناصب علمیه ایده رک (استانبول قاضیسی) اولمشدی. (۱۰۴۹) تاریخنده ارتحال ایله یوب پدری
یانه دفن ایدیلدی . علم اخلاقدن سلطان احمد خان اول نامه یکریمی باب اوزره مرتب
ترکی العباده (مرآة الاخلاق) نامه بر کتایبله معجزات نبویه دن یوز معجزه یی مبین
(کل صدبرک) اسمنده تورکجه منشور بر اثر قیمتداری وارد .
بوائزك خاتمه سی قطعه آیه ایله ختام بولمشدر :

یحیی بیلیم کارمی بن جمله خطادر
هرکیم که ستر ایله یه احسان خدادر
ای ناظم آثارم اولان واقف اسرار
ایمه نظری عیبه بی عیب خدادر

بکیازاری مصلح الدیه

علمای اعلامدن برذاتدر. (۱۰۵۱) تاریخنده وفات ایله دی . نامه منسوب تفسیر شریف
ایله علم تاریخ ومحاضراندن (تذکره الاولائل) آثار فاضلانه سندندر . (تذکره) نك برنسخه سی
کتبخانه عمومیده وارد .

بالدیزاده محمد افندی «بروسری»

علمادن وزمره قضاتدن برذات اولوب (بروسه) لیدر . (کرم حقه مقارن اوله بالیدر
زاده) مصراعتك دلالتی اولان (۱۰۶۰) تاریخنده مملکتی اولان بروسه وفات ایده رک
(ابدال محمد) جامعی حظیره سنه دفن اولوندی .
آنارینك اك مشهوری بروسه مدفون اولان مشایخ علما وشعرانك تراجم احوالی
حاکی اولان غیر مطبوع (وفیاتنامه) سیدرکه قره چلی زاده نك منظوری اولدقه تاریخ تألیفی
اولق اوزره (روضه اولیا) تسمیه قلمشدر .

آثار سائره سی :

(حاشیه علی شرح السید علی المفتاح) ، (فضائل حرمین شریفین) ، (جوامع المشایخین) ایله
صکوک و بناء کعبه یه دائر اوچ رساله سیله (حاشیه الاشباه) ، (تاریخ مکه) دن عبارتدر .
اشعارندن :

(آچیلوب ازهار کلدی شمعی بوی نو بهار : وارایدی دیلارده چوقدن آرزوی بهار)
(مقدمندن وارایسه آلدی خبر بادصبا : دورایدوب اطرافی ایلر جست جوی نو بهار)
(روضه الاولیا) نک برنسخه سی (نور عثمانیه) کتبخانه سنده واردر .

بالی زاده مصطفی افندی «شیخ الاسلام»

فضلادن صاحب آثار برذات اولوب شهریدور (۱۰۶۹) تاریخنده وفات ایله دی . (سودلیجه) ده
مدفوندر .

آثاری :

(شرح کنزالدقایق) ، (شرح قصیده برثه) ، (السیف المسلول فی شرع الرسول) ، (حاشیه علی
شرح مفتاح) ، (میزان الفتاوی) ایله حضرت خالد بن زید الانصاری (رضه) روایتله مروی
اولان احادیث شریفه مجموعه سی (بواثرینی تربه ایوبه وقف ایله دی) . برده (فراسنامه) اسمنده
تورکجه برائری واردر .

بیاضی زاده احمد افندی «بوسنوی»

فضلادن و تعلیق نویساندن برذات اولوب پدری بوسنه لی ایسه ده کندیسنگ مولدی استانبولدر .
قاضی عسکرلک رتبه سنه نائل اولدی . مؤلفاتی آلتی فندن باحث (سوانح العلوم) و (اشارات المرام)
اسمیه مسمی (فقه اکبر) شرحی ایله (فقه ابسط) ، (کتاب العالم) ، (کتاب الوصیه) در .
وفاتی : (۱۰۹۸) ده ، قبری اسکدارده دیوتجی زاده تکیه سی اتصا لنده در . طریقه
(نقشبندی) در . برده (صک) ی واردر که برنسخه سی حمیدیه کتبخانه سنده در .

مرادیمه «وانی»

علماء کرامدن برذات اولوب تدریس وافتا و تألیف آثار ایله مملکتنده ایفای وظائف ایله دی .

اثاری :

(اشرف الوسائل فی اوصاف سیدالاولا و الاواخر و الاوائل)، (انيس الرمس فی تفسیر آیه جری الشمس)
(تواریخ الأئمة) ، (قصیده نونیه) ، (قصیده هائیه) در .

بکر به علی فردی قیصری «آرچی زاده»

فضلا دن برزاتدر . (۱۱۳۹) تاریخنده تألیف ایتدیکی (قصیده بره) شرحی قوش آطه سی
کتبخانه سنده منظوم اولدی . برده (بخاری شریف) شرحی حاشیه سی وارد . (۱۱۴۰)
کسور تاریخلرنده مملکتنده ارنحال ایتدی . حکومت دائره سی قربنده کی بویوک مزارلقده
پدری یاننده مدفوندر . (۱۱۲۷) تاریخنده وفات ایدن پدری (علی فردی) افندینکده (حسینیه)
و (قاضی میر) حاشیه لری وارد .

بابا طاغی ابراهیم افندی

علمان دن برزاتدر . آتارینک اک معروفی فقهدن مطبوع (حلی) [۱] ترجمه سیدر .
(کستان) یدده ترجمه ایتمشدرکه برنسخه سی ایوبده خسروپاشا کتبخانه سنده وارد .
(طریقت محمدیه) یدده (تسهیل الطریقه) اسمیله (۱۱۸۴) ده ترجمه ایتمشدرکه برنسخه سی
مناستر کتبخانه سنده موجوددر . (تکمله) نامیله مطبوع و مشهور اولان طریقت ترجمه سی
(ودادی) اسمنده برزاتکدر (حلی) ینی (نیکبولی) قضا سندن (آلا کلیسا) ناحیه سی قراسندن
(شیخ سید علی بن ابراهیم مستان) اسمنده برعالمده ترجمه ایتمشدر .
تاریخ تألیفی (۱۱۳۱) اولوب برنسخه سی ابراهیم پاشا کتبخانه سنده (فضائل قریش) اسمیله
محرر قبائل عربدن باحث اترک صاحبی (علی بن عثمان) افندی ایله (قاضی) کله سنک من جهة
النحو شرح و ایضاحنه دائر (۱۱۰۶) ده اثر یازان (شهری زاده اسماعیل) افندی ده بابا طاغندن
یتیشن علمادندرلر .

بطل خطیبی مه به علی قیصری

افاضل دن برزات اولوب (قیصریه) لیدر . (۱۱۸۱) تاریخنده مملکتنده وفات ایده رک
[۱] حلی نیکدیگر مترجم لری : (عمود الحمیدی)، (محمد بن علی الارضومی)، (محمد بن احمد) افندیلردر .

حسنی محله‌سند (ارکوبلی) درویش محمدآغا جامع شریفی قربنه دفن ایدادی . (سمحه‌الابرار فی بیان غموض الاسرار) اسمنده برجلد کیر اوزره مرتب فتاواسی علم اصول کتب علماسندن بغدادی اسماعیل پاشا حضرتلرینک کتبخانه‌لرنده منظورم اولدی .
(دررالبجار وکنوزالخبار) اسمنده اوچ جلد (ملتی) شرحیه (کشف‌الاشباه) نامنده ایکی جلد (اشباه) شرحیه واردر . (ملتی) شرحی (ولی‌الدین افندی) کتبخانه‌سندمه موجوددر .

(پ)

بیرمهم به بوسف آفره‌ری

علم لغت وفقه متخصص‌لرندن ومؤلفین عثمانیه قدما‌سندن برذات فضیلت‌سماتدر . آثار ی غیر مطبوع اولوب صحاح جوهری ایله مغرب وسائردهن جمع ابتدکی لغات عربیه یی مقابللریله ترجمه ایده‌رک (ترجمان) اسمنده یکرمی سکز باب اوزره مرتب اوچ جلدین عبارت برافتنامه ترتیب ایله‌دیکی (کشف‌الظنون) ده مذکوردر .
بوندن باشقا (ملقط صحاح‌الجوهر والملحق بمختارالصحاح) اسمنده آیریجه برلغتی و (زبدۃ الفتاوی) نامنده برفتاواسی واردر .
مسقط رأسی قونیه (ارکلی) سیدر . (۸۶۶) تاریخنده ارتحال ایله‌دی . (زبدۃ‌الفتاوا) نک برنسخه‌سی نورعثمانیه ایله بروسه‌ده جامع کیر کتبخانه‌لرنده واردر .
(حاشیه علی شرح دیباجة المصباح) ده جمله آثارنددرکه برنسخه‌سی کتبخانه‌عمومی‌ده (ترجمان) ایله (ملقط) ک نسخهلری نورعثمانیه‌ده واردر .

بریز عبدالله افندی

زمره قضا‌تدن وشیش یاوصی منتسبلرندن عالم وعارف بر ذاتدر . علوم رسمیه یی علامه ابن کمالدن اکمال ایتدی . مکه ملاسی ایکن (۹۷۸) تاریخنده وفات ایله‌دی . حضرت خدیجه «رضی‌الله عنها» جوارینه دفن اولوندی .
مؤلفاتی :

(شرح تلخیص مفتاح) ، (تعلیقات علی الهدایة) ، (رساله ولایت) ، (رساله فی‌الوضع) ، (تلخیص تحفة‌المعانی لعلم‌المعانی) ، (مرقاۃ‌السماء) وسائردهر .

استانبولده بر مدرسه بنا ایتشدر . (ویدین) قاضیسی ایکن هر بحث بر طاقم ابوابی جامع اولقی اوزره اوچ بحثی شامل (تسهیل) اسمنده علم طبدنده بر اثر تألیف ایله مشدر .
(مرقاة السماء) علی قوشچی نك علم هیئته متعلق فارسی العبارة اولان رساله سنك توسیعا ترجمه سیدر . بر نسخہ سی (نور عثمانیہ) تبخانه سنده واردر .

بیری زاده ابراهیم به حسین « برهانہ الدیمہ ابراهیم ابی محمد »

افاضل علمان بر ذات اولوب شهیدر . بر مدت (مکة مکرمه) مفتی کننده ایفای وظائف شرعیہ ایله دی .
اسامیسی آتیده محرر رسائلی حاوی منظوم اولان بر جلد کبیر مجموعه سنده کی صوک تألیف ایتدیکی رساله سنك تاریخی (۱۰۹۶) اولدیغنه نظراً بیک تاریخی رجالدن بولوندیغی مستبان اولمقده در .
آثاری :

القول الازهر فیما یفتی فیہ بقول الامام زفر .

القول الفاصل الماضی فی بیان حکم عزل السلطان للقاضی .

السؤال والمراد فی جواز استعمال انسك والغبر والزباد .

افراغ الجهد فی دعوی الید .

اعلاء الرتب فی حکم الايثار بالقرب .

القول التام فی عدم انفساخ الدار المستأجرة بالانهدام .

انالة الارب فی حکم استعمال اوانی الفضة والذهب .

الفوائد المهمة الفريدة فی ایضاح الالفاظ الغریبة .

بلوغ الارب فی بیان ارض الحجاز وجزیره العرب .

الوثیق من العروة فی بیان اقسام الرشوة .

رفع الضلال فی بیان حکم التعزیر باخذ المال .

القول الصواب فی حکم الباب بمنقول الاصحاب .

القول السار فی حکم فناء الدار .

ازالة الضك فی المراد من يوم الشك .

اظهار الكثرة الخفی فی عدم ضمان الصیر فی .

الاستدلال فی حکم الاستدلال .
حاشیة اشباه ونظائر (عمدة ذوی البصائر) .
اللمعة فی حکم صلاة اربع بعد الجمعة .
القول البات فی ایصال الثواب للاموات .

برنجی زاده سلیمان افندی

علما واتیقادن بر ذات اولوب مشایخن خضرزاده حسن افدینک دامادیدر . غلطهده
عرب جامع شریفی واعظی ایدی . (۱۲۸۰) تاریخنده استانبولده ارتحال ایلهدی . (۱۱۲)
مجلس اوزره مرتب ایکی جلد کبیر (تحفة الواعظین) اسمنده اثری واردر . آثار سائرهسیده
اولدینی اکلاشیلور . (۱۱۱۰) ده مؤلف (مصطفی بن احمد وارنهوی) نک مجلسی وجمال
خلوتی خلفاسندن (محترم بن شیخ محمود توقادی) نک (شمس الواعظین) ی (۱۱۷۶) ده
ارتحال ایدن (محمد بن مصطفای سیواسی) نک (شمائل العلماء الاعلام و مجالس الخواص والعوام) ی
سلطان بایزید ثانی معاصری (محمد بن کمال) ک (۴۱) باب اوزره مرتب (بستان المسلمین) ی
(۱۱۴۴) تاریخنده (قره حصار شرقی) نک (قره کول) ناحیهسندن (محمد بن خلیل) افدینکده
(ترغیبات الابرار و ترهیات الاشرار) ی برنسخهسی کتبخانه عمومیده موجوداولان (عبدالکریم
بن محمد) افدینک (نصاب الابرار) ی متأخرین علمادن (خواب) لی عثمان افدینک مطبوع
(درة الناصحین) ی وکوسه زاده (عثمان) افدینک مجاسی و برنسخهسی (نور عثمانیه) کتبخانهسنده
موجود جمال خلوتی خلفاسندن (اعمی شیخ مراد) افدی زاده (شیخ محمود) افدینک
(ملاذالمتقین و ملجأ الصالحین) و (راحة الارواح) ی مواظمه متعلق آثاردندر .

پیری زاده محمد سعید افندی

فضلاى قضاتدن بر ذات اولوب نیکده قضاالرندن (بور) دندر . (۱۳۰۲) ده مملکتنده
ارتحال ایلهدی . علوم متنوعه عربیهدن باحث غیر مطبوع درت جلد کبیر اوزره مرتب
مجموعهسی فضیلتنه دالدر .

تاج بك زاده سعدى چلبى «آمايهوى»

بدایت حالرنده برادری کبی شعرله توغل ایتمشدر . اساساً علم و فضیلتله شهرتی غالب اولوب سید شریفک (شرح مفتاحنه) صدرک (شرح وقایه سنه) حاشیه لرله (نسفیة) عنوانیه برده منظومه عقائد یازمشدر .

منظوم مؤنثات سماعیه سی واردر . اسمی تاریخ تألیفی اولان (خیر الاحلام) ده جمله آثارنددر .

وفاتی : (تاج بکزاده کیتدی دنیادن) مصراعنک دلالتی اولان (۹۲۲) ده در . اشعارندن :

عشق حالاتی فرهاد ایله مجنون نه بیلیر
بری طاغ آدمیدر بریسی صحرا دلیسی

قسم اولی اخلاق و سیاستدن قسم ثانسی موعظه دن باحث اولق اوزره بایزید ثانییه (مرآت الملوك) نامنده تورکجه بر اثر تقدیم ایدن (احمد بن حسام الدین) ده آماسیه دن یتیشن فضلی ادادنددر . بو اثرک برنسخه سی اسعد افندی کتبخانه سنده در .

تاج بك زاده جعفر چلبى «آمايهوى»

فضلی شعرادن برذات اولوب سعدی چلبى نك كوچوك برادریدر . (هوس نامه) اسمنده بر اثر منظوم حکیمانه لری واردر . هر ایکی برادر سلطان سلیم قربنده (بالاط) سمتنده نشانجی مسجدی پیشکاهنده مدفوندر . (۹۲۰) ده اجل قضا ایله وفات ایله دی که اولجه نظم ایله دیکی شو :

بن شهید تیغ عشق اولدقده راه یارده
یومه دن دفن ایله ییک تندن غباری کیمه سون

یتنک حکمی ظاهر اولدی هوس نامه سیله نفیس خط تعلیق له محرر مرتب دیواننک برر نسخه سی آیاصوفیه کتبخانه سنده موجوددر . علم خطی ، قبله الکتاب (شیخ حمدالله) دن تمشقی ایتمشدر . سلطان بایزید ثانی حقنده سویه دیکی مرثیه سی طبع شاعرانه سنه دلالت ایدر آناردندر که مطلقى بودر :

دنیا مقام حسرت و درد و بلا ایمنش
محنت او جانگی غم‌اوی ماتم سرا ایمنش
عذب فراتی ملح اجاج و عذاب نار
داروی دردِ صحتی رنجِ عنا ایمنش
چون صویه نقش‌اولور صور جسم آدمی
فکر بقا کشی به بر اولماز هوا ایمنش
ویرمه کوکل زخارف دنیا به ای عزیز
آلور کوزیله ایله نظر هپ هبا ایمنش

برده فتحنامه استانبول اسمنده منشور بر اثری واردر که تاریخ عثمانی انجمنی مجموعه سیله
نشر اولونمشدر .

تاج‌الذمه ابراهیم به عبدالله «حمیدی»

فضلا دن بر ذات اولوب (حمید ایللی) دندر . آماسیه مفتیسی ایکن (۱۰۰۹) ده وفات
ایله دیکی (عقدالمنظوم فی ذکر افاضل الروم) ده مندر جدر . علوم عربیه نك هان هر شعبه سندمه
ید طولی صاحبی ایدی . فقهدن صدر الشریعه به وسید شریفک مفتاح شرحی ایله تجریدینه
حاشیه‌لری و علم صرفدن مراح شرحی و مسائل مختاره‌ینی حاوی مجموعه فقهیه سنه و فرائضک
مسائل غریبه‌سنی مبین مجموعه‌سی واردر .

توفیه افندی «محمد توفیه افندی» استانبولی

فضلا دن بر ذات اولوب شهریدر . سنک مزارنده محرر (ایلدی توفیق افندی قرب اعلائی
فنا) مبصر اعنک دلالتی اولان (۱۲۷۴) تاریخنده ارتحال ایده رک (مثنوی‌خانه) به دفن ایدیلدی .
باشلیجه تحصیلی مراد ملا شینخی (محمد مراد) افندی دندر . (عروض جامی) به (قصائد
جامی) به شرح‌لری و رجال علمیه نك تراجم احواله دائر آثاری واردر و غیر مطبوعدر .
مثنوی شریفک بر قسمی ده (انس معنوی) اسمیله شرح ایله مشدر که مطبوعدر . استادی‌نک
(قواعد فارسیه) سنیده شرح ایتمشدر .

نابت محمد افندری «قبصری»

عصر من علماسندن اولوب قیصریه لیدر . (۱۳۱۱) ده مملکتنده ارتحال ایدره رک قورشونلی جامع حظیره سنه دفن ایدیلدی .
آثارندن :

(مرآة الحامدين فی کشف اسرار المحققين) اسمنده کی فاتحه شریفه تفسیری (۱۳۹۰) ده استانبولده طبع اولونمشدر .
علم بیاندن (فریده) عصامی (معین المستعیر) اسمیه ترجمه ایتدیکی کبی (شفاء شریف) ده کی شمائل نبویه متعلق مباحثی ده جمع و ترتیب ایدره رک (عین الرحمة والنور) تسمیه ایله مشدرکه ایکسی ده غیر مطبوعدر .

(ج)

عمال العربیه محمد آقسرائی [۱]

خداوندکار غازی دوری مشاهیر علما و عرفاسندن اولان بوقاضل بیدانی علوم شرعیه و ادبییه یدطولی صاحبی اولوب (آقسرائی) ده امر تدریس (صحاح جوهری) یی ازبردن بیلیمکه مشروط اولان (زنجیری) نام مدرسه ده مدرس ایدی .
حلقه تدریسنه طویلانان طلبه (مشائیون) نامیه یولده ، (رواقیون) نامیه رواق مدرسه ده آیاقده استفاده ایدنلردن باشقا اصل درسده حاضر بولونان بللی باشلی فضلادن عبارت اولوب مشهور (ملا فناری) بوجله دن ایدی
سید شریف کبی برفاضل دخی بالخاصه استفاده مقصدیه قره مانه قدر کلنشه ده صاحب ترجمه نک وفاتنه تصادف ایتمشدر .

[۱] (۸۰۰) تاریخی رجالدن فقه و اخلاقدن (عمادالاسلام) صاحبی (عبدالرحمن بن یوسف) ده (آقسرائی) دن یتیشن علماندنر . (عمادالاسلام) اساساً ملا عبدالعزیزک فارسی العبارة یازدیغی (عمدة الاسلام) نک توسیماً ترجمه سیدر . (۸۵۰) تاریخنده یازیلش برنسخه سی آق شهر کتبخانه سنده منظوم اولان (کتاب سیاست الدین والدين) مؤلفی اولان (شیخ سعید بن اسماعیل بن عمر الرومی الاقسرائی) ایله برنسخه سی آیاصوفیه کتبخانه سنده موجود اولان :
(نهاية السؤل والامنية فی تعلم الفروسة) مؤلفی (محمد بن عیسی بن اسماعیل الحنفی) و (منار) شارحلردن اولوب (۷۲۷) ده اثری کمال ایدن (عیسی بن اسماعیل) ده (آقسرائی) دن نشأت ایدن مؤلفیندنر .

مؤلفاتی (کشف) اوزرینه حواشیسی، امام بیضاوینک (غایة القصوى) سنه شرحی و(رسالة فی جواز الدور والسماع) ومعانیدن (ایضاح) و (تلخیص) ه برر شرحیه تصوفدن (شرح ان الله خلق آدم علی صورته) و(حدیث اربعین) وفقهدن (شرح مجمع البحرین)، (حاشیه ملتقی)، طبندن (شرح موجز القانون المسمى بحل الموجز)، نخودن (شرح لباب المسمى بكشف الاعراب) وعلم اخلاقدن سلطان بایزید اوله اهدا ایتدیکی (اخلاق جمالی) اسمنده کی اثری درکه اوچ مقاله اوزره مرتب اولوب :

۱ — نفسه

۲ — متعلقاته

۳ — معاملاته

دائر اولان اخلاقدن باخنددر . (۷۹۱) ده آقسرایده ارتحال ایله دیلر . برده بایزید ثانی نامنه مؤلف (شرح مشکلات القرآن الکریم وشرح مشکلات احادیث) اسمنده فارسی العبارة برجله اوزره مرتب بر تألیف عالیلری واردو . تاریخ تألیفی (۷۷۶) اولان خط دستیه محرر (ایضاح) شرحی نسخه سی ابراهیم پاشا کتبخانه سنده در .

مہول الدینہ محمد جلی

فضلادن محقق بذات اولوب (آماسیه) قاضی شمس الدین احمد افندینک مخدومیدر . (آماسیه) جه (زیاره لی اوغلو) دینکله مشهور اولدینی کبی (رسول رومی) دینکله ده معروفدر . تحصیل آماسیه ومصرده در . مصرده تدریسی واردو . (۷۹۳) ده مصرده ارتحال ایله دی . (منار ، مشارق ، بخاری ، تلخیص) ه مختصر ومفید شرحلری وایمانک زیاده ونقصانی حقنده رساله سی فضیلتنه شاهددر .

مہول الدینہ الارجمی «محمد مہول الدینہ بہ عبداللہ برکوی»

(۱۰۰۰) کسور تاریخی رجالندن فاضل برذاآندر . زماننده (برکوی ثانی) شهرتیه بنام ایدی .

آثاری غیر مطبوع اولوب کوروله بیلنلری بروجہ آتیدر :
حاشیه علی حاشیة العصام للقاضی بیضاوی .

- حاشیه علی حاشیه میرزا جان للعلامة الدواني .
» . حاشیه السيد علی شرح مختصر المنتهى فی الاصول .
» . البرجندی فی الهیئة .
» . علی شرح امثله للفاضل سروری چلبی تبره وی .

جارالله ولی المیه افندی « یکیشهر فناری »

افاضلین برذات اولوب مولدا (یکیشهر) لیدر . یدی سنه مکّه مکرمه ده مجاورتندن ناشی (جارالله) لقیله ملقب اولدی . بو ائناده کبرای نقشبندی دن (یکدست مکی) دن اخذ طریقت ایتدی . فاتح حویلسنده قره قول خانه آرقه سنده کی بنا ایتدیکی مدرسه و کتبخانه حظیره سنده مدفوندر . تاریخ وفاتی (۱۱۵۱) در .

آثارینک قسم اعظمی کتبخانه سنده موجود ایدی فقط کتبخانه کچن حرکت ارضدن سقطلندیغندن موجود کتابلر کتبخانه عمومی به نقل اولونمشدر .
بعضیلری بوجه آتیدر :

(۳۱۹ حدیث قدسی بی جامع اثر عالی) ، قرآن کریمک قراءتندن ، اعرابندن ، تراجم قرادن باحث (الفرقان) ، شرح چغمینی به حاشیه ، قول احمد حاشیه ، حسینیه به حاشیه ، تصدیقاته حاشیه ، آداب میری به حاشیه ، طاش کوپری به حاشیه ، شرح مقاصده حاشیه ، تفسیر قاضی حاشیه سی عصامه حاشیه ، مرآته حاشیه ، اعراب القرآن ، فضائل جهاده ، آداب برکوی شرحی ، کوپرولو زاده نعمان پاشانک (رسالة العدل فی حال الخضر) رساله سنه شرح و حاشیه در .
بو اثرینک نهایتنده استفاده و استفاضه ایتدیکی ذواتی تعداد ایدیور برنسخه سی کوپرولو کتبخانه سنده در .

جمال المیه محمد افندی « برکت زاده دامادی — استانبولی »

سیاست شرعیه به واقف علمای عثمانیه دن برذات حمیت سمات اولوب شهریدر . علی الاصول اکمال تحصیلدن صوکره کتابتله باب مشیخت اقلانده و نیابتله طشره لرده ایفای حسن خدمت ایله دی ، آتی الترجه عطف بکک پدر عالیلریدر .
آخر مأموریتی اولان (مصر) قاضی اغنده ایکن (۱۳۱۸) تاریخنده ارتحال ایده رک (امام شافعی)

حضرتلرینک قبرستانده کائن (علی حلمی) پاشا مدفنده مرحوم (عثمان ماهر) پاشانک قبری جوارینه دفن ایدیلدی .

آثار فاضلانلری :

۱ — (السیاسة الشرعية فی حقوق الراعی وسعادة الرعية) : عربی العبارة اولان بو اثر حکمتکستر فضلاى ارباب قلمدن آتیهلی (اصمعی) مخاصیله شهرت شعار (آتیه) لی (یوسف ضیا) افندی طرفندن ترجمه ایدیلهرک مصرده طبعنه همت اولونمشدر که بالمله ارباب سیاستله علم حقوق منتسبلرینه استفاده بخش بر اثر قیمتداردر .

۲ — (احتجاب) : نسوان اسلامیهنک تستر شرعیسندن باحث بر اثر مهم اولوب متن عربیسی ایله (اصمعی) افندی طرفندن همت ایدیلن ترجمهسی مصرده طبع اولونمشدر .
بونلردن باشقا (الحفاظة على الدين والاهتمام بالصلاة التي هي اهم اركانه) و (بيان الترقی بالدين والرد على القائلین بالترقی بالوسائل المادية) و (تحقیق فی مسألة القضاء والقدر وانهما سائقان الى العمل الى الكسل) اسملرنده کی رسائل ترکیهسی ده بالاده کی اسمی ایله (اصمعی) افندی طرفندن تعریب ایدیلهرک (مصر) ده طبع ایدلمشدر .

(چ)

میری زاده محی الدیمه افندی «منتشاری»

مسند مشیختی احراز ایدن- علمادن اولوب (منتشا) ده مدرسیندن (چیوی) افندی لقیله ملقب بر مدرسک مخدومیدر . برای تحصیل استانبوله کلهرک (تاج زاده سعدی ، قناری زاده محی الدین و قره بالی) افندیلرکی مشاهیردن استفاده ایله دی . بعد الاکال (ادرنه ، بروسه ، چورلی) مدارس مدرسلکلرنده و (۹۳۴) ده مصر قاضیلغنده ایفای خدمت ایتدی . (۹۴۵) ده مسند قنوی ایله بکام اولدی . اوچ سنه طقوز آی مرورنده تقاعد ایدیلهرک اختیار ازوا قیلدی . علوم شرعیده صاحب وقوف ایدی . (الایثار فی شرح المختار) و (حسن القاری فی التجوید) اسملرنده علم فقه و تجویده دائر اثرلری واردر . طائفه متصوفیه اولان محبتسزلکنی (شقایق) نقل ایدیور . (۹۵۴) تاریخنده ارتحال ایدهزک جوار حضرت خالد (رضه) ده کوچوک امیر افندی قرینه دفن ایدیلدی .

دامادی (قتاوی حامدیه) مؤلفی قونیلی (حامد) افندی ایله مخدومی (محمد) افندیلرده

نائل منصب فتوا اولمشد . محمد افدینک (الاشباه والنظائر) ه مفصل تعلیقاتی وارد .
بر مقدمه ایله اوچ مقاله‌ی حاوی اولان (بسمله) رساله‌سک مؤلفی (حمزه بن حاجی جنید)
افدیده (منتشا) دن یتیشن مؤلفینددر .

چاروسه زاده ابراهیم افندی «استانبولی»

علما وزمره قضاتدن بر ذات اولوب شهریدر . (۱۰۵۰) تاریخنده ایوب نیایتنده ایکن
ارتحال ایتدی . قاسم پاناده خانه‌سی قربنده مدفوندر . حضرت هدائیدن مستخلفدر .
آثاری :

(الصافیة فی شرح الشافیة ، صحائف فی الفرائض ، مجمع اللطائف) در .
آتی الترجه مشرب زاده حفیدی شیخ الاسلام عارف افندی معاصری اولان چاوش زاده
محمد عزیز افدینکده (درالصکوک) اسمنده اثر مطبوعی وارد .

چومز قاضی احمد افندی «سلفکروی»

فاضل بر ذات اولوب (سلفکده) لیدر . (۱۰۹۱) تاریخنده بروسهده ارتحال ایله‌دی .
(سوره فرقان) ه مفصل بر تفسیری ایله (بنا) شرحی و بعض رسائلی وارد .
قایغان جامع شریفی حظیره‌سنده مدفوندر .

چومز زاده محمد شوقی افندی «بروسروی»

فضلائی شعرادن بر ذات اولوب سابق الترجه چومز قاضی احمد افدینک مخدومی
(ومولدا) بروسه‌لیدر . کنج ایکن (جان شوقی جنته عزم ایلدی) مصراعنک دلالتی اولان
(۱۱۰۰) ده بروسهده وفات ایله‌دی . قایغان جامع شریفی محرابی اوکنده پدری‌یاندنه مدفوندر .
آثاری اخلاق و تصوفدن باحث اولوب حروف هجا ترتیبی اوزره مرتب بیک سکزیوز حدیث
شریف ، کلام کبار ، ضروب امثالدن مرکب (زبدة المقال لارباب العقل والکمال) ایله فقهدن
(خواجة قضاة) تاریخ و محاضراتدن (اولیات) و (شرح مخصوصات) و تراجم احوالدن (مناقب
ابواسحق کازرونی) در .

اشعارندن :

آثار تغافل کوردونور هر نکهده
ایا نه کناه ایله مشنز خاک رهکده
امید صباح ایله سون شام غمکده
بردل که اسیرک اوله زلف سپهکده

چلبی زاده عبدالرحمن افندی « استانبولی »

فضلادن بر ذات اولوب شهریدر. (امام فخرالدین رازی) نك علم کلامدن (مطالب عالیه)
اسمنده کی اثر مشهورینی شرح ایله مشدرکه فضلنک برهانی در .

چورباچی زاده محمد بن حسین افندی

فضلادن بر ذات اولوب (ویدین) لیدر . (۱۱۱۱) تاریخنده (روسجوق) مفتیسی ایکن
(زین العقائد) نامیله تورکجه بر اثر یازمشدر .
(سیلیستره) لی (یوسف بن مصطفی) افندیکنده (سفینه المتقین) اسمنده تورکجه بر عقائدی
واردرکه نسخه سی (حکیم اوغلی علی پاشا) کتبخانه سنده موجوددر .

چمرکشی زاده عثمان وهبی افندی « چمرکشی »

سلطان عبدالمجید دوری اوائلنده یتیشن علمادن اولوب کبار (مشایخ شعبانیه دن) چرکشلی
مصطفی افندیکنک مخدومیدر .
بروجه آتی رسائلنی حاوی مطبوع بر مجموعه سی (تیره کتبخانه سنده) منظورم اولدی .
(۱) امثله (۲) کلمات متصرفه وقواعد اعلال (۳) عامل ، معمول ، اعراب و معربات (۴)
معمولات موصوله الی المجهولات (۵) ترجمة الرسالة المتعلقة بتلك المعلومات . اسعد افندی کتبخانه سنده
سلطان محمود ثانی نامنه (حصن الحصین) اسمنده بر اثری ومصرده طبع ایدلمش (ان الله
يحب العبد التقي الحق) حدیثنک شرحه دائر رساله سی وارددر . (۱۲۷۷) تاریخنده (آنقره) ده
ارتحال ایله دی . ارضروم محله سی کنارنده طوبراقلق دنیلن یرده مدفوندر .

پیشگی زاده محمد خالص افندی « استانبولی »

علم فقه منتسب برندن بر ذات اولوب شهریدر. جدی محمد افندی (چشمه) قضا سنک (ککره) قریه سندنذر. فتوی امینی ایکن (۱۲۹۷) تاریخنده اسکدارده وفات ایله دی. (قیسقلی) ده سلامی علی افندی قریبده مدفوندر.

کتب فتوادن نتیجه، علی افندی، بهجه، عبدالرحیم، ابن نجیم فتوالرنده کی اون بیکی متجاوز فتاوی شریفه بی سهولته بولق ایچون جدولی بر طرزده (خلاصه الاجوبه) اسمنده ایکی جلد مطبوع تالیفی ایله فرائضدن بر اثری وارددر.

چرکشی زاده محمد توفیق افندی « استانبولی »

صدور عظامدن فاضل بر ذات اولوب سابق الترجه چرکشی عثمان افندینک مخدومیدر. ولادتلی آنقرده تحصیل و تفضلی درس عادتدهدر. اکمال تحصیلدن سوکره نیابتله سیاحت ایله دی. (۱۳۰۲) تاریخنده مجلس تدقیقات شرعیه اعضائی انضمامیه مجلس مشایخ ناظر لغنه تعیین اولوندی. (۱۳۱۹) تاریخنده ارتحال ایده رک اقسرای جوارنده صوفیلرده شیخ اکمل الدین درکانه دفن ایلدی. آثار مطبوعه سی (مزیت اسلامی)، (غایه البیان فی علم المیزان)، (بهجة الطرف فی علم الصرف)، (اجمال نحو عربی)، (هدیه الصبیان)، (مفتاح العقائد)، (لوائح القدسیة فی فضائل شیخ اکبر)، (مجموعه فضائل)، (الاتقان فی تحقیق الایمان)، (تحقیق ادراکات)، (رساله فی قبول التوبه) ایله (۱۲۸۳) ده مصر مولویتده ایکن طبع ایتدیردیکی دیوانچه سندن عبارتدر. دیوانچه ده کی (وجود) ردیفلی قصیده نعتیه سندن :

می کی ویردی صفا خلقه تجلای وجود	بویله پر نشوه میدر جام مجلای وجود
اولدی دیباجه طراز صحف صنع قدیر	جوهر حرف کهرپاره اسمای وجود
کشف اولور دیده صاحب نظره سر قدر	چشم امعانه دوش اولسه مرایای وجود
ظاهر اولمازسه نوله دیده ظاهر بینه	سریکر نکئی روی کل رعنا ی وجود

(ح)

صه یاشا « قره عمده المیه زاده »

هولانا علاء الدین اسودک برنجی اوغلی اولوب عادت ترکان اوزده اکبر اولاده (پاشا) دنیلدیکی

ایچون بو و صفله یاد اولونمشدر. مولانا فناری ایله مشارکهٔ (جمال الدین اقسرای) دن استکمال علوم ایله مشدر .

بر آراقی مناصب دولته بولونمش ایدی . قبری بروسه ده دوه جیلر مزارلخی قارشوسنده کی مدرسه لرنده در . مؤلفاتی :

صرفدن (شرح مراح) و (شرح عزى) .
نخودن (افتتاح) اسمنده (شرح مصباح) وسائره در .

مسلمه جلی « فناری »

مشاهیر فضلا دن اولوب محمد شاه فنارینک مخدومیدر . مصرده استکمال فیض علوم ایله وطنی اولان بروسه یه رحلت و (پرنور ایده خدای متعال مزارنی) مصرانک ناطق اولدینی (۸۴۱) تاریخده وفات ایده رک (زینبلر) نام محله کی جامع شریفک مناره سی یانه دفن اولوندی . مؤلفاتی : (حاشیه کشف) ، (حاشیه تلویح) ، (حاشیه شرح مواقف) ، (حاشیه وقایه) ، (حاشیه مطول) ، (حاشیه علی فصول البدایع) ایله رؤیت و کلامه متعلق فارسی العبارة (المطالب العالیه) دن عبارتدر . مسلك قویم تصوفده اتسابلری وار ایدی . شهر آثاری مطبوع مطول حاشیه سیدر .

مسلمه المیه « نرفادی »

نعلبند زاده دیمکله معروف اولان بوفاضل فاتح سلطان محمد دوری فضلاسندن اولوب مؤلفات آتیه سیله اثبات فضل ایله مشدر . (۸۶۰) تاریخده درسمعادته وفات ایندی . (ابن مداس) نامیه معروف بنا ایله دیکی جامع شریف قارشوسنده مدفوندر . تألیقاتی :

(شرح عوامل جرجانی) ، (رساله فی جواز دوران صوفیه) ، (شرح شمسیه) ، (رساله فی بیان قوس قزح) ، (تعلیقات علی حاشیه تجرید السید شریف) در . معانیدن (فرأید هندی) شارحی عرقیه جی زاده (شهاب الدین) افندی ده متوفادن یتیشن فضلا دن بر ذات اولوب تاریخ تألیفی (۹۹۳) در . خط دستیه محرر نسخه سی آیاصوفیه کتبخانه سنده در .

هجامی بابا ابراهیم الشیخ ابراهیم «طوسه‌ری»

فاتح دوری فضلاسندن اولوب (طوسه) لیدر .
 وفاتی بروسه‌ده قبری سد باشندن چلی سلطان محمد کیدن جاده‌نک صاغ طرفنده نامه
 منسوب مسجد حظیره‌سنده در . مؤلفاتی : (لطائف اعراب القرآن)، (شرح عوامل جرجانی)،
 (شرح قواعد الاعراب)، (معرب کافیه)، (معرب مصباح)، (الوسائل الوسائط)، (اوی الوافیه
 فی شرح الکافیه)، (رسالة اللهو) در .

ملیمی

فضلاء ابدادن فارسی‌دان برذات اولوب جدی (سیواس) لی کندیبی (آماسیه) لیدر .
 (۸۸۲) ده فاتحه تقدیم ایتدیکی عربی العباده قصیده تائیه‌سنی ینه کندی شرح ایتشدیرکه
 برنسخه‌سی (ایاصوفیه) کتبخانه‌سنده واردر . بواثرنده سرگذشت احوالندن برخیلیسی نقل
 ایدیور . بوندن باشقا [۱] (بحر الغرائب) اسمنده کی فارسی‌دن تورکجه‌یه اولان مشهورلغتی ،
 فرائضدن برمتن و ترمجی، طبدن (قاسمیه) نامنده برتألیفی ده واردر . یاووز سلطان سلیمه معلم‌لک
 ایدن قسطنطنیله (حلی چلی) ده افاضلندن برذاآدر . مصر سفرندن عودتنده (۹۲۲) ده
 (شام) ده ارتحال ایله‌دی . پادشاه حضرتلری جنازه نمازلرنده بولونمش ویک چوق بیان تأثر
 ایله‌مشدر .

هجامی حسن زاده محیی‌الدین محمد هجامی «بالیکسری»

علما و ادبای بنامدن اولوب بالیکسر لیدر . تحصیلی بروسه‌ده ییلدیرمده مدفون مجیزین
 علمادن آیدینلی ملا (یکان) مرحومدن در . محمود پاشا دلائله حضرت فاتحه تقدیم اولوندورق
 بروسه‌یه قاضی نصب اولمشدی . بعده قاضی‌عسکر اولدی .
 مؤلفاتی : (میزان التصریف فی علم الصرف)، (حاشیه توضیح)، (تاتمام غرائب لغات)،

[۱] قسم اولی لغات فارسیه ، قسم ثانیه فوائده شعریه‌دن باحث (۵۲۸۶) لغتی حاوی اولان
 (۹۴۷) ده وفات ایدن حسن بن حسین عمادالقره حصارینک (شامل‌الله) سی ایله خطیب رستم مولونیک
 (وسيلة المقاصد) ی وصوفیه‌لی (نعمه‌الله) افندیکنک اسمنه مضاف اولان لغتی (برهان قاطع) و (فرهنگ
 شعوری) کی اثرلرده فرسجه‌دن تورکجه‌یه یازیلان لغت کتابلرینک مقبوللرنددر .

(حاشیه مقدمات اربعه)، (حاشیه تفسیر بیضاوی علی سورة الانعام) در. ادبیات عثمانیه به انتساب لری اولوب اشعارنده (وحید) و (جامی) تخلص ایدر ایدی. (قاضی) مکه سنک دلالتی اولان (۹۱۱) ده استانبولده وفات ایلدی. جوار ایوبده مدفوندر. فقهدن (مجمع البحار) اسمیله ایکی جلد اثری ده واردر .

تاچ زاده جعفر چلبی نك (هوس نامه) سنده مدح ایتدیکی درت شاعردن بریدر . اشعارندن:

راه غمکده اولالی کوکلم روان سکا
ترك ایله دی علاقه سنی کیتدی جان سکا

اراده پادشاهی ایله تحریرینه باشلادیفی غرائب لغاتی جامع اولان اثرینی اکماله موفق اوله ما- مشدر . ایران فضلا سندن حسین واعظك (روضة الشهداء) سنی (سعادتنامه) اسمیله ترجمه ایتمشدر که برنسخه سی خالص اقدی کتبخانه سنده واردر . متمیز تلید لرندن (احمد بن سیدی) نك ده (اسرار فاتحه) اسمنده قیمتدار بر اثری واردر .

(روضة الشهداء) شاعر مشهور (فضولی) طرفندن ده (حديقة السعداء) اسمیله ترجمه اولنمشدر که معروف و مطبوعدر .

حسین افندی « حسین شاه چلبی آماسیوری »

علم آداب مناظره دن مشهور (حسینی) اسمنده کی اثرک مؤلفی اولوب نیکسار لیدر . تحصیل و تدریسی آماسیه ده در . (۹۱۸) ده ادرنه یه رحلت ایتدیکی قیداً ثابتدر .

شیخ الخطاطین حمدالله افندیدن تمشق ایتمشدر . (واردار یکیکجه سنده) قرقلر باشی نامیله معروف اولان حسین افندیك بو ذات اولدینی ده مرویدر .
آثارندن برده (منار) حاشیه سی واردر .

حمدالله به غیر المیه

فضلا دن و علم قرائت قرآن متخصص لرندن بر ذات اولوب (آیاصوفیه) ده خطابت و تدریسه مشغول اولدی . قرائتن (جواهر العقیان فی شرح عمدة العرفان) و (وسيلة الايقان فی شرح

رسوخ اللسان فی حروف القرآن ، شرح عمدة العرفان فی وصف حروف القرآن (اسمارنده .
اثر لری وارد که بر نسخه سی حمیدیه کتبخانه سنده موجود در .
(وسیله) نك تاریخ ترجمه سی (۹۶۰) ، (عمده) شرح نك ده (۹۵۶) در .

مسام زاده مصطفی افندی

فاتح دوری فضلاسندن وادادن برذاتدر . طریقت زینیه ده انتسابی واردر . بروسه .
مفتیسی ایکن وفات آبله دی (زینیلر) ده مدفوندر .

آثاری :

(حاشیه شرح مقاصد ، حاشیه تلویح ، مجموعه انشا) وسائر در . تشریح اسمنده کی صدر الشریعه .
شرح نك خط دستیه محرر نسخه سی یکی جامع کتبخانه سنده در . تاریخ تحریری ۸۹۳ در .
اخلاق و تصوفدن باحث (ذوقیه) اسمنده کی بر اثرینك خط دستیه محرر نسخه سی ده .
(اندرون) کتبخانه سنده در .

مافظ محمد به احمد به عادل پاشا

فضلا دن بر ذات اولوب شهریدر . (۹۵۰) تاریخلرنده استانبوله ارتحال ایتدی . آثاری .
غیر مطبوعدر .

وزیر اعظم مصطفی پاشا نامه مفتاح حاشیه سی
فرهاد پاشا نامه شرح مواقفه تعلیقات
(هیئت - نجوم) دن السبع الشداد
رسالة الهیولی در

حسین مسام الدین افندی « قره چلبی زاده »

اکمال تحصیلدن صوکره دور مناصبله قاضی عسکر اولمشدی . بروسه ده متقاعداً عزلت نشین .
ایکن (تکمیل عزلت) ترکیبنك دلالتی اولان (۱۰۰۷) تاریخنده ارتحال ایده رک (امیرسلطان) ،

جامع شریفی اوکنه دفن ایدلدی . هدایه ایله مفتاحه واقفانه تعلیقاتی ومسائل فقهیهیی جامع قیمتی مجموعهسی وارددر .

حسین کفری

فضلا واذبای عثمانیهدن بر ذات اولوب دور مدارسله مکه ملاغنه نائل اوله رق ختام مدت مأموریتی اولان (۱۰۱۰) تاریخنده مکه مکرمه ده وفات ایله دی . طبی مزاج ادیبانه یه مائل ایدی . برنسخه سی (حمیدیه) کتبخانه سنده موجود اولان (بوستان افروز جنان) اسمنده کی (کلستان) شرحك مقدمه سنده ترجمه حائندن وبعض آثارندن بحث ایدیور .
آثاری غیر مطبوع اولوب بروجه آتی در . (شرح بخاری شریف الی حدیث غسل) ، (شرح مسلم الی نصف) ، (شرح دیوان حافظ) ، (شرح لامیه العجم) وسائر در .
برده (سوانح الثقال ولوائح التوفل) اسمنده فالنامه سی وارددر .

ابیاتندن :

مذاق اهلی لبك یاد ایتسه طوطی قندی وصف ایلر
عجیدر حال عالم بیلمه یں سوبلر بیلن سوبلر

مصارعندن

الکله ایتدیکک خیری دیلکله ایلمه ضایع

(فال نامه) قسم اعظمی حافظ شیرازی دیوانندن ایدیلن تفالاتدن وبونلره دائر ظریفانه حکایاتدن باحث برادر در برنسخه سی عاشرافندی ده وارددر . (رازانامه فی مناقب العلماء والمشایخ والفضلاء) اسمنده بر اثری ده وارددر . برنسخه سی (حکیم اوغلی) کتبخانه سنده در .

حسام زاده ابراهیم افندی «کرمیانی»

مشاهیر علمادان اولوب کرمیانی حسام افندی ک اوغلیدر . وقاتی (۱۰۱۶) تاریخنده قبری «استانبولده شریفه خاتون مسجدی ساخه سنده در .
فضائل وکالات ایله متصف بر ذاتدر .

ابن کمالک (مفتاحه) مکمل بر (تکمله) سی اولدینی کبی (فقه اکبر) و شافیه‌یی ده نظاماً شرح
ایتمشدر .

طبیعت شرعیه‌سی ده وارددر . (شریفی) تخلص ایدردی .

حسن الطافی « آق مصاری بوسنوی »

فضلادن بر ذات اولوب بوسنه‌نک (تراونیک) [۱] سنجاغنه‌مضاف (آق حصار - دولتی
وقف) قصبه‌سندندر .

علوم رسمییه‌یی (۹۸۶) تاریخنده بوسنه قاضیسی بولونان (بالی) اقدیدن تکمیل‌ایله‌مشدی .
وفاتی (۱۰۲۵) ده اولوب قبری مملکتنه یاقین (پروساچ) قریه‌سنددر . کافی مخلصی علم
کافده‌کی مهارتنه ویاخود (کافیه) یه یازدینی شرحه بناءدر .

آثار فاضلانله‌ری : (شرح عقائد طحاوی)، (شرح علی مقدمه الصلاة للفناری)، (شرح
قدوری)، (سمط الوصول الی علم الاصول)، (متن و شرح فی علم المعانی)، (اکری ملحه‌سی
تاریخچه‌سی)، (اصول الحکم فی نظام العالم) [۲]، (کافی فی المنطق) وسائرده‌ری .

حافظ محمود « وارداری » [۳]

(واردار) یکیکجه‌سندن یتیشن فضلادن اولوب آیات قرآنیه‌نک سهولته بولونه‌بیلیمی ایچون

[۱] فقهدن (شرح مقدمه الغزنویه) صاحبی (شیخ مصلح‌الدین) افندی ده (تراونیک) دن
نشأت ایدن علمادندر .

[۲] اکری وقعه‌سندده بولوندقدن صوکره عربی‌البارده قلمه آلدینی بو اثر مقبولی سلطان محمد ثالثه
تقدیم ایدهرک مظهر التفات پادشاهی اولمشدی . لسان عثمانیه ترجمه‌سیله برابر درسعادته طبع اولوندینی
کبی (آلمانجه) یه‌ده ترجمه اولومشدر . (اصول الحکم فی نظام العالم) ک فرانسه‌جه‌یه‌ده ترجمه ایدلدیکی
(بائجه) اسمیله (۱۲۹۷) تاریخ هجریسندده نشر اولونان رساله موقونه‌ده مذکوردر . ابراهیم متفرقه
طرفندن ینه بواسمه تألیف اولونان اثر دیگر کندی معرفتیه (۱۱۴۴) سنه‌سندده مطبعه عامره‌ده طبع
اولومشدر . بو اثرده جغرافیا ناک منافعه سیاست عسکریه‌یه دائر مفید و مختصر معلومات وارددر . برده
(۱۰۰۶) تاریخنده عقائددن (روضات الجنات) اسمنده تألیف ایتدیکی متنی (۱۰۱۴) تاریخنده (ازهار -
الروضات) اسمیله شرح ایتمشدرکه هر ایکسی کتبخانه عمومیده وارددر . (روضات الجنات) اثر ذهول
اوله‌رق برکوی مرحومه نسبت اولونه‌رق طبع ایدلمشدر .

[۳] وطنداش وتلامیذنن [عالی] نامنده‌کی ذاتکده علم کلامدن باحث عربی‌البارده (طوالم الانوار
من مطلع الانظار) اسمنده منقح برائری وارددر .

تأليفه همت ايتديكى (ترتيب زيبا) (۱) اسمنده كى اثر مطبوع ومشهورك مؤلفيدر كه (زهى
ترتيب زيبا) تاريخ تأليفيدر . (۱۰۴۵) تاريخنده وطننده وفات ايله دى .
حمام ياننده كى قبرستانده مدفوندر . (مناقب الدرر على الفرر والدرر) ، (شرح مصراح) ،
(شرح بنا) ، (هبة الله من الفرائض) ، (حاشية شافيه) ، (بحر المسائل من الفرائض) اسملرنده
غير مطبوع آثاريده واردر .

اشعارندن :

دكل ارض وسما وشش جهندر حضرت مولا

قديمى ذاته اولماز محل حادث اولان اشيا

استانبولده نشانچى محمد پاشا جامى خطيبى ابراهيم بن مصطفى افنديكنده (ترتيب زيبا)
طرزنده (كتاب التسهيل والترتيب) اسميله مسما بر كتابى و (شرح عدد آيات) نامنده بر
رساله سى واردر .

تسهيل (ترتيب زيبا) نى كوردكدن صوكره يازديغنى مقدمه ده يازيور . اثرلرينك نسخه لرى
اسكدارده (آلاما طاش) كتيخانه سنده واردر .

مهرى على افندى

افاضلدن بر ذات اولوب کوتاهيه ليدر . آثارينك اك بويوكى اولان (حديقۃ الفقها) سنك يته
كندى طرفندن يازيلان شرحنده كنيه سنى بويله يازيور : (ابو محمد مهرى على بن مصطفى بن
پير محمد المعروف بببل زاده) وطننده اكمال تحصيلدن صوكره سيروسياحت ايدرك (قيرلحصار) [۲] ده

[۱] ۱۱۷۴ تاريخنده ديار بكر واليسى ايكن وفات ايدن (چته جى) عبدالله پاشانك (انهارالجنان
من ينابيع آيات القرآن) اسمنده بو طرزده برائرى اولدينى كى (۱۲۸۶) تاريخنده کوتاهيه مفتيسى اولان
محمد شريف افندى نامنده بر فاضلك ده آيات قرآنيه ايله برابر مطبوع ومشهور اولان (مفتاح التماسير)
اسمنده برائرى واردر كه حافظ كلام اولمايانلرله تفاسيرله متوغل ذواته الزم برائردر . خدمۃ دولندن هاكف
افندى نامنده بر ذاتكده (۱۲۶۶) تاريخنده مؤلف (مرآة القرآن) اسمنده مفصل بر اثرى واردر كه
بر نسخه سى (خالص افندى) كتيخانه سنده موجوددر . ترجمۃ حالى شعرا فصلنده مذكور توفيق بك طرفندن ده
اصول واداره عتيقه حقنده كى مباحثى على ايدلك اوزره (۱۲۸۷) تاريخنده ترجمه و طبع اولندينى كى (حجاز)
والى اسبقى فضلادن احمد رشيد پاشا طرفندن ده ترجمه واصليله برابر (۱۳۳۱) ده مكده طبع اولونمشدر .

[۲] قيرلحصار : (اغريوز) اطه سنك جنوب نهايتنده كى (قاريستوس) شهيدركه اداره عثمانيه
زماننده (قيرلحصار) ناميله توسم ايدلديكى (كاتب چلبى) مرحومك (جهان نما) اسمنده كى اثر مشهورينك
خریطه سنده محرردر . صاحب ترجمه اختيار اقامت ايتديكى (قيرلحصار) ك بو (قيرلحصار) اولديغنى تصريح
ايله بور . جغرافيون عثمانيه دن بعضيلرى طرفندن (مفتيسا) نك (قيرلحصار) اسميله توسم اولوندينى
و (عينتاب) سنجاغنده يته بواسمه بر ناحيه بولنديغنى ده (جغرافيا) ايله متوغل ذواتك معلوملريدر .

اختیار اقامتله نشر علومه باشلادی. بوجهله امرار اوقات ایله یوب (۱۰۸۰) کسور تاریخلرنده ارتحال ایتدی. آناری متنوع اولوب باشلیجه لری بوجه آتیدر :

۱ — (حدیقه الفقهها) : برجلد کبیر اوله رق تألیف ایتدیکی بواثرینی (۱۰۵۲) تاریخنده

(تلخیص الفتاوی والشروح) اسمیله بش جلد اوزرینه شرح ایله مشدرکه بر طاقی مناستر . کتبخانه سنده موجوددر . بواثر علم فقهده کی اختصاص و معلومات واسعه سنه برهان جلیدر . بوشرح مقدمه سنده کینه سنی و (قیصر لخصار) ده شرح ایتدیکی تصریح ایدیور .

۲ — (شفاء الابدان المرضی فی سر منافع القرآن الشریف والاسماء الحسنی) : (قاضی ابوبکر نسائی) نک (الدر المنظم فی فضائل القرآن الکریم) اسمنده کی اثرینت شرحی اولوب نهایته لسان درر باز نبوتدن شرف صادر اولان ادعیه ماثوره بی علاوه ایتشد .

۳ — (هدیه الجبری فی ترجمه منهاج المحدثی) علم کلامدن باحث بر تألیف کزین اولوب بواثرینی (۱۰۷۳) ده تحریر ایتدیکی در میان ایدیور . (منهاج) ده کندی اثریدر . ترجمه نک برنسخه سی حمیده ده واردر .

۴ — (زبدة الفکر فی زیارة سید البشر) : فخر کائنات علیه اکمل التحیات افدمنر حضر تلرینک زیارتلی آدابندن وقسماً مدینه طاهره فضائلندن باحثدر .

۵ — (عقود الدریة فی شرح فرائض الحبری) : علم فرائضه دائر تألیف ایتدکلری متن متینک شرحی اولوب برنسخه سی (کوتاهی) کتبخانه سنده منظوم اولدی .

۶ — (نبذة المناسک) : مناسک حجدن باحث بر اثر نافع در .

۷ — (منیة الصالحین) : علم عقائده دائردر .

۸ — (شرح حدیث اربعین) : طرز معلوم اوزره در .

۹ — (ذخرا لآخرة) : ملتی نک توسیعاً ترجمه سی اولوب برنسخه سی کتبخانه عمومیده واردر .

۱۰ — ذخرا المصیر : عقائده متعلق تورکجه بر منظومه در . برنسخه سی شهید علی پاشا کتبخانه سنده واردر .

خط دستیه محرر نسخه سی فاتح کتبخانه سنده موجود (شرح تقایه من الفقه) مؤلفی (عبدالواجد

بن محمد) افدی ده کوتاهی دن یتیشن فضالانددر . تاریخ تألیفی (۸۵۶) در .

صاحب محمد به علی الفره مانی

قره مان وحوالینده (شیخ سیاه سر - قردباش) شهرتیه معروف اولان شیخ عبداللطیف قره مانینک نسلنددر .

(شرح بسمله) ، (حاشیه علی التهذیب) ، (تقریب المبتدی الی مطالب المهتدی فی الفقه) ، (رساله فی ایمان ابوی النبی صلم) وسائره کبی غیر مطبوع آثاری وارددر .

صاحب زاده محمد افندی « استانبولی »

علوم آلیه وعالیه نیک اکثر شعباتینده وبتخصیص علم فقه وفرائضده صاحب اختصاص برذات اولوب شهریدر . (۱۱۰۰) تاریخینده درسعادتده وفات ابتد . (بضاعة الاحکام فی احکام الاحکام) اسمنده برائریله فقهیدن (صک) . دائر دیگر برائری وارددر . (شیخ محمد بن عبدالرشید سجاوندی) نیک فرائضی ده (الفرائض الوافیة) اسمیله ترجمه ایتشددر . برده علم تجویددن (قواعد القرآن فی تجوید القرآن) اسمیله تورنجه برتجویدی وارددر .

مفطی محمد افندی

فضلائی قضاتدن برذات اولوب شهریدر . (۱۱۶۵) تاریخینده استانبولده وفات ایددرک صاری عبدالله افندی یانه دفن ایدلدی . طاشندن ملامیه بابراهیمیه منتسب اولدینی نمایاندر . (فضائل الاعمال) وسائره کبی آثاری وارددر . (۱۰۵۱) ده (بیان اوصاف قدس شریف) اسمنده کی اثری یازان محمد حفطی افندی دیگر برذاتدر . رساله سی مطبوعدر .

مازور محمد افندی « ارضرومی »

علما وشعرادن برذات اولوب ارضروملیدر . اکمال تحصیلدن صوکره ارضروم مقبیلکننده بولوندی . (معرفتنامه) صاحب شیخ ابراهیم حق نیک فارسی خواجه سیددر . آثاری (تعلیقات علی تفسیر البیضاوی) ایله مطبوع (دیوان) وسائره در . حق مرحومک (حقه یونلدی حاذق افندی) مصرعنک دلاتی اولان (۱۱۷۷) تاریخینده (ارضروم) ده ارتحال ایله دی . ابیاتندن :

خود پرستان زعمیله علامه دوران اولور
مکتب عرفانه کلسه طفل ابجد خوان اولور

نور وحدتله ايان قلبنی بیت رحمان
چاك ايدر سينه سنی كوشه محراب كبی
ارضرومده كل احمد آغا طرفندن قارص جاده سنده انشا اولونان چشمه یه سویلدیکی
(كل كل احمد چشمه سندن ایچ كلاب آسا صونی) تاریخی لطائف تاریخیه دن اولوب مشهوردر.

صین به محمد افندی

فضلا وارباب معارفدن برذاتدر. (۱۱۱۵) تاریخنده (قزوینی) نك (عجائب المخلوقات) فی
(مرآت عجائب المخلوقات وكشف غرائب الموجودات) اسمیله توسیعا ترجمه ایتشدركه نسخهی
(اسعد افندی) کتبخانه سنده موجوددر. (رسالة النورية فی العقائد الشرعیة) اسمنده
تورجه برائری ده واردر.

حنیف ابراهیم افندی

(فطین) تذکره سنك نقلنه کوره خواجكان دیوان هایوندن، شیخ الاسلام عارف حکمت
بك قولنه کوره بالطه جی زمره سندن علم و قلم صاحی برذات عرفانماتدر. مأموریت رسمییه دن
فراغندن صوکره اختیار عزلت ایله مشدی. بر آرهلق کندیسنه جذبه طاری اولدیسده آز
زمانده عالم صحوه کله رك خاك پاك حجازه عزیمت و ایفای حج شریفه موفق اوله رق (استانبول)ه
عودت ایله دی.

الی آخرالعمر تألیف آثار ایله اشتغال ایله یوب معاصر واحباسندن بولونان شاعر (پرتو)
افدینك سویلدیکی: (حزن ایله ناچار تاریخن دیدم، عدنه محویت ایله کیتدی حنیف)
تاریخنك دلالتی اولان (۱۲۱۷) سنه سنده عازم دار عدن اولدی. مستقیم زاده، مجلس علمندن
مستفید اولانلر میاننده در. مع التأسف مدفنی تعیین ایدیه مدی.

آثارینك جمله سی غیر مطبوع اولوب بروجه آتیدر:

۱ — تفسیر آیه (ان الصلوة تنهی عن الفحشاء).

۲ — شرح حدیث اربعین بلفظتین.

۳ — هدیه الاخوان — شرح حدیث ام زرع —

- ۴ — تفسیر سبع سور بی نقط (ضحی، انشراح، تین، قدر، عصر، کوثر، اخلاص) .
- ۵ — شرح اسماء النبی، اسمی : (اندرة العصماء فی بیان ابھی الاسماء) در .
- ۶ — تخریج احادیث شرعة الاسلام .
- ۷ — ترجمه صدر الشریعه .
- ۸ — ترجمه افاضة المان .
- ۹ — لوامع الالهام .
- ۱۰ — منهج الادیب فی شرح انموذج الحیب .
- ۱۱ — الاعداد فی اعداد الزاد للمعاد .
- ۱۲ — اسمی اصحاب بدر .
- ۱۳ — لعل مصفا فی زیارة المصطفی (فضلائی عربدن (زین الدین محمد العباس) ك (نتیجه الفکر فی خبر مدینة سید البشر) اسمده کی بش باب وبر خاتمه اوزره مرتب (مدینة منوره) تاریختک ترجمه سیدر. مستقیم زاده خطیله محرر برنسخه سی اسعد افندی کتبخانه سنده موجود در] .
- ۱۴ — رساله التاسخ والمنسوخ .
- ۱۵ — اختصار لغت و صاف .
- ۱۶ — منازل الحرمین .
- ۱۷ — دیوان [برنسخه سی حمیدیه کتبخانه سنده واردر] .
- ۱۸ — شرح طوفان معرفت [متن اثر خواجه (نشأت) کدر] .
- ۱۹ — رساله قدم شریف فی ایوب انصاری .
- ۲۰ — شرح خصائص الصغری للسیوطی .
- ۲۱ — ضروب امثال ترکیه .
- اشبو آثارک قسم اعظمی حاوی خط دستیلہ محرر بر مجموعه (تیره) کتبخانه سنده منظور عاجزی اولشدر . عاشقانه برغزلی :

ترك جان ایلر وصال بزم جانان ایستین
 بلبل آسا زار اولور برورد خندان ایستین
 برکلك بیک خاری بریادک نیجه اغیاری وار
 عالم لاهوته باقسین اوزکه سیران ایستین
 عشق ایچون صاف ایله کل صوفی درون قلبی کم
 زین ایدر کاشانه سین البته مهمان ایستین

سوء حال و رازینی کتم ایله من مرشدلره
صاقلاماز درد درونن تا که درمان ایستین
رهبریت سر منزل عشقه چراغ آهکی
ای خیف آسا وصال کوی عرفان ایستین

(۱۱۸۹) ده وفات ایدن شارح شفا ابراهیم خیف بک دیگر برزات عالیدر .

مسیح مسنی به ضلیل کبری

فضالان برزات اولوب (کرید) ک (قندیه) قصبه سندن در .
در سعادته اکمال تحصیلدن سوکره (قندیه) ده نشر علوم ایده رک (۱۲۱۸) تاریخنده قصبه
مذکورده ارتحال ایله دی .
از میرده خط دستیله محرر بر مجموعه علمیه سنده (مناسک حج) ، (رساله فی اشراط الساعة) ،
(حاشیه علی رساله بحث الحدوث) ، (فوائد کلامیه) ، (رساله فی تعریف الکره) ، (تعلیقات علی السراجیه
من الفرائض) اسمارنده آناری منظورم اولدی .

مضیر محمد افندی « استانبولی »

آثار خیره سندن در سعادته باغچه قبوسنده کتبخانه سی اولان شیخ الاسلام عاشر افندی نیک
مخدوم فضائلندی در . ساده جه (غلطات حفید) اسمیه بنام ترکی العبارة مطبوع اثر گیرنده
برخیلی قواعد و فوائد لغویه و تاریخیه مندر جدر که لسان مزده غلطاته دائر یازیلان آثار ک بیوکی
واستفاده لیسیدر .
(قیلدی خلدی حفید افندی مقام) ، (قیلدی حفید افندی مأوای عدنه رحلت) مصر اعلرینک
دلالتی اولان (۱۲۶۶) تاریخنده ارتحال ایده رک کتبخانه عاشر حظیره سنده پدری یاننه دفن
اولوندی . قبودان پاشارک تراجم احوالی حاکی (سفینه الوزرا) ، عربی العبارة حدیث اربعین شرحی
جمله آثارندن در .
استانبول صولرینک انواع و خواصنه دائر (مهام المیاء) اسمنده مطبوع بر رساله سی و روان
اوطه سنده حق خلافته متعلق بر اثری ده واردر .

میهانی احمد افندی «البستانی»

متأخرین علمادان اولوب (البستان) مفتیسینک نحدومیدر . استانبوله ورودندن صوکره برخیلی اثرلر نشرینه موفق اولمشدر . شهر آثاری : لسان فارسی قواعدینک دقایقنی مبین اولان مطبوع (تحفه وهبی) شرحیدر . (نخبه) بی دخی شرحه باشلامش ایسه ده عمری وفا ایتمیوب اوغلی اکال ایتمشدر . (اسعاف المنه فی شرح آتخاف الجنه) ، (شرح منظومه شاهدی) ایله منطق وآدابه متعلق برمنظومه نونیسه سی واردر . (۱۲۲۹) ده درسعادتده وفات ایده رک اسکدارده نوح قیوسی جوارنده سید احمد دره سی قبرستانه دفن ایدیلدی . برده (ظهور مهدی) زمانتی تعیین ایدنلره قارشلی (تهافت مستخرجه) اسمنده اثری واردر .

اشعارندن :

بوکثرت عالمده سر وحدت بیلیمه سی مشکل
بیلور آنجق اقالیم حقایقده کزن سوسو

مفتی عارف محمد بک «استانبولی»

علم قرائنده بهره صاحبی ارباب قلمدن برذات اولوب شهریدر . ترسانه ده ذمت خلیفه سی ایکن (۱۲۳۸) ده ارتحال ایتدی .

ایوبده پدری (سید ابراهیم افندی) یاننده مدفوندر . علم قرائندن (سبط الحیاط) اسمنده برائریله (حفظی) بک مجموعه سی نامیله دیگر اثری واردر .

(۱۱۷۲) تاریخنده (متقن الروایة) اسمنده علم قرائندن اثر مقبولی اولان (محمد بن مصطفای نعیمی) افندی قرادن برذاتدر .

مافظ سید افندی «سیروزی»

عصر اخیر علماسندن برذات اولوب (سیروز) قراسندن (طوپولنیک) لیدر . مدت مدیده درسعادتده نشر علوم ایله امرار اوقات ایلده دی . (۱۲۶۹) تاریخنده حج شریفدن عودتده

(ینبع البحر) ده رحلت ایتدی. آثار مطبوعه‌سی (شرح علاقه) (۱)، (حاشیه علی شرح وضعیه لعلی قوشی)، (رساله لام عهد) ایله قون متداوله‌یه دائر تقریر اتندن عبارتدر.

مادر امجد افندی «نوشهری» — روحی زاده

فضلا دن بر ذات اولوب ا کمال تحصیلدن سو کره وطنی اولان (نوشهر) مفتیلکنده بولوندی. ارتحالی (۱۶۶۰) تاریخلرنده در.

آثارندن: (شرح حدیث لاعدوی ...)، (رساله فی کلام الله تعالی)، (تفسیر و ماتشاؤن الا ان یشاء الله)، (رساله فی معنی المصدر) کچی رسائل بر آرده مطبوعدر. بولردن باشقا رسائل امتحانیه‌سی ده وارددر.

(تعلیقات علی کلام قطب الدین) محرری (عمر بن عثمان) افندی ده (نوشهر) دن یتیشن علمادندر.

مادر افندی «قارصی»

فضلا دن طبیعت شعریه مالک بر ذات اولوب (قارص) لیدر. (۱۲۹۱) تاریخنده وطنده ارتحال ایتدی. آثارندن بعضاری (سوره عبس تفسیری)، (اظهار شرحی)، (دیوان) در.

(۱۲۱۳) تاریخنده (شفاء شریف) ی ترجمه ایدن (طالب خواجه زاده حافظ اسحاق نجیب) افندی ده (قارص) دن یتیشن علمادندر. ترجمه نك خط دستیله محرر نسخه‌سی (اسکدار) ده (سلیمیه) کتبخانه سنده در.

ماجی طورونه افندی «قبصری»

عصر اخیرده قیصریدن یتیشن اکابر علمادن اولوب شهرتلی (حاجی طورون افندی)، کینه‌لری (چوقورلی زاده محمد صالح) افندی در. (۱۳۰۲) تاریخنده وطنده ارتحال ایله یوب

[۱] (مولانا محمود انطاکی) نك بین العلما مشهور اولان (استعاره) رساله سنك شرحیدو که شرحدن باشقا (قره تپلی) اسمیله بنام (مولانا حسن بن مصطفای آیدینی) نکرده مقبول بر شرحی و بو شرحه ده (محمد بن عثمان حلمی آطه بازاری) نك مفصل بر حاشیه‌سی واردو که محالرنده مذکوردر.

(خواند خاتون) جامع شریفنك حرمی داخلنه دفن ایدلدی . آتاری عربی و غیر مطبوع اولوب بروجہ آتی در :

- ۱ — (رسالۃ الاندراجیه) علم قرائت قرآنندن اولوب (قرائت عشره) نك ترتیبی میندر .
- ۲ — (حسن الحق وظهر) قرآن کریم قرائتندن بعدالفراغ (سبحان ربك رب العزة) آیت کریمه سنك (سبحان ربنا) او قونماسی مرجع اولدینگی بیان ودلائلی اتقاندن عبارتدر . رساله نك اسمی زمان تألیفی اولان (۱۲۶۸) تاریخخی ارائمه ایدر .
- ۳ — (اشارات قرآن) قرآن کریمك رموزاتی مبین در .
- ۴ — (تنبیه الاغیاء) آرزمان ایچنده چوق زمان اولور دینلرك اقوالنی رد یولنده قلمه آلمشدر .
- ۵ — (رسالۃ فی تعریفات الاحکام الشرعیة) در .
- ۶ — (مفتاح الحیاة)

مبین فہمی افندی « بالولی »

فضلائی قضاتندن بر ذات اولوب (دیاربکر) ملحقاتندن (بالو) دندر . علوم غریبه یه ده انتسابی وارددر . آثارندن (زبدۃ الفرائض) ایله (نبذۃ الحساب) رساله لری برآراده اوله رق مطبوعدر . سلطان عزیز دورنده (اسپارطه) نیابتنده بولونمش ایدی . (مفتاح العرفان فی حقیقۃ الانسان) اسمنده بر اثری داها وارددر .

ماجی عبری بلک « یتربیجی » !

ارباب فضیلت و عرفاندن بر ذات اولوب سیروز جوارنده کی (یتربیج) دندر . بوکونکی کونده الدہ موجود تورات وانجیللرك محرفیتنه وتثلینك رد وبطلاننه دائرتورکجه یازدقلری (ایضاح المرام فی کشف الظلام) اسمنده کی اثرلری و (فضائل ذکرالله) نامیله ده دیگر بر تألیفکرده لری در سعادته طبع اولمشدر . ینه بووادیده (رسالۃ الصمصامیه) و (برهان الهدی فی رد قول النصاری) اسمیله اثرلری وارددر که (برهان) ک برنسخه سی کتبخانه خدیوی ده موجوددر . (برهان) لیب افندی طرفندن مترجمدر . مشایخ فصلنده ذکر ی سبق ایدن قوش آطه لی ابراهیم افندی دن منتسبدر . (۱۳۰۴) تاریخنده ارتحال ایده رك مرکز افندی قربنده دفن ایدلدی . خوش صحبت بررند صاحب ظرافت وحالاً مجلوب ملامت ایدی .

حسین بن محمد « منرالباي »

منتشا منجاني داخلنده ميلاس قضاسي نواحيستندن (منداليات) ناحيه سنك (درينجه) قريه سندنر .

تحصيلي درسعادتده اكل ايدرك بايزيد جامع شريفنده نشر علوم واعطاي اجازه به موفق اولدي . بعده حضور هايون مخاطباني ومؤخرأ مقررلكنه نائل اوله رقي (۱۳۰۵) تاريخنده صله طريقيه مسقط رأسنه كلديكننده ارتحال ايتدي .

علوم عربيه نك اكثر شعباتنده وبتخصيص صرف ونحو ده اختصاصه مالك ايددي (شرح تعليم الاوزان) ، (رساله في تعليم العلم وموضوعه وغيته) ، (رساله في كلتى الشهادة) ، (رساله في حق ابن اسملرنده رسائي (۱۲۸۶) تاريخنده طبع اولونان مجموعه سنده موجوددر . (ميزان الصرف) (شرح ديباچه معنى الطلاب) كبي آثار مطبوعه سي و (فوائدهاميه شرحي) ، (محشي معنى الطلاب) وسائر كبي آثار غير مطبوعه سي ده واردر .

مهاجي ابراهيم افندري « استانبولي »

فضلاي ابدادن بر ذات اولوب شهريدر . لسان عربي نك دقايقني حجازده شيخ شينقيطي دن تعلم ايتمشدر درسعادتده (دارالتعليم) ناميله كشاد ايتديكي مكتب خصوصيه لسان عربي نك اعلايه قريب بر صورتده ادبياتيله برابر بش سنه ظرفنده تعلم وكتاب اولونه بيله جكني اثبات ايله دي . (كيتدي ابراهيم افندي جته) مصر اعنك دلاتي اولان (۱۳۰۹) ده استانبولده وفات ايدرك ادرنه قپوسي خارچنده شاعر مشهور باقي نك مدفي قارشيسنه دفن ايدلدي ، آثار مطبوعه لري : (شرح بلاغت عثمانيه) ، (بلاغت عثمانيه) ، (تميز تعليقات) ، (نحو عربي ترجمه سي) ، (صرف عربي ترجمه سي) ، (تفصيل التأليف في توضيح مسائل التصريف) ، (حكميات عربيه) وسائر در .

صمير افندري « خريوطي » الطاج عبدالحمير صمري افندري

آتي الترجه خريوطي عمر نعيم افدينك اوغلودر . طلبه ايكن ديكر طلبه علومه تعليم علوم ايتدي . السنه ثلاثهده شاعر در . اون سكز ياشنده عوامل تحفه سني (نزهه الاخوان في حاشية تحفه الاخوان) ناميله تحشيه و بر ديوانچه تشكيل ايدجك اشعاري عالم ادبياته هديه ايتدي . پدرندن

مجازدر . وزیر فاضل یوسف کامل پاشا مرحوم ، مشارالیهک فضائل علمیہ سنی تقدیر ایدہ رک
خرپوطده انشا ابتدکی مدرسه نك مدرسلک ومتولیدکنہ تعیین اولوندی .
محررات عربیہ وترکیہ سی مکمل بر منشآت تشکیل ایدر . علوم متنوعیہ دائر ہر طرفدن
وقوعبولان اسئلہ یہ تحریراً جواب ویریدی . بو جوابلرہ آثار مہمدن معدوددر .
طریقت ادریسیدہ ارشاد ناسہ مآذون ایدی . بالدفعات اجازت علمیہ ویرمشدر . فضائل
علمیہ وکالات ادبیہ سی کبی ورع وتقواسیہ حد غایہ دہ ایدی . ۱۳۲۰ دہ وفات ایدہ رک
پدرینک یانہ دفن اولوندی . آثار وتعلیقاتی کثیردر . مشہورلری شونلردر .
نسیایح الہکار فی حاشیہ نتائج الافکار [ناتمام] در .
السمط العبقری فی شرح عقدالجوہری فی الفرق بین کسبی الماتیدی والاشعری [مطبوعدر]
الحاشیہ الجدیدہ علی حواشی السلیکوتیہ الواقعہ علی طرف التصورات [مطبوعدر]
(الحل المکمل علی الحواشی السلیکوتیہ علی المطول) .
الفیض الردی فی حاشیہ حواشی الجلال للکلبوی .
تبصرة الحق علی العیان فی حرمة الاستیجار علی قرآۃ القرآن .
جواب الوزیر فی حرمة امتناع الحاج عن دخول مکة عندالوہاء الکثیر .
صفوة افکارالعلماء فی اثبات علم نبینا بالاسماء . [مطبوعدر]
مکحلة الابصار فی رؤیة الهلال بالنهار .
بغیة القاصد فی جواب الاسئلة الواردة من آمد .
البرهان المذہور فی تحریم التصوير واقتناء المصور .
تخمیس القصیدۃ المنفرجہ [اوغلی کمال الدین افندی طرفندن ترجمہ وشرح ایلہ طبع اولونمشدر]
ادبای عصر دن ابن الامین محمود کمال بک افندینک تقریض ادبیانہ لری واردر .
پدری عمر نعیمی نك (ولدیہ حجابیسی) اوزرینہ یازدینی حاشیہ یی اکمال ایتشددر .

مسی سلیمانہ افندی «پراویشتی»

ارباب علم ومعارفدن بر ذات اولوب (درامہ) سنجانی مضافاتندن (پراویشتہ) لیدر .
برمدت حاکمککله ایفای وظیفہ شرعیہ ایدہ رک اخیراً کتابیان شہریاری عدادینہ داخل وہ وخرأ
سر کتابی اولدی . (۱۳۲۷) دہ ارتحال ایلہ یوب (ادرنہ قوسی) خارجندہ ابراہیم حلبی جوارینہ
دفن ایدیلدی . آثار مطبوعہ سی :

(تفصیل - قواعد کلیه شرحی)، (ترجمه تعطیر الانام فی تعبیر المنام للنابلسی)، (ترجمه غنیة الطالبین للشیخ حضرت عبدالقادر کیلانی، المسمی بعمدة الصالحین)، (مرقات مراتب علم لدنی فی مناقب عبدالقادر کیلانی)، (شرح و ترجمه دلائل عبدالقادر کیلانی)، (رساله الاتحادیه لسعادة الملة الاسلامیه) اسنده غیر مطبوع بر اثری وارد .
کتابه وی زاده احمد توفیق افندی مرحومک ترجمه به باشلادینی (تهاوت الفلاسفه) بی ده
ا کال ایله مشدر .

صنی افندی « حسین صنی افندی » شیخ الاسلام

فقهان قانون شناس بر ذات اولوب مولداً استانبولی در. پدرلی (اضروم) لو ایسه ده
اساساً دیاربکرلی مؤلفیندن (ملا چلبی) احفادنندر. اوقاف هایون قاضیلکی، بمن مفتشلیکی
کبی خدماتده بولوندقدن صوکره مسند مشیختی احراز ایتشدی. (۱۳۳۱) ده معزولاً ارتحال
ایده رک (جراح پاشا) جامع شریفی حظیره سنده پدری یاننه دفن ایدلدی . مستحضراتی کثیر
معلوماتی واسع ایدی. آثارندن (اراضی قانوننامه سی شرحی) مطبوعدر.
(احکام اوقاف)، (مجله نک بعض اقسامنه شرح)، (کتاب الدیات) ده جمله آثارندندر .

(خ)

مظاہر میر بن ابی القاسم قره مصاری

سلطان عثمان غازی دوری فضلا و فقهاسندن اولوب تحصیلک بدایتی مملکتنده، اکمالی شامده در.
(۱۸۱۷) ده وطننده ارتحال ایدلدی. مؤلفاتی علم فقهدن (شرح منظومه نسفیه فی الخلافات)،
(شرح کنزالدقایق)، (شرح المختار فی فروع الحنفیه) ایله اصول فقهدن (شرح المنار) در .
قره مانده وفات ایدن تورکجه (مرآت القاضی) صاحبی (علی غالب افندی) ده قره حصارندن
یتیشن علمادندر .

مفضل شاه منتشاری

مؤلفین کرامدن بر ذات اولوب « منتشا » لیدر . مقدمات علومی مملکتنده تحصیلدن صوکره

استكمال فيض علوم سائقه سيله اون بش سنه قدر خطه مصر يه ده اقامت ايله دى . (علامه طوسى) نك
ممالك عثمانيه به كلكيكنى استماع اينديكندن كلوب كرار آعلامه مشاراليه ايله مباحثه ومصاحبه ايندى .
اوقاتى مجرد تحصيل وتكملة صرف ايدن فضلا دندر . « ۸۵۳ » تاريخنده مملكتنده وفات
ايله دى . (شرح تجويد) ، (تعليقات على المواقف) ، (تعليقات على التلويع) ، (حاشيه على ملازاده)
كى آثار علميه سى واردر . « بروسه » ده (زخیر) ده مدفون مخدومی درویش محمد افندی ده
فضلا دندر .

ضمیمہ بک [۱] سیوری مصری

فيحول علمادن بر فاضل اولوب مشهور خواجه نصرالدين افندی [۲] احفادنددر .
حضرت فاتحك امريله سيوري حصاردن كتيرديلهرك الك اول استانبول قاضيسى نصب اولونديلر .
بايتختك برنجى قاضيسى اولان بوذاندر . قيصة بوبلو اولديغندن كنديسنه (علم طاغارجنى)
ديرلردى . عقائده متعلق يازدقلى نونيه قصيده لرينه (عربانى زاده وعصمت افندی) وسائره
كى بر قاچ ذاتك شرحى وارسه ده الك مشهورى تلميذ متميزلى مولانا خيالنك در .
تاريخ وفاتلى (لازال عليه الرحمة) تركينك دلالت اينديكى (۸۶۳) ده قبر عاليلى .
وفادن زيركه كيدن جاده نك صاغ طرفنده كى مسجد حظيره سنده در [۳] ادبيات عربيه وفارسيه
وتركيه ده كى معلومات واسعه لرينه موجود اشعار عليه لى دلالت ايدر . (محالة ليلة اولياتين) ايله
عربى العبارة ديكر بر قصيده نونيه لى واردر . برده فاتح سلطان محمد خانك التماسيله (مطالع) ي
توسيعاً لسان فارسى به ترجمه ايتمشدر كه بر نسخه سى (آياصوفيه) كتبخانه سنده موجود در .
ابجد حسابيله تاريخ سويله مكى كنديلرى اختراع ايتمشلردر .

[۱] فقهدين صدر الشريعه ايله (وقايه) به شرح مقبول اولان و (۸۹۱) ده وفات ايدهر ك منلافنارى
جامعى قربنده دفن اولونان بروسه قاضيسى يعقوب پاشا ايله (۹۰۱) ده ارتحال ايدوب زينلرده مدفون
اولان (مفتى احمد پاشا) حكيم ومنشى ومشهور (سنان پاشا) مخاديم عليه لريدر .
[۲] بوذاذك حقايق ، فلسفه يى ، اخلاقى مطايبات وشطحيات واديسنده تعليم ايتك ايسته ديكى
آكلاشيلور اقوالنى جامع اولان رساله السنه غريبه به بيله ترجمه اولونديغندن (غريبون - اوروپا ليلر) نزدنده دنى
معروفدر . خلاف ادب وحكمت بعض عادى قوللر بالطبع اسنادات جمله سننددر . اقوالندن (۱۲۰) دانه سى
اولادمولانادن برهان الدين چلبى معرفتيله شرح اولونه رق (۱۳۰۶) تاريخنده (قونيه) ده طبع اولونمشدر .
[۳] تذكرة سبى نك : (شيخ وفا قربنده نجاتى مرحوم مرقدى اولدينى تكيه ده در) افاده سنه
كورده ايوب انصارى ده مدفون اولديغنه دائر بعض تراجم احوال كتابلرنده كى نقلباتك موثوق اولدينى
آكلاشيلور . مخدومى احمد چلبى نك ده (انما الاعمال بالنيات) حديث شريفنك شرحنه دائر برائى
واردركه آياصوفيه كتبخانه سنده موجود در .

اشعار ترکیه لرندن :

ویرمش ضیا بنفشه یه پیغام زلف یار
اول لذتک هوایی دماغنده در دخی

اشعار فارسیه لرندن :

عشقرا بیرون زهفتاد ودو وصلت حالتیست
درمیان جمع وکثرت عاشقانرا خلوتیست

مئلا کورانی ایله بئیلرنده کچن شوقره مشهوردر. خضر بک ایکی کیجه ده برقصیده تنظیم ایده زک (عجالة لیلین) نامیله حضور فاتحه تقدیم ایلر. بونی مئلا کورانی کوره زک (لقد زاد الهوی فی البعد بینی. و بین الین بعد المشرقین) بیتنه اعتراض ایله (زاد) « فعلی لازم اوله رق استعمال ایدیلک لازم ایکن متعدی اوله رق ایراد ایدیلش » دیر بوا اعتراض اراده پادشاهی ایله مئلا طرفندن قصیده نك ظهیرینه یازیله رق بکه کوندریلور بک جواب اوله رق (فی قلوبهم مرض فراد هم الله مرضا) آیت کریمه سنی یازار.

ضیالی احمد افندی « مر - ایزنیقی »

اکابر فضلادن اولوب (ایزنیق) لیدر. خواجه زاده قدمنده برمتبحرایدی. حیفاکه (۳۳) یاشنده ایکن وفات ایله دی.

آثار فاضلانهرینک مشهوری:

(حاشیه شرح عقائد) [۱] اولوب (شرح قصیده نونیه، تعایقات علی شرح مقاصد، حاشیه علی اوائل تجرید، حاشیه الفرائض) دخی مؤلفات فاضلانهرلندر.

رحلتلری (۸۷۵) ده مرقد فاضلانهرلی بروسه ده (زینی) لرده [۲] ملاخسرو قربنده در.

[۱] چلبی سلطان محمد مدرسه سی ایکن وفات ایدن معلم بایزیدخان ثانی (بولو) لو صلاح الدین افندی نك ده مقبول فضلا برحاشیه سی واردر.

[۲] زینیلر: بروسه نك شرق طرفنده برمحله رکه طریقت زینیه مؤسسی (زین الدین حافی) حضرتلرینک. اخص خلفاسندن (عبداللطیف) قدسی مرحوم مأموراً لالارشاد بروسه یه کلدکلری زمان بو محلی مسکن ومدفن ایله بعدالوفات دخی بورایه دفن اولوندقلرندن بو طریقه منسوب ذواتک مسکن ومدفن مخصوصلری حکمنه کیرمش اولدیغندن دولای (زینیلر) تسمیه اولومشدر.

بو طریق رجانك جله سنك قبرلری اشکال هندسیه دن (معین) شکلی آ کدیریر رسمده در. مولانا: فناری ایله خیالی مرحومك سنك مزارلرینك ده بورسمده اولمسی طریقت زینیه یه انتسابلری ایما ایدیور.

شیخ عبدالرحیم مرزیفونی واسطه سیله طریقت زینیه انتسابلری ترجمه شقایق ده مذکوردر .
السنة ثلثه انشاء نظمه مقتدر اولدقلری اثرلرندن مستبان اولور .

ایاتندن :

دور رخنه سلسله زلفی دیر کورن
جمع اولدی کور تسلسل ایله دوری جمله

(خیالی) مخلصچون مورخ عالی (کنه الاخبار) ک غیر مطبوع قسمنده بویله سویله یور:
(اینجه دن اینجه مطالعه یه ونازک تقریره مالک اولمغله خیالی دیه شهرت بولمشد .)
مقدمات علومی قضاتدن اولان پدرندن تعلم ایتدیکی ده (عالی) نک جمله روایاتندندر .

ضمر محمد افندی سیواسی « مهر ضمر »

افاخم علمای عثمانیه دن اولوب [۱] توقات جوارنده کی تورکمنلردن (ارساق) قیله سندندر .
[۲] (مات رئیس العلماء) و (رحمة الله علیه دائماً) ترکیلیرینک ناطق اولدینی (۸۸۶) تاریخنده
استانبول قاضیسی ایکن وفات ایدمک نعش محترمی بروسه یه نقل ایدیلدی . زینیلرده
بناکرده لری اولان مدرسه حولیسنده مدفوندر .
کتب سافدن هرکون ایکی ورق یازمنی اعتیاد والتزام ایتشلردی که ترکهلرنده خط دستلریله
یک جوق آنارنقیسه چیقمش وغایت بهالی اوله رق صاتلمشدر .
مؤلفاتی :

(تلویح ، شرح مفتاح ، اصول بزدوی ، اوائل تفسیر قاضی و مطوله) حاشیه لرلیله علم

[۱] (جامع الموضوعات) اسمنده کی اثرینی سلطان محمد ثالثه تقدیم ایدن مصطفی بن ابی بکر افندی ایله
(فتاوی بزازیه) بی ترجمه ایدن شیخ احمد بن موسی و سیواسک (دومانیس) قریه سندن اولوب (کشف
الظنون) ده مذکور اولان (جمع الاقوال فی الحکم والامثال) مؤلفی احمد افندیلرده سیواسدن یتیشن صاحب
آثار علمادندرلر .

[۲] مولانا خسروک بر مهتدی زاده اولدیفنه دائر (شقایق) ترجمه سنک رواجی موثوق دکلدر .
چونکه بو ترجمه نک هامشده (سیواس) ایله (توقات) آره سند کی (یرکوی) قریه سندن اولدیفنه وحتی
(درروغر) نک خاتمه سند (اناالفقر محمد بن فرامرز بن علی عاملهم الله بلطفه الجلی والحق) بویوردیفنه نظراً
ابا عن جد مسلمان زاده اولدقلری تظاهری ایدر .

فقه‌دن متن و شرح یعنی (درر و غرر) [۱] اصول فقه‌دن کذا متن و شرح یعنی (مرقات و مرآت) [۲] و آئی الترجمة (علامه‌الدین رومی) نك (تسمیه، اخبار نبوت، فقه، اصول، بلاغت، منطق) کجی آلتی قندن باحث رساله سنی‌ده (نقد الافکار فی رد الانظار) اسمیله شرح ایله مشدر . حضرت فاتح بو ذات حق‌ده (زمانگزك ابوحنیفه سیدر) بویورور لر مش بعضاً شعرله‌ده اشتغال ایدر لر دی . اشعارندن :

باشمه بزم غم عشق‌کده جام افسر یتر : زخم‌کیله قانلی پیراهن قبای زریتر
سَنك مزارنده کی عباره :

منبع علم و هنر ، وارث علوم خیرالبشر ، فاضل خورشید اثر ، صاحب‌الدرر والغرر مولانا محمد خسرو) .
(۸۷۸) تاریخ‌نده فاتح سلطان محمد خانه اهدا ایندک لری خط دست عالیریله محرر (درر) نسخه‌سی (کوپرولو) کتب‌خانه سنده در . [۳]

فرایم زاده مصلح‌الدین افندی «بروسری»

بروسه نك مدار مباحث‌یدر . وجودیله افتخار اولنور . اکابر علمادان اولوب سابق‌الترجمه خضر بکدن تحصیل علوم ایله مشدر .
بك کندیسی تکریم و سلامت ادراک‌ی تسلیم ایدردی . بعض مسائل مشکله نك حلی اقتضا ایندکجه مشارالیه‌دن کنایه اوله رق عقل سلیمه مراجعت ایدیگز دیرمش .

[۱] (۱۰۴۳) ده قضا‌ندن سلیمان بن ولی آنقره‌وی و (۱۱۳۶) ده شام قاضیسی ایکن وفات ایدن کلیبوللی عثمان و یافه ناچی ایکن (۱۳۱۶) ده وفات ایدن بوی آبادلی قره‌بکر افندیلر طرفندن ترجمه اولومشدر .

[۲] ایزمیری محمد بن ولی، (۱۲۹۲) ده در سعادته وفات ایدن (مرسین) مفتیسی احمد حلمی طرسوسی و مصطفای موس‌تاری و فتاوی صاحبی حامد و (۱۱۶۷) تاریخ‌نده وفات ایدن حمزه دارنده‌وی و (۱۱۱۷) تاریخ‌نده وفات ایدن محمد طرسوسی طرفلرندن تحشیه ایدیلشدر .

[۳] (۸۷۵) تاریخ‌نده خط دست‌یله یازوب حضرت فاتحه تقدیم ایندیکی (مرآت و مرقات) نسخه‌لری یکی جامع کتب‌خانه سنده در . کتبه لرنده (محمد بن فرامرز بن علی) عباره‌سی کورلمکده در .
(نصیر طوسی) نك منطق‌دن فارسی‌العباره (اساس الاقتباس) اسمنده کی اثرینده بالتعریب حضرت فاتحه تقدیم ایتمشدر که خط دست‌یله محرر نسخه‌سی اندرون هایونده (روان اوطه‌سی) کتب‌خانه سنده در . باش طرفنده (۱۹) بیتلی غایت بلیغ برقصیده عربیه‌لری ده واردر .

آثار فاضلانهری :

(حاشیه شرح مواقف ، حاشیه تنقیح الاصول للصدر الشریعه ، تهافت [۱] ، حاشیه شرح هداية الحکمة ، شرح متن طوابع ، حاشیه تلویح ، شرح عزی) وسائرہ در . تہافتی حضرت فاتحک امریہ یازہرق بوکتابلہ ملا زیرکہ غلبہ ایلمشدی . بروسہ مقتیسی ایکن (۱۸۹۳) ده رحلت ایلمدی . مرقدی امیرسلطان حضرتلرینک مدرسہلری مقابلندہ جادہنک برازوتہ سندہ در . کوپرولو کتبخانہ سندہ خط دستیلہ محرر برمطول وارد در .

مطیب زاده محبی الریہ افندی

فاتح دوری فضلاسندن اولوب (قسطمونئی) لیدر (ایزنیق) ده مدفون پدری تاج الدین ابراہیم ایلمہ مولانا علی طوسی ومولانا خضر بکدن اکال علوم وقنون ایلمہ مشدر . اکابر علمایہ الزم اولان وقاری غرور درجہ سنہ وارد یرمشدی .

مؤلفاتی :

(تعلیقات علی حاشیہ تجرید ، تعلیقات علی اوائل کشاف ، حاشیہ علی اوائل شرح مواقف ، حاشیہ تلویح ، رسالہ فی بیان فضائل جہاد ، رسالہ فی بحث رؤیہ وکلام ، حاشیہ علی شرح وقایہ ، حاشیہ علی مقدمات اربع ، حاشیہ علی اوائل شرح مختصر ، رسالہ فی تعین جہۃ قبلہ) وسائرہ در . عبارتدر .

وفاتی (۹۰۱) ده قبری جوار حضرت خالدہ اکابر مؤلفیندن علی قوشچی قربندہ در . مجرد داعیہ تفوق وسائقہ حسدله آتی الترجمہ ملاطفینک باعث شہادتی اولدی کہ بو حال کندیسنک علماً زنکیں اخلاقاً فقیر اولدیغنه دلالت اییدیور . (تأسف اولونور)

ضمیر زاده مصطفی افندی

ملا خبرو ک سبط رشیدی اولدینی ایچون خسرو زاده لقیلہ مشہر در . اولجہ صاحبلی امیر افندیدن استفاده ایتدکن صوکر مولانا ابوالسعوددن اکال تحصیل ایلمہ مشدر . (۱۰۰۰) تاریخندہ معزولاً (طرابلس شام) قاضیلغندن عودتندہ (آقشہر) ده وفات ایلمدی .

[۱] علامہ (جلال الدین دوانی) نک تقدیرینہ مظهر اولان بواثر امام غزالی وابن رشدک کی ایلمہ برابر مصدرہ طبع اولونمشدر .

کلدسته ریاض عرفان ايله ریاضی تذکره سنده بروسه ده جدی (ملا خسرو) یاننده
مدفون اولدینی محرر اولدیغنه کوره عطایی نك افاده سی شایان تأملدر .
آثاری :

(غلطات العموم، قراضة الفقهیه و فکاهة الرفقیه) ايله قطب مکینک (البرق الیانی فی الفتح العثماني)
اسمنده کی یمن تاریخی و (تحفة الملوك) ی ترجمه لرندن عبارتدر .
اشعار ترکیه سی ده وارددر از جمله :

غرضم ملک بقا ایدی عدم راهندن
اوغرایوب شهر وجوده اوایلاندم قالدیم

خلیل به رسول «سینوبی»

فقهدان برذات اولوب (سینوب) سنجاغنك (آقچه چام) ناحیه سندنذر . (۱۰۷۵) ده
ارتحال ایلهدی . ایکی جلد کبیر اوزره (اظهار فرائد الابحر وایضاح فوائد الانهر) اسمنده
مفصل (ملتی) شرحی وارددر . فرائض بحثی ده آریجه شرح ایتشددر .

مضمر به محمد «آماسیه ری»

فضلادن برذات اولوب آماسیه مفتیسی ایکن (۱۰۸۶) تاریخنده وفات ایلهدی .
مؤلفاتی :

(انبوب البلاغة) ايله شرحی (افاضة الانبوب) منارك اختصارى اولان (غصون الاصول)
وشرحی (تهیج غصون الاصول)، (حاشیه علی تفسیر البیضاوی) و سائر ده . فرائض سراجیه یی ده
(لب الفرائض) اسمیله اختصار ایتشددر .
پدری محمد افندیکنده (المعقود فی شرح المقصود) اسمنده مقصود شرحی وارددر .

مضالی عبه الرصمہ جلایی

فاضل و شاعر برذات اولوب قره داود زاده سلیمان جلایی نك مخدومیدر . (۱۰۸۷) ده
وفات ایلهدی . بروسه ده جدینك بنا کرده سی اولان جامع شریف حظیره سنده مدفوندر .

مؤلفانی :

(ترجیح الینات ، فتاویٰ خصلی ، دیوان) وسائرہ در . برده (ملتی) نك مشکلاتی (عطا)
اسمیلہ شرح ایله مشدرکہ برنسخہ سی (بشیر آغا) کتبخانہ سنده در . (دشیشی) اسمندہ کی فارسی
لغتی ده اختصار ایتشدر .

ایاتندن :

کوردی غم لیلا ایله احوالی دکر کون
دیوانه لکه اوردی هان صورتی مجنون

فہامی ابراہیم افندی «یسار و فوری»

فضلائی مدرسیندن فارسی دان برذات اولوب (بلغراد) جوارندہ کی (پسار و فہ - پوزر فہ) لیدرہ
(۱۱۶۰) تاریخندہ استانبولہ ارتحال ایلہ دی . (۱۱۴۳) تاریخندہ (خرقہ شریف) محلہ سنده
تألیف ایتدیکی (جمع الامثال - دستور المعجم) اسمندہ دقایق لغات فارسیہ یہ متعلق برجہ کیر
اثر قیمتدارینک برنسخہ سی اسمند افندی کتبخانہ سنده واردر .

مولانا مفتی ابوسعید اظہاری «ہامی»

فحول علمادن فضل و کمال ایله معروف برذات اولوب (۱۱۱۳) تاریخندہ (قونیہ) ملحقانندن
(بخاری) الاصل اولان بویوک پدرینک اختیار ہجرت ایلہ دیکی (خادم) دہ تولد ایلدی . مقدمات
علمی پدریلہ اکابر علمادن (قرہ حاجی) شہریلہ بنام (مصطفی) افندی بعدالتعلم پدرینک
تسبییلہ برای اکمال (استانبول) ہ کلہ رک او عصرک اک بنام فضلاسندن بولنان (قاز آبادی
احمد افندی) دن پارلاق بر صورتہ اخذ اجازہ یہ موفق اولہ رق وطنہ عودتہ تدریس و تألیفہ
باشلادی . آز زمان ایچندہ آفاقہ انتشار ایدن صیت فضلی دولایسیلہ دعوت پادشاهی یہ اجابہ
ایکنجی دفعہ پایتخت خلافتہ کلوب علمای وقت ایلہ برابر بالذات پادشاہدہ حاضر اولدینی حالہ
(آیاصوفیہ) جامع شریفندہ کی تقریر ایلدیکی فاتحہ شریفہ تفسیری تقدیر عمومی بی جالب اولدی .
و تلطیفات شہریاری یہ مظہریتدن صوکر مطباً مملکتہ اعزام اولندی .
مملکتندہ کراآ اعطای اجازہ یہ موفق اولہ رق (۱۱۷۶) تاریخندہ داربقایہ انتقال ایتدی .
مذہباً حنفی ، طریقہ نقشبندی در . خط دست عالیریلہ محرر اوراق آرہ سنده : (پدریمک قبر

شریفنده مراقبه وار مشدم . قارشیمده تمثل ایلدی . نصیحت ایستدم؛ « ایشته بنی کور و یورسک یاه، دنیا نك اسباب وعلاقتدن عاری یم . بو عالمده اونلردن هیچ بری فائده و یرمه یور . معیشت خصوصنده حرص و طمع مذمومدن توقی ایدهرک جناب حقّه متوکل وانك احساننه قانع اول . دنیا ده خالق الاسبابی اونودوب احتیاجکی سبب صوری اولان قوله بیلدیررسهك حق سنی اك عادی کیمسه یه محتاج ایدر . اکر احتیاجکی هرکس دن اخفا یله آنجاق حضرت ذوالجلاله عرض ایدرسهك دنیا بيله سکا عرض روی احتیاج ایدر » . بیوردقلری مندر جدر .

آثار فاضلانه لری بروجّه آتیدر :

(۱) متن مجامع الحقایق فی علم الاصول . [۱]

(۲) شرح طریقت محمدیه .

(۳) شرح بسمله . [۲]

(۴) حاشیه درر .

(۵) شرح علی القصیده المضریه .

(۶) حاشیه علی تفسیر سورة النبأ للیضاوی .

(۷) رساله فی حق التسبیح والتحمید .

(۸) تفسیر قوله تعالى (قل اللهم مالك الملك) .

(۹) تفسیر قوله تعالى (ان بعض الظن اثم) .

(۱۰) رساله فی سلوك النقشبندیه .

(۱۱) رساله النصایح والوصایا .

(۱۲) رساله الخشوع فی الصلوة .

(۱۳) شرح ایها الولد .

(۱۴) عرائس النفایس فی علم المنطق .

(۱۵) عرائس الانظار ونفائس الایکار .

[۱] علمای عثمانیه دن مصطفی بن محمد آیدینی طرفندن (منافع الدقایق) اسمیله هر بنی العبارّه شرح اولندی بنی کبی شروانی احمد حمدی افندی طرفندن دخی (لوا مع الدقایق) نامیله ترجمه اولنان نسخه لری مطبوعدر .

[۲] اون سکنز فنه تطبیقاً محرر اولان بواثر قیمتدار علماء مصریه دن (شیخ علیش) افندی طرفندن تلخیص ایدلمشدور . هراکیکسیده مطبوعدر .

(۱۱۹۰) کسورده وفات ایدن (احمد بن حسن) قره مانی نکهده (تحفة البسملة) وسلطان حمید اول

معاصری (محمد بن علی القره مانی ثم الارزنجان) نکهده (رساله البسملة) اسمنده برر شرح لری وارد کرکه برر نسخه سی (حمیدیه) ده موجوددر .

- (١٦) رسالة في ماهية العلوم .
(١٧) كشف الحذر عن حال الخضر .
(١٨) رسالة في الحديث الضعيف .
(١٩) رسالة المسواك .
(٢٠) رسالة القهوه .
(٢١) رسالة الدخان .
(٢٢) تفسير سورة الاخلاص .
(٢٣) رسالة في حق الاستخلاف .
- ١١٦٠ ده وفات ايدن برادر عاليلى ابى نعيم احمد الخادمى نك آتارندن :
(١) رسالة في حق الالفاظ المجازية .
(٢) حاشية على المرات .
مخدوملرندن اولوب (١٢١٣) ده مكده ارتحال ايدن سعيد خادمى نك آتارى :
(١) حاشية على تفسير الفاتحه لليضاوى .
(٢) شرح البخارى الشريف الى النصف .
(٣) شرح قصيدة برث .
(٤) حاشية على الحيالى .
(٥) شرح شمائل شريفه .
(١١٩٢) ده وفات ايدن عبده خادمى نك آتارى :
(١) شرح مجامع الحقايق .
(٢) شرح ديناجة النتائج .
(٣) شرح القصيدة الهمزية .
(٤) حاشيه على شرح بسمله .
(٥) حاشيه على حاشية مير ابو الفتح .
(٦) تفسير قوله تعالى (قد افلح المؤمنون ...)
امين بن محمد خادمى نك آتارى :
(١) شرح منار .
(٢) حاشية قاضى مير .
(٣) حاشية منتهى .

فہلیل بہ ص ۳۰ « ابی انفعول »

فضلا دن بردات اولوب (آیدین) لیدر . (۱۱۷۰) تاریخلرنده ارتحال ایتدی .
آثاری :

(حاشیہ مختصر منتهی)، سید شریفک تصورات حاشیہ سنہ (قرہ داوود) ک حاشیہ سنہ حاشیہ،
علم آداب مناظرہ دن (طاش کوپرولو) رسالہ سنہ حاشیہ وسائرہ در .

فواہر زارہ اسماعیل بہ شیخ محمد افندی

فضلا ی قضات دن بردات اولوب (میرزا مصطفی) افندی نکلیدی و همشیرہ زادہ سیدر .
(۱۱۵۲) ده (روسہ) قاضیسی ایکن (منہاج الیان فی تفسیر لغات القرآن) اسمندہ برائر یازمشدرکہ
تورکجہ تفسیر یازمق ایستہ یلر ایچون استفادہ لی برماخذدر .

فہلیل شرف افندی « میانی زارہ »

ترجمہ حالی سبق ایدن حیاتی احمد افندی نکل مخدوم فضائل موسومیدر . بغداد ملا لفتدن
عودتی اولان (۱۲۶۷) تاریخلرنده وطنندہ ارتحال ایتدی . اکبر آثاری (روضۃ الاشراف
فی المضاف الیہ والمضاف) اسمندہ کی دوت جلد کبیر اوزرہ مؤلف تورکجہ لغت کتابیدر .
بوائر (ثمار القلوب فی المضاف الیہ والمنسوب) الیہ (ما یعول علیہ فی المضاف والمضاف الیہ)
اسملرنده کی لغت کتابلری باشلیجہ مأخذ ایدلک شرطیلہ میدانہ کلشدرکہ ترتیبی حروف ہجا
اوزرہ تراکیب اضافیہ دن متشکلدر .

بوائر جسیمدن باشقا (سنبل زادہ) نک (نخبہ) سنی (وبا کولی) (قدسی) نامندہ کی ذاتک
عربی عبارتہ یازدینی (اسرار الملکوت) اسمندہ کی ہیأت جدیدہ یہ متعلق اولان اثری نہ
(افکار جبروت) اسمیلہ توسیعاً ترجمہ و شرح ایتشدر . کرچہ بوائرک ارقام و حساباتنہ تعلق
ایدن بعض اقسامندہ حسابات حاضرہ یہ توافق ایتمین نقاطی وارسدہ خاتمہ سندہ ہیأت جدیدہ نک
شرعیاتہ تطبیقنہ دائر اولان بحث مخصوصی شایان مطالعہ در . بوائر (۱۲۶۵) ده استانبولہ
طبع ایدلشدر . (ثمار القلوب) (۴۳۰) ده ارتحال ایدن (امام ثعالی) نک، (ما یعول علیہ)

(۱۱۱۱) ده وفات ایدن (محمد امین محبی) نکدر . (مایعول) ك نفیس بر نسسخه سی وفا کتبخانه سنده واردر .

هلبیل کرمیری « قیصری »

علمای بنامدن بر ذات اولوب (قیصری) نك (کرمیر) قریه سندنر . (۱۱۹۰) تاریخلرنده مملکتنده ارتحال ایله دی .
آثاری :

(حاشیه عقائد ، حاشیه قاضی میر ، شرح منظومه اسحق افندی) در .
(محمد بن ابوبکر الحلبي القیصری الحصارى) اسمنده بر ذاتك (۱۱۵۷) تاریخنده مؤلف (فوائد الحصارية فی شرح مفاتیح الدریة فی الامثلة الفارسیة) نامنده عربی العبارة اثری قوش آطه سی کتبخانه سنده منظورم اولدی . بر نسسخه سی محبی افندی ده واردر .

هلبیل افندی « بورردوری »

فضلادن بر ذات اولوب (بورردور) نواحی سندن (کول حصار) ناحیه سی قراسندن (قزیلر) قریه سندنر .
اکال تحصیلدن صوکرا (بورردور) ده نشر علم وتالیف آثار ایله دی . (۱۲۶۹) ده ارتحال ایده رك (دمیر اوغلی خیراتی) مقبره سنه دفن ایدیله دی .
آثاری :

اصول حدیثدن (ارشاد القاری) اسمنده (علی القاری) حاشیه سی .
نحودن (غنیة الابصار) اسمنده (نتائج الافکار) حاشیه سی .
قراشدن (نویری) حاشیه سی .
(تفسیر قاضی) نك اکثر مواضعنه تعلیقات .
(مطول) ك اکثر مواضعنه تعلیقات وسائر در .

هزراجه تحسین افندی « فیهرتی »

متأخرین علمادن اولوب یانیه جوارنده کی (فیلات) لیدر . علوم عقلیه وثقلیه بیلیر شرق

وغرب لسانلریله اکثر فنون جدیدیه واقف فاضل، حکیم برذات ایدی. مفصلجه ترجمه‌حالی شمس‌الدین سامی بکک (هفته) اسمنده کی رساله موقوته‌سنده مندرجدر .

آثارندن :

(تاریخ تکوین ، اساس علم هیئت ، روح ، اسرار آب وهوا) کبی بعض رسائی مؤخرآ طبع اولوندی آنجق معلومات واسعه‌سی نسبتنده اثر براقه‌یه موفق اوله‌مامشدر . اکثر ممالک عثمانیه‌نک آفاقنده رؤیت اولوندینی اوزره قبه مکوکبه‌نک رسم مسطحنی مین (مرآت‌السماء) اسمنده مطبوع لوحه‌سی ده واردر . وفاتی (۱۲۹۸) تاریخنده (أرن) کوبنده‌در .

اشعار حکیمانه‌لرندن اولان قطعه آتیه زبازددر :

کتاب عالمک اوراقیدر ابعاد نامحدود

سطوری حادثات‌دهر در اعصار نامعدود

باصیلمش دستکاه لوح محفوظ طبعته

محسّم لفظ معنی‌داردر عالمده هر موجود

اواخر عمرنده انشاد ایتدیکی مثنوی‌ده عبرت آمیز برمنظومه‌در . هیئت عوالمه دأرده برمنظومه‌سی واردر . علوم ریاضیه‌دن (هیأت) ه مراقی زیاده ایدی .

پارس آرقداشلرندن مشهور طراحقی سعید آغانک مناقیله تاریخ وفاتی متضمن (مجموعه علوم) ده تحف ومفصل برقصیده‌سی ده واردر .

هیئت کائناته دأثر مرحوم مومی الیهک نظم ایتدکلی منظومه‌در :

روی مرآت العوالمدر بورسم دلنشین

صورت زیبای مصنوعات خیرالخالقین

طارم میناده خوش الوان کونا کون ایله

زین اولنمشدر مصابیح السماء للناظرین

ارتفاع قدر اجرام فلك حقنده هم

نازل اولمشدر نیجه آیات قرآن مین

سوره والشمس والنجمنده باواقسم

آنلرک حقیچون ایتمش حق کلامنده یمین

حیرت افزای عقول اهل فکر تدریجیوم
حبذا صنع بدیع الهیة در رفعت رهین
اشرف جمله معارف در بوفن موضوعی و ش
علم هیئت اوزره موقوف اکثر احکام دین

مهر حکمت لمعه ریز کشور ارواح در
فیض نوریله بولورنشوو نما عقل فطین
باجناح علم هیئت دم بدم اولق محال
اوج ادراک کمال قدرت حقه قرین

ایشته برآینة هیئتہا کیم وجهنک
انجمندن منتشر در پرتو علم الیقین
مطلعی تابنده در چشمی حقایق بیندر
اختر پروین صفت هر نقطه سی در شمین

برج عالی سپهر ارتقایہ نیل ایچون
انقسامات مدارج خطلمی جبل متین
عالمک احوال اجمالیہ سن ادراک ایچون
شکلی کورمک بیک کتابن اوقومقدن بہترین

فریوطی عمر نعیمی افندی

محمد سعید افندی فتاوا سی نامندہ کی مجموعہ نک صاحبی خرپوط مفتیسی امام زادہ محمد
سعید افندینک اوغلی مفتی احمد افندینک نخدومیدر .

خرپوطدہ ، عینتابدہ ، قیصری دہ تحصیل علوم ایتدی . خرپوطدہ اونیش سنہ مفتیلکدہ
بولوندی . السنہ ثلاثہ دہ انشاء شعرہ مقتدر در . (اظہار) و (فریدہ عصامنی) شرح و علم
مناظرہ و آدابدن (ولدیہ حجابیسنی) تحشیہ ایتدی . (بو ناتمامدر)

بعض مسائل مهمہ یہ دائر مسائل متعدده سی و خواجہ لرینک متعدد رسالہ لرینہ تعلیقات
عدیدہ سی وارد .

اشعار ی جمع اولونما شد در . بادی اشہاری (العصیدۃ الشہیدیہ فی شرح قصیدۃ البردہ)
نامندہ کی اثریدر .

بواثری ایلک دفعہ مصر والیسی محمد علی پاشا طبع ایتدیردی . مکرراً اجازت علمیہ

ویردی . بالاخره اعمی اولدینی حالد ینه نشر علوم ابتدی . (منظومه نعیمه) نامنده کی اثر مطبوعنی بوسرده تألیف ایتشدر .

(۱۲۹۹) ده خرپوده وفات ایله دی . خرپوده کی قبرستانه دفن اولوندی . پک مسن اولدینی حالد شعور و حافظه سی فوق العاده ایدی . (دین محمدی) یه خدمت ایدنلر بوناماز ، ذلیل اولماز دینی اعزاز ایدنلر دارینده عزیزدر .
مشارالیه (لطیف الطبع) ایدی . لطائفی پک چوق پک خرشدر .

فاهلی محمد افندی «شیروانی»

علوم عربیه نك تخصیص ادبیات شعبه سی متخصصلرندن فاضل برذات اولوب (شیروان) لیدر . مقدمات علومی مملکتی ایله (آماسیه) ده تحصیل ایده رک استانبوله کلوب افاضل زمانه دن تیکوشلی یوسف افندیدن اکمال ایله اجازت آلدی . فاتح جامع شریفنده تدریسه باشلایوب اعطای اجازه یه موفق اولدی . عین زمانه مؤسسلرندن بولوندینی (دارالشفقه) ده ده تدریسه بولوندی . مستحضراتی کثیر احاطه علمیه یه مالک برذات ایدی . صوک مأموریتی اولان درس وکالتندن متقاعداً (۱۳۳۱) تاریخنده ارتحال ایده رک فاتح جامع شریفی حظیره سنه دفن ایدیلدی . مدارسک اصلاحی ایله طلبه علومه فنون جدیده تدریسی خصوصنده همتی سبق ایتشدر .
آثاری :

(تلخیص النحو ، میزان الاذهان فی المنطق ، علم کلام ، اصول عقائد) کبی رسائل علمیه سی دارالشفقه ده تدریس اولونقمده در .

(د)

دیوریکی فخرالدیه محمد افندی

سلطان عثمان غازی دوری اکابر فضل اسندندر . ترجمه حالی مشایخ فصلنده مذکور (یار علی) چلبی نك جدی بوذاتک عمجه زاده سیدر . (۷۲۳) ده (شام) ده وفات ایله دی . علوم عربیه نك هر شعبه سیله نظم ونثرده صاحب ید طولادر . مشهور (ابو حیان) اندلسی (کتاب شعرای عصر) نده صاحب ترجمه حقنده جمله مؤلفاتندن اولان نحو عربی منظومه سنی بکا عرض

ابتدی . الحق موجب استحسانم اولدی وکنندیسندن لسان ترکی وفارسی بی تعلم ایله دم . قواعد لسان ترکی بی مبین (امهات الکلمتین) اسمنده برقصیده سی اولدینی کبی کوزل برلقی و نصائد سائره سی واردردیور . بوقصیده (کشف الظنون) ده (قصیده فی قواعد لسان الترتک) ماده سنده [مذکوردر .

کتاب القدوری بی سلك نظمه چکدیکی ده تحقیق ایدیلدی . صاحب ترجمه دن استفاده وعلم ادب ایله یئلردن بریسیده (مولانا قاضی محمد بن المنصوری قلاؤن) اولدینی قرشینک طبقات الحنفیه سنده محرردر . السنه ثلاثه ده نثر ونظمه مقتدر ایدی . بر آرائق (غزه) ده (حسبه) یعنی شمیدیکی پولیسلك وظیفه سنی ایفا ایتدی . قبائل اتراکدن سالور (صلغر) قبیله سندنذر .

دولت ارغلی یوسف « بالیکسری »

علمادن طبیعت شعریه مالک برذات اولوب (بالیکسر) لیدر . (۸۲۷) تاریخنده فقهدن مشهور وقایه بی نظماً ترجمه ایله دی . بو ترجمه نك الیه کچن بر نسخه سنی بالیکسر کتبخانه سینه اهدا ایله دم .

ترجمه نك مطلعندن :

اول اسم الله ایله باشلايلم
ایشی بسم اللهله ایشلايلم

ایش که بسم الله ایله باشلانسه کر
عاقبت خیریه اولور معتبر

ایش که بسم الله ایله باشلامایه
عاقبت ایترا اولور ایشلنمیه

(یونس بن احمد صوفیه وی) اسمنده برذاتک (۹۷۷) تاریخنده یازدینی مفصل بروقایه شرحی واردرد .

«دیکفورز - دیکفورز» احمد افندی «بررسی» [۱]

فتح دوری علماسندن اولوب (تکه) لیدر. بروسده ییلدیرم بایزید خان مدرسی ایکن وفات ایله دی. علم صرفده (مراح) و (مقصود) ه برر شرح یازمشدرکه برنجیسی مطبوع و بین الطلاب مشهوردر. مسعود رومینک (آداب الجدل) عنوانلی کتابیله (حاشیه تجرید) ه و (فرائض سیدی) نه (آداب فاضله) یهده حاشیه لری واردر.

دهده مینکی افندی: «آماسیه ری»

اسمی ابراهیم کمال الدین شهرتی (قره دهده) مولدی آماسیه جوارنده کی (صونسه) قریه سیدر. دباغته مشغول ایکن الفدن باشلامق شرطیله تحصیل علمه قویولمش سعی واستعداد طبعیسی یاردیمیه آز مدت ظرفده اکال علوم. متداوله ایدوب مدرس اولمش و دورر مناصب علمیه دن صوکره بروسده اختیار اقامت ایله مشدر.

(کلشن جنات آکا مأوی اوله) مصرعنک ناطق اولدینی (۹۷۵) تاریخده وفات ایده رک سد باشنده بویوک کلیسا قارشوسنده کی سوقاق ایچنده خواجه محمد قره مانی مسجیدی حظیره سینه دفن اولوندی ذوقون برفاضلدر.

مؤلفاتی: علم نحو و ادب علماسنک طبقات و تراجم احوالی مبین (طبقات النحاة) و (تفسیر قاضی)، (صدر الشریعه)، (مواقف)، (خیالی) حاشیه لریله بین الطلاب (دهده جنکی) اسمیله موسوم اولوب صرف نحو افت و سائرده دن باحث اولان مطبوع (عزری شرحی سعدالدین حاشیه سی) ایله (لجۃ الفوائد) اسمنده کی مجموعه و (مناقب اولیا) (مصارف بیت المال) و (سیاستنامه) در. فقهدن (وهبانیه) طرزنده برده منظومه سی واردر.

یدی سنه کفهدده مفتیلکی واردر.

سیاستنامه سی مشرب زاده حفیدی (شیخ الاسلام) عارف افندی طرفندن ترجمه و طبع ولومشدر.

[۱] بوکله بروسده صحیح الوجود مقامنده قوللانیلور برتعبیردر. مولانای مشارالیه ک مدفن اولیق وزره کو کورد لوجوارنده چکرکه جاده سی اوزرنده برقبری زیارت اولونمقده ایسه ده (کلدسته ریاض عرفان) ده ولویخانه قارشیسنده کی مزارستانده مدفون اولدینی محرردر.

دشیشی محمد افندی «آماسیه‌ری»

علم لغت متخصصان نردن لسان فارسی نك غوامضنه واقف بر ذات اولوب (آماسیه) لیدر .
(مصر) امیرالامراسی (حسن پاشا) نامه (۹۸۸) ده تألیف ایتدیکی (تحفة السنیة الی حضرت
الحسنية) اسمنده کی لغات فارسیه سی بین العلماء والادبا (لغت دشیشی) نامیه مغروفدرکه لغات
فارسیه یی تورجه مقابللریله شرح ایتشدرد .
بوانتک (۱۰۸۰) تاریخنده تلخیص ایدلش برنسخه سی کتبخانه عمومیده موجوددر .

دورفکین زاده عثمانه بك [۱]

علما ومورخین عثمانیه دن بر ذات اولوب امام سیه طی نك مفردات تواریخ ایله بعض فوائدی
مشمتمل اولان (اولیات) نى برطاقم علاوات ایله ترجمه وحروف هجا اوزرینه ترتیب ایتدیکی
(ازهار الجائل فی وصف الاوائل) [۲] نامنده اثرینی سلطان مراد ثالثه تقدیم ایده رکه مظهر
مکافات اولمشدی . برده (ابن عربشاه) ك (فاکهة الخلفاء) سنی ترجمه ایله مشدرکه بر نسخه سی
خالص افندی کتبخانه سنده واردر . ییلدیز کتبخانه سنده منظوم خمسیه سی موجوددر .
(۱۰۱۲) تاریخنده استانبول قضا سندن منفصلاً وفات ایله دی . فاتح جوارنده (عاشق پاشا)
حظیره سنده مدفوندر . [ملتقى شارح لردن ومصرى نیازی خلفا سندن مدرس عشاقی مصطفی
افندی ده اوراده مدفوندر] . طرز عتیق اوزره کوزل یازان ارباب قلمدن اولوب بعض مکاتیبی
(کلزار منشآت) اسمنده رساله مطبوعه ده واردر . استانبول قاضیلرینک تراجم احوالی جامع
بر اثری اولدیغی کبی محمدیه صاحبی یازیجی زاده محمد افندینک (مغارب الزمان) نى ده اختصار
ایله مشدر .

دوربسر محمد افندی

علمای عثمانیه دن عبدالجبار افندینک مخدومیدرد . دورمناصب عالیله استانبول قاضیسی اولمش

[۱] برادری (دوقه کین زاده احمد) پاشاده عرفای شعرا دن بر ذاتدرکه آماسیه ده مدفوندر .
اشعارندن :

جان یوسفنی مصرو وجود کده بولورسه ك کنعان ایله اسمکی سلطان ایله دیرلر
واعظ بزى قورقتمه جهنمده اودا اولماز هر کیشی او دین یانمغه بوندن ایله دیرلر

[۲] بر مقداری (اقدام) غنیه سی ایله تفرقه صورتنده نشر اولونمشدی .

ایدی. (۱۰۲۳) ده متقاعداً استانبولده وفات ایله دی. آثاری (شرح هدایه)، (حاشیه شرح مفتاح)، (حاشیه شرح تجرید) و سائرہ در .

دباغ زاده نعمانہ افندی « استانبولی »

خواجہ سعدالدین افندیکنک طورونئی ابوسعید افندیکنک کریمہ سی اوغلوردر . مصر ملا لقیلہ بکام اولمشدی . (۱۱۱۴) ده استانبولده وفات اییدی . تخصیص علم فقہ و فرائضده بہرہ کلی صاحبی در . (فتاویٰ نعمانیہ)، (تحفۃ الصکوک) آثارینک باشلیجہ سی اولوب (صکوک) ی مطبوعدر .

فضلا وادبادن بر ذات اولوب اساساً (ارضروم) لیدر . بعض مناصب علمیہده بولونہرق (۱۱۴۷) تاریخندہ بروسدہ ارتحال اییدی .

دودہ افندی « برسوی »

فضلا وادبادن بر ذات اولوب اساساً (ارضروم) لیدر . بعض مناصب علمیہده بولونہرق (۱۱۴۷) تاریخندہ بروسدہ ارتحال اییدی .

حصارده (سعدی فقیہ) محلہ سندہ بنا اییدیکی دارالقرا حظیرہ سنہ دفن اییدی . السنہ ثلاثہده اشعاری وارددر . (۱۰۹۶) ده اکیال اییدیکی (المدحۃ الکبریٰ من الکلام القدیم فی حق سیدنا محمد المصطفیٰ) اسمندہ کی اثری هامشندہ جملہ تألیفاتندن اولان (الوسیلۃ العظمیٰ فی شمائل المصطفیٰ خیرالوری) نامندہ کی اثریہ برابر (۱۳۰۱) تاریخندہ مصرده (بولاق) مطبعہ سندہ طبع اولونمشدر . (المدحۃ الکبریٰ) نی تورکجیہ ترجمہ ایتمشدرکہ نسخہ سی نورعثمانیہ کتبخانہ سندہ موجوددر .

برده (النسخۃ الکبریٰ فی ولادۃ خیرالوری) اسمندہ تورکجہ بر اثری وارددرکہ (ماغوسہ) ده ایکن بعض علاوات ایله عربجیہ نقل ایده رک (کتاب الشمائل فی حق خیرالواخر والاوائل) تسمیہ ایتمشدر .

اواخر عمرندہ رئیس المدرسین ودارالحديث مدرسی اولمشایدی .

بنا اییدیکی دارالقرا (۱۲۷۰) حرکت ارضندہ منہدم اولمشدر . (احکام مفیدہ) اسمندہ بر اثری داها وارددر .

(وصف المحمود فی مناقب الآباء والجدود) اسمندہ کی اترندہ سلسلہ نسبئی تعداد ایدہ رک (شمس الدین تبریزی) حضر تدرینہ پیوستہ اولدینئی ذکر ایدیور .

دباغ مفتی احمد افندی «مرعشی»

مرعشدن یتیشن فضلا دندر . (۱۱۶۵) ده وطننده ارتحال ایتدی . فاتحه شریفه شرحه حاشیه سی ، وضعیه رساله سی کبی آثار ی واردر .
برده سورۃ انبیاده (قل انما یوحی الی انما الہکم الہ واحد فهل اتم مسلمون) آیت کریمہ سنک تفسیرنده صاحب کشف طرفندن کشف و بیضاوی اوزر لرینہ ایراد اولونان اشکال دن قاضی محشیسی سعدی چلی نک و یرمش اولدینئی جوابک تحقیقی ضمنندہ شیخ الاسلام افندی طرفندن واقع اولان امره امثالاً قار آبادی واسعد یانیہ وی طرفلرندن یازیلان رسالہ یہ ذیل اولق اوزره آیرجہ بر رسالہ سی واردر کہ بعد البسملہ ابتدائی (اوحد من دل علی وحدتہ نظام الشواهد واصلی علی من خوطب بقل انما یوحی الی انما الہکم الہ واحد) در . مخدومی مفتی محمد افدینکده (رشحۃ النصیح) اسمندہ بر اثری واردر کہ بر نسخہ سی آیاصوفیہ کتبخانہ سندنہ موجوددر . (مواہب العزیز فی شرح الوجیز) مؤلفی (علی بن فضل اللہ) ده مرعشدن یتیشن فضلا دندر . بو اثرینی سلطان احمد بن محمد خانہ تقدیم ایتشدی . خط دستیلہ محرر نسخہ آیاصوفیہ کتبخانہ سندنہدر .

دری زاده مصطفی افندی «شیخ الاسلام»

شیخ الاسلام اسبق دری افدینک مخدومیدر . (۱۱۷۵) ده وفات ایدہ رک ادرنہ قپوسی خارجندہ لعلی زاده چشمہ سی آرقہ سندنہ کی جادہ کنارینہ دفن ایدیلدی . علم فقہدن (درۃ بیضا) نامندہ تألیف معتبری واردر کہ مستقیم زاده خطیلہ محرر بر نسخہ سی اسعد افندی کتبخانہ سندنہدر . کمال عدل و عفتلہ اجرای احکام شرعیہ ایلر و صلوات خمسئی جماعتلہ ادایہ مداومتلہ برابر آقشام نمازندن صوکر ا یا تسویہ قدر سجاده اوزرندن قالقما یوب خالق بی انبازہ تضرع و نیاز ایدردی .

دادر فارسی

متأخرین علمادن زهدی غالب بر ذات اولوب (فارص) لیدر . تحصیلنی درسعات ومصرده ا کال ایله دی . بین العلما متداول اولان آثارینک مشهوری (۱۱۵۱) تاریخنده (مصر) ده تألیف ایتدیکی (شرح علی اصول الحدیث للبرکوی) در . (رساله من التفسیر) ، (شرح قصیده نونیه من العقائد) ، (شرح مختصر التهذیب المسمی بتکمله من المنطق والآداب) ، (شرح ایساغوجی من المنطق) ، (رساله فی بیان القضاء والقدر من الکلام) ، (شرح امثله من الصرف) کبی آثار سائر سیده واردر .

اشبو آثاردن اصول حدیث ایله نونیه وامثله شرحلری مطبوعدر . (۱۱۶۰) کسور تاریخنده (برکی) ده ارتحال ایده رک (برکوی محمد افندی) مرحومک یاننه دفن ایدیلدی . مخدومی عمر افندینک ده برابرنده مدفون اولدینی سنک مزارندن آکلاشلمقده در . (عثمان افندی) اسمنده اولان دیگر مخدومک ده (تفسیر المشکلات وکاشف الغلطات) و (مفتاح الفاتحه) اسملرنده اثرلری واردر .

دامار حسین افندی « دیناری »

(دینار) قضاسی ملحقاتندن داز قیری ناحیه سی قرا سندن (که میشی) قریه سندن در . اکال تحصیلدن صوکر (بوردور) ده تدریس و تألیف ایله امرار حیات ایله دی . آثاری : (حاشیه قاضی میر ، حاشیه جلال ، رساله روح ، رساله نفس) وسائر ده در . وفاتی (۱۲۹۳) ده قبری (بوردور) ده در .

اصول حاشیه سیله کتب مدونه به بر خیلی تعلیقات یازان و (۱۳۰۳) ده (بوردور) ده وفات آیدن (بولغور زاده حسن افندی) ده فضالادن بر ذاتدر .

دورالاری - دعالری حاجی عثمان افندی « کوتاهیوری »

افاضلدن بر ذات اولوب مولدا (کوتاهی) لیدر . صباوتنده (دووالار) قریه سنه کیده رک اوراده بویودیکی ایچون (دووالاری) شهرتیه بنام اولدی . تحصیلی خادمی زاده لردن شهید احمد افندیدن در . اکال تحصیلدن صوکر وطننه عودتله دفعاتله اجازت ویرمکه موفق اولدیلر .

(۱۲۹۷) ده ارتحال ایدہرک (جامع کبیر) جواریہ دفن ایدیلدی . ولی تائبک ولی غیر تائبدن قرق وجهله افضلیتته دائر بررساله سیله رسائل سائرہ سی ده وارسه ده غیر مطبوعدر . مخدومی احمد عاصم افندی ده علمدان برزات ایدی . ارادہ جزئیہ تحقیقاتنه دائر مطبوع رساله سی وارددر . (۱۳۰۷) ده ازمیرده ارتحال ایدہرک کاتب اوغلی قبرستانه دفن ایدیلدی .

دانسہ احمد افندی « مناسری »

علمای شعردان برزات اولوب مناسرلیدر . لسان عربی وبتخصیص زبان فارسی به وقوف تاملری وار ایدی . درسعاته ا کمال تحصیلدن صوکر مناستره عودتله مدت مدیده تدریس وتألیف ایله امراء ایام ایله دی . رحلتلری (۱۳۱۶) ده ، قبری مناسترده چنکل قره غولی جهتندن پرلپه کیدن جاده ده کی مقابر مسلمین کنارنده علمای عرفادن بروسه لی کتابچی مصطفی افندی مرحومک یاننده در .

آثاری : تحلیلات لغویه سیله برابر (ترجمه مقامات حریری) [۱] (شرح دیوان سلطان سلیم اول) [۱] (مجموعه قواعد فارسیه) ایله دیوانچه لرندن عبارتدر .
اشعارندن :

فلاطون حقیقت اتکا ایتمز امر تدبیره زمام اختیارک ایله تسلیم حکم تقدیره

ذیلی بوسف بن مصطفی

فقہدان طبیعت شعریه به مالک برزات اولوب (برغمه) لیدر . (۹۹۰) تاریخنده علم فقهک عبادات قسمنه عائد (مهمات) اسمنده مهم بر اثر تألیف ایتشددر . (ذیلی) مخلصلی اشعاری ده وارددر . آثار سائرہ سی ده اولدینی آکلاشیلور .

هابی محمد زهنی افندی

مشارالیه استانبولده ملکیه قائمقاملرندن محمد رشید افندی نامنده برزاتک صلبندن دنیایه کلشدر . زماننده علوم عربیه متخصصلرینک سرفرازی اوله رق طانمشدر . سلطانیه ده ، مکتب [۱] مؤنلی طرفندن وقف ایدیلشدر .

ملکیه ده ادبیات عربیه ، فقه ، کلام ، ملامتکارنده ؛ مجلس معارف اعضاقلرنده بولنه رفق عرفان عثمانی یه جداً بویوک خدمتله ایلهمش ؛ بالخاصه تدریسات عربیه وفقهیه خصوصنده بوسبوتون یکی ونافع برچینیر آچمشدر . ککلات علمییه سی بو درجه فراوان اولان مرحوم مشارالیه فضائل اخلاقیه سی ، بالخاصه ورع و اتقاسی ایلده اندر الامثال برذات عالیشان ایدی . حدیث و تصوف علملرنده ده بضاعه کامله اصحابندن اولوب طرق علیهن « خلوتیه » منتسبلرندن ایدی . آثاری احاطه علمییه و مساعی متوالیه سیله برلکده متین و منقح اسلوب بیاننک پک کوزل برمعکسی در . دینه بیلیرکه ذهنی افسدی نوعنده یکتا برعالم بی همتا ایدیلر . (۳۲۹) سنه سی اواخرنده مرتحل داربقا اولمشدر . مدفلی بکربکننده کی خانهلری جوارنده (کولپلیجه) نام محل قبرستاننده کی عائله سی حظیره سنده در . آثاری بروجه آئیدر :

آثار فاضلانهلری :

(۱) عربی العبارة صرف عربی : (۱۸) یاشنده تألیف ایتدکلری ایلک اثرلری اولوب غیرمطبوعدر .

(۲) نحوذن تسهیل التحصیل شرحی : غیرمطبوعدر .

(۳) الحقایق نمانی جامع الصغیر والمشارق : کتب احادیثدن مذکور ابکی کتابده کی احادیث شریفه ترجمه لرینی مین اولاجقدی . فقط مع التأسف بو ترجمه لره موفق اولاماشلردر . مع هذا اسملری بکن رواة حدیثک حروف هجا ترتیبی اوزره ترجمه حاللرینه دائر اولان قسمندن (ع) حرفه قادار ابکی جلدی منتشر اولقله برابر (ی) حرفه قادارده اکمال بیورمشلردر .

(۴) مشاهیر النساء : نسوان اسلامک تراجم احوالی مین ابکی جلد اوزره مرتب و مطبوعدر . اخیراً (خیرات حسان) نامیله لسان فارسی یه ترجمه و طبع ایدلمشدر .

(۵) المنتخب فی تعلیم لغة العرب : پک چوق دقایق لغویه بی ده جامع مفصل برصرف عربی در . (مطبوع)

(۶) المقتضب من المنتخب : منتخبک ملخصیدر . (مطبوع)

(۷) المقتضب فی نحو لسان العرب : مفصل نحو عربی در . (مطبوع)

(۸) القول الجید : معانی و بیاندن غایت موحز و دقیق برادرر . اخیراً (قازان) ده ده آیرجه طبع اولونمشدر .

(۹) کتاب التراجم : مشاهیر مؤلفیندن بعضیلرینک مختصر ترجمه حاللرله عبارات بلیغانه و حکیمانهلرینی مین در . (مطبوع)

(۱۰) القول السدید فی علم التجوید : طرز مخصوص اوزره تجویددر . (مطبوع)

- (۱۱) الغار فقهیه : اسمی مسانسه دال فقهی برآورد . (مطبوع)
- (۱۲) فیض یزدان : امام (ماوردی) نك نصیحة الاخوان قصیده سنك ترجمه سیدر . (مطبوع)
- (۱۳) المشذب من الصرف : مختصر صرفدر . (مطبوع)
- (۱۴) نعمت اسلام : (كتاب الصلوة ، كتاب الصوم ، كتاب الحج ، كتاب الزکات ، كتاب الطهارة) اسمیه بش كتاب اولوب هر مسلمانانه الزمدر .
- (۱۵) ترجمه سهام الاصابة فی کتزالدعوة المستجابة : امام سیوطی نك بواسمه کی اثرینك ترجمه سیدر . (مطبوع)
- (۱۶) مناقحات ومفارقات : اسمی مسانسه دالدر . (مطبوع)
- (۱۷) شرح ابیات اصفهندی : نحو یونندن (اصفهندی) نك (کافیه) اوزرینه اولان شرح مطبوعنك حاوی ولدیفی شواهد ابیاتی شارح عربی العباده در . (غیرمطبوع)
- (۱۸) اقتباس الانوار فی ترجمة المنار : فقهدهن معروف (منار) ك ترجمه سیدر . (غیرمطبوع)
- (۱۹) دستور الموحدين : عقائدندن . (غیرمطبوع)
- (۲۰) قواعد ترکیه رساله سی (غیرمطبوع)
- (۲۱) شیخ رضی ، سید عبده ايله منار شرحی ابن ملك هامشیرینه تعلیقات (غیرمطبوع)
- (۲۲) ترجمه تحفة الملوك : فقهدهن (غیرمطبوع)
- (۲۳) المنقذ من الضلال ترجمه سی : رفقای کرماندن محمد سعید افندی ايله مشترکاً میدانه کلشدر . اصل اثر امام (غزالی) نکدر . (مطبوع)
- (۲۴) أطواق الذهب ترجمه سی : اصل اثر امام (زنجیری) نکدر . (مطبوع)
- (۲۵) تحفة الاریب فی رد اهل الصایب : اصل اثر (عبده ترجمانی) نکدر . (مطبوع)
- (۲۶) بغية الطالب فی ترجمة تحفة الراغب (علمای شافعیه دن احمد شهاب الدین قلیوبی نك تحفة الراغب فی سيرة جماعة من اعیان اهل بیت الاطایب اسمنده کی رساله لرینك ترجمه سیدر) . بونلردن باشقه (هندی رحمة) افندی مرحومك (اظهارالحق) ترجمه سنه ده معاونت قلمیه لری سبق ایتمشدر .
- (۲۷) المختصرات فی مسائل الطهارات والعبادات : نعمت اسلام کلیاتنك مختصری اولوب اخیراً طبعنه همت ایدلمشدر .

(ر)

رسول بن صالح افندی « آمینی »

علم فقهده صاحب اختصاص علمادن بر ذات اولوب آیدینلدر .
(فتاوی عدلیه) نامیله تألیف کرده سی اولان عربی العباره بر جلدن عبارت فتاواسنی
(۹۶۶) تاریخنده الیوم آق حصاره تابع بر ناحیه اولان « مرمره » قاضیسی ایکن سلطان
سلیمان قانونی نك امر و اشارتیه تألیف و ترتیب ایله دیکی « كشف الظنون » ده محرر در .
تاریخ وفاتی (۹۷۸) ده ، قبری ایزمیرده سید مکرم الدین درگاهنده در .

رمضان زاده احمد جلی

تاریخ صاحبی رمضان زاده نشانجی محمد پاشانك مخدومیدر . دور مناصب علمییه ایله (مکه
مکرمه) قاضیسی اولمش ایدی . عودتنده شام شریفه ایکی قونان بر محله (۹۸۶) تاریخنده
وفات ایله دی . جنازه سی شامه نقل ایدیه رك قبور صالحینه دفن ایدیلدی .
فاضل ، شاعر بر ذاتدر .

تواریخ عمومیه مزدن (مرآة الکائنات) مؤلفی محمد افندینك پدریدر .
مؤلفاتی : (سورة اعرافه قدر اعراب قرآن) ، (تعلیقات علی الیضاوی) ، (حاشیه شرح
مفتاح) ، (حاشیه شرح مواقف) ، (شرح حرر امام علی) در .
ابیاتندن : طالعه دولت اولماسه خدمت نه فائده
حقدن عنایت اولماسه طاعت نه فائده

رضائی علی جلی « آماسیری »

فضای ادبادن اولوب آماسیه لی پیر محمد افندینك مخدومیدر . مصر القاهره مولویتده ایکن
ارتحال ایله دی . قرافه مصریه ده علی پاشا قربنده مدفوندر . تاریخ ولادت (رضا) رحلتی
(داغ دل) ترکینك دلالتی اولان (۱۰۳۹) در . آثاری (مرتب دیوان) و (نقد المسائل

فی جواب السائل) اسمندہ کی فتاوا در . (کاتب اصفہانی) نک (خریدۃ القصر و جریۃ اهل العصر)
اسمندہ کی تاریخچی دہ (عود الشباب) اسمیلہ اختصار ایلمشدر .

قطعه

مدح ایلم جناب مصطفائی اولادینی آل مراتضائی
کلدک چو بوتکنای دهره . مخلص ایلم کور علی رضائی

هر سنه برنعت شریف انشا ایلمک معتادی ایلمی .

رہب افندی «آمری»

مشاہیر علمادن بر ذات اولوب منظور عاجزی اولان بر اجازتنامہ دہ (دیار بکر) لی
(آمدی) اولوق اوزره محرردر .

مواعظ و اخلاقہ متعلق (۹۷) باب اوزره مرتب عربی العبارة (جامع الازهار و لطائف
الاجبار) اسمندہ کی اثرینی (۱۰۶۰) سنہ سندہ (تیرہ) دہ جامع عتیق و جدید واعظی ایکن
تألیف ایلمدیکنی خاتمہ کتابدہ ذکر ایلمیور . (الوسيلة الاحمدية والذريعة السرمدية) اسمندہ کی
(۱۰۸۷) تاریخندہ اکمال ایلمدیکی طریقت محمدیہ شرحی میان علمادہ متداولدر . تیرہ دہ بین الخواص
دارالحدیث جامعی نامیلہ بنام اولوب یکیکجہ کوی محله می جوارندہ کائن مسجدک جنوبندہ کی
واسع قبرستاندہ مدفوندر .
سنگ مزارندہ یازی یوقدر .

رمزی مصطفی افندی

فضلائی قضاتدن بر ذات اولوب پدری (انطاقیہ) لیدر . استانبول قاضیسی ایکن (۱۱۰۰)
تاریخندہ ارتحال ایلمدی . (لمعة الانوار) اسمندہ (بیضاوی) حاشیہ سیلہ قرآن ، حدیث ، اسماء
اجله و بلدانہ عائد معرب کلماتک شرح و ایضاحنہ دائر (نقداللسان و عقدالحسان) اسمیلہ مدققانہ
بر اثر یازمشدرکہ بر نسخہ سی اسعد افندی کتبخانہ سندہ واردر . آثار سائرہ سی دہ اولدینی
آکلاسیلیور .

ردرسی زاده محمد افنری «آیانلوغی»

فضلا وارباب قلمدن بر ذات اولوب (آیانلوغ) لیدر. تحصیل و تفضی استانبولده در. (۱۱۱۳) تاریخنده ارتحال ایده رک مهماندار جناب پیغمبری حضرت «خالد بن زید الانصاری» جوارنده صاحب تاریخ هشت بهشت مولانا ادریس بتلیسی نك بنا ایتدیرد یکی ادریس کوشکی دنیلن محله دفن ایدیلدی . آثارینک مشهوری ابن خلکان شهرتیه معروف (۶۸۱) تاریخنده وفات ایدن قاضی «شمس الدین ابی العباس احمد» ك (وفیات الاعیان فی انباء ابناء الزمان) اسمنده کی تراجم احوال کتابنک ترجمه سیدر . بوندن باشقه «خمسۀ نظامی» یی «خراج ابی یوسف» ی «دیوان عرفی» دن درت قصیده یی ده ترجمه ایلدی کی کتب متداوله نك بعضی لرینه ده حواشی و تعلیقاتی واردر .
آثارندن :

یالکز ابن خلکان ترجمه سی مطبوعدر. خط دستیه محرر خراج ابی یوسف ترجمه سی شهید علی پاشا کتبخانه سنده در .
(سروری) نك باشلادیغی (عجائب المخلوقات) یی ده ترجمه ایتشدر که برنسخه سی (روان اوطه سی) کتبخانه سنده موجوددر .

رمزی محمد افنری «قبصری»

قبصریدن یتیشن فضلادن اولوب آتی الترجه (نثاری علی) افندی دن اکمال نسخ ایلده دی .
طریقت محمدیه اوزربنه (کنوز الرموز) اسمیه مفصل بر حاشیه یازمشدر که برنسخه سی (نور عثمانیه) کتبخانه سنده واردر . طبیعت شعریه سی ده اولوب مرتب دیوانچه سنک مطلبی بوجه آتیدر:
عنوان شرف بسمله مصحف اسما سرلوحه لوح ازلی فخر مسما
محبوب خدا مؤتمن ان هو الا مضمون هدا واقف اسرار خفایا
(۱۱۳۱) ده ارتحال ایده رک (سید برهان الدین) تریه سی جوارنده دفن ایدیلدی .

رفقی مصطفی افنری «شیخ ضرر زاده قبصری»

فضلادن بر ذات اولوب آتی الترجه (نثاری علی افندی) تلامیذنددر . (۱۱۴۰) کسور تاریخلرنده (قبصریه) ده ارتحال ایلده دی .

قیصریه مفتیسی ایکن (۱۱۳۱) تاریخنده (فراضة الفقهیه وفکاهة الرفقیه) اسمیله بر اثر مقبول
تألیف ایتشدرد .

رسمی عبدالرحیم افندی

فضلادن لسان تصوفده آشنا بر ذات اولوب (ازضروم) لیدر . طبیعت شعریه سی وشیخ
الاسلام عارف حکمت بکک پدرینه خواجهانی واردر .
(۱۲۲۳) ده (استانبول) ده ارتحال ایله دی .
(قاسم خانی) نک (سیرسلوک الی ملک الملوك) فی (رفیق طریق) اسمیله ترجمه ایتدیگی
عوامل عتیقی ده نظماً ترجمه ایتشدرد .

رسمی احمد افندی «قره آغاجی»

متبحریندن بر ذات اولوب شرقی (قره آغاج) لیدر . پدرلری قونییه ملحقانندن (سله) دن
قره آغاجه هجرت ایله مشدر . سلسله نسبی امام بغوییه منتهی در . طریقه نقشبندی در .
خادم مفتیسی محمد امین افندی ایله درسعادته اسکداری ولی امین افندیلردن اجازه آلمشدر .
مفتی ایکن (۱۲۵۱) ده ارتحال ایله دی . (قره آغاج) ده (شیخ منتشی) قبرستانده مدفوندر .
آثارندن (بنا شرحی اساس) و (ایساغوجی شرحی تحفة الرشیدی) ایله (عصمت بخاری) نک :

سرخوش از کوتی خرابات کذر کردم دوش
بطلبکاری ترسایچه باده فروش

مطلعلی غزنلک شرحی اولوب (حل رموز) اسمنده کی رساله سی مطبوعدر .
(آیات سجده رساله سی) ، (مصدر رساله سی) ، (کلمة توحید رساله سی) ، (ملک و جنک تدقیقه
دائر رساله سی) ، (قرائینه نک جوازینه رساله) جمله آثارندردر .
یوزه قریب ذواته اجازه اعطاسه موفق اولمشدر . عشاق علماسندن عینتابی حاجی احمد
ودکزایی حافظ شریف صاری کچیلی حاجی احمد آق شهرک اوکس قریه لی حاجی علی افندیلر
مشهور تلیدلرندردر .

راغب افندى « حاجى محمد راغب افندى » آمدى

فيحول علمادن برذات اولوب دياربكر (آمد) ليدر . ترجمه حالى سبق ايدن كوچوك احمد زاده ابوبكر آمدى نك حفيدنك اوغلودور . اكال تحصيلدن صوكرامملكتمه تدريس وتاليف ايله اوقاتكبنذار اولدى . وفاتى (۱۲۶۴) ده قبرى بناكرده سى اولان مدرسه حظيره سنده در .
آثارى :

رساله مهمه فى تفسير الايات وشرح الاحاديث الواردة فى حق الغزاة .
رساله فى تحقيق التاريخ .
ترجمة التراجم فى تراجم البخارى .
رساله فى تسبيحات الطيور .
رساله فى لام التعريف .
رساله فى تحقيق الامكان على الحسينيه .
رساله فى تحقيق عبارة النص وشارته ودلالته واقتضائه فى الاصول .
رساله فى تحقيق تحويل القبله .
رساله فى تحقيق لفظ ماذا .
شرح لغز اسم فرزندق لقاسم راسم آمدى .
رساله نفيسه فى علايق المجاز .
وسيلة الوحى .
رساله فى لفظ الكفر والاكفار والتكفير .
السنة ثلاثه اشعارى ده واردر . جد عاليلرى (صبغة اه) افندى ده افاضلن برذات ايدى .
(لب البيان) اسمنده برائى واردر .

رشيد احمد افندى « نوشهرى »

كبار مدرسيندن نوشهرلى (كوچوك سليمان) افدينك مخدومى اولوب طريقه نقشبنديدر .
اوقاف هايون مفتشى ايكن (۱۲۸۲) تاريخنده درسعادتمه وفات ايله دى .
طبع شاعرانه سى و (فيوضات الجبيه على الصلوة المشيشيه) ، (كشكول الصافية على الواردات السعدية) اسملنده آثارى واردر .

ایاتندن :

طریق نقشبندی اهلنك فیضی خدادندر اولارك نسبتی جمله رسول مجتبادندر
(کشکول) پیران طریقتدن شیخ سعدالدین جباوی حضر تلرینك (وان سئلوا عن الرجال
فنسبتی) مطلعلی قصیده لرینك تورکجه شرحیدر .

رائف افندی « استانبولی »

زمره موالیدن وطریقت نقشبندی منتسبلرندن فاضل برذات اولوب شهریدر . (۱۳۰۹)
تاریخنده درسعادته وفات ایتدی . ایوبده پیران خلوتیه دن (امی سنان) درکاهنده مدفوندر .
آثار مطبوعه سی : (شمائل شریفه ترجمه سی) ، (مقاصد الطالبین) ، (میزان السلوك) ،
(آداب المسجد والجامع) ، (مختصر شمائل شریفه ترجمه سی) .
آثار غیر مطبوعه سی : (تفسیر شریف) ، (تفسیر سورة يوسف) ، (بعض احادیث شریفه
شرحی) .

ربیب افندی « حجر زاده - فره مپکی »

فضلاً وارباب تألیفدن مجاهد علم برذات اولوب (فره جیک) لیدر . تحصیل وتعلیمی
استانبولده در . (۱۳۱۱) تاریخنده اجازه اعطاسنه موفیقینی متعاقب ارتحال ایله دی . (اسکدار) ده
(قره جه احمد) مزارستانده مدفوندر . کوچوک بویوک اون بئش قدر مؤلفاتندن مطبوعه لری بونلر در .
(تفسیر سورة مطغفین) ، (شرح رساله جدیده علی قواعد الوضعیه) ، (تفسیر سورة نبأ) در .
(سورة نبأ) دن آشاغیسنی ده کاملاً تفسیر ایتشددر . خواجه سی خلیل افندی ایله برکونده
وفات ایتدی .

رفیع افندی « یانیه ری »

مکتب سلطانی نك بدایت کشادنندن بری عقائد دینیہ وعلوم عربیه تدریس ایله مشغول فرماد
برذات اولوب (یانیه) لیدر . طریقت نقشبندیه دندر . (۱۳۲۰) تاریخنده وفات ایدره رك جوار

حضرت خالدہ کاشغری درکافہ دفن ایدیلدی . آثار مطبوعہ سی علم صرفدن (المختصر) علم تصوف وکلامدن (رهبرحق) و (امالی ترجمہ سی) ، (آیات واحادیث اربعین ترجمہ سی) اطاعت سلطان حقندہ کی احادیث شریفہ در . فنار روم مکتب کیریلہ تقسیمدہ کی روم مکتبندہ کی تدریساتن متحصل استفادہ یی (مالیقاس) افدینک آثارندن بولنان غرامر ایلہ تورکجہ روجہ لغت کیرینہ معاونت علمیه و قلمیہ دہ بولونہرق تئیم ایلہ مشدر . تورکجہ ، عربجہ ، روجہ تکلم و کتابتہ مقتدر ایدی .

رحمی افندی « اکینی »

فضلا دن بر ذات اولوب (اکین) لیدر . اکمل تحصیلی استانبولده (اخوین) خواجہ افندی ندر . (۱۳۲۷) تاریخندہ یکی تعیین اولوندینی مکتب نواب مدیری ایکن هنوز کنج دینہ جک بر سندہ ارتحال ایلہ دی .

ادرہ قپوسی خارجندہ (حلبی) مرحوم قربندہ دفن ایدیلدی .

آثاری (انموذج الفقه) : سؤال وجوابلی منقح بر طرزده در . (مطبوع)

(عصارۃ الفنون) : اون ایکی فندن باحث اولوب بودہ سؤال وجوابلی بر طرزده در .

» شرح مقصود

» العقد النامی علی الجامی : نحو دن

» دوحة العنادل علی تحفة العوامل : نحو دن

» العجالة الرحمة علی الوضعية : وضع دن

» تفحیر التسنیم فی القلب السليم : موعظه دن

الفيض القدسی علی الطرسوسی : اصول فقهدن (غیر مطبوع) حاشیہ طرسوسی

» ترجمہ مرآت :

» معنای مطاوعتہ دائر رسالہ .

غالیۃ النوافج علی النتائج (نحو دن اطہلی یشہ)

بولردن باشقہ اوقوتدینی کتابلرک همان کافہ سندہ فاضلانہ مطالعاتی واردر .

(ز)

زیرک محمد افندی

آناطولیدن یتیشن فضلا دن اولوب علوم متزعه یه وقوف تامی ، حاجی بیرام ولی حضر تلرینہ

انتسابی و ارایدی . (زیرك) لقبی ولی مشارالیه تلقیب ایله دی . حضرت فاتح حضورنده (ملا خسرو) حکم اولدیفی حالد بروسه لی خواجه زاده ایله اولان مباحثه علمیه لرنده مغلوب اولدقلرندن بروسه یه کیده رك برمدت اقامتدن صوكر (۹۱۲) ده وفات ایله دی .
قبری (پونار) باشنده کی درگاه یاننده در .

بحث علمه دائر برساله ایله بعض کتب معتبره یه حاشیه لری وارد در . استانبولده کی زیرك محله سی بوذات نامنه در . طبیعت شاعرانه لری وارد در که ملمع برغزلی بروسه و فیاتی مشعر اولان (کلدسته ریاض عرفان) ده محرردر .

زنبیلی علی افندی « شیخ الاسلام »

ترجه حالی سبق ایدن جمال الدین آقسرائی نسلندن اولوب سلاطین عثمانیه دن بایزید ثانی و سلیم و سلیمان دورلرنده یکرمی درت سنه شیخ الاسلاملق ایتش متقی برفاضلدر . ملاخسرو ایله حسام زاده دن استفاده علوم ایله مشلدردر . مستفتیلری بکتمه مک ایچون قوناغک پنجره سندن آشای زنبیل صارقیتدقلری ایچون زنبیلی نامیله بنام اولدیلر . فقهدن (مختارات الفتاوی) ایله اولوقتکی علما و مشایخ آرازلرنده کی بینوتی موجب اولان دوران صوفیه نک جوازینه دائر بری منشور ، دیکری منظوم ایکی رساله سی ده وارد در . بایزید ثانی نامنه علم اخلاقه متعلق بر اثرده تحریر ایتشلدردر .

وفاتلری (وفات عالم ربانی) ، (تم قنواء) ترکیلرینک دلالتی اولان (۹۳۲) ده ، مرقدلری استانبولده زیرك محله سنده در . ترجه حالی مشایخ فصلنده مذکور اولان (شیخ وفا) حضرتلرینه نسبتی واردی .
اثرلرندن :

فروع فقهدن اولان (آداب الاوصیاء) اسمنده کی رساله سی (۱۳۰۰) سنه هجریه سنده ایکی جلد اوزره مصرده طبع اولونان (جامع الفصولین) ده مندرجدر .

زنبیلی زاده فضل جلی

فاضل ابن فاضل برزاتدر . درسمادته ا کمال تحصیلدن صوكر ا تدریس و تألیف ایله امرار حیات ایله دی . (۹۹۱) ده وفات ایده رك پدری یاننه دفن ایدیلدی . کتابلریخی فاتح کتبخانه سنه وقف ایتدی .

مؤلفاتی :

(تعلیقات علی صحیح البخاری) ، (مسائل اوصیا) ، (درت جلد ضمانات) ، (تنويع الاصول فی علم الاصول) ، (عون الرائض فی شرح الفرائض) ، (حاشیة وافیه) ، (وظائف فی النحو) ، (حاشیة شرح شریفی) ، (اجوبه علی جامع الفصولین) ، (مختصر کافی) ، (اعانة الفارض فی تصحیح الفرائض) و سائرہ در .

زکریا افندی « شیخ الاسلام »

سلطان مراد ثالث دوری علمانندن اولوب (انقره) لیدر . اكمال تحصیلنی متعاقب مملک قضایه سالک اوله رق ایجه دولاشدقدن صوکره استانبوله عودتنده قاضی عسکرلک رتبہ سنه نائل اولسنی متعاقباً مسند مشیختی احراز ایله مشدر . شعرده (میلی) تخلص ایدرلردی .
وفاتی : (رضا) کله سیله (کتدی دیوان جهانندن زکریاء سعید) مصراعنک دال اولدینی (۱۰۰۱) تاریخنده، قبری سلطان سلیم جوارنده کی (دار الحدیث) قربنده در .

مؤلفاتی :

(تفسیر فاتحه ، شرح هدایه ، حاشیة صدر الشریعه ، تعلیقات علی شرح مفتاح ، حاشیه علی شرح مواقف ، حاشیه علی الدرر ، تعلیقه علی الیضاوی ، دیوان) در .
اشعارندن :

یولته جان ویرنه و صلم دریغ ایتیم دیمش
کر بو عهدینه وفا ایلرسه جانان ایشته بن

ربیع زاده حسین افندی « برسری »

علوم آلیه عربیه نك اکثرنده و بتخصیص علم نحو ده صاحب اختصاص تام برذات اولوب (بروسه) لیدر . (۱۱۶۷) تاریخنده (آیدین) ده ارتحال ایله دی . (صوبیجه) قوسی اسمنده کی قبرستانده مدفوندر . طلبه علومک تسهیل تحصیللرینی موجب اولان مطبوع (عوامل ، اظهار کافی) معربلری آثارینک مشهورلرندندر . زیارت ایتدیکم سنک مزارنده یازی یوقدر . باش طرفنده کی طاشک باشنده (حلقه وی) بردلیک وارددر .

(حل اسرار الاخبار) اسمنده کی (۱۱۶۰) تاریخنده تألیف ایتدیک (اظهار) معربنک خط دستیه محرر نسخہ سی عاطف افندی کتبخانہ سنده در .

زھاری محمد فیضی افندی « سلیمانیری »

عصر مزده وجودیله افتخار اولونور افاضلن بر ذات ایدی. سلیمانیه نك بابان خاندانندن اولوب عائله لرینك (زھاو) ناحیه سنه هجرتندن ناشی (زھاوی) نامیله یاد اولونمغه باشلادیلر. تحصیللری سلیمانیه ده رسول ذکی افندی دندر . بغداد مفتیلکنی احرازدن سوکرا یارم عصر افتا ، تدریس ، تألیف ایله امرار اوقات بیوردیلر .
حلقه تدریس لرندن استفاضه ایدن طلاب علمك مقداری آلتی بیكه بالغدر . رحلتلوی (۱۳۰۸) تاریخنده در .
اشعار عربیه وفارسیه لری معینداردر .

از جمله :

درمیان خبز و تفویض اختیاری هست و نیست
همچو آن ماهی که می آید فرود از آبشار

(س)

سید علی قومه نالی « توقاری »

زمره مؤلفیندن بر ذات اولوب (توقات) قراسندن قومه نات اسمنده کی قریه دندر .
(سیواس) ده اختیار اقامتله تدریس و تألیفله مشغول اولدی .
مؤلفاتی : (عنایه) اسمنده کی (وقایه) شرحیله (زیج شامل) شرحلوندن عبارتدر .
وفاتی (۸۴۰) ده قبری (آماسیه) ده در .
فروعدن (منحة السلوك فی شرح تحفة الملوك) صاحبی (شمس الدین محمد) افندی ایله (۱۰۲۷) ده وفات ایدن (عرائس الخط) مؤلفی (درویش احمد بن محمد) و (۱۰۱۸) ده وفات ایدن

(شرح حدیث اربعین) صاحبی (شیخ احمد بن محمد) افندیلرده (ثوقات) دن یتیشن
فضلا دندرلر .

سلیمانه بن علی « قره‌مانی »

علم فقه متخصصلرندن فاضل بر ذات اولوب (قره‌مان) لیدر. (۹۲۴) تاریخنده ارتحال.
ایتدی. آناری : (شرح مجمع البحرین)، (حاشیه شرح وقایه)، (رساله عروض)، (شرح
فرائض)، (شرح خلاقیات)، (شرح قصیده بر نه)، (جامع الفصولین ده کی ۳۸۰ عدد اسئله به
اجوبه)، (شرح ملتقی)، (رساله سمت قبله) در.

سعدی مجلسی « شیخ الاسلام »

محنی بیضاوی شهرتیه بنام اولوب (قسطنونی) جوارنده کی (طاطای) لیدر .
(بقایه بکدی سعدالدین ثانی) مصرعنک دلالتی اولان (۹۴۵) تاریخنده ارتحال ایدرک.
ایوب سلطان حریمنده ودیعه خاک غفران قیلندی .
اشهر آناری (تفسیر بیضاوی حاشیه سی) در. دیکر لری (مجموعه فتاوی، حاشیه علی شرح الهدایه،
حاشیه علی القاموس) ایله رسائل عدیده در.
طبیعت شعریه سی ده واردر . ایاتندن :

عالمه طولدی مسرت لیک بن شاد اولدم
آه کیم بن بنده بردم غمدن آزاد اولدم

سودی « بوسندی »

علمای عثمانیه دن اولوب (بوسنه) قطعه سننده کی (فوچه) لیدر .
لسان فارسی بی دیار بکرده (مصاحح الدین لاری) دن تعلم ایتشد .
استانبوله عودتنده (مثنوی شریف ، کلستان ، بوستان ، دیوان حافظ شیرازی) به شرح
یازمش در . مطبوع اثر لرنده قواعد فارسیه جه بعض خطالره تصادف اولونمقله برابر باعث استفاده در.

بونلردن باشقه (ابن حاجب) ك (شافيه) و (كافيه) سنى ونخودن (ضوء) ى ترجمه يه
ترجمه اينديكى كې (هداية الحكمه) شرحى اوزرينده حاشيه سى واردر .
(۱۰۰۵) تاريخنده درسمادته وفات ايده رك (آق سراى) ده (يوسف پاشا) جامعى حظيره سنى
دفن ايدلمشدر .

سيركه زاده ابراهيم افندى « بروسوى »

فضلادن وزمره قضاتدن برذات اولوب بروسه ليدر . علم احوال روحه دائر (مفاتيح
الفتوح فى احوال الروح) اسمنده مقبول علما برائى واردر . (۱۰۹۲) ده وفات ايلدى .
اورخان غازى تربيه سى قارشوسنده كى مكتب ابتدائى ساحه سنده مدفوندر . طريقت خلوتيه دن
مستخلف ايلدى .

علم روحه دائر يازيلان آتاردن بعضيلرى :

- (۲) باب الفتوح فى احوال الروح (ابوالنجا الالبيارى المصرى) مطبوعدر
- (۳) كتاب سر الروح (ابى الحسن ابراهيم البقاعى المصرى)
- (۴) كتاب الروح والنفس (ابن قيم جوزيه)
- (۵) منازل الارواح (محمد وجودى لارنده وى) كتيخانه عموميه واردر .
- (۶) ابن سيناك قصيده روحيه سنك شرحلى .
- (۷) روح (سرى پاشا) مطبوعدر .
- (۸) روح (خواجه تحسين افندى) مطبوعدر .
- (۹) علم احوال روح (على عرفان بك) مطبوعدر .
- (۱۰) علم احوال الروح (شهنذر زاده حلمى بك) مطبوعدر .
- (۱۱) بسيقولوژى - علم روح (بها توفيق بك) مطبوعدر .
- (۱۲) فن روح (دوكتور عبدالله جودت بك) مطبوعدر .
- (۱۳) علم الروح واحواله (از ميرلى بيچاقى زاده حقى افندى) مطبوعدر .
- (۱۴) علم احوال روح (يوسف كمال بك)
- (۱۵) رساله فى تحقيق الروح (ابن كمال)

سليمانه افندى « مفتى كليبولى »

فقهدان بر ذات اولوب مدت مدیده (کلیبولى مقتیلکنده) بولوندى . (۱۱۱۰) تاریخنده ارتحال ایدهرک (غازى سليمان پاشا) جامعى حظیره سنه دفن ایدیلدى . آتارندن (موضح) اسمنده ملتقى شرحى واردرکه بر نسخه سى آياصوفیه ده موجوددر .
(در) مترجى (سليمان بن ولى آنقره وى) نك بو ذات اولماسى مأمول قويدر .
(مکه مکرمه) قاضيلغنده بولونوب (۱۰۳۶) ده (شام) ده وفات ایدن (تسهيل مرات الاصول فى ترجمة مرقات الوصول) صاحبى (عثمان بن عبدالله) ده (کلیبولى) دن يتيشن فضلادندر .

سليمانه فاضل افندى « استانبولى »

فقيه محدث ومفسر وعلم قرآننده حقيه واقف بر ذات اولوب شهريدر . آتى الترجه يوسف زاده عبدالله افدينك استايدير . تحصيلى عربستانده اكال ايتدى . آياصوفيه واعظى ومعلمى ايكن (قدمات استادالانام) مصراعنك دلائى اولان (۱۱۳۴) تاريخنده وفات ايله دى . اوق ميدانى جوارنده اينجىلرتكيه سى قربنده كى مقابره مدفوندر . تفسير بيضاوى ايله بخارى و شفا ومشارك شريفى دفعاتله ختم ايله مشدر . مؤلفاتى: علم اخلاقدن (مفتاح الفلاح) ، (شرح حديث ابراهيم للنووى) ، (شرح عقائد عضديه المسمى بفوائد السنيه) ، (رساله خلوت) ، (شرح كلمتى الشهاده) ، (حاشيه تهذيب) ، (فوائد صلوات شريفه) ، (شرح مسند مسلم المسمى ببغية المسلم وغنية المغنم) ، (تفسير آية وماله يريد ظلماً للعباد) ، (رساله فى الكباثر) ، (رساله التقوى) ، (شرح آداب عضديه) .

ساماقتى زاده محمد بهابلى بك « مرعشى »

علمای عثمانیه اینجنده احاطه علمیه سیله مشهر بر ذات اولوب (مرعش) لیدر . مقدمات علومى وطنى علماسندن بعدالاکال (تفسیر تبیان مؤلفى محمد ودارنده وى حمزه) افندیلرک درسلیرنه مداومت وعلی الاصول تکمیل تحصیل ايله وطنه عودت و براز صوکر (شام شریف) ه کیده رک (عبدالغنى نابلسی) حضرتلرندن (حدیث ، تفسیر ، تصوف) کبی علوم عالیّه تحصیلنه بذل مقدرت ايله یوب اخذ اجازت و خلافتله مرعشه معاودت ایدهرک برطرفدن حلقه تدریسنه طویلانان طلابه تدریس علومه برطرفندن ده تألیف آثار نافعیه مبادرت ايله دى . بوجهمه

تشر علم ايله مشغول ايكن (الشيخ سچاقلى) تركييله (سچاقلى زاده دنيادن بقايه ارتحال ايتدى) مصرعك دلالتى اولان (۱۱۴۵) تاريخده ارتحال ايتدى . مرعشك قبله جهتنده كي مزارستانده مدفوندر . (سجل عثمانى) ده اسكدارده مدفون اولدينى كوسترلمه سى اثر ذهولدر .

آثار فاضلانه سى بروجہ آتی در :

- (۱) حاشیة تفسیر کشف علی سورة البقرة .
- (۲) عين الحيات فى بيان المناسبات فى سورة الفاتحه .
- (۳) رساله فى الآيات المتشابهات .
- (۴) رساله فى ايمان والدى رسول الله .
- (۵) غاية البرهان فى تفسير آية الكرسي .
- (۶) حاشیه علی شرح دیباجه طریقت محمدیه .
- (۷) تسهیل الفرائض .
- (۸) عصمة الاذهان .
- (۹) سبحة القدر فى مدح ملك القدير .
- (۱۰) سلسيل المعانى .
- (۱۱) توضیح زبدة المناظر .
- (۱۲) نهر النجاة فى تفصيل عين الحيات .
- (۱۳) عندليب المناظر .
- (۱۴) حاشیه علی شرح رسالة الاداب لطاش كوبرى زاده .
- (۱۵) تقرير القوانین من المنطق والمناظره .
- (۱۶) رسالة فى تجديد ايمان .
- (۱۷) رسالة فى الفتاوى .
- (۱۸) جامع الكنوز .
- (۱۹) جهد المقل من التجويد .
- (۲۰) تحرير التقرير من المناظره .
- (۲۱) رساله عادليه .
- (۲۲) تهذيب القراءه (اوتوز اوج جزؤ مقدارنده در) .
- (۲۳) عرائس فى المنطق .
- (۲۴) ولديه .

- (۲۵) حاشیه علی شرح مطالع .
 (۲۶) حاشیه علی الحیالی .
 (۲۷) رساله فی اتلاف الکلاب المضره (محروقی زاده جعفر بک طرفندن ترجمه و طبع ایدلمشدر) .
 (۲۸) ترتیب العلوم (بواثرده برسنه اقدمنه کلنجه یه قدر مدارسده تدریسی التزام اولونان حواشینک تدریسندن فائده اولمادینی و هرفن ایچون متخصصلری طرفندن - اوروبالیرک قلاسیق تعبیر ایتدکلری - آیریجه آثار مفیده تألیف ایدلمه سی لزومی ده مصر حدرد) .
 (۲۹) رساله التزیهات مع الحاشیه .
 (۳۰) نشر طوابع (طوابع متن و شرحلرینک تدقیقندن صوکر ا حقیقت محضه نك نه دن عبارت اولدیغنه دائردرد) .

سکونی محمد افندی «قراردی»

فضلاى مشایخن بر ذات اولوب سابق الترجه (شیخ نزولی) افندینک مخدوم فضائلوسومیدرد .
 مواعظه متعلق اولوب بین العلماء « مجالس » تعبیر اولونان اثرلر وادیسند (بضاعة الواعظین وفلاح المتعظین) اسمنده عربی العبارة مفصل بر اثریله زمانه قدر موجود اولان (ایساغوجی) شرحلرینک هان کافه سنک محتویاتی جامع اولقله برابر علاوات و مباحث لازمه ده درج ایدیلک شرطیله (جامع الشروح) نامنده عربی العبارة برده (ایساغوجی) شرحی واردر که غیر مطبوع لولان هرابکی اثری ده علوم آله وعالیه ده کی اختصاصه دلیل کافیدر .
 پدرلرینک ارتحالندن اول طریق حجه وفات ایله دی .

سیر محمد سعید افندی «قره مهری»

(۱۱۵۹) ده دیاربکرده وفات ایدن صدر اسبق قره حصارى سید حسن پاشانک مخدومیدرد .
 ا کال تحصیلدن صوکره دور مناصب علمیه ایله استانبول قاضیسی اولمشدی . (۱۱۹۰) تاریخده مطعوناً وفات ایتدی . بوغاز ایچنده کوک صوحوالیسند بنا کرده سی اولان چشمه صفه سنده مدفوندر .
 آناری : (شرح کلمه تهلیل) ، (تفسیر سورة زلزال) ، (شرح آداب کلنبوی) در . بواثر علما بیننده حسن پاشا زاده اسمیله معروف اولوب مطبوعدر .

سیروزی مصطفیٰ افندری [۱]

سلطان محمود عدلی دوری علماسندن اولوب فی الاصل طریزون حوالیسنندن (ریزه) دن ایسهده فتویٰ مسودلکیله مدت مدیده سیروزده اقامت ایله دیکندن ناشی سیروزی نامیله یاد اولونور . مدفی (دمیر حصار) قضاسی قراسندن (وه تیرنا) قریه سنده در .
آثاری: (حاشیه برهان کلتبوی) ایله او عصرک سیروز مقتیسی بولونان فضلادن شوقی افندینک علم وضعه دائر یازدینی متنه (خلاصة الافکار) اسمیله مفصل شرحدن عبارتدر .

سلمیانه افندری «قره آغاجی»

عصر اخیر افاضلندن بر ذات اولوب (قرق آغاج) لیدر . بدایت تحصیلی مشاهیر فضلادن آلا شهرلی [۲] حاجی ابراهیم افندیدن نهایتی مولانا خادمی نك طورونی ایله قونییه علماسندن (مفتی ملا) افندیدندر . اکمال تحصیلدن صوکرنا مملکتته عودتله نشر علمه باشلایوب اوچ دفعه اجازت ویرمه موفوق اولمشدر . (۱۲۶۸) تاریخنده ارتحال ایده رک (اسکی مزارلق) دینیلن قبرستانده یول کنارینه دفن ایدلدی . بوحوالیجه (قرق آغاج) نك (مقرعلما) وصفیله شهرته باعث وجود فاضلانله لری اولمشدر .

کتب موجوده لری نام فاضلانله لریه منسوب مدرسه نك وسطنده کی کتبخانه ده موقوفدر . آثار علمیهلرندن علم آداب مناظره دن (قره تپه لی) حاشیه سی مطبوع (شرح مجامع للخادمی)، (شرح خاتمة الاصول) غیر مطبوعدر . طریقت نقشبندیه دن مستخلفدر لر .

سعاری افندری «علی سهاری افندری»

ذکای فوق العاده اصحابندن بر ذات اولوب شهریدر . آز زمانده تحصیلنی اکمال ایده رک کندینه خاص بر طرزده تدریسه باشلادی . برمدت (سیاو)، (بروسه)، (صوفیه)، (قلبه) ده
[۱] (جنک نامه الهی) مؤلفی (محمد) و (تحفة الطلاب) مؤلفی (عبدالله) افندیلرده سیروزدن نشأت ایدن فضلانددر لر .

[۲] (۱۲۲۲) تاریخنده آلاشهرده ارتحال ایده رک استاسیوندن شهره کیدن جاده کنارنده کی قبرستانده مدفون اولان بو ذاتک بعض آثار علمیهلری اولدینی مروی ایسهده بو خصوصه دائر آلاشهرجه یاپیلان تنبغاتدن بر عمره اقتطاف ایدیله مدی .

رشدیه معلمکی وسائرہ کبی خدمتارده، استانبوله ورودندن صوکراده سائقہ سیاستله اوروپاہ کیدہ رک (پارس) و (لوندہ) ده نشریاتده بولوندی . استانبوله عودتندہ (مکتب سلطانی) مدیریتده ایفای خدمت ایتدی . (۱۲۹۴) ده سلطان مراد خامسی اجلاس ایچون قسم اعظمی روم ایلی خلقدن عبارت اولق اوزره باشنه طوبلادیغی اہالی ایله (چراغان) سراینہ کیتدیکی زمان حیاتنه خاتمہ چکلدی . جسدی دیگر ہمالریلہ برلکده ییلدیز جامی قبلہ جہتک صول کوشہسی اوستندہ او تاریخدہ موجود اولان قبرستانہ دفن ایدلدیسہدہ بر از صوکرہ قبرستان احایلدی . لسان مادرزادی اولان تورکجہدن باشقہ عربجہ، فارسجہ، فرانسجہ، انگلیزجہ نک ادبیاتنه واقف وتکلم وکتابتہ مقتدر ایدی . مطلع اولابیلدیکم آثاری بروجه آتیدر :

- ۱ — علوم غزتہسی [پارسدہ اون بش کوندہ بر نشر اولنوردی .]
- ۲ — شبکالعلوم (عنوان الشرف) . نظیرہدر . ہر سطر ۲۱ فی جامعدر . بروسدہ نظم ایتشدہر .
- ۳ — ترجمہ ترتیب العلوم (ساجقلی زادہ).
- ۴ — ترجمہ جوامع العلم الریاضی .
- ۵ — حقوق الشوارع [اخیراً استانبولده طبع ایدلدی .]
- ۶ — خیوہ [۱۲۹۰] ده پارسدہ باصیلان بو اثر ایکی قسم اولوب برنجی قسمی روسیہ نک اسیای وسطیہدہ ترقیسنی، ایکنجی قسمی خیوہ خاتلغی میندر .]
- ۷ — کرید تاریخچہسی .
- ۸ — تورک .
- ۹ — یارم فقیہ دین یبقار .
- ۱۰ — قدرت سیاسہ دردول اسلامہ .
- ۱۱ — علم اصول الحقوق .
- ۱۲ — کیوتیوس [حکمای یونانیہدن افلاطونک شریکی اولان (کیوتیوس) ک میلاددن ۴۵۰ سنہ اول یازدیغی ادب و اخلاقہ دائر رسالہ سنک ترجمہ سیدر .]
- ۱۳ — مخبر غزتہسی [۵۵ نومرویہ قدر استانبولده بوندن اشاغیسی اوروپادہ نشر اولونمشدر]
- ۱۴ — تحریات سعاوی علی تاریخ ترک .
- ۱۵ — قیدالموجود وصيدالمفقود .
- ۱۶ — مختصر احیاء العلوم ترجمہسی [اثرک فارسی نسخہسی درسعادتدہ عاطف افندی کتبخانہ سندہدر .]

- ۱۷ — تدبیر ثروت [احیاء العلومك حال كتابی اساس اتخاذ ایدیله رك توسیعاً ترجمه ایدلمشدر . فلبه ده یازمشدر .]
- ۱۸ — علما [تراجم احوال علمادر]
- ۱۹ — هر سکیلرك افاداتی [فرانسزجه] (۱۸۷۵) ده پارسده طبع اولومشدر .
- ۲۰ — عالی پاشانك سیاستی [اخیراً استانبولده طبع اولوندی] .
- ۲۱ — ۱۲۸۸ ، ۱۲۸۹ ، ۱۲۹۰ سنه لرینه مخصوص معلومات تاریخیه وسائرہ بی حاوی سالنامه .
- ۲۲ — ذیل تقویم التواریخ [ناتمادر] پارسده طبع اولومشدر .
- ۲۳ — ترجمه لغز قابس افلاطون [عربی یه مترجمی ابن مسکویه ، تورکی یه مترجمی علی سعاوی افندی در پارسده مطبوعدر] .

سلبنامه مفتی افندی « اسکیشهری »

فضلادن بر ذات اولوب اسکیشهر قراسندن (مطلب) قریه سندنر . تحصیل ابتدائیسنی مکتبلرده ، عالیسنی درسعادته اکمال ایده رك اسکیشهره مفتی تعیین اولونوب الی آخر العمر افتا وتدریس ایله مشغول اولدی .

(ایلدی مفتی اکمل ارتحال) مصراعنك ناطق اولدینی (۱۳۱۵) ده ارتحال ایتدی . شهر مذکورده مدفوندر .

علم کلامدن (روح کلمة التفرید شرح کلمة التوحید) ایله ینه علم کلامده (تلخیص التوحید) وشرحی (تلخیص التوحید) اسملرنده کی اثرلری بر یرده اوله رق مطبوعدر .

برده غیر مطبوع (اسماء حسنی) منظومه سی واردر .

(۱۳۰۴) تاریخنده (آفون قره حصار) نده وفات ایدن قضاتدن یکی کوی ناچی شهرتیه بنام محمد امین افندی ده ارباب فضیلتدن بر ذات اولوب (زبدة العقائد) ، (جامع الجمعه) ، (اکمل ماتم العتری) ، (عمدة الجهاد) کبی رسائل مطبوعه سی واردر . (تفسیر النجات) اسمیله مسما تورکجه مفصل سورة نبأدن آخر قرآن کریمه قدر اولان تفسیرك مؤلفی اولوب (۱۲۹۳) ده ارتحال ایده رك اسکدارده (قره جه احمد) مزارستانه دفن ایدیلن طوبیخانه مفتیسی (عثمان نجاتی) افندی وفضلاى قضاتدن اولوب (مرضات الفحول) اسمنده منظوم مسائل فقهیه مؤلفی (احمد فرید)

افندی ده (اسکی شهر) دن یتیشن علمادندر . (مرضات) ی (عینتاب) نیابتده تألیف ایتدیکی ایچون معاصری اولان علماء بلدهنک وازجه مترجم طحطاوی عبدالحمید افندینک تقریضلری بدری مفتی حسین افندینک قهوه ایله انقیه استعماللری حقنده رساله لری وارددر . (۱۱۸۹) تاریخنده فاتح جامعشریفده شائل شریفه تدریس ایدن (عثمان بن موسی) افندی ده (اسکی شهر) دن نشأت ایدن علمادن اولوب حجات ایله فصده دائر تورکجه مطبوع رساله سی وارددر .

شمس الدین محمد «آقشهری»

علمای اعلامدن برذات اولوب اواخر عمرنده (مدینه منوره) ده اختیار اقامت ایده رک (۷۳۹) ده ارتحال ایتدی . تحصیل علم کال ایچون مغرب دیارینه قدر شد رحل ایتدیکی (اتحاف الاحضار) صاحبی ذکر ایدیور . (جنة الفردوس) ، (منسک القاصد الزائر) اسملرنده اثرلری وارددر .

(الانتقاد فی شرح عمدة الاعتقاد) صاحبی اولوب (۸۰۰) ده وفات ایدن (احمد بن اوغوز دانشمند) ایله طریقت محمدیه شارحلرندن (خواجه زاده عبدالنضیر) افندی ده آقشهردن نشأت ایدن فضلادندرلر .

شاد کلری شمس الدین مهلبی یاشا «آماسیه ری»

مولانا عبدالملک آماسی تلامیذندن اولوب آماسیه امیری ایکن (۷۸۲) ده سیواس حاکمی قاضی غدار برهان الدین النده شهید اولمشدر . (پیر الیاس) جوارنده مدفوندر . واقعات وفتاودن مسائل غریبه فقهیه حی حاوی (الدررالمشوره) اسمنده اثرگیری وارددر .

شمس الدین محمد به یوسف القنری

اکابر علمادن وغازی خداوندکار دوری رجالتدندر . اکل تحصیل ایچون شام شریفه رحلت ایتشدی . تاج الدین تبریزی وسائر کبی فضلادن اخذ علم ایتدی . (۸۸۸) تاریخنده بوراده ارتحال ایلهدی .

مؤلفانی :

(شرح مسلم ، اختصار مفصل للزمخشري ، شرح تلخیص المفتاح ، شرح مجمع البحرين ، کتاب درر البحار الجامع لمذاهب الاثمة الکبار فی الفروع ، شرح عمدة النسفی) و سائرہ در .
(درر البحار) (۸۵۰) تاریخندہ (محمد البخاری) طرفندن شرح اولونمشد که برنسخه سی عاشر افندی کتبخانه سنده واردر .

شکرالد « آما سیری »

سلطان مراد ثانی و فاتح دور لرزنده وسعت معلومات و فضل و عرفان ایلہ تمیز ایتمش بر ذات اولوب علم طب ایلہ موسیقی یهده انتسابی واردی .
ترجمہ حالی مشایخ فصلندہ مذکور شیخ یار علی نک برادر زاده سیدر .
هرایکی پادشاهده مشاور خاص اولق شرفه مظهر اولمشدر . رحلتی (۸۹۴) ده اولوب شیخ وفا حظیره سنده مدفوندر . حج شریفه عزیمتندہ علماء مصر ندندہ استفاضه ایلهدی .
(بهجة التواریخ) (۱) نامندہ فارسی العبارة بر تاریخی اولدینی کی کندی آنارندن (ریاض العلوم) طرزنده فارسی العبارة (منهج الرشاد فی سلوک العباد) اسمندہ کی اثر فاضلانہ لرینک خاتمه سنده (۱۴۵) قون متداوله دن اقتباس ایتدکلرینی حکایه ای دیورلر . (فتوحات فی الجفر) اسمندہ بر اثر یله برنسخه سی آیاصوفیه کتبخانه سنده موجود (جامع الدعوات) اثر یهده واردر . (انیس العارفين ، شرح قصیده امالی) ده آنارندندر .
علوم مختلفه دن باحث آموزج العلوم طرزنده فارسی العبارة اثرینی (ریاض القلوب) نامیلہ (۸۹۴) تاریخندہ سلطان بایزید ثانی یه تقدیم ایدن (شکرالله شیروانی) ده فضلا دن بر ذاتدر .
(ریاض) ک برنسخه سی آیاصوفیه کتبخانه سنده واردر .

[۱] غیر مطبوع اولان بوتاریخ خلقتدن اعتباراً فاتح دورینه قدر اون اویج باب اوزره مرتب برجله دن عبارت اولوب جغرافیای قدیمه و طبقات رجاله دائرده معلومات مفیده واردر . فارسی مخلصلی برشاعر طرفندن ترجمه اولونه رق سلطان سلیمان قانونی یه تقدیم اولوندی . بوت ترجمه نک برنسخه سی اسعد افندی کتبخانه سنده واردر .

شمس‌الدین «آیینی»

فضای شعرا در ذوق و بر ذات اولوب آیدینلی در . تحصیلک بدایتی مملکتشده نهایتی ایرانده در .

عودتنده فاتح سلطان محمد خانک مظهر تقدیر والتفاتلری اولدی . سلطان مشار الیهک اروزولریله کبار علماء ایراندن (عبدالقادر عجمی) ایله مباحثانده بولونه رق اثبات فضیلت ایله دی . السنه ثلثه ده انشادشعره قادر بر شاعر مقتدر ایدی . مخلصی نحیفی در . (۹۰۰) تاریخی حدودنده بروسده ارتحال ایتدی .

ده ده افندی مسجدی حظیره سنده مدفوندر . علم ادواره دأثر تألیف قیمتداری اولدینی ترجمه شقایقه مندرجدر .

شیخ سنانه رومی «بوروری»

فضای مشایخن بر ذات اولوب (بورور - حمیدایی) دندر . ۹۱۱ ده وطننده ارتحال ایله دی . متجردانه عمر سور مشدر . بروسده احمدپاشا مدرسه سی مدرسلکنده بولوندی . آثاری غیر مطبوع اولوب بوجه آتیدر :
(حاشیه شرح عقائد) ، (حاشیه شرح مفتاح) ، (حاشیه تجرید) ، (حاشیه مطول) در .

شجاع به نورالدین «آفره دی»

علم فقه و فرائض متخصصلرندن بر ذات اولوب (۹۶۰) ده ارتحال ایتدی . فرائضدن (جواهر المسائل) و (حل المشكلات) اسملرنده آثار مقبوله سی واردر .

شجاع الدین الیاس رومی «ربموقوفی»

دیمتوقه دن نشأت ایده دلک شهرت علمیه سی آز وقتده پک چوق اولدی . ادرنده مدرس ایکن صمم عارض اوله رق تقاعد اولمشدی . مشایخ صوفیه به محبت کامله سی واریادی . وفاتی (۹۲۰) ده

قبری استانبولده یکی قبو خارچنده بنا ایتدیکی مسجد حظیره سنده در . سید شریف جرجانینک (تجربید)، (مطالع)، (شمسیه)، (عضدیه) شرح وحاشیه لرینه حاشیه لرلیه (حاشیه علی حاشیه الحیالی) وسائرده در . افضل زاده مدرسه سی مدرسی ایکن ۹۴۰ ده وفات ایدن کوچوک نخدومی (لطف الله) افندیده مصنفیدن برذاتدر . (حاشیه علی شرح آداب العبادی)، (حاشیه علی حاشیه عقائد لمولانا کستلی)، (حاشیه علی شرح هدایه مللا زاده) وسائرده در .

شیخ زاده محی المیه محمد افندی «ازمیتی» [۱]

قاضی بیضاوی مرحومک مشهور آفاق اولان تفسیرینی محققانه بر صورتده تحشیه ایدن فاضل اولوب قوجه ایلی (ایز میت) دندر . تحصیلنی استانبولده افضل زاده دن ا کمال ایله دی . دور مدارسدن صو کرا تقاعدآ اختیار عزات ایتدی . وفاتی (۹۵۱) ده قبری استانبولده امیر بخاری قربنده خواجه خیرالدین مسجدی حظیره سنده در .

مؤلفاتی : (شرح مصابیح)، (شرح قصیده بره)، (شرح مفتاح العلوم للسکاکی)، (شرح مشارق)، (شرح قواعد اعراب)، (شرح فرائض سراجیه)، (تفسیر سورة اخلاص)، (شرح و قایه) وسائرده در .

امیر احمد بخاری خلفاسندن مصلح الدین افندی دن مستخلفدر .

تفسیر ناضی بیضاوی به حاشیه بازاره علمای عثمانیه دره مشهور لری

۱	ابن کمال	المتوفی ۹۴۱	۴	شیخزاده محی الدین محمد	۹۵۱
۲	عطوفی	۹۴۸	۵	شیخ جمال الدین اسحق قرامانی	۹۳۳
۳	سید احمد قریمی	۸۶۲	۶	ملا کورانی	۸۹۳

[۱] علمای عثمانیه اینجنده (شیخزاده) اسمنده (ملتی) شارحی دیگر بر ذات وارد که شیخ الاسلام عبدالرحیم افندی به مصاهر شدن ناشی شهرتی (داماد) ا-حی عبدالرحمن بن شیخ محمد مسقط رأسی کلیبولی اولوب آناتولی قاضی عسکری ایکن (۱۰۱۳) تاریخنده وفات ایدهرک امیر بخاری به دفن ایدلدی . (ماتربدی) (و اشعری) لر بیننده مختلف مسائل فرعیه نك حل و تألیفنه دائر (۱۱۳۷) تاریخنده (نظم الفرائد فی جمع الفوائد) اسمنده کی اثرک صاحبی بافره مفتیسی شیخ زاده افندی ده ینه باشقه بر ذاتدر . (۱۰۳۲) تاریخنده وفات ایدهرک در سعادتده مسکین دده مزار لفته دفن ایدیلن قزانقلی شیخ زاده احمد بن زاهد محمد افندی ده دیگر بر ذاتدر که (شرح مفتاح) ه تعلیقاتی حاشیه کشافک استعاره بحثنه آبریمجه رساله سی و-اثر رسائی وارد در .

۷	خطیب زاده	۹۰۱	۲۷	نورالدین احمد حمزه قره‌مانی	۹۷۱
۸	سروری مصطفی افندی	۹۶۹	۲۸	سعدی چلبی	۹۴۵
۹	قاضی زاده شمس‌الدین احمد افندی	۹۸۸	۲۹	عبدالکریم زاده محمد افندی	۹۷۵
۱۰	دده جنکی	۹۷۵	۳۰	حسن آلایندینی (قره‌تپه‌لی)	۱۱۹۱
۱۱	یوسف زاده عبدالله حامی	۱۱۶۷	۳۱	محمد بن یوسف الاستانبولی	
۱۲	قینالی زاده علاءالدین بن علی	۹۷۹	۳۲	اسماعیل قونوی	۱۱۹۵
۱۳	صدرالدین شروانی	۱۰۰۰ تقریباً	۳۳	اسماعیل مفید افندی	۱۲۱۰
۱۴	محمد بن جمال‌الدین شیروانی		۳۴	یوسف سنان‌الدین آماسیه‌وی	۹۸۶
۱۵	محمد بن ولی‌الازمیری	۱۱۶۵	۳۵	ملا احمد شمس‌الدین قره‌باغی	۱۰۰۹
۱۶	حمزه افندی	۱۰۸۱	۳۶	عبدالله کردی	۱۰۶۴
۱۷	مصطفی بن حمزه الطرسوسی	۸۷۱	۳۷	کمال‌الدین اسماعیل قرامانی	۹۲۰
۱۸	غزنی زاده شیخ عبداللطیف	۱۲۴۷	۳۸	محمد افندی	۹۷۳
	بروسه‌وی		۳۹	محمد آق کرمانی	۱۱۷۴
۱۹	محمد مکی افندی	۱۲۱۲	۴۰	علامک محمد بوسنه‌وی	۱۰۴۶
۲۰	خضر بن محمد آماسیه‌وی	۱۰۶۷	۴۱	عشاقی زاده عبدالباقی افندی	۱۰۹۰
۲۱	فیض‌الله افندی	۱۰۹۹	۴۲	مستجی زاده عبدالله افندی	۱۱۴۸
۲۲	خلیل نعیمی مغنساوی	۱۲۳۰	۴۳	احمد قازآبادی	۱۱۶۲
۲۳	غنی زاده نادری	۱۰۳۴	۴۴	شیخ بابا نعمة‌الله	۹۰۲
۲۴	اخ‌ی زاده یوسف بن جنید توقادی	۹۰۵	۴۵	عثمان کاجخی	۱۱۷۱
۲۵	ملا عوض علائیه‌وی	۹۹۴	۴۶	محمود بن نورالله روشنی	
۲۶	ملا خسرو	۸۸۶			

تعلیقات

۱-	بستان افندی المتوفی	۹۷۷	۶	آقره‌وی زکریا افندی	۱۰۰۱
۲	محمد بن مصطفی افندی	۹۷۱	۷	محمد امین بن صدرالدین شروانی	۱۰۳۶
۳	نصرالله رومی المناستری	۹۷۶	۸	هدایة الله علائیه‌وی	۱۰۳۹
۴	شیخ محی‌الدین محمد اسکلیبی	۹۲۲	۹	محمد الحادمی	۱۱۷۶
۵	محی‌الدین محمد الشهبز باخوین	۹۰۴	۱۰	عمر پیاسی	

۹۸۶	۱۹	رمضان زاده احمد چلی	۱۱۸۵	عبدالغفور المعروف بابیب آمدی
۹۷۶	۲۰	امام زاده محمد استانبولی	۱۰۵۲	محمد نیکساری
۱۰۸۰	۲۱	قدوسی عبدالرحمن مغنساوی		۱۳ سید عبدالله سیواسی
۱۲۰۲	۲۲	غزنی زاده شیخ مصطفی نسیب	۱۲۹۴	۱۴ حسن فهمی افندی
		بروسه‌وی	۹۴۲	۱۵ محی الدین محمد قره باغی
۱۰۶۵	۲۳	نورالله شیروانی	۱۱۸۳	۱۶ آلتونی چوق زاده حاجی عبدالله
۱۱۶۱	۲۴	عبدالرحمن رحیمی بروسه‌وی	۹۷۱	۱۷ خیره بولیلی صیامی
۱۱۷۷	۲۵	مفتی ارضروم حاذق محمد افندی	۱۰۵۷	۱۸ شیخ زاده محمد وارداری

تراجم احوالی بواثرده مذکور ذواتن باشقه علمای عثمانیه ایچنده تفسیر و حاشیه یازان ذوات کرامدن بعضیلری :

- ۱ — (تفسیر شیخ اسماعیل) استرومجه‌وی المتوفی ۱۱۱۰ تقریباً تفسیر مواکب طرزنده تورکجه بر جلد کبیر بر تفسیردر. اوسترومجه کنارنده کی تره‌سندنه منظور عاجزی اولدی .
 - ۲ — (حاشیه علی تفسیر کشاف) قاضی سلانیک حامد بن مصطفی .
 - ۳ — (تفسیر جامع الاسرار) شیخ عبدالمحسن بن سلیمان کورانی فی عصر سلطان مراد رابع . بر نسخه‌سی کتبخانه عمومی واردر .
 - ۴ — (حاشیه علی مختصر الکشاف المسمی بتوضیح مشکلات الثقیب) علی بن عمر ارزنجانی .
 - ۵ — تفسیر سلانیکی علی بن ولی : (حسین کاشفی) نک تفسیرینک توسیعاً ترجمه سیدر . تاریخ ترجمه (۹۵۲) در .
- بر نسخه‌سی اینه کولده اسحق پاشا کتبخانه‌سندنه منظوم اولدی :

شاه محمد به احمد

فضالادن و تفسیر قاضی به تعلیقات یازانلردن مناسترلی نصرالله رومی تلامیذدن اولوب مناسترلیدر . (۱۰۵۲) تاریخنده مناسترده ارتحال ایلدی . (منتهی الانهر فی شرح ملتقی البحار) ، (شرح بدایع الصنایع فی ترتیب الشرایع) اسملرنده آناری اولدینی (کشف الظنون) ذیلی (آثارنو) ده مذکوردر . علوم عربیه‌یه دائر بعض تعلیقاتی ده واردر . آناری غیر مطبوعدر .

خط دستتله محرر ملتقی شرحی طرف عاجزیدن مناستر کتبخانه‌سنه وقف ایدلمشدر . (تاویلات نجمیه) شهرتیه بنام اولان (بحر الحقایق) اسمنده کی تفسیر شریفک خلاصه‌سنی ده (نهر الدقایق) اسمیه تورکجه‌یه ترجمه ایتمشدر که بر نسخه‌سی (خالص) افندی کتبخانه‌سندنه موجوددر .

شعبانہ افندی « مؤذنہ زادہ ابوبی »

فاضل برذات اولوب (ایوب سلطان) محله‌سنددر . فاضل احمد پاشا نامنه تفسیری واردر .
(۱۰۹۹) ده وفات ایده‌رک ایوبه دفن ایدیلدی .

شهاب کردی

افاضلن لسان تحقیق وتصوفده واقف بر ذاتدر .
(تحقیق‌التکلیف علی مشرب اهل‌الکشف والشهود) ، (تنبیه‌العقول علی تنزیه‌الصوفیه) ،
(جلاء‌الانظار بتحریر الجبر والاختیار) اسم‌نژنده آثار محققانه‌سی واردر . برنجی‌اثرینی (۱۰۹۱) ده
تألیف ایتمشدر .

شریف محمد افندی « شیخ‌الاسلام — استانبولی »

فاضل بر ذات اولوب شیخ‌الاسلام اسعد افندینک مخدومیدر . (خلاصه‌التبیین فی تفسیر
سورة یس) ایله السنه‌ثلثه‌ده‌کی اشعارینی حاوی دیوانیله منتخبات اشعاره دأثر (لطائف‌الکمال)
اسم‌نده بر مجموعه‌سی و (فصول الآراء فی شان‌الملوک والوزراء) عنوانلی دیگر برآثری واردر .
(۱۰۲۴) تاریخنده وفات ایده‌رک (سلطان‌سلیم) ده جدی اسماعیل افندی جامعی حظیره‌سنه
دفن ایدیلدی .

اشعار فارسیه‌سندن :

حق علیمست ندانی بحقیقت احکام	چون تحقیق در افلاک مقوم باشی
عالم‌الغیب خداوند حکیمست همان	سخت کذب بود کز تو منجم باشی

شوقی احمد افندی

فضلاذن برذات اولوب کنیه‌سی (احمد شوقی‌بن عبدالله) در . (۱۲۲۴) تاریخنده ارتحال
ایله‌دی .

آثارندن :

(حاشیه علی الفزاری) ایله تورکجه فقه‌دن (نجاه المصلی) مطبوع؛ آداب‌دن تألیف ایتدیکی متنیه شرحی غیر مطبوعدر .

شمعی محمد افندی «کوستندیلی»

عالم ، شاعر ، خطاط برزات اولوب مدت مدیده کوستندیل مفتیلکننده بولومشدر .
(۱۲۷۲) ده ارتحال ایله دی .

آثاری غیر مطبوع اولوب بونلردر :

(مرتب دیوان ، تحفه الخطاطین) ایله فضائل جهاده متعلق ترکی العبارة مفصل (رایات النصر والارشاد) در .

علم خطی (۱۲۶۰) ده ارتحال ایدن خطاط شهر (اسماعیل زهدی) دن تعلیم ایتمشدر .
(تحفه الخطاطین) ی اوچ قطعه (۱۸) سطر اوزره مرتبدر . برنسخه سی فضالادن
بغدادی اسماعیل باشانک کتبخانه سنده واردر .

ترجمه حالی مشایخ فصلنده مذکور (نورالدین زاده) خلفاسندن (ترحاله) لی (علاءالدین کاملی)
افندی‌نکده قرق باب اوزره مرتب (عجالة فصول اربعین فی اصول الدین) اسمیله فضائل جهاده
دائر تورکجه برائری واردر .

شهری صباع‌الدینه علی افندی «بالیکسری»

فضلا و عرفادن برزات اولوب درسعادتده مشاهیر علمادن (آق شهر) لی عمر افندی‌دن
اکمال تحصیلدن سوکره وطنی اولان (بالیکسر) ده وظیفه افتا و تدریس ایله مشغول اوله رق
(۱۲۸۵) تاریخنده ارتحال ایتدی . (دارالنافعه) اسمیله بنا کرده سی اولان مدرسه ده مدفوندر .
آثار خیره سندن بر کتبخانه سی و علم لغتدن برائریله بر مقدمه یدی باب اوزره مرتب
(کاشفه) اسمنده تصوفدن برتألیفی واردر .

شوکت مصطفی افندی «استانبولی»

فضالادن مدقق برزات اولوب (شهری) در . طیب میرآلایلرندن مترجم صالح رفقی

بکک اوغلیدر . حلقه تدریسنده یتیشن تلامیذینه اجازه ویره جکی صیرهده یعنی (۱۲۹۱ - ۱۲۹۲) تاریخنده کی رحلتی جمله سنی داغدار ایله دی . ادرنه قپوسی خارچنده ودینی مرحوم قبرینه یقین دفن اولوندی . حین وفاتنده اوتوز سکیز یاشنده ایدی .

مؤلفاتی :

علی العموم تدریس ایتدیکی فنونه دائر حواشی وتعلیقاتی ایله علم حقنده کی رساله سی در .
تقریراتندن حصوله کلن (مجموعه الفوائد) ایله (حاشیه علی شرح اصول حدیث لداود قارصی)
و (تعلیقات علی شرح العلاقة لحافظ سید) اخیراً طبع ایدیلدی .
محققانه تدریس خصوصنده زماننک فریدی اولدیغنی قدرشناسان علما تسلیم ایتمشلردر .
طبیعت شعریه سی ده اولوب مشاهیر فضلا دن قرین آبادی عبدالرحمن افندی مرحومک سنک مزارنده
کوریلن تاریخ سلیس فاضل مشار الیهک محصول طبع عارفانه لریدر . عدلیه نظارتی مستشارلغده
وفات ایدن متوفی واحان افندی دن احکام عدلیه اعضالغنده بولون دقلری صرهده رفاقت وسیله سیله
فرانسزجه لسانی ده تحصیل ایله مشلردر .

معبانه لایم افندی «آمری»

افاضل دن ذوقنون برذات اولوب (آمد - دیار بکر) لیدر . صوک اجازه سی مصر اعظم
علماسندن (ابراهیم باجوری) دندر . تدریس وتالیف ایله مملکتنده امرار حیات ایدهرک
(۱۳۰۱) ده ارتحال ایله دی . طبیعت شعریه سی علم خط وموسیقی یه ده انتسابی واردر . ترجمه
حالی مشایخ فصلنده مذکور (عبدالرحمن طالبانی) حضر تارندن مستخلفدر .

تاری :

مولد (مطبوع) .

دیگر مولد (غیر مطبوع) .

مباحث حضرت عینی ودجال (عربی در) .

منشآت .

رد پروتستان .

دیوان (مطبوع) .

فاتح مشکلات (۱۸) مباحثی مشتمل اولوب برنسخه سی سلطان عبدالعزیزه تقدیم اولونمشدر) .

قصیده قیصیه .

شریف افندی «محمد شریف افندی»

فضلاڊن قرآ وحمله قرآڊن برذات اولوب (کوتاهیه) مفتیسی (عبدالله صدق) افڊینک نخدمیدر. ترجمه حالی سبق ایدن (حافظ محمود وارداری) نک (ترتیب زیبا) سی طرزنده وساده جه (مفتاح التفاسیر) اسمیله معروف و مطبوع اولان اثرنده آیات قرآنیہی حروف هجا اوزره ترتیب ایدہ رک هر آیتک هانکی جزء و صحیفه ده اولدیغنی و بین العلما متداول و مطبوع اولان تفاسیردن یدی تفسیرک هانکی جلد و صحیفه سنده بولوندیغنی مین (مصباح الايات الجلیلة الفرقانیة و مفتاح التفاسیر الجلیلة القرآنیة) نامیله بر اثر قیمته دار تألیف ایله مشدر.

آثار سائرده سی کوروله مدی. (۱۳۰۸) تاریخده (حجاز) ده ارتحال ایله دی. پدری (عبدالله) افڊینک ده (مفتاح البخاری) سی ایله بواثرک تکمله سی اولوق اوزه (الفيض الجاری علی ریاض جامع احادیث الصحیح و ابوابه و کتبه الآلی) اسمنده بر تألیفی اولدیغنی کبی جدی (عبدالباقي) افڊینک ده (تلویح حاشیه سی، اسماء حسنی شرحی، سراج المصلی شرحی) واردر.

شاکر احمد افندی «مافظ - استانبولی»

علوم عربیه ده زماننک یکنه لرندن معدود برفاضل اولوب شهریدر. مشاهیر فضلاڊن روسجقلی شیخ مصطفی افڊیله صدر اسبق شیروانی زاده رشدی پاشا و خواجه بنام حافظ غالب افڊینک درس لرینه مداومه تکمیل ایتمشدر.

متأخرین علمای عثمانیه ایچنده اک زیاده نشر علمه مظهر اولان برذاتدر. برنجیسنده اوچوزره قریب ایکنجیسنده یوزاللیی متجاوز اوچنجیسنده سلطان سلیم جامعنده قاضی میردن باشلایه رق الی آلتش طلبه علومه اجازه نامه اعطاسنه موفق اولدی. فاتح عسکری رشدیسنده وفاتنه قدر عربی اوقوتدی.

بو حهتله اکثر زمانلری تدریس ایله کچدیکندن تألیف آثاره وقت بوله مامشلردر. صرب محاربه سنده اوچنجی علمیه طابوری بیکباشیلغیله حربه اشتراک ایدہ رک عکس انچک جمعیه مصادف یوم فتحنده اورانک اک بویوک کلیسا سنده کرسی به چیقوب نام خلیفه به خطبه اوقومغه موفق اولمشدر.

طلبه سندن برچوق قاضی و آلائی مفتیسی، معلم، مدرس واردر. علم اصول فقهدن (مرآت) ک بعض مسائلنک حمله دائر تعلیقائی، علم نخودن مطبوع (تبصرة

الطلاب فی الاعراب) رساله‌سی وتلامیذی طرفلرندن ضبط وقیداولنان تقریرات علمیہ‌سی وارددر.
(۱۳۱۵) ده وفات ایدہ رک (فتیح) جامع شریفی حظیرہ سنہ دفن ایدیلدی .

« ص »

صاری یعقوب « قرہ دانی »

چلبی سلطان محمد دوری افاضل علماسندن واصحاب احوالندن بر ذات اولوب (قرہ مان) لیدر.
(رسالہ مناسک حج) ایله (انا لنصر رسلنا) و (یقتلون النبین بغیر حق) آیت کریمہ لرینک
بیننده صورتا کوریلن تناقضی مفصلاً ایضاح یولنده قلمہ آلدقاری اثر فاضلانہ جملہ مؤلفاتنددر.
(قونیہ) ده ناملرینہ منسوب مسجد حظیرہ سنده مدفوندر. قرہ یعقوب ایله برابر ملا فاریدن
استفاده ایله مشلردی .

صاری کرز نورالدین افندری « بالیکری »

ناطق بالحق فقیه محدث بر ذات اولوب (قرہ سی) دندر . بروسه لی خواجه زاده ایله سنان
پاشادن تلذ ایله دی . سلطان سلیم اول زماننده قاضی عسکرلک رتبه سنہ نائل اولمش ایدی .
فقهدن مختارات مسائلی جامع (مرتضی) اسمنده بر متن متینی وقرہ سیدی حمیدینک استله سنہ
اجوبه سی وارددر . وفاتی (۹۲۷) ده، قبری استانبولده فاتح جوارنده (یایلا) جامعی قربنده کی
مکتب حظیرہ سنده در .

مؤلفاتی: (حاشیہ شرح مفتاح)، (حاشیہ شرح مواقف)، (تعلیقات علی الهدایة)، (رسالہ قلمیہ) در.
حلب قاضیسی ایکن (۹۹۰) ده وفات ایدن حفیدی (محمد افندی) ده فضلاذن بر ذاتدر .
صاری توپلی قیصه بویلی وماجم اولدیغیچون زماننده (صاری کرز) شهرتیه بنام اولمشدر.

صردره زاره غنبل به حاجی محمد افندری « استانبولی »

زمره قضاتدن فاضل بر ذات اولوب شهریدر. (۱۰۹۵) ده (مغنیسا) قاضیسی ایکن وفات
ایله دی . (طبقات حنفیه) سی (عروض اندلسی) شرحی اولدیغی ذیل شقایق عشاقی ده مد کورددر.
طبقات حنفیه سی ایکی در. بریسی (قطلوبغا) نک (تاج التراجم) نک تلخیصی اولان (تحفة التراجم) در.

دیگری ده بونک مفصلیدر . هر ایکسینکده خط دستیه محرر نسخهلری ولی الدین افندی ده واردر .

صادره محمد افندی « ساقزی »

فضلاى قضاتدن برذاتدر . (۱۰۹۹) ده ارتحال ایتدی . آثارى (صرة الفتاوى)، (بدایع الصکوک)، (نوادر الفقهیه فی مذهب الأئمة الحنفیه) اولوب صوک اثرینی قدس شریف قاضیسی ایکن تألیف ایله دی .

(۱۱۳۴) ده (الفیض الارحم فی شرح الحزب الاعظم) ی تألیف ایله ی (ابراهیم) افندی ده سافزدن نشأت ایدن علمادندر . بو ذات منظومه شاهدی بی ده شرح ایتشددر . ساقز مقتیلرندن (حسین حسنی) افدینکده ایمان ابوین رسوله دائر رساله سیله قصیده منفرجه شرحی واردر .

صادره افندی « صدرالدینه شیروانی زاده شیخ الاسلام محمد صاده افندی »

دفعاتله مسند مشیخی احراز ایدن فضلا وارباب تقوادن برذات اولوب مشاهیر علمادن صدرالدین شیروانی احفادندندر . (۱۱۲۱) تاریخنده ارتحال ایده رک (فندقلی) جامع شریفی حظیره سنه دفن ایدلدی . مسلك قویم تصوفه انتسابی وبر خیلی آثارى واردر . آثارى غیر مطبوع اولوب بعضیلری بروجه آتیدر :

رساله عقائد .

رساله فی بیان ان النبوة افضل من الولاية .

رساله فی بیان اقسام الذکر .

رساله موجزه فی بیان المصاحفه .

رساله مرغوبه فی التصوف .

رساله فی التصلیه والترضیه .

رساله فی بیان فضیلة الذکر الحنفی علی الجمهوری .

رساله فی اثبات الصانع .

رسالهٔ منتخبه من اغاثة اللفغان فی مکاید الشیطان .

رسالهٔ نفی الشریکه .

وسائره .

صوبیجی لی محمد افندی

زمرهٔ مؤلفیندن بر ذات اولوب آیدین نواحیسنندن صوبیجی لیدر . ناحیهٔ مذکوره قراسندن (دده) قریه سنده مدفوندر .

(شرح الاظهار المسمی بفتح الاسرار)، (شرح مقصود)، (شرح کفایة المبتدی) کبی آثاری اولدیغی قره باش زادهٔ ازمیرینک اثرنده محرردر . سنک مزارنده محرر عبارده بوجه آتی در :

زیارتدن مراد اولان دعا

بوکون بکا ایسه یارین سکادر

مرحوم ومغفور شیخ محمد افندی روحنه فاتحه سنه ۱۲۶۱

صوبیجی محمد مصطفی افندی « قیصری »

مظنه دن وعلمای عاملیدن بر ذات اولوب (قیصری) لیدر . اصول فقه قواعدینه تطبیقاً (مروحه) اسمنده کی مفصل (ملتی) شرحی آثارینک مشهوریدر . سنه لرحه صوابچمه دیکی مرویدر . (۱۱۷۰) ده مملکتنده ارتحال ایدهرک (سید برهان الدین) جوارینه دفن ایدیلدی .

صادق افندی « فواهم — پراوادی »

بلغارستانک (پراوادی) قصبه سندن اولوب تحصیل وتفیضی درس عادتده در . بوغاز ایچنده (صاری یار) ده اختیار اقامت ایتدیکی ایچون صاری یارلی شهرتیه بنام ایدی . فنون الهیه وعلمیه ده لسلان فارسی ده علی الخصوص علم حدیث وتفسیرده صاحب اختصاص ادیب ، نکته پرور بر ذاتدر .

آثار علمیه و ادبیه لرندن سور شریفه دن بعضلرینه تفسیری حدیث اربعین شرحی (۱۰۰۱) کلام ، (بحریه) اسمنده برر رساله سی ، (مناجات) نامنده بر رساله عارفانه سی یوسف پاشا مرحومک تلماق ترجمه سنه نظیره سی واردر . منقياً درت سنه عکاده بولونقدن صوکر استانبوله عودتلرخی متعاقب (۱۲۹۰) تاریخنده ارتحال ایده رک بکقوز جوارنده (یوشع) طاغنک بوغاز جهنده کی شهیدک تپه سنه دفن ایدیلدی . بعضاً ظاهرینانه قارشی زهد بارد اصحابندن کورونمک معتادندن ایدی .

طریقه نقشبندی خالیدر . علوم عربیه یی (مزلف شهری احمد) افدیدن اخذ ایتشدرد . عرب ، تورک ، فارسی ، لسانلرینه بحق واقف اولدینی کبی فرانسزجه و روجه یه ده آشنا ایدی .

صاریلری محمد افندی «المالی»

عصر اخیر فضلاسندن برذات اولوب قونیه ولایتی داخلنده کی المالی قضاسنک (صاریلر) قریه سندندر .

(۱۲۷۸) تاریخنده (المالی) ده ارتحال ایله دی .

آثاری :

(شرح استعاره جدیده) علوم سیاسیه دن (ناموس اعظام) اسمیله متن و شرح علم مناظره دن (مظهر معالم علی مفتاح مکالم) اسمیله متن و شرح علم وضعدن (قاضی عضد) رساله سنه (مشربه الامیون) اسمیله شرحدر .
(۸۹۳) ده سلطان بایزید ثانی نامه فقهدهن مشهور (کنز الدقایق) ی (عیون الحقایق) اسمیله شرح ایدن (بالی بن عیسی فقیه) ده (المالی) دن یتیشن فضلا دندر .

صاری ابراهیم افندی «آیمینی»

اوده میشلی چاقر احمدزاده مرحومک البنام مجازلرندن اولوب (آیدین یکی بازار) ندن در . (اوده مش) ده اکمال تحصیلدن صوکر آیدینده نشر واقفا ایله امرار حیات ایله دی .
(۱۳۱۲) تاریخنده ایفای حج شریفدن صوکر (مدینه منوره) یه برقوناق مسافده واقع (بئر الماشی) نام محله رحمت رحمانه مقارن اولدی . دو قوز دفعه اعطای اجازه یه موفق اولان افاضلندرد .

(جلال وامكان كلنبوى) لرینه (عقائد عصامی) نه تعلیقاتیله تورجكه (استعاره) رساله‌سی واردركه جمله‌سی غیر مطبوعدر .

« ض »

ضحی مصطفی افندی

قضاتدن وعلم فقه متخصصلرندن فاضل وادیب برذات اولوب (سیروز) لیدر . (عدنی مأوا ایده ضحی‌یه اله) مصراعنك ناطق اولدینی (۱۰۹۰) تاریخنده استانبولده ارتحال ایله‌دی . شیخ وفا قربنده‌کی ملاکورانی جامع شریقی حظیره‌سنده مدفوندر .
آنارندن خط دستیه محرر (لوازم القضاة والحکام) ایله (مطلوب الفقهاء ومرغوب انبهاء) اسملرنده‌کی اثرلری (قره مصطفی پاشا) کتبخانه‌سنده در .
(جامع العیوب) نامنده اثریه قواعد انشادن باحث منشائی‌ده وارددر .

ضیاء‌الدیبه به علی «آبرونانی»

فضلادن برذات اولوب (بانیه) ولایتی داخلنده (چاملق) تطامه‌سی قصباتندن آیدوناتلیدر . اصحاب کرامك تعریفات وفضائلنه دائر (۱۱۱۲) تاریخنده مؤلف رساله‌سی وارددر .

ضیا افندی «ارلبازاره احمد ضیاء‌الدیبه افندی»

زمانمز علما‌سندن غیور برذات اولوب (قسطمون) لیدر . (۱۳۳۳) تاریخنده مملکتنده حجة ارتحال ایتدی .
آثار مطبوعه‌سی :
(۱) خلاصة الافکار (مختصر منار شرحیدر) .
(۲) وسیلة السعادة (مختصر تجویددر) .
(۳) و وسیلة النجات (رتبی لطیف قیمت علمیه‌ینی حائر بر علم حال اولوب سنه لرجه عسکری رشدیله‌رنده تدریس ایدیله‌رك شاگردانك استفاده‌لرینی موجب اولمشدی) .

(ط)

طرسوسى قاضى نجم الدين افندى

كبار علماء ومصنفين بر ذات اولد قلرينه آثار فاضلانلرى شاهددر . رحلتلى (٧٥٨) تاريخندهدر .

مؤلفاتى : (اشارات فى ضبط المشكلات) ، (الاعلام بمصطلح الشهود والحكام) ، (تحفة الترك فيما يجب ان يعمل فى الملك) ، (رافع الكلفة عن الاخوان فيما تقدم فيه القياس على الاستحسان) ، (فتاوى طرسوسيه) ، (الفوائد الفقهيه) ، (سراج الوهاج) ، (مناسك طرسوسى) ، (وفيات الاعيان من مذهب ابى حنيفة النعمان) وسائرهدر .

طاسه كورى زاده احمد افندى

اسمى احمد، كنيه سى ابوالخير، مسقط رأسى (بروسه) وفاتى (٩٦١) ده اولوب فاتح جوارنده عاشق پاشا محله سنده مدفوندر . اكثر علومده باخصوص تفسير معانى وكلام وتراجم احوالده كالى مسلم اناى ايدى .

دقايق ادبيات عربيه ووقولرينده آثار شعريه لرى شاهددر . مؤلفات فاضلانلرينك باشليجه لرى (شقايق نعمانيه) [١] ، (صورة الخلاص فى الاخلاص) ، (الرسالة الجامعة لوصف العلوم النافعة) ، (مسالك الخلاص فى مهالك الخواص) ، (مفتاح الاعراب) ، (الجامع فى المنطق) ، (المعالم فى علم الكلام) ، (رسالة فى تفسير آية الوضوء) ، (القواعد الجمليات فى تحقيق مباحث الكليات) ، (فتح الامر المغلق فى مسئلة المجهول المطلق) ، (اضل المواهب فى معرفة وجوب الواجب) ، (فن وشرح فى الفرائض) ، (شرح على عوامل المائة لعبد القاهر الجرجانى) ، (شرح ديباجة الهداية) ، (حاشيه من اول شرح المفتاح لسيد شريف جرجانى) ، (حاشيه على حاشية الكشف للسيد شريف) ، (شرح حديث اربعين) ، (شرح الفوائد الغياثيه) ، (رسالة التعريف والاعلام فى حل مشكلات التام) ، (حاشيه على حاشية التيجريد للسيد شريف من اول الكتاب الى مباحث الماهية) ، (شرح ديباجة الطوالع) ، (مختصر فى علم النحو) ،

[١] (اسمى الشقايق النعمانيه فى علماء الدولة العثمانيه) اولوب آلتى يوزه قريب مشايخ علماء وادبانك تراجم احوالندن باخنددر . بو اثر ك ترجمه سيلاه ذيللرينه دائر تفصيلات ايجون مورخين فصلى نهايته مراجعت ميوزيله .

(نوادر الاخبار فی مناقب الاخیار)، (شرح اخلاق عضدیہ) . اشهر مؤلفاتندن بری ده (مفتاح السعاده ومصباح السیاده) درکه مخدومی طرفندن (موضوعات العلوم) اسمیلہ ترجمہ ایدلش موخر آکندی طرفندن ده (مدینۃ العلوم) اسمیلہ تلخیص اولونمشدر .
(کتاب الشفافی ذواء الوبا) اسمندہ کی اثری مصرده طبع اولونمشدر .

آثار مهمہ سندن بری ده (نوادر الاخبار فی مناقب الاخیار) اسمندہ کی تراجم احوالہ متعلق اثر کیری درکہ برنسخہ سی ولی الدین افندی وراغب پاشا کتبخانہ لرندہ موجوددر . اوچ فصل اوزره مرتب اولان بو اثرک مندرجاتی :

- | | |
|--------|----------------------------------|
| { در . | (فصل اول) صحابه وعباد |
| | (فصل ثانی) اصحاب الاجتهاد |
| | (فصل ثالث) حکما واطبا و منجمین |

طاسہ کوپری زاده محمد کمال البرہہ افندی

سابق الترجمہ طاش کوپری زاده احمد افندینک مخدوم فضائلوسوملری اولوب پدر عالیلری ایله مولانا ابوالسعود کی استاذہ دن اکیال تحصیل دن صوکر مسلاک قضایہ سالک اوله رق (۱۰۳۰) ده قرہ چاپی زاده یرینه صدرالعلما اولمشلردی . سنہ مزبورہ خلانندہ سلطان عثمان ثانی معیتله لهستان سفرینه کیدرکن (ایساقی - اسحاقی) ده رحلت ایتدیکندن نعلشیری استانبولہ نقل اولونہ رق عاشق پاشا جامعی حظیرہ سنہ ویدری یاننہ دفن ایدلدی .

مؤلفاتی : (ترجمہ موضوعات العلوم)، (ترجمہ رسالہ حسین واعظ)، (ترجمہ تاریخ قحط مصر)، ایله سلطان عثمان خانک امریلہ یازدینی (مشورشہنامہ) و (ہدایہ) نک مسائلنی علمدن تجرید ایدہ رک یازدینی (عدۃ) اسمندہ کی اثری ووافق تفک بعض رسائلی و (برہ) قصیدہ عربیہ سنہ تخمینی (تاریخ صاف) و (تحفۃ الاحباب) اسمندہ کی مطبوع تاریخچہ سی وکال مخلصیلہ بعض اشعاری واردر .

تاریخ صاف اوچ باب اوزره مرتب اولوب (۱) آل عثمان (۲) آل عباس (۳) ملوک متفرقہ وبعض حکایات غریبہ دن باخدر .

موضوعات العلوم اقدام مطبعہ سی ہمتیلہ ایکی جلد اوزره طبع اولوندی لسان عثمانی ده علم احوال کتبہ دائر یازیلان آثارک مهملرندندر .

ابو نعیم اصفہانی نک جملہ آثار فاضلانہ سندن اولوب (۳۵۰۰) صحابی نک تراجم احوالی جامع

بولتان (کتاب الاستیعاب فی معرفة الاصحاب) اسمندہ کی اثر جسیمک ترجمہ سنہ سلطان احمد خان اول امریلہ امام سلطانی مصطفیٰ اقدینک باشلا یو بدہ عمرینک عدم وفات سنہ مبنی حرف خادہ نا تمام قالان اثر مذکورى صاحب ترجمہ کمال الدین اقدی اکالہ باشلامشہدہ سلطان مشارالہک وفاتیلہ ناقص قالمشدر . مصطفیٰ اقدینک ترجمہ ایتدیکی قسمینک برنسخہ سی نور عثمانی کتب خانہ سندہ واردر .

(عدة) علم فقہدہ کی اختصاصک برہانی اولوب برنسخہ سی (بشیر آغا) کتب خانہ سندہ در . اسمی (عدة اصحاب البدایة والنهاية فی تجرید مسائل الهدایة) در . قحط مصر تاریخچہ سنک بر نسخہ سی ولی الدین اقدی کتب خانہ سندہ در .

طرسوسہ زادہ عبدالہ فیضی افندی « استانبولی »

فضلاى ابدادن ومشاہیر خطاطیندن بر ذات اولوب اسکدار نیابتدن معزول ایکن « قیلدی عبداللہ افندی یرینی داربقا » مصرعینک دلالتی اولان (۱۰۱۹) دہ استانبول دہ وفات ایلہ دی . قاتح جوارندہ قاضی چشمہ سی قربندہ عابد چلبی مسجدی حظیرہ سندہ مدفوندر . آثارى : (حاشیہ علی شرح الفتاح) ، (حاشیہ علی شرح الهدایة) ، (رسالہ فی بیان معجزات انبیا) ، (دیوان) ، (رسالہ قلمیہ) ، (رسالہ فتح الالغاز) ، (حاشیہ علی الجامی) ، (تحفۃ الحسنا فی الشرح علی مائۃ حدیث من مشارق الانوار) در . السنۃ ثلاثہ انشا ونظمہ مقتدر وبخصیص فن معمادہ مہر ایدی . خط جلی وتعلیق دہ مہارتی واردر . مطولک بعض مباحثہ دائر سکیز مفتاح شرحک مباحثہ عائد اون بش رسالہ سنی حاوی آیاصوفیہ کتب خانہ سندہ بر مجموعہ سی واردر .

طرسوسى محمد افندی « مفتی »

فضلاى بنامدن بر ذاتدر . (۱۱۴۵) دہ طرسوسدہ ارتحال ایتدی . علم اصول فقہدن مشہور (مرآة) د مکمل بر حاشیہ سی واردر . بوندن باشقہ (۲۴) فندن باحث (انموذج) اسمندہ (۱۲۷۵) تاریخندہ باصیلمش بر اثر عربیسی دہ واردر . منطقدن (رسالۃ الاستدلایہ) وسائرہ مؤلفی عثمان اقدی دہ (طرسوس) دن یتیشن علمادندر .

طریقہی سید مصطفیٰ افندی « طریقہی امیر »

فضلاذن برذات اولوب (چوروم) سنجانی ملحقانندن (عثمانجق) لیدر. (کوپرو) مفتیسی
ایکن (۱۱۴۳) تاریخنده وفات ایله دی .
مؤلفاتی : (روح الصلوة)، (المجالس الزهراء فی خدمة الشریعة الغراء)، (ترجہ طریقت محمدیه)،
(حاشیة عقائد نسفیة)، (شرح عقائد عضدیة)، (شرح رساله حمزه افندی فی حق البیع والشرایع
المسمى بتبیین الحرام) وسائرہ در .

طراسی علی افندی

علوم عربیہ نك باخصوص فقه شعبہ سنده صاحب اختصاص برذات اولوب (طواس) قضا سنك
مرکزی اولان (باران کومه) قصبہ سنہ بر ساعت مسافہ ده واقع (اوزون بونار) قریہ سندن در .
(مجمع النقول عن العلماء الفحول) اسمنده بر جلد کبیر اوزره مرتب عربی العبارة منقولاتی محرر
تورکجه فتاوا سنك برر نسخہ لری طواس مفتیسی افندی ایله (قلعة طواس) ده منظورم اولدی .
« اوزون بونار » ده زیارت ایتدیکم سنك مزارنده یازی یوقدر . انجق فتاوا سنك (۱۱۶۱) تاریخنده
یازیلدیغنه کوره او تاریخ رجائندن اولدیغی آکلاشیلیور .

طاہر محمد افندی « دلاہ زاری »

فضلائی قضا تندن برذاتدر . (۱۲۰۴) تاریخنده در سعادته ارتحال ایله دی .

آثاری :

(شرح قصیدہ نونیه ، میزان المقیم فی معرفة القسطاس المستقیم ، دفع اعتراض راغب فی حق
الفصوص) وسائرہ در .
اکابر امتدن بعض ذواتک اقوالک شرح لری حای اولان مجموعه سی عاشر افندی
کتبخانه سنده در که مندرجاتی بروجه آتیدر :
جواهر الزاهرة (شرح کلام غزالی) .
یا قوتہ الحمراء (شرح کلام امام ابو منصور ماتریدی) .
• الخضراء (شرح کلام برکوی) .
• زمردہ (شرح کلام عبدالقادر کیلانی) .

درة الزهراء (شرح حزب البحر) .
الکوکب الدرّی (شرح کلام ابن مشیش) .
(لاله زار) در سعادته فاتح جوارنده بر محله در .

طاہر زاده حسین افندی

علمای اعلامدن بر ذات اولوب قره عثمان زاده لر طرفندن (تیره) دن (مغنیسا) یه جلب ایدلمشدر . الی آخر العمر مغنیساده نشر علمله مشغول اولدی . (۱۲۱۴) تاریخنده ارتحال ایدهرک (پاشامزارلغی) دینلن قبرستانه دفن ایدلدی . (جلال حاشیه سی) ، (قاضی اوزرینه عم حاشیه سی) ، (مختصر منتهی حاشیه سی) (قاضی میر حاشیه سی) وسائر کبی آثار علمیہ سی واردر . حواشی مذکورہ (مغنیسا) ده (مسلم جامعی) مدرسه سی کتبخانه سنده واردر .

طاہر افندی «قاضی زاده — شیخ الاسلام»

مسند مشیختی احراز ایدن فضالان بر ذات اولوب قضاتدن (توقاتلی) عمر افندینک مخدومیدر . (۱۲۵۴) ده ارتحال ایله دی . ایوبده بوستان اسکله سی مقبره سنده مدفوندر . (مجموعۃ الفتاوی) ، (شرح کلمۃ التوحید) ، (نوریہ) ، (تفسیر سورۃ اخلاص) اسمارنده آناری (طلاق) حقندہ رساله سی واردر .
مسلك قویم تصوفده منتسب ایدی .
(۱۲۴۲) تاریخنده یکچیری اوجاغنک الغاسنه دائر فتوی ویرن بو ذاتدر .
آلتی مرمر جوارنده کوچوک حمام اتصالنده کی قادری درکاهی احیا کرده سیدر .

طہ افندی «کرانی»

مشایخ نقشبندیہ فضالاسندن بر ذات اولوب مولداً (بغداد) لیدر . موصل ناہی ایکن (۱۳۰۱) تاریخنده ارتحال ایله دی .
آناری :

(شرح تہذیب المنطق) ، (رسالہ فقہیہ علی مذهب الشافعی) ، (ردالنصاری) ، (اللاّٰلی المنضدہ — مکاتیب عربیہ) ، (شرح تہذیب الکلام — ہدی الناظرین) ، (شرح منار) وسائرہ در .

(منار) متنی اولاً نظم ایدوب بعده شرح ایتشدرکه (نظم و شرح مختصر المنار) اسمیله مطبوعدر .

« ع »

عبدالرحمن قیصری

سلطان اورخان غازی دوری فضلاسندن اولوب اولاً مملکتده بعده سوریهده اكمال تحصیلدن صوکر و وطنه معاودتله نشر علومه همت ایلهدی . (۷۵۵) ده (قیصری) ده ارتحال ایتدی . مؤلفاتی : (متن و شرح منظومه فرائض) ، (شرح عروض اندلسی) ، (حاشیه غایة البیان) ، (رساله فی الفقه) در .

(عاشر افندی) کتبخانهسنده ادبیاتدن (شرح التجدیات) اسمنده بر اثری ده وارددر .

عمر و هیله الیه به عبدالرحمن ارزنجانی

زمره مصنفیدن بر ذات اولوب مولداً (قارص) لیدر . ماوراءالنهره یکدهرک فقیه شهر صدر الشریعهدن اكمال تحصیل ایتدی . علم حدیثدن مشهور (مشارق الانوار) ی (حدائق الازهار) اسمیله شرح ایتدیکی کبی علم اصول فقهدن (کشف بزدوی) یی ده شرح ایتشدرکه هریکیسی ده اوعلاملرده اولان اختصاصه دالدر . (تبیین المعارف) اسمنده رساله سی ده وارددر . (۷۴۳) ده ارتحال ایتشدر . مخدومی (شرف الدین محمد) ده فضلادن بر ذات اولوب آماسیهده مدفوندر . پدرینکده آماسیهده مدفون اولماسی مأمولدر . (کشف) شرخک برنسخه سی ادرنهده سلطان سلیم کتبخانهسنده وارددر .

علاءالدین علی اسود « قره خواجه »

خداوندکار غازی دوری مشاهیر علماسندن اولوب (افیون قره حصارلی) در . استکمال تحصیلی ایراندهدر . سابق الترجمه جمال الدین آقسرائی دنده استفاده ایتشدر . مؤلفاتی فروع علم

فقه‌دن ایکی جلد (وقایة الروایة فی مسائل الهدایة) اسمنده کی شرحه یننه علم اصول فقه‌دن (مغنی) شرح‌دن عبارت‌در . رحلتی (۸۰۰) ده‌در . ازین‌قده شرف زاده محله‌سندنه کی تربده مدفون‌در . مولانا قناری برمدت بو‌ذات‌دن استفاده ایله‌مشدر .

سلطان مراد خداوندکار نامنه اصول فقه‌دن (رموز الاسرار) ی (کنوز الانوار) اسمیه شرح ایشدرکه (۸۲۶) تاریخ‌نده محرر برنسخه‌سی (نور عثمانیه) کتبخانه‌سندنه وارد‌در .

عبدالمبین علی بن موسی « قریح مصاری »

سلطان مراد ثانی دوری فضلاسند‌در . استکمال علوم ایچون (ایران) و (ماوراءالنهر) کیده‌رک سید شریف جرجانی وسعدالدین تفتازانی‌نک مجالس علمیه‌لرندن استفاضه ایله‌یوب عودت وبعده مصره عزیمتله (۸۴۱) تاریخ‌نده رحلت ایله‌دی . فنون متفرقه متداوله‌ده اسئلہ^۱ [۱] غامضه‌یی مشتمل برائری وارد‌رکه فضلنک برهانیدر . برده (اوراد زینیه) شرحی وارد‌رکه بو‌اثرندن طریقت زینیه منتسب اولدینی آکلاشلماق‌ده‌در . سعدالدین تفتازانی‌نک مفتاح شرح‌نده حاشیه‌سی وارد‌رکه برنسخه‌سی ولی‌الدین افندی کتبخانه‌سندنه موجود‌در .

عبدالمکرم افندی

سلطان مراد ثانی دوری فضلا‌ی بنامند‌در . ادرنه‌ده وفات ایده‌رک سلطان جامعی قریب‌ده بنا ایله‌دیکی مکتب ساحه‌سندنه دفن‌ایدلدی . آثاری (حاشیه تلویح) ، (حاشیه مطالع) ایله سید شریفک کشاف حاشیه‌سنه حاشیه‌سیدر .

عینی برالمبیه ابی محمد محمودالعینی

متبحرین علماء حنفیه‌دن اولوب (عین‌تاب) لیدر . تحصیل تعلیم تألیف زمانلرینک قسم اعظمی مصرده‌کچیر‌مشدر . مؤلفاتی : (شرح بخاری) [۲] ، (مغانی الاخبار فی رجال معانی الآثار) ، (شرح کلم الطیب لابن تیمیه) ، (زین المجالس) ، (شرح عروض الساوی) ، (شرح درر البحار) ، [۱] سراج‌الدین توفیقی وملاخسرو طر‌فرندن شرح اولونان بو‌اسئلہ‌سی بوجه‌آنی آلتی فصل وبرخامه‌یی حاویدر . (فصل اول) تسمیه (۲) اخبار النبوة (۳) فقه (۴) اصول فقه (۵) بلاغت (۶) منطق .

[۲] اون جلد‌کیردن عبارت اولان بو اثر جلیک اخیراً درسعادتنده طبعنه همت اولوندی .

(شرح الكنز) ، (شرح المجمع) ، (مشارح الصدور) ، (طبقات حنفیه) ، (تاریخ الاکاسره) ، (طبقات شعرا) ، (شرح مراح) ، (اختصار تاریخ دمشق لابن عساکر) ، (شرح هدايه) ، (شرح ملتقى) ، (تاریخ البدري في اوصاف اهل العصر) ، (میزان النصوص في علم العروض) ، (شرح تحفة الملوك في الفروع) و سائرہ اولوب (عقد الجمان في تاريخ اهل الزمان) [۱] اسمندہ جغرافیا و طبقات الارضه متعلق معلومات نافعه بي ده محتوی برده تاریخ کیری واردر .
بوتاریخ برادری شهاب الدین احمد طرفندن اختصار ایدلمشدر .

وفاتی (۸۵۵) ده ، قبری مصرده در . استادی (حسام رهاوی) نک (البحار الزاخرة في المذاهب الاربعة) سنی ده شرح ایله مشدر .

عینی عبدالرحمن زبیر الدیمه

عینتابدن نشأت ایدن علما و اعلامدن برفاضلدر . شام قاضیسی ایکن استعفا ایدهرک ۸۹۳ ده وفات ایلدی . مؤلفاتی : (شرح الدرر) ، (شرح التقایه) ، (شرح شمسیه) ، (منظوم الدرۃ المضيئة في اللغة التركيه) در . صوک اثری لغت و تاریخ ادبیات عثمانیه ایچون آثار مهمه دندر .

[۱] سلطان احمد ثالث اراده لرله بر جمعیت علمیه طرفندن (میرخواند) همشیره زاده سی (خواندمیرک) آثار مشهوره تاریخیه سندن اولان فارسی العبارة (حبیب السیر) ایله برابر لسان عثمانیه ترجمه ایلدیکی چلبی زاده عاصم تاریخنده مذکوردر . (عقد الجمان) بهر جلدی سکنز یوز صحیفه اولق اوزره یکریمی درت جلددن عبارت اولوب عادتاً متفنانانه بر صورتده یازلمشدر . شویله که : اهل هیئات و طبقاتک شمیدیکی نظریات فنیه لرینه توافق ایدر یک جوق ماده لر سرد اولوندیکی کبی علم حیواناته دائرده مدققانه معلوماتی حاویدر . بوندن باشقه جغرافیایه تعلق ایدن بحثلرنده دخی موجب استفاده مندرجاتی واردر .

بواثر کبیرک نسخه مترجمه سی شهزاده باشنده داماد نوشهرلی ابراهیم پاشا کتبخانه سنده در . عربی نسخه لریده بایزیدده جامع شریف و عاشر افندی کتبخانه لرنده واردر . بر طاقی ده اندرون ده سلطان احمد ثالث کتبخانه سنده در . بو طاقک برنجی جلدی مؤلف خطیله در . (فرانسه) انجمن دانشنک قراریله اهل صلیب وقایعنه تعلق ایدن آثارک متن و ترجمه لر ی نشر اولوندیکی زمان تعریفی صد دنده بولوندیغمز اشبو تاریخک برقیسی ده متن و ترجمه سیله برابر طبع و نشر اولومشدر .

علی بن حسین آماسی « عمروالدین جلی »

تورکجه (تاج الادب) [۱] اسمنده بر اثريله (نصایح المسلمین) نامنده بر منظومه‌سی و بر نسخه‌سی یره باتانده اسعد افندی کتبخانه‌سندده موجود تورکجه (سورة یس) تفسیری وارددر . (۸۷۵) تاریخلرنده ارتحال ایتدی . صاحب ترجمه علی افندی نیکبولی محاربه‌سندده شهید اولان یورکیچ پاشا زاده خضر بکک معلمی ایدی . رسم خط قرآنه دأر رساله‌سی اولان علی بن حسین آماسی ایسه اثرینک مقدمه‌سندده طاش کوپرو زاده دن نقل ایتدیکنه و رساله‌سنک (۱۰۹۶) ده اولدیفه کوره دیگر برذاتدرکه استانبولده سلطان محمد جامعنده امام ایدی . بو ذاتک برده تورکجه عروض رساله‌سی وارددر .

عبدالمجید به نصوح به اسرافیل « اسرافیل زاده »

زمره مؤلفیندن برذات اولوب (آماسیه) جوارنده کی (لاذقیه - لادیق) دندر . (۸۸۷) ده (آماسیه) ده ارتحال یله دی . آثاری : (صلوات زاکیات) ، (شرح تعلیم المتعلم - ارشاد الطالبین) ، (تلخیص جامع الفتاوی لقرق امرة الحمیدی - تحفة الاحباب) ، (مفتاح قسم ثالثی اختصار) ، (الاصطفاء فی مناقب المصطفی) در .

عبدالمجید افندینک برادری (یحیی) افندی ده فضلادن بر ذات اولوب آثارندن (عوامل جرجانیه) شرحی مطبوعدر . فرشته اوغلونک لغت منظومه‌سنده شرح ایتمشدر .

عمروالدین علی فناری [۲]

مولانا (فناری) نک حفیدی اولوب اکمال تحصیل ایچون ایران واسیای وسطی ده برخیلی سفر ایتدکدن سوکرا مملکتی اولان بروسه یه عودتنده حضرت فاتح طرفندن قاضی عسکرلک له تلطیف بیورلدیلر . ایام صیفده کشیش طاعی اتکنده الیوم (قاضی یایلاسی) دینلن محله اقامت ایتکی معناد ایدنمشلرایدی . علوم آلیه و عالیّه عربیه دن باشقه فنون ریاضیه یه ده انتسابی اولدینی کبی

[۱] تورکجه اولان بو اثرک موضوعی آداب و تربیه یه دأر اولوب (کشف الظنون) ده (تاج الادب) اسمیله محرر سده (نورعثمانیه) کتبخانه‌سندده موجود سنک مقدمه‌سندده (طریق الادب) نامیله ، و سومدر . استانبولک فنی تاریخچی اولان (۸۵۷) ده تألیف ایدلشدر . بو اثرک بعض فقراتی زمانمز ارباب علم و دانشندن (دیار بکر) لی (علی امیری) افندی طرفندن تاریخ عثمانی انجمنی مجموعه سنک (۲۹) نجی نسخه‌سندده نشر ایدلدی . [۲] ۹۵۷ ده وفات ایدن مخدوم عالیبری (محمدجلی) ده فضلادن برذات اولوب علم لغته دأر (لسان الحکمه) اسمنده عربی فارسی مزوج اوله رق بر لغتی وملا زاده نک هدایه شرحه حاشیه‌سی وارددر .

علم تصوفند ده بهره کلیلری وارددر . طریقت (زینیه) یه منتسب ایدیلر . شو قدر وارگه کثرت مطالعه سی تحریر و تألیفه مساعده ایتماشدر . وفاتی (۹۰۳) ده بروسده جد عالیلری مولانا فناری قبرینه دفن ایدلدی .

آناری : (شرح کافیه) ایله علم حسابدن (تجنیس) شرحندن عبارتدر . اشعارنده (غمی) تخلص ایدرلردی . بر غزلندن :

سوزدل آرتار مدام اول روی آتشتابدن آتش سوزان بولور کرچه سکونت آبدن

عبدالرحمن آماسیری « مؤید زاده »

افاضل علمای عثمانیه دندر . ترجمه حالی مشایخ فصلنده مذکور یار علی نك احفادندندر . علم خطی ده اسکدارده قره جه احمدده مدفون رئیس الخطاطین مشهور شیخ حمداللهدن تمشق ایله دی . ایرانه کیده رک علامه (جلال دونانی) دن اجازه آلدی . عودتنده بعض مناصب علمیه ده بولونمقله برابر تدریس ایله ده مشغول اولوردی . وفاتنده یدی بیک جلد کتابلری ظهور ایتمشدر . ارتحالی (۹۲۲) قبری حضرت ایوب تربه شریفه سنک باش طرفنده در [۱] . مؤلفاتی : (تفسیر سوره قدر) ، (رساله فی اشهر معلومات) ، (حاشیه شرح مفتاح) ، (رساله فی تحقیق جزء لای تجزی) ، (حاشیه شرح واقف) ، (فتاوی) ، (رساله فی الکرة المدرجة) و سائرده در . علم کلامک مواضع مشکله سنک حلنه دائر رساله سی ده وارددر که شهزاده معارفند (قورقود) . کوندره رک مظهر تقدیرات اولدی . السنه ثلثه ده انشا و شعرده مقتدر ایدی . مخلصی (خاتمی) در .

بر غزلندن :

چاک اولان دست جفا ایله کریبامدر
ایلشن خار غم و محنته دامامدر

عطوفی

میرالدیه خضر به محمود به عمر عطوفی

اکابر علمای عثمانیه دن احاطه علمیه صاحبی متفنن بر ذات اولوب (مرزیفون) لیدر . (شقایق نعمانیه) ترجمه سنده (قسطمونی) لی اولدینی کوسترملکده ایسه ده خط دستیله محرر

[۱] خط و خطاطان نام اثرده مکّه مکرمه ده وفات ابتدکی محرر سده موثوق دکلددر .

آثارینک برقاچنده (مرزفون) لی اولدینی تصریح ایتشدرد. اصول معروفه دائره سنده تحصیلی اکلادن صوکر مولانا بختی خلیفه دن علم تفسیر وحديث واماسیه لی مولانا عبدی دن علم معانی وریاضی شهر قاضی زاده حفیدی قطب الدین محمد دن علوم ریاضیه وبروسه لی مولانا خواجه زاده دن علم اصول ومولانا افضل زاده دن علم فقه تعلم ایدره رك زماننده مشار بالبنان علما عدادینه داخل اولدی. صیت واشتهارینه بناء سلطان بایزید ثانی طرفدن سرای هایون معلمکنه تعیین ایدلدی. برمدت صوکر بوخدمتدن فراغتله جوامع شریفه ده تفسیر شریف تدریسنه ودها صوکرالرئ بسبتون ازوا عالمی اختیار ایله یوب مختلف علم وموضوعلرده تألیف آثاره باشلادی. كرك تدریس وكرك تألیف عالملرنده طرف سلطانیدن مستوفی مبالغ تخصیص قیانه رق حق فاضلانلرنده معامله قدرتانی ایفا اولندی. بووجهله اوقاتكذار ایكن (۹۴۸) تاریخنده ارتحال ایدره رك جوار حضرت خالد (رض) ده مشاهیر فضلادن (خطیب قاسم اوغلو) قرینه دفن ایدلدی. (استانبول) کتبخانه لرنده کوروله بیلن آثاری بوجه آتی در :

- (۱) حاشیه تفسیر کشاف
 - (۲) بیضاوی
 - (۳) شرح مشارق شریف (خط دستیه محرر نسخه سی اسکدارده سلیم اغا کتبخانه سنده در)
 - (۴) شرح قصیده بره (ایاصوفیه)
 - (۵) الانظار (بعض احادیث شریفه نك شرحی مبین در)
 - (۶) حصن الآیات العظام (سوره انعامدن بعض آیات کریمه نك تفسیرینی مبین در)
 - (۷) روض الانسان فی تدابیر صحه الابدان (طب نبوی دن باحدر. سلطان بایزید ثانی به اهدا ایلدیکی خط دستیه محرر نسخه اندرون هایون ده کی سلطان احمد ثالث کتبخانه سنده در)
 - (۸) کتاب العطاس
 - (۹) مرآت التأویل فیما هو انموذج التقویل
 - (۱۰) مرآت الرؤیا
 - (۱۱) حفظ الابدان (علم طبدن منظوم برادر در)
 - (۱۲) الجوهره الجنانیه فی المسائل الایمانیه
- بونلردن باشقه علم کلامدن برقاچ رساله سی وبعض آثار شرعیه سی ده واردر .
- (ترغیب المتعلمین) صاحبی (محرم بن پیر محمد) افندی ایله (شرح جهة وحدت من المنطق)
- صاحبی (نابت بن احمد)، (شرح زوراء) مؤلفی (مصلح بن احمد) و (رساله علی التلخیص) ایله
- (انما الاعمال بالنیات) حدیث شریفك شارحی (سلیمان) و (شرح قصیده دیاطیه) صاحبی

ابراهیم القادری (و ۹۷۸) ده (کلمات چازیاری) ی تورکجه شرح ایدن (مصطفی بن محمد) احوال
صلوة و تفرعاتنه دائر اولان (مسجل الامام) مؤلفی (علی بن ابراهیم) و فاتح زمانی استانبول
نضاتندن اولان محشی مقدمات اربعه و مختصر (حسن بن عبدالصمد) اقدیلرده قسطمونیدن
بتیشن فضلا دندرلر .

عبدالقادرمحیدری افندی «شیخ الاسلام»

علم فقه متخصصلرندن برذات اولوب (اسپارطه) لیدر. (۹۵۵) ده (بروسه) ده ارتحال
ایتدی. (موسی بابا) تربهسی قربنده مدفوندر. فقهدن قیمتدار مجموعهسی و رسائل سائرهسی
واردر. ایاتندن :

زرکب سوز و کداز ایجره صفادن رقصه کیر
پرکدر اوله بولوطدن نم قابوب آهن کبی
کوشه کیر اول برده آلتندن جهانی سیرکیل
دورین اول کورمه کندک دیده روشن کبی

عبدالکریم زاده محمد افندی

مسلك علمده ترقی ایدهرک قاضیسکرک رتبهسنه نائل اولمش شهری فضلا دندر. وفاتی
(۹۷۵) ده ، قبری علامه ابن کمال یاننده در. مؤلفاتی : (نظیره مقامات حریری) ، (حاشیه تفسیر
یضاوی) ، (حاشیه تجرید) و سائره اولوب السنه ثلثه اوزره اشعارکثیرهسی و (لیل - مجنون)
نظومهسی واردر. شعرده (خیالی) تخلص ایدردی .

مصارعندن : صدهزاران آفرین اول صورتک نقاشنه

عبدالرحمن علمشاه «قاضی»

علمای اعلامدن و ابوالسعود افندی تلامیذندن برذات فضائلسمات اولوب صاحلی امیرک
نخو میدر. (صفد) قاضیسی ایکن (۹۸۷) ده وفات ایتدی . آثاری : برنسخهسی آیاصوفیه
کتبخانهسند موجود اولان (تحفة الغرائب فی خواص الاشياء و انواع الحیل) ایله (شرح علی قصیده

خمریه ابن فارض) ، (شرح علی قصیده میمه لابن السعود) ، (شرح المنار) (تعلیقات علی شرح
المواقف) ، (عجائب البحر) ، (حاشیه شرح مفتاح) و سائر در .
السنة ثلاثه اشعارى ده واردر .

عمره علمایوری

زمره مؤلفیندن بر ذات اولوب دور مناصبه روم ایلی قاضی عسکری اولمشدی . (۹۹۴) تاریخنده
وفات ایلدی . اگری قبو جوارنده بنا ایله دیکی مسجد حظیره سنده مدفوندر . آناری : (حاشیه
علی الیضاوی) ، (حاشیه علی شرح مواقف) ، (حاشیه علی شرح المفتاح) ، (حاشیه علی الهدایه) ،
(حاشیه علی التلویح) در .

عبدالغنی افندی

زمره قضاة و فضلاى شعرادن اولوب (بولو) سنجاغك (كره ده) قصبه سندندر . (فى جنان
الخلد سکنه) ترکیبك دلالتی اولان (۹۹۵) ده بروسه ده وفات ایدمرك زینلره دفن ایلدی .
طریقت نقشبنديه دن مستخلف ایدی . اشعارى ده واردر . آناری : (حاشیه علی تفسیر بیضاوی) ،
(حاشیه علی شرح تجرید) ، (ترجمه فضائل شام) ، (رساله فی بیان احوال ایام) در . صوك اثرنی
شام شریف نیابنده ایکن ترتیب ایله یوب خاک پای شاهانه یه تقدیم ایله مشدی . ترجمه حالى شعرا
فصلنده محرر (محمد نادری - غنی زاده) نك پدریدر .

عبدالله به يوسف به محمد به بنحی الکستلی

علوم عربیه نك بتخصیص علم لغت شعبه سنده صاحب احاطه بر ذات اولوب آیدین سنجاغی
ملحقاتندن « نازللی » قضاسی قرا سندن (کستل) قریه سندندر . یازمه بر نسخه سی سلانیکده
ساعتلی جامع شریف کتبخانه سنده منظورم اولان (مرقات) اسمنده تورکجه بر جلد کیر اثر
لغوی سنده کی لغاتندن (۱۴) بیکنی صحاح جوهریدن (۱۶) بیکنی قاموسدن آلدیغنی مقدمه ده ذکر
ایله یور . آثار مهمه لغویه مزدن اولان بو اثرک اهمیتی مستغنی تعریف و ایضاحدر .

عیشی محمد افندی

علماء اعلام ومؤلفین بنامدن بر ذات اولوب (تیره) لیدر . مبادی علومى مملکتى علماسندن بعدالخذ (معلم عطاءالله) اقدیدن اکمال تحصیل ایله یوب (بایندیر) ده (حاجی سنان) مدرسه سی مدرسلکنه تعیین اولونه رق آ زمانده صیت فضیلتی انتشاره باشلادی . (۹۹۰) تاریخنده (استانبول) . کله رک او ائشاده انحلال ایدن قرق اچقه وظیفه لی بر مدرسه مدرسلکیچون صدر اناطولی زکریا افندی حضورنده آچیلان مسابقه امتحاننه کیره رک بالوجوه اثبات لیاقت ورجحان ایلدی . بر مدت صوکر ا اختیار ائزوا ایده رک تألیف آثاره شروع ایتدی و مشهود اولان آثارینک مکافات علمیه سی اولمق اوزره (تیره) ده (ابن ملک) مدرساکی توجیه اولندی . بودار الفیض ده بر قاچ سنه لر تدریس و تألیف ایله مشغول اوله رق لمصلحه (استانبول) ه کلدیکی زمان (اولدی عیشی جنانده واصل عیش) مصرعنک دلالتی اولان (۱۰۶۱) تاریخنده ارتحال ایلوب (ادرنه قاپیسی) خارجنده کی (امیر بخاری) زاویه سی قرینه دفن ایلدی . (رحمة الله علیه) آثار فاضلانهری غیر مطبوع اولوب بروجه آتیدر :

(۱) نصف قرآنه قدر تفسیر شریف (۲) شرح وردستار (۳) شرح کلستان (۴) اصول فقهدن بر متن متبن (۵) تلخیص طریقت محمدیه (۶) تلخیص روضة العلما (۷) شرح ملتقى (۸) علم معانیدن منقحات مشروحه (۹) مختار صحاح طرزنده بر لغت (۱۰) حقایق الاصول (برنسخه سی اقحصار کتبخانه سنده منظوم اولدی) (۱۱) نتایج الاذهان من الکلام (برنسخه سی قصبه کتبخانه سنده منظوم اولدی) آثارندن بعضیری استانبول کتبخانه لرنده موجوددر . بونردن باشقه رسائل متنوعه سی اولدینی کبی طبیعت شعریه سی ده واردر که بیت آتی قوه شاعرانه سنه دالدر :

روشن ایلر اهل دردک دیده امیدینی قوپسه نا که جنبش پای سمندندن غبار

مخدومی (نوئی احمد) افندی ده پدری کبی فضلاى ادبادن بر ذات اولوب آثارندن مشهور (قصیده طنطرانیه) نظیره سی منظور عاجزانه م اولدی .

عبدالرحیم شیردانی

علمای اعلامدن بر ذات اولوب آتی الترجمه نورالدین شیروانی نک جدی (محمد امین شیروانی) نک معلم فضا ملندیدر . (۱۰۲۴) ده وفات ایتدی .
آثاری : (رساله فی المنطق) ، (حاشیه علی شرح آداب مسعودی) ، (حاشیه علی شرح

فضلا وادادان و سلطان سليمان قانونی دوری رجالدن بر ذات اولوب (آق حصار) لیدر .
عاشر افندی کتبخانه سنده بروجه آتی آناری موجوددر :
(در بحری) ، (سکر صافی و شرحی - منظوم لغت) ، (ذخرا الآخرة - حدیث اربعین
شرحی) ، (سبعة البحر و شرحی - منظوم لغت) . (جلیلی) مخاصلی اشعاری ده واردر . مخدومی
(عبدالحی) افندی ده باباسی کبی فاضل و منشی بر ذاتدر . (مطالع الانوار) اسمنی و یردیکی
منشائی واردر .

کبار علما و مشاهیر منشیانند بر ذات اولوب علماء مشهوره دن (آق حصارى سنان)
افدينك فرزند ارجنديدر . تحصيلى استانبول علماسندن بعد الاكال (مصر) ه عزيمته اتمام
تحصيل ايلهدى . بعده (حلب ، مصر ، غلظه) مولويتلرنده ايفاي وظائف شرعيه ايتدى .
(۱۰۳۸) تاريخده در سعادته ارتحال ايددهك « ادرنه قوسى » خارچنده پدرى يانته دفن ايدلدى .
(شقايق نعمانيه) ذيلى معناسنده اولمق اوزره تاليفنه خامهران فضيلت اولدينى عربى العبارة
وفياتى اخيرا توركجه به ترجمه ايلشدر . يازدينى مختلف الماال حكايقتدن مركب دكرلى بر منشآتى
وارد . بؤلرده باشق راجعيات ^{بعضى} نوزم ده قيد سادى فى حسن البنى عليه السلام
ادى برب ۲ سر وارد ركتب ^{بعضى} معلوم علمى المعروف بابا برفقنه

زمرہ قضاۃ عالم بحاث بذات اولوب (بوسنہ) لیدر . (حلب) ملا لغدن انفصالی متعاقب (۱۰۴۶) تاریخندہ استانبولہ وفات ایلدی . روم ایللی حصارندہ مدفوندر . آثاری : (حاشیہ علی تفسیر بیضاوی) ، (حاشیہ علی الجامی) ، (اعتراضات علی العصام) ، (شرح شمسیہ) ، (حاشیہ علی شرح المفتاح) در بونلردن باشقہ (عبدالرؤف مناوی) نک (الجواهر المزیئۃ فی الاحکام السلطانیہ) سنی ترجمہ ایدہ رک سلطان مراد رابعہ تقدیم ایلہ مشدر .

بر نسخه‌سی کوپرولو کتبخانه‌سنده موجود اولوب (۱۰۱۰) ده وفات ایدن (لویح لبدیعه فی حل الرموز الحمیدیه) صاحبی محمود افندی ایله نیت حقنده کی احادیثک شرح و تفصیلی مبین حکیم اوغلی علی پاشا نامنه مؤلف (تحقیق النیات) مؤلفی (عثمان بن ابراهیم) و (مجمع ترجیح بینات) مؤلفی (حسن بن نصوح) و فقهدن (مقدمه الغزنویه) شارحی تراوینکلی شیخ ابوبکر و امام دمیری نک (حیوة الحیوان وسطی) سنی ترجمه ایدن (محمد) و (شرح الفریده فی الاستعارات) ی (شرح مفید) اسمیله شرح ایدن سلطان محمود اول کیلار خاصه غلاماندن (احمد بن حسن) افندیلرده بوسنه قطعه‌سندن یتیشن مؤلفینددرلر .

عرضی محمد افندی

علوم عربیه منتسبلرندن برذات اولوب (بوسنه) لیدر . (۱۰۸۳) ده استانبولده ارتحال ایتدی . علم عروضه دأثر رسائی اولدیغی کبی (تلخیص) ک ابیاتیده ترجمه ایتشدرد .

عبدالحلیم افندی

پیر قدم بن شیخ نصوح افندینک مخدومی اولوب (صندوقلی) دندر . شام ملالغندن عودتنده (عبدالحلیمه جنت مأوی اوله مقر) مصراعنک دلالتی اولان (۱۰۸۹) تاریخنده وفات ایلدی . ادرنه قپوسی خارچنده مدفوندر . (زهراینه یعنی سورة بقره ایله سورة آل عمران) و سورة نبأدن سورة حجراته قدر حاشیه‌لری مفتاحه تعلیقائی معلولدن قصر بختنه قدر حاشیه‌سی فقهدن (درر) . (تنویر) اسمنده حاشیه‌سی کافیه شرحی ملاجامی‌یه (ان) آخرینه و منار ابن ملکی اوزرینه (ثم) یه قدر حاشیه‌لری و (حاوی الفوائد فی شرح جامع القواعد) اسمنده اثر قیمتداری واردرد .

عبدالحلیم کریمانی

فضلادن برذات اولوب (کریمان) لیدر . اکیال تحصیلدن صوکر استانبولده ملا کورانی‌ده مدرس اولمشدی . (۱۰۵۵) تاریخنده تألیف ایتدیکی (حاشیه مطول الی بحث قصر) ک خط دستیله محرر نسخه‌سی نور عثمانی‌ده درر . بو تألیفنده درت حاشیه‌سی‌ده اولدیغی بیان ایدیور . استانبولده ارتحال ایتدی .

عالم محمد به حمزه « حاجی امیر زاده »

علوم دینیہ نك اكثر نده بالخاصه فن جلیل (فقه) ده صاحب ید طولی بر ذات اولوب (آیدین) لیدر . مدت مدیده آیدین مفتیلکنده ایفای وظائف شرعیه ایلدی . تاریخ ارتحالی سنك مزارنده (۱۲۰۴) اولق اوزره منقوشدر . (زینی زاده) مرحوم قارشینسده یول کنارنده مدفوندر . قربنده (آیدین) علماء بنامندن (۱۲۵۳) تاریخنده وفات ایدن سجودی ابراهیم افندینك قبری مشهوددر .

آثاری : رسائل طرزنده اولوب قسم اعظمی فقهه عاڈدر . بعضیلرینك اسملری بوجه آتیدر : (رساله فی بیان احکام جمعه) ، (احکام الشہید) ، (الدود فی الطعام هل يؤكل) ، (القدر المسنون فی اللحية) ، (احادیث موضوعه) ، (تعریف الطلاق) ، (رساله الجمعہ) ، (فی مسألة الفیل) در . (۴۸) رساله یی حاوی بر مجموعه سیده (مغنیا) ده . (حاجی حسین آقا) کتبخانه سنده (۵۳) رساله سنی محتوی ایکی مجموعه سیده (سلیمانیه) کتبخانه سنده منظور عاجزی اولدی . آتی الترجه خواجه عبدالرحیم افندینك بویوک برادرلری (پالایق) مرحومك استاد اکرمیدر . برده علم تفسیردن (ازهارالتزیل) اسمنده بر اثری وارددر .

عبدالباقی عارف افندی

فضلاى موالیدن بر ذات اولوب مخزن کاتبی محمد افندینك خدومیدر . مولوبتله سیاحت وایفای خدمتله نهایت قاضی عسکر اولدی . (کیدوب عارف افندی قالدی اسمی دهرده باقی) مصرعنك دلالتی اولان (۱۲۲۵) ده درسعادته وفات ایلدی . ایوب سلطان تربه سی اتصالنده مدفوندر . صنعت خطده واقف ایدی . آثاری : علم کلامدن تورکجه (مناهج الاصول الدینییه الی مواقف المقاصد العینییه) ایله (مقدمه اخلاق ناصری معربی) ، (مقامه فتحیه) ، (معراجنامه) ، (مقاله قندیه) ، (رساله لام) ، (سیر) ونخودن (امرأ ونفسه) در . عاطف افندی کتبخانه سنده کی بر مجموعه ده بوجه آتی رسائلی ده وارددر :

(۱) معنى البدعة

(۲) امرأ ونفسه

(۳) المعرفة والنكرة

(۴) شرح قصیده عبدالله پاشا

(۵) تعریب رساله العصام فی الحقیقه و المجاز .

السنة ثلثهده انشا ونظمه مقتدر ایدی . ایوبده مدرسه سی و اردر . معراجنامه سی مطلعندن :

صد حمد او قدیم کار سازه ؛ اول صانع آسمان طرازه
صد شکر وستایش اول خدایه؛ کیم آدمی قیلدی عرش پایه

عبدالرحمنه رحمی بروسری « موج زاده »

ذوالجناحین بر ذات اولوب بروسه قراسندن (قایاپا) قریه سی جوارنده کی (ایلپسه)
کوبندندر . طریقت خلوتیه رجاندن بروسه حصارنده کی نصوحی درکاهی مشایخندن کمتر علی
افندی خلفاسندن اولوب شیخ اسماعیل حق ایلده مصاحبه لری و اردر . علوم رسمیه بی
عریانی علی افندیدن تعلیم ایلده مشدر . (۱۱۶۱) ده وفات ایلدی . قبری بروسه حصاری داخلنده
زندان قوسی جاده سنده بنا کرده لری اولان یکی مدرسه ده در . مؤلفاتی : (شرح علی مفتاح الغیب) ،
(تعلیقات علی الیضاوی) ، (شرح بهائیه من الحساب) ، (حاشیه علی میرابو الفتح) ، (حاشیه علی
قول احمد من المنطق) در .

مفتاح الغیب شرحك بر نسخه سی ولی الدین افندی کتبخانه سنده در .
(بروسه) مدرسلری عرفاسندن (مالقوج زاده مصطفی) افندیکنده (۱۱۷۳) تاریخنده
مؤلف (مفتاح الغیب) شرحی و اردر که بر نسخه سی اسعد افندی کتبخانه سنده در .

عبدالله افندی « شیخ الاسلام »

فتاوی مشهوره دن (بهجة الفتاوی) نك مؤلفی اولوب روم ایلی یکیشهر نندندر . (۱۱۵۵) ده
در سعادتده وفات ایده رک (قاکلیجه) ده (اسکندر پاشا) جامعی حظیره سنده دفن ایلدی .
کتب فقهیه دن باشقه کتابلرک طبعنه دائر فتوا ویرمشدی . (مرآت) ده حاشیه سی و اردر .

عصمت محمد افندی

(حاجی چلبی) نامیله بنام اولوب شهریدر . علمادن ابراهیم افندی نك مخدومیدر . خطاط
شهر حافظ عثمان افندی دن مازونددر . (۱۱۶۰) ده در سعادتده وفات ایتدی . مرکز افندی

قبرستاننده مدفوندر . آثاری : (شرح علی قصیده نونیه لمولانا خضر بك) ، (رفدالتصر) ، (شرح استعاره) ، (حاشیه علی الجامی) ، (الدرر السنیة فی فضائل الدولة العثمانیه) ، (فیض الهادی فی حل مشکلات شاهی) ، (سباط عصمت - مجموعه علوم) در . طریقت نقشبندیه منتسب ایدی . طبیعت شعریه سیده واردر . (قاضی میرحسین میبدی) نك حكمت قدیمه دن باحث (جام کیتی نما) سنی ده ترجمه ایتشدر . (۱۱۴۵) ده وفات ایده رك (اسكدار) ده (قره جه احمد) مرارستاندن خرمنلكه كیدن جاده نك صولته دفن ایدیلن شهرى عصمت سملیان اقدی ده معارفند برزات ایدی . (پند عطار) مفصل برشرحی واردر .

عبدالله پاشا « کورولو زاده ابونامه عبدالله پاشا »

صدر شهید کورولو زاده مصطفی پاشانك اوغلی وشیخ الاسلام فیض الله اقدینك دامادی اولوب سیفآء قلمآ خدماتی سبق ایدن علماء وزرانددر . والیك وقوماندانلق له برخیلی سیاحتدن صوكرآ شرق سر عسكری تعیین اولونهرق (۱۱۴۸) ده شهیدآ ارتحال ایله دی . علوم عربیه دن باخصوص علم قرائت قرآن ده صاحب اختصاص ایدی . جد عالیلرینك بنا كرده لری اولان كتبخانه ده (الافاده المقنعة فی قراءة الأئمة الاربعة) اسمنده قرائتدن براتریله اشعار عربیه سندن برقسمنی حاوی (دریات - نخبه الاشعار) نامنده ادبیاتدن برتألیفی واردر . بو عائلهدن (اسعد پاشا) (قصة يوسف وزلیخا) یی ترجمه (نعمان پاشا) ده (رساله قشیری) یی تلخیص ایتشدر كه هر ایكیسی ده مذکور كتبخانه ده موجوددر .

یوسف زاده عبدالله مهمی افندی

آماسیه فضلاسندن شیخ القراء یوسف اقدی زاده محمد اقدینك صلبندن بیك سكسان بش تاریخنده آماسیه ده تولد ایله دی . علم قرائته یكانه دوران اولان صاحب ترجمه علوم وفنون سائرده دخی وقوف تام اصحابندن بركتز فضل و عرفان ایدی . وجوه قرائتی پدرندن علوم عربیه یی مصاحب پاشا خواجه سی فاضل ابراهیم اقدیدن ، علوم عقلیه یی قره خلیل اقدیدن اخذ و تحصیل ایتدی . قرق سكرز تاریخنده چورلیلی علی پاشانك صدارتنده سرای هایون خواجه لغه تعیین اولونوب فیوضات علمیه سندن استفاضه اولوندی . صوكرالری تألیف آثاره باشلایه رق اخلافه یادكار بر اقدینی تألیفاتی تدقیقات علمیه سنه دالدر . بخاری شریفه یکر می سكرز سنه ظرفنده اوتوز جلد اوزره برشرح مفصل یازمشدر .

تألیف بهین مذکورى حضور شهریارى به اهدا ایلدهرك بك زیاده تقدیر و تحسین و بیک آتون و برقات لباس فاخر ، بر سمور كورك احسانیه تلطیف و تسریر بیورلمشدر .

مشار الیهك سرای هایون کتبخانه سنده تدریس ایلدکلری بخاری* شریفی اکال ایلہ ختام دعاسی ایچون ترتیب اولنان مجلسده ذات شاهانه دخی حاضر بولونهرق تحقیقات عقلیه و تقلیه سندن کسب الشراح بیورمشلدر .

بخاری* شریف شرحی فاتح سلطان محمد خان غازی جامع شریفنده کی کتابخانه به وضع ایلدیکی وقت صاحب ترجمه حضور پادشاهی به دعوت اولونهرق بو دفعه دخی الی بیک غروش عطیه به مظهر اولمشدر . ذکر اولونان شرح لطیف شروح متداوله نك مباحث و تدقیقات مفیده سنی و بر چوق زوائد نوادری محتوی بر اثر بهتردر . فاضل مشار الیه حج شریفه نیت ایتدیکندن فضل و کالندن حصه یاب تعلم اولمش اولان اسبق صدر اعظم یکن حمد پاشا تهوین احتیاجات سفریه به مدار اولمق اوزره بیک آتون اهدا ایتمشدر . حجاز و شام علماسی مشار الیهك احاطه و قدرت علمیه سنه ، بالخاصه علم تفسیر و حدیث و قرآننده اولان اختصاص عظیمه واونسبتده دلپذیر تقریرینه مفتون و برچونغی فرصتی غنیمت بیلهرک مجاز و مأذون اولمشلدر . یارم عصر جوامع و مدار سده نشر علوم ایلہ اشتغال ایلدیله . طریقت علیه خلوتیده اورتا قول تعیر اولونان (یکیت باشی احمد شمس الدین مرمره وی) شعبه سی مشایخ کرامندن (شیخ الیاس ساقیزلی) دنده اکال سلوک طریقه موفق اولدیله .

شعرده انتسابلری اولمغله حلمی مخلصیه عربی ، فارسی و ترکی منظوماتی وارد . از جمله بر نعت نبویسندن :

فضای در کهک کان عطادر یا رسول الله

جناب ملجأ اهل رجادر یا رسول الله

سکسان ایکی یاشلرنده ایکن (توفی علامه الزمان) ترکینک دلالی اولان بیک یوز آتمش یدی تاریخنده ارتحال ایدهرك (طوب قیو) خارجنده (مالیه) جاده سنده کی قبرستانک صاغ طرفی وسطنه دفن اولوندیله .

مؤلفات فاضلانه لرینک بعضیلری بر وجه آتیدر :

۱ — بخاری* شریف شرحی (نجاح القاری) : اوتوز جلد اوزره مرتب اولوب خط دستیه محرر بر طاقی فاتح کتبخانه سنده برر طاقی ده حمیدیه ایلہ ولی الدین افندی ، بر طاقی ده (سیروز) کتبخانه سنده در .

- ۴ — مسلم شریف شرحی (عناية المتمعن) : یدی جلد اوزره نصفه قادار برشرح اولوب
برطاقی (حمیدیه) کتبخانه سنده در .
- ۳ — النفحة الفاتحة فی تفسیر سورة الفاتحة
- ۴ — حاشیه بیضاوی علی سورة الملك
- ۵ — حاشیه علی آداب میرابی الفتح
- ۶ — حاشیه علی الخیالی
- ۷ — حاشیه علی قره داود من المنطق
- ۸ — حاشیه علی شرح قاضی میر
- ۹ — روضة الواعظین
- ۱۰ — قافیه نامه : هر عربی لغت فارسی ایله شرح ایدلمشدر . برنسخه سی (نور عثمانی)
کتبخانه سنده در .
- ۱۱ — رد القرائة بالشواذ . علم قرائتدن
- ۱۲ — بیان مراتب المدات »
- ۱۳ — تحفة الطلبة فی بیان مدات طرف الطیبة »
- ۱۴ — ابتلاف »
- ۱۵ — مخارج الحروف
- ۱۶ — زهرة الحیوة الدنيا »
- ۱۷ — رساله حرف الضاد الصحیحه » وسائر در .
- ۱۸ — کلام السنی فی مولود المصطفی
- مجموع آناری (۵۵) پارچه اولوب (۲۸) یدی ده علوم سائریه دائر در . تلامیذینک اک
مشهوری اسکدارده مدفون (مفتی زاده محمدصادق ارزنجانی) ایله بروسه ده مدفون (بندر) لی
شیخ القرا (ابو بکر) افندیلدر .

عثمانه فائیه افندی «کوبچی زاده»

- علمای ادبادن برذات اولوب (آماسیه) لیدر . (۱۱۵۱) ده وطنده ارتحال ایتدی .
بورمه مناره اتصالنده بنا کرده سی اولان کتبخانه جوارنده مدفوندر .
مرتب دیوانیله ملا علی القارینک احادیث اربعیننه مفصل شرحی واردر .
-

عربی عثمانیه افندی [۱]

فضلاى بنامدن برذات اولوب (کلیس) لیدر . (۱۱۶۸) ده مدینه منوره ده ارتحال ایده رک حضرت عثمان جوارینه دفن ایدلدی .
 بوجه آتی آتاردن باشقه لری مخدومک خانه سنده یامشدرد :
 (خیر القلاند شرح جواهر العقائد) اسمنده کی مطبوع (قصیده نونیه) شرحیله (شرح قصیده همزیه ، شرح حزب الاعظم ، شرح قصیده ابن قضیب البان ، شرح عوامل ، شرح الالفیه ، مرصاد المراد شرح تخمیس بانت سعاد ، شرح الحجازیه)
 مخدومی محمد افندینک ده (ولدییه) شرحی واردرد .
 (قصیده نونیه) شرحک خط دستیه محرر نسخه سی نور عثمانیه کتبخانه سنده در .

عثمانیه به یعقوب «کافی» واعظ

زمره مصنفیندن برذات اولوب (۱۱۷۱) تاریخنده در سعادتده ارتحال ایلده دی .
 آناری :

(حاشیه علی تفسیر النبأ للیضاوی ، حاشیه علی تفسیر الفاتحه ، شرح حزب اعظم ، توضیح الاسرار شرح برکات الابرار فی العقائد ، المہیا فی کشف اسرار الموطأ للإمام محمد الشیبانی ، تنویر السند فی ایضاح رموز المسند - اعفی ابا حنیفه ، سلم الفلاح فی شرح نور الایضاح ، تسهیل السلم - شرح دیباجه سلم) ومشهور (مطول) یدده (محاسن الادب) اسمیله اختصار ایتشدرد .

عاکف مصطفی افندی «مفتی»

فضلا وادبادن برذات اولوب (آماسیه) لیدر . (کلدی یتیمش اوچده امر ارجعی) دلاقی اولان (۱۱۷۳) ده وطننده ارتحال ایتدی . مقاصده تعلیقانی ، مرتب دیوانی ، مقامات حریری طرزنده (۳۲) مقامه اوزره (بدیعه) اسمنده بر اثری واردرد . او اخرجیاتنده مفتیلکدن چکیله رک سلطان بایزید ثانی مدرسی اولمشدی . پدری بایرام افندی ده علما وشعرادن اولوب (عیدی) مخلصلی دیوان صاحبیدر .

[۱] ایزمیتلی عربیانی علی افندی (۱۱۱۲) تاریخنده بروسه ده وفات ایده رک (پونار باشی) قپوسی مزارستانه دفن اولوندی . (لوکان فیما الهه) آیت کریمه سنک تفسیرینه دائر اثری واردرد .

عثمانه به علی موقوفاتی

سلطان محمود اول دوری فضلا سندن اولوب (۱۱۷۹) ده درسعادته وفات ایتدی .
اخلاق و تصوفدن باحث (طریقه الابرار) اسمنده کی غیر مطبوع اثری واردر .

عبدالرحمن به احمد افندی

فضلا وارباب تقوادن برذات اولوب (بشکطاش) لیدر . (۱۱۷۰) تاریخلرنده مجاور
بولوندیغی (مکة مکرمه) ده ارتحال ایتدی .
آنادی :

(رسالة الهادية الى جادة الفرقة الناجية ، ترتيب الآلى فى سلك الامالى ، تورکجه منظوم
کلشن راز) در

علی افندی

زمره مؤلفیندن برذات اولوب (برکی) لیدر . (آق حصار) ده تدریس و تألیف ایله
امرار حیات ایدرک (۱۱۸۵) ده ارتحال ایتدی . (شرح مواقف ، تفسیر بیضاوی) یی ترجمه
ایتدیکی (المشهود والمسموع) ده مندرجدر .

عبداللہ افندی

علوم عربیه متخصصلرندن برذات اولوب (همشین) لیدر . (۱۱۹۰) تاریخنده استانبولده
وفات ایتدی .

آنادی :

(حاشیه علی ابی الفتح ، رساله من الفرائض ، رساله فی الاختیار الجزئی ، رساله من الحساب ،
حاشیه علی مختصر المنتهی) در .

عبداللہ افندی « عبداللہ بہ محمد »

معلومات واسعہ صاحبی فاضل برذات اولوب (کوتاہیہ) لیدر . (۱۱۹۹) ده مملکتندہ ارتحال ایدہ رک (مسکینر اوکی) دینیلن موقعہ کی قبرستانہ دفن ایدیلدی .
(انموذج العلوم) طرزندہ یوز یکر می قندن باحث (فرائد الفنون) اسمندہ باعث استفادہ برائی وادری (۱۲۶۰) تاریخلرنده ارتحال ایدن (ہدیۂ ابرار) مؤلفی مدرسیندن (مصطفی رشدی) افندی ده (کوتاہیہ) دن یتیشن علمانددر .

عمر بہ علی السیری

فضلاذن وفاتح جامع شریفی درسعا ملرندن برذات اولوب (ارضروم) ملحقاتندن (ایسپر) لیدر . (اسکدار) نیابتندن صوکرا (۱۲۰۲) تاریخندہ ارتحال ایتدی . آثاری غیر مطبوع اولوب بروجہ آتی در : (لب التصریف) ، (لسان الانسان فی المنطق) ، (حصول المطالب فی التصوف) ، (ہدیۂ الحاج فی المناسک) در . (رسالہ جودیه تفسیر آیۃ فی القصۃ النوحیہ) ، (رسالہ مختصرہ فی الفرائض) ، (معین الاخوان فی المنطق) اسمارندہ کی خط دستیلہ محرر رسائلی ده اسعد افندی کتبخانہ سندہ در . فاتح کتبخانہ سندہ اون بش فصل اوزرہ مرتب عربی العبارة (سرور قلوب الناظرین فی بیان معجزات سید المرسلین) اسمندہ برائی وادری .

عصام البیمہ افندی « ابوالعصمہ مصطفیٰ عصام البیمہ افندی »

فضلائی قضاتدن برذات اولوب (اسکدار) لیدر . طریقۂ نقشبندی (۱۲۰۳) تاریخندہ (اسکدار) ده ارتحال ایلدی . آثاری :
اقصی المفاد فی ترجمۃ الشرحین وکنہ المراد فی بیان بان سعاد [۱] .
میزان العجم .
التحفة الضاریۃ فی شرح قصیدۃ الانصارۃ .
الشعشعۃ القمریۃ فی شرح القصیدۃ المضریۃ .
التنصیص المنتظر فی شرح ابیات التلخیص والمختصر (مطبوعدر) .

[۱] ۱۰۲۸ ده استانبولده وفات ایدہ رک ترسانہ آردینہ دفن ایدیلن (محمد فائر بن احمد طربزونی) نکدہ تورکچہ بر شرحی وادری .

ترجمه مفاتیح الدریه .

شرح نوابغ الکلم .

شرح عروض اندلسی . (مطبوعدر)

زادالعباد فی شرح زخرالمعاد .

(مفاتیح الدریه) عربی العباده قواعد فارسیه درکه مؤلفی ابو بکر سیواسی زاده مصطفی

اقدی در .

عمر فیضی افندی

علمای متأخرین دن بر ذات اولوب (توقات) لیدر . (۱۲۶۵) تاریخنده مملکتنده ارتحال
ایلدی . آتارینک اک مشهوری اولان (درالتاجی) اسمنده کی بین الطلاب متداول اولان مطبوع
(ایساغوجی) شرحیدر . آتار سائرهمسی (حاشیه علی شرح السید علی المختصر) ، (شرح رساله
الموسویه فی الاقیسه) ، (حاشیه علی بحث جهت وحدت للفقاری) در .

علی شکر افندی

عصر اخیرده یتیشن علمای بنامدن اولوب کریدک قندیه قصبه سندندر . مقدمات علمی
سابق الترجه حسین حسنی کریدیدن تعلم ایتدکدن صوکرادرسعادتیه عودتله آتی الترجه (ویدی)
مرحومدن تکمیل تحصیل ایدهرک مملکتیه عودتله نشر علوم واقفایله اشتغال ایله دی . (۱۲۵۷) ده
مملکتنده ارتحال ایتدی . ویردیکی فتوالری ایکی جلد کبیر اوزره جمع ایتدیکی کبی آریجه بر
فتوا کتابی ده تألیف ایتدی . بوناردن باشقه فرائضدن تورکجه بر اثر مستقلى و سلطان محمود
عدلی دورنده منجم باشی اولان حسین حسنی اقدینک علم زیچدن تألیف ایتدیکی رساله سنه
شرحی واردرکه آتارینک جمله سی ازمیرده منظورم اولدی .

عبدالله اخیسقهوی

ابو محمد عبده ضیاء الدین آخیسقهوی

ذوقون ، فاضل بر ذات اولوب (۱۱۴۶) تاریخنده (آخیسقه) نواحیسندن (اوزغور)

ناحیه سنک (اوربالا) قریہ سنده دنیایہ کلشدر . زمان صباوتندہ علمادن بولنان پدریلہ برابر (شام) ہ کیدہ رک برمدت (صالحیہ) دہ اقامت اثناسندہ علوم ابتدائییہ تحصیلنہ مبادرت ایلوب ینہ برلکدہ وطننہ عودتلہ پدردنن مع تجوید قرآن کریم وعلوم آلیہ تعلم ایلہ دی . پدربنک وفاتندن صوکرا (فارص) ہ کیدہ رک مشاہیر فضلادن (اسماعیل بن محمد برکشادی) دن علم اصول فقہ و علم حدیث قرآنلہ معلمی طرفندن (ضیاء الدین) لقبی آلہرق اجازت آلدی . بر آرز صوکرا (ارضروم) ہ رحلت و علماء بلدہ ایلہ مصاحبہ ایلوب (دیاربکر) ہ عزیمتلہ فحول علمادن (کوچک احمد زادہ ابی بکر) افندیدن صحیح بخاری و (مختصر ابن حاجب) و (بوزجی زادہ عمر) افندیدن علم تفسیر و عروض ایلہ فنون ریاضیہ دن حساب ، ہندسہ ، میقات (اصول ارتفاع) اوقویہرق بوندن اخذ اجازتہ موفق اولدی .

بعدہ استادی عمر افندینک فضلالی مصردن شیخ عبدالسلام ارزنجانیہ خطاباً یازیلان مکتوبنی حاملہ (مصر) ہ کیدہ رک فاضل مشارالہدن بخاری ، اصول حدیث ، درر الاحکام ، علم قرائت و سائرہ اوقویہرق اصولی دائرہ سندنہ تکمیل نسخ ایلہ دی و (۱۱۷۵) تاریخندہ (استانبول) ہ کلہ رک برطرفدن نشر علومہ ، برطرفدن دہ تألیف آثارہ باشلادی .

بر آراق ادرنہ طریقہ بوسنہ قطعہ سنہ سیاحتلہ ایکی سنہ دوام ایدن بوسیاحتی اثناسندہ و (۱۱۸۱) تاریخندہ اکبر مؤلفاتی اولوب تفصیلی آئیدہ مندرج (روامیزالاعیان) فی تألیفہ مباشرت ایتدی . بعدالسیاحہ استانبولہ عودت و فریضہ حج شریفی ایفا مقصدیلہ شام ، قدس طریقہ حرمین شریفینی زیارتدن صوکرا (استانبول) ہ معاودتلہ ساکن اولدینی (ایاصوفیہ) مدرسہ سندنہ و (۱۱۹۱) تاریخندہ مازالیان (روامیزالاعیان) ی اکمالہ موفق اولدی . (۱۲۲۸) تاریخندہ ارتحال ایدہ رک (اسکدار) دہ (قرہ جہ احمد) مزارستانک (سکودلی چشمہ) دینیلن جہتنہ دفن ایدلدی .

آثار فاضلانہ لری :

- (۱) روامیزالاعیان فی بیان مزامیر المہود والازمان جلد ۵
- (۲) لوامع النور (مختصر الکتب الستہ بمحذف المکررات) ۴
- (۳) حاشیہ علی الدرر .
- (۴) مرقاۃ الطریقۃ المحمدیہ و مرصاة الشریعۃ الاحمدیہ .
- (۵) جامع الفصول فی علمی الفروع والاصول .
- (۶) مباهج الأخوان و مناہج قوانین المیزان (شرح ایساغوجی) .
- (۸) منسک لطیف .

- (۸) رساله فی حق المسافر .
(۹) رساله فی الطب والقیافه
(۱۰) رموز الحقایق وکنوز الدقایق فی الطب .
(۱۱) بدیع النظام فی الجغرافیا .
(۱۲) مختصر روامیرالاعیان .

*
* *

روامیرالاعیان حقنده تفصیلات

عربی العبارة ، بش جلد کبیر اوزره مرتب اولان بوائر جسیمک مؤلف یازیسیلہ محرر ایکی طاقندن بری (غلطه) مولویخانه سی کتبخانه سنده ، دیکری (یره باتان) محله سنده کی (اسعد افندی) کتبخانه سنده موجود اولوب جلد اعتباریلہ حاوی اولدینی مندرجاتنک خلاصه فهرستی بوجه آتیدر :

جلد ۱ : مناقب العلم وفضائل اهله وتفصیل فنونه و ذکر الملائکة والجن والشیاطین واصنافهم و بیان حقيقة الانسان وتفصیل الافلاک وما فیها وتفصیل العناصر والارض وما فیها من البحار والاقالیم وما فیها .

جلد ۲ : سیر محمد (صلعم) و مناقب اصحابه .

جلد ۳ : مناقب کبار تابعین وائمة محدثین و مناقب امام اعظم و طبقات اصحابه .

جلد ۴ : مناقب امام مالک و طبقات اصحابه و مناقب امام شافعی و طبقات اصحابه و مناقب امام احمد بن حنبل و طبقات اصحابه .

جلد ۵ : طبقات الملوك الجاهلیة والملوك الاسلامیة والحکماء والشعراء و بیان ملل الناس و انحالهم . ابواب و فصول اعتباریلہ یدی باب اوزره مرتب اولان برنجی جلد مندرجاتنک فهرسی :

برنجی باب

مباحث علمه دائر اولوب اوچ فصلدر :

- برنجی فصل : مناقب العلم وفضائل اهله .
ایکنجی فصل : کشف العلم و بیان ماهیته و تقسیمه .
اوچنجی فصل : اسماء العلوم والفنون .

ايكنجى باب

اولى العلم وذوى العقوله دائر اولوب ايكى فصلدر :

برنجى فصل : مباحث الملائكة وبيان اصنافهم .

ايكنجى فصل : مباحث الجن والشیاطين .

اوجنجى باب

مباحث انسانه دائر اولوب اوج فصلدر :

برنجى فصل : مباحث النفس الناطقة وقوى الانسانية .

ايكنجى فصل : مباحث بدن الانسان وبيان كيفية تركيبه وعجايبه .

اوجنجى فصل : مباحث اصناف الانسان و بيان تفرقهم فى اقطار الارض .

دردنجى باب

فلکیات ايله طبقات الافلاك وعناصره دائر اولوب درت فصلدر :

برنجى فصل : بيان فلك الافلاك والعرش والكرسى .

ايكنجى فصل : بيان الكواكب الثوابت والبروج الاثنى عشر ومنازل القمر .

اوجنجى فصل : الكواكب السبعة السيارة .

دردنجى فصل : مباحث الزمان وحركة الافلاك .

بشنجى باب

عنصريات ايله كرات العناصره دائر اولوب درت فصلدر :

برنجى فصل : كرة النار واحوالها .

ايكنجى فصل : كرة الهواء .

اوجنجى فصل : كرة الماء .

دردنجى فصل : كرة الارض .

آلتنجى باب

اقاليم حقيقت وعرضيه دائر اولوب ايكى فصلدر :

برنجى فصل : خط استواء .

ايكنجى فصل : اقاليم سبعة .

برنجی باب

مرکبات عنصریه دائر اولوب اوچ فصلدر :

برنجی فصل : معدنیات وکیفیه تکوناتها .

ایکنجی فصل : نباتات .

اوچنجی فصل : حیوانات .

عصمت ابراهیم بک

فضلاډن بر ذات اولوب ملاطیه لی رائف اسماعیل پاشانک مخدومیدر . دور مناصب علمیه ایله روم ایلی قاضیسکری اولدی . اواخر عمرنده سلیمیه شیخی نقشبندیهدن (شیخ نعمه الله) اقدییه انتساب ایتمشدی . اوغلو حکمت بکک سویله دیکی (کوچدی عصمت بک اقدی عالم ماهرایدی) مصرانک دلالتی اولان (۱۲۲۲) ده وفات ایده رک (اسکدار) ده (نوح قیوسی) قبرستانه دفن ایدلدی . امام زخشرینک (اساس البلاغه) سنک مجازیاتی اختصار ایده رک (الایجاز فی اختصاص المجاز) تسمیه ایله دی . (حاشیه قاری) وسائره کبی آثاری ده واردر . محرمک اون یدنجی جمعه کونی تولد ، ینه محرمک اون یدنجی کونی وفات ایتمشدی که روز وفاتلری یوم ولادتلرینه تصادف ایله دیکی اتفاقات غریبه دندر . احوال سیاسیه ده واقف ایدی مکالمه لرده مرخص صفتیه بولنور ابراز لیاقت ایدردی . طبیعت شعریه سی ده واردر . ترجمه حالی شعرا فصلنده محرر الاسلام عارف حکمت بکک پدرلریدر .

عبدالرحیم بن اسماعیل (عاکف زاده - مفید عاکف)

فضلاډن بر ذات اولوب امامیه لیدر . استانبول قاضیسی ایکن (۱۲۲۳) تاریخنده وفات ایده رک شهزاده جامع شریفی حظیره سنه دفن ایدلدی . مؤلفاتی غیر مطبوعدر . (شعله الیقین) ، (عنوان المشایخ) ، (تقریب المبتدی) ، (سبیل السالکین) ، (مهمات صوفیه) ، (کتاب المشهود والمسموع فی تراجم المشایخ والعلماء) ، (مرآت الناظرین فی منبهات المتصوفة الطاهرین) در . طریقه نقشبندی اولدینی بر نسخه سی یحیی اقدی کتبخانه سنده موجود (مرآت الناظرین) ک نهایتنده مذکوردر . برده (مجلة المحاکم) اسمنده فتاواسی واردر . (۱۱۹۲) تاریخنده وطنی اولان (آماسیه) ده وفات

ایدن پدری (اسماعیل بن عاکف مصطفی) ده فضلادن برذاتدر. (مقسم الفنون) ، (قصائد میمیة وعینیة) جمله آثارنددر .

مترجم قاموس احمد عاصم افندری

فضلا وادبادن متفنن ومتبحر برذات اولوب (عینتاب) لیدر . علوم آلیه بی وطنی علماسندن عمر زاده حافظ وحاجی حسن زاده افندیلردن وعلوم عالیہ بی مشاہیر فضلادن صاحب تألیفات (خواجه نجیب) افندیدن تحصیل وقنون شعر وادبی پدرندن تکمیل ایددرک (قالمادن خاک مزلنده همان ای عاصم - عازم سوی سیاسای ستانبول اولهلم) زمزمه سیله (۱۲۰۴) تاریخنده استانبوله کلوب برمدت صوکرترجمه سینه موفق اولدینی (برهان قاطع) ه مکافاة طریق علمیه ده حرکت خارج رتبه سینه نائل و (۱۲۳۰) سینه سنده ترفیعاً (سلانیک) مولویته واصل اولدی . وبومولویتدن معزولاً (۱۲۳۵) تاریخنده اسکدارده نوح قویوسنده کی خانه سنده ارتحال ایله یوب خرمنلقدن مسکینلره کیدن یولک صاغ طرفنده کی سد اوزرینه دفن ایدلدی .

(۱۲۵۸) تاریخنده وفات ایدن مخدومی خواجه حامد افندیده یاننده مدفوندر. کتابه سنک مزاری بروجه آتیدر: ولعم هذا قبر فاضل الزمان وحید الدوران مترجم القاموس المحيط والبرهان القاطع ومترجم سیر المنظومة الحلبي وشارح منظومة الامالی وصاحب التصانيف في الفنون المتنوعة اعني والدنا واستاذنا ابي الکمال الحاج السيد احمد عاصم العینتابی المأمور فی تحریر وقایع الدولة المحمودیه العثمانیه سابقاً رحمة الله علیه الى يوم البقا : لروحه الفاتحه (۱۲۳۵)

لسان مادر زاديله برابر عربی وفارسی کبی ایکی اساسلی لسانه وقوف تامی وبولسانلرادیاتنده کی اقتدار وکمالی شاعر نابی نک (ان اثارنا تدل علینا . فانظروا بعدنا الى الآثار) بیتی مصداقجه کون کبی اشکاردر .

صدرا سبق سعید پاشانک (غزته جی لسانی) اسمنده کی رساله سنده فرانسه زجه یه ده واقف اولدینی محرردر .

فقط مسلم انام اولان بوقادار فضیلتیله برابر من جهة الدنیارفاه وسعاده نائل اولامادینی (رقیب و یاردن شکواسی یوقدر عاصم زارک . انک فریادی آنجق بخت ناهمواردندر هب) (نیجه بر خدمت مخلوق ایله مخذول اولهلم . سائل حق اولالم نائل مسؤل اولالم) ترانه لرندن ده اکلا شیلیمقدمه درکه بالوجه شایان نظر بولونان بو نقطه طالعی سر نکون اولان بعض ارباب فضیلتی حسب البشریه دوچار تأمل ایتمکده در .

عینتاب اعیانندن نوری پاشا وقعه سنده کتابلری اشیا سیله برابر تباه اولدینی واستانبوله کی

خانه‌سی‌ده یانه‌رق بو وجهله‌ده فلکک سه‌سه‌ اوغرا دینی یازیلان بیتلرنده کی تله‌فاته سبب اولان و قایع‌دندر .

وقعه نویسلک مأموریتنه تعیینی (۱۲۲۲) سنه‌سی استعفا ایدن عامر بکدن سوکرادر .
آثار فاضلانله‌ری : (۱) (ترجه قاموس)

متن اثر فاضل بیدانی (مجدالدین فیروز ابادی) آثار مخلصه‌سندن اولوب التمش بیک ماده‌بی جامعدر . مؤلفک خط دستیلله محرر نسخه‌ اصلیه‌نک خطه‌ یمانیه‌نک (زبید) قصبه‌سی کتبخانه‌سنده محفوظ اولدینی مرویدر .

بو اثر (۹۶۳) ده وفات ایدن مرکز اقدی زاده شیخ احمد اقدی طرفندن (بابوس) اسمیه‌ و بر جلد کبیر اوزرینه ترجمه ایدلمش اولدینی مشایخ فصلنده مذکوردر .

علماء عثمانیه‌دن (۱۰۱۰) ده وفات ایدن (داود زاده محمد) اقدی طرفندن ده (الدراللطیف فی اغلاط القاموس المحيط) اسمیه‌ تنقیح ایدلمشدر که بونکده نسخه‌لری استانبول کتبخانه‌لرینک بعضیلرنده واردر .

عصر اخیر فضلاسندن لبنانی (فارس) اقدینک (الچاسوس علی القاموس) اسمنده کی اثر مطبوع‌لری ذهولات قاموسی مبین اولمق دولایسیله دقایق علم لغتله متوغل ذوات ایچون باعث استفاده آئاردندر .

عاصم اقدینک ترجمه‌لری بر کره مصرده ایکی دفعه استانبولده طبع اولونمشدر .
(برهان قاطع) ترجمه‌سندن سوکرا بش سنه‌ده اکماله موفق اولدینی بو اثر قیمتدارینی سلطان محمود عدلی‌به تقدیم ایده‌رک مظهر تقدیر و مکافات شهریار ایدلمشدر .

(۲) (ترجه برهان قاطع) متن اثر (حسین بن خلف تبریزی) نک اولوب (هندستان) ک (کاکته) شهرنده طبع اولونمشدر . عاصم اقدی بو ترجمه‌سنی شهید سعید سلطان سلیم ثالثه تقدیم ایده‌رک نائل تقدیر تاجدار ایدلمش و بو تقدیر جمله‌سندن اولمق اوزره مطبعه‌ عامرده طبع اولنه‌رق نسخ مطبوعه‌سنگ کندوسنه اعطا و احسانی فرمان بیورلمشدر .

(۳) (ترجه سیرحلی)

سیر و غزوات پیغمبریدن باعث اولان متن اثر راغب پاشا خواجه‌سی شهرتیه بنام حلی الاصل ابراهیم اقدی طرفندن تألیف و عاصم اقدی طرفندن ترجمه اولونمشدر .

(۴) (مرح‌المعالی فی شرح قصیده‌الامالی)

متن قصیده مشاهیر علمادان (سراج‌الدین علی بن عثمان اوشی) نک مسائل اعتقادیه‌بی مبین (قصیده‌امالی) شهرتیه بنام اولان منظومه‌سی اولوب صاحب ترجمه عاصم اقدی طرفندن تورکجه و مفصل برصورتده شرح اولونمشدر که متداول شرح‌لرک جمله‌سنه فائقدر .

(۵) (تحفه لغت عربيه)

مبتدی و متوسط لرك لغات عربيه تعلمنى تسهيل مقصديه يازلمش بر ائردر .

(۶) (تاریخ عثمانی)

زمانی وقایعی حاوی ایکی جلد بر ائردر که طرز تحریرینه دائر (جودت) تاریخنده برآز معلومات واردر .

(۷) (ترجمه مظهر التقدیس بخروج طائفة الفرنسیس)

فرانسز لرك مصره دخوللرندن خروجلرینه قدر یومیه ظهوره کلن وقایع مصریه حقنده علماء مورخیندن (شیخ عبدالرحمن جبرتی) نك قلمه الدینی اثر تاریخینسك ترجمه سیدرکه (۱۲۴۸) تاریخنده وفات ایده رك اسکدارده (حضرت نصوحی) درگاهنه دفن ایدیلن حکیم باشی (مصطفی بهجت) افندی طرفندن ده ترجمه ایدلمشدر .

نتیجه : حضرت مترجم عثمانیلرك اولیای عرفانندن معدود باخصوص (قاموس) و (برهان) ترجمه لرله ایتدیکی خدمت علمییه سی اونودماز بر همتدر .

عطاءالله محمد افندری

(شیخ الاسلام) شریف محمد افدینك مخدومیدر . (ابو اسحق زاده) شهرتیه بنامدر . (۱۲۳۶) تاریخنده (کوزل حصار - آیدین) ده وفات ایتدی . جامع عتیق ساحه سنده مدفوندر . سکوتی مقاله ، حلمی انفعاله غالب ایدی . مرتب دیوانی تقریضات و منشآت عقائد و هابیه نك رد وابطاله دائر قاضی عسکر (علی زاده) افدینك رساله سنه شرحی واردر . فتاوا دن (بهجه ، نتیجه ، فیضیه) نك الفاظ و عباراتی تلخیص و تنقیحه همت ایله مشسده تفسیر بیضاوی یه یازدینی ترکی حاشیه یی اتمامه موفق اولامامشدر . (برهان قاطع) . کوزل یرتقریضی واردر . (علی القاری) نك ده مناسك حجی اختصار ایتمشدر .

عبدالله افندری «قیم زاده»

فضلا ی متأخریندن برذات اولوب (کنغری - چانغری) لیدر . آتارینك اک مشهوری بین العلماء متداول اولان فزاری حاشیه سی در . (۱۲۳۹) تاریخنده قدس شریف مولویتنی اکالدن صوکر ا یولده کلبرکن (شعور) نام محله وفات ایله دی .

آثاری :

(حاشیه فناری ، حاشیه علی الجلال ، حاشیه علی الحیالی ، حاشیه علی التهذیب ، حاشیه آداب میری) در .

عبدالرحمن افندی «تیره‌ری»

علوم عربیه ده اکتساب رسوخ ایله بن علمادن اولوب (تیره) لیدر . فرائضدن (سراجیه) به (فوائد سراجیه) نامیه مکمل بر شرحی (و عملوا الصالحات) آیت کریمه سنده کی صالحات کلمه سنک مفعول مطلق اولدیغنه قائل اوله رق (صرف ، نحو ، وضع ، کلام ، حکمت ، الهی ، معانی ، اصول) علملرینه تطبیقاً شرحه دائر رساله سیله (رساله فی کرامه بنی آدم ، رساله فی قوله تعالی المال والبنون زینة الحیوة الدنیا ، رساله فی الاختلافات فی العقل ، رساله فی کلمه دون ، رساله فی حدیث احب الکلام الی الله سبحانه الله والمحمدله ، رساله فی لاله الا الله ، رساله فی حدیث آخر ما ینخرج من قلوب الصدیقین حب الجاه ، رساله فی الحضر والایاس ، رساله فی العلم ، رساله فی قوله تعالی انا نزلنا اسمعزنده رساله لری واردر . لسان تصوفه ده واقف اولدقلری اثرلرندن استدلال اولونمقده در .

بوزولات مشاهیر علماسندن اوده مشلی (چاقر احمد زاده) بدایه صاحب ترجمه دن تعلم ایلشدر . (۱۲۴۹) تاریخنده (تیره) ده ارتحال ایله دی . استاسیوندن حکومه کلن یول اوزرنده کی اوفق قبرستانده مدفوندر . سنک مزارنده عبارته آتیه محکوکدر :

«مصنفیندن تیره وی السید عبدالله زهدی روح شریفلرینه فاتحه اهدا اولنه ۱۲۴۹»

(۱۲۵۵) ده وفات ایدن مخدومی احمد افندیده یاننده مدفوندر .

نمودن (امتحان الاذکیا) به جاشیه یازان (عبدالعزیز) افندی ایله و (۹۶۰) ده (سوره تغابن) ایله (سوره معوذتین) ه تفسیر یازان (رمضان بن محمد الشهیر بسعی) و (۱۰۰۰) ده (تیره) ده مفتی اولان فقهدهن (بحار الزاخره) شارحی (حاجی محمد) ده (تیره) دن یتیشن فضلادندر .

عبدالرحیم افندی «فواجر»

مشاهیر علمادن منتشالی (پالایبق محمد) افندی مرحومک برادر فضیلتمندیدر .

کندیسندن سوکرا میدان فضیلتده اوکعبده برذاتک کورولدیکنی مورخ فاضل (جودت پاشا) تاریخنده ذکر ایدیور . مدت مدیده فاتح مدارسده اختیار ازوا ایلهدی .
(علی قوشچی) نك علوم عربیه نك همان کافه سندن باحث اولان (عنقود الزواهر) ینه یازدینی مطبوع شرحدن فضلی مستبان اولور .
بعض تعلیقاتی ده واردور . (۱۲۵۲) تاریخنده وفات ایده رک ادرنه قوسی خارجنده (ابراهیم حلبی) مرحومک یانه دفن ایدیلدی . برمدت سرای هایون معلمکننده بولوندیله .

عبدالله ایوبی

رئیس القراء عبدالله به محمد صالح ابوبی

افاضل عثمانیه دن برذات اولوب (ایوب سلطان) محله سندنر . علوم آلیه یی زمانی مشاهیر فضلاسندن وعلوم عالییه یی شیخ الاسلام حمیدی زاده مصطفی افندیدن تعلیم ایده رک علی الاصول اخذ اجازت ایتدی . برآراق فاضل ذوقنون (کنبه وی اسماعیل افندی) مرحومدن (کرماسیتلی یوسف افندی) نك علم اصول فقه دن (وجیز) نام اثرینی تدرس ایلدی . و علم قرائت قرآن متخصصلرندن ابراهیم و صالح افندیله مثللو حمله قرأندن سبعة عشره ، وجوه تعلیم ایتدیکی کبی کبرای نقشبندیه دن (مراد بخاری) درکاهی شیخی (محمد افندی) یه ده انتساب ایده رک بعده نشر علوم وتألیف آثاره باشلادی . بو وجهله اوقاتکذار ایکن (انتقل معلم قرآن الحکیم) ترکینک ناطق اولدینی (۱۲۵۲) سنه هجریه سنده ارتحال ایله یوب حضرت (خالد) (رضه) ک قدم جهنده کی پنجره کنارینه دفن ایدلدی .

ترجمه حال عالیرینک تفصیلی (الولد صنوابیه) سرینه مظهر اولان مخدوملری (ملا افندی) شهرتیه بنام (محمد امین) افندینک آثار فاضلانه لرندن (کلشن مشایخ سلاطین) نام اثر قیمتدارنده مذکوردر .

مؤلفات فاضلانه لری :

- (۱) تفسیر سورة فتح .
- (۲) مجالس المواعظ .
- (۳) امام شاطینک عدای القرآن حقنده کی (ناظمه الزهر) قصیده سنه (لوامع البدر) اسمیله شرح .

- (۴) (ملا علی القاری) نك جمع ایتدیكى ایكى كله لی احادیث اربعینه (منحة الباری) اسمیله شرح .
- (۵) مهماندار حضرت رسالتنهای حضرت (خالد بن زید الانصاری) دن مروی اولان اولان احادیث شریفه نك ترجمه و شرحی .
- (۶) (ولی الدین) افندیك (۱۰۹۹) تاریخنده جمع ایتدیكى احادیث قدسیه یه شرح .
- (۷) فضلا دن (آماسیه) لی (عاكف زاده) نك (مرآت الناظرین) اسمنده کی اثرینه شرح .
- (۸) مناقب (ابوالحسن الشاذلی) ترجمه سی .
- (۹) سلوك نقشبندیه دأثر (خادمی) مرحومك رساله سنك ترجمه سی .
- (۱۰) (سلسلة الذهب) ك شرح عربی سنك ترجمه سی .
- (۱۱) (مستحی زاده) مرحومك (فضائل جماعت) رساله سنك ترجمه سی .
- (۱۲) آداب المسافرين (حضرت خالدك مناقبیه آداب زیارتندن با حذر) .
- (۱۳) هدیة الحجاج - مناسك حج .
- (۱۴) تحفة الامام فی فضائل الصیام .
- (۱۵) جوار تربة (خالد) ده مدفون اولان ذواتك مناقبی مین (احكام المسافرين فیمن دفن فی جوار ابی ایوب) .
- (۱۶) نحو دن (محرم) ك تكمله سی .
- (۱۷) (فوایح الاذكار) اسمیله (شرح اظهار) .
- (۱۸) حاشیه علی الخیالی .
- (۱۹) نحو دن (امتحان الاذکیا) شرحی [ناتمامدر] .
- (۲۰) مفتاح السعادة المدينة - فضائل مدینه منوره .
- (۲۱) محمودیه .
- (۲۲) مجموعة الفوائد .
- (۲۳) (حیاتی) افندیك جمع ایتدیكى احادیث اربعینه شرح .
- (۲۴) رحمانية من التفسیر .
- (۲۵) ايقاظ القراء .
- (۲۶) نصایح الملوك .
- (۲۷) امام سیوطی تلامیذن دن (احمد الانصاری) نك اثری اولان (نفحات العیبر الساری فی فضائل ابی ایوب الانصاری) ترجمه سی .

- (۲۸) شرح میزان القراء العشرة .
 (۲۹) (تذكرة الرماة) : فضائل رمى ايله تعليم و تعلمى حقنده كى قرق حديث شريفك
 ترجمه لرینى جامع اولان بو اثر ، سلطان محمود عدلى نك قهوه جى باشيسى (مصطفى
 كانی بك) طرفندن ترتیب و تألیف اولونوب (۱۲۶۳) تاریخنده طبع ایدیلن (تلخیص
 رسائل الرماة) ك مقدمه سنده محرر در .

عبدالسلام افندى « سید عبدالسلام افندى »

فولیندن بر ذات اولوب (ماردين) لیدر . تحصیلى ماردين ، دیار بكر ، حلب ، شام ،
 سر ، استانبول ده در . اكل تحصیلدن صوكرام ملكتى مفتیلکنده بولونه رق افتا و تدریسده
 لوندى . (۱۲۵۹) تاریخنده ارتحال ایدهر ك (تکیه) محله سنده (ابراهيم بك) حظیره سنه دفن
 لندی . آثارى غیر مطبوع اولوب بر مقدارى بوجه آتی در :

- (۱) شرح الفاتحة الشریفة [بحروف مهملة من صناعة فن البديع قدمها لوالى بغداد على
 رضا پاشا]
- (۲) رساله فى الصفات .
- (۳) رساله فى الرد على الطاعنين فى اعجاز القرآن .
- (۴) رساله فى عدم جواز الاعتقاد بالقرطاسية والتسخير وما اشبه .
- (۵) رساله فى مسائل اثني عشر المنازع فيها بين اب الحسن الاشعري وابى منصور الماتريدى .
- (۶) القيراطية الصغرى فى الفرائض .
- (۷) القيراطية الكبرى فى الفرائض .
- (۸) كتاب فى علم البيان .
- (۹) حاشیه على الحاشية اللاربية فى الحكمة .
- (۱۰) خلاصة المنطق .
- (۱۱) زوال الترح فى شرح منظومة ابن فرح فى اصول الحديث .
- (۱۲) كتاب اسماء رجال الحديث وتراجم احوالهم .
- (۱۳) شرح نوابغ الكلام من بلاغات الزمخشري .
- (۱۴) الشافى فى شرح الكافى فى علمى العروض والقوافى .
- (۱۵) مختصر معاهد التنصيص على شواهد التلخيص .

(۱۶) ام العبر [عربی العبارة بر جلد تاریخ عمومی اولوب ماردين وديار بكر حواله سیلا
قبائل اكرادك اخلاق واحوال تاريخيه سندن وبوميانده يزیدی طائفه سنك احوالندز

[باحندر]

(۱۷) مجموعه فتاوا .

طبیعت شعریه سیده اولوب بر خیلی اشعاری واردر .

عمرشوقی افندی «ماردینی»

فضالان بر ذات اولوب آتی الترجه (یوسف صدق) افندی نك پدریدر . تحصیلنك بدایتی
مملکتی علماسندن (زینی زاده محمود) افندیدن تلم ایتدیکی کبی نهایتی ده (قیصریه) علماسندن
(خواجه قاسم) افندیدن اكمال ایدرهك وطننه عودتله تدریس وتألیفله امرار حیات ایله دی .
وفاتی (۱۲۶۸) تاریخنده در .

آثاری غیرمطبوع اولوب باشلیجه لری بروجہ آتی در :

(مجموعه فتاوی) ، السنه ثلثه اوزرینه (دیوان) ، (منیه المصلی ترجمه سی) ، عروضدن (کاف
شرحی) طبدن فارسی براترك ترجمه سیدر .
(مجموعه فتاوا) سی مفتیلکی زماننده ویردیکی فتاوانی جامع در . طریقه قادری ورفاعی در

علی محبالی افندی «بورغانچی زاده»

علماء مشهوره دن بر ذات اولوب (دکزلی) دندر . (شرح عروض اندلسی) ایله (شرح
شاهدی) کبی آثاری اولدینی (دکزلی) ده تحقیق ایدیلدی .

وفاتی سنك مزارنده محرر شو : (۱۲۵۳) رحلتی (فاتحه وهم سورہ اخلاص بخوان)
تاریخنده در . آتی الترجه یایا کویلی (حاجی احمد) افندی باشلیجه مجازلرندندر .

(دکزلی) نك براسمی ده (لاذقیه) اولدینی سیاح مشهور (ابن بطوطه) نك (تحفة النظار
فی غرائب الامصار وعجائب الانظار) اسمنده کی سیاحتنامه سنك برنجی جلدینك (۲۱۷) نجی
صحیفه سنده و ترجمه شقایقه مرکز افندی بختنده مصر حدر . اساساً لاذقیه نك اسمی ده
دکزلی به بر ساعت مسافده الیوم خرابه جسیمه سی مشهود اولان قدیم (لائودیقیا) شهرندن
آلته در .

عارف افندی «شیخ الاسلام»

بش سنه قریب امور مشیخت اسلامیہ حسن اداره ایله برخیلی نظامات و تنسیقات و مکتب نوابك تأسیسنه موفق اوله رق (۱۲۷۵) ده وفات ایله دی . (مشرّب زاده حفیدی) شهرتیه بنامدر . ادرنه قپوسی خارجنده کی مصطفی پاشا درکاهی جوارنده مدفوندر . فاضل و عدل و حقانیتدن آیرلماز امور آشنا برذات ایدی . (جامع الاجارتین) عنوانلی اثر مشهوره برطاقم تطبیقات و تعلیقات علاوه ایده رک فشرایتدیکی کبی سابق الترجه (دهده) افندینک (سیاستنامه) سنی ده ترجمه ایله مشدرکه مطبوع و موجب استفاده در .

عاصم افندی «سید عاصم افندی»

ارباب علم و دانشدن برذات اولوب شهریدر . (تصوف ، حکمت ، تاریخ ، جغرافیا) و سائرهدن باحث (حکمت نما) اسمنده تورکجه یازمه بویوجک براری واردرکه باعث استفاده آتاردندر . بو اثرینی (۱۲۴۸) تاریخنده یازدیغنه کوره متأخریندندر .

عبدالرحمن فوزی افندی «هواجر»

لسان عثمانی قواعدینی اساسلی بر صورتده تدوینه همت بویوران بر فاضلدر . بدایت تحصیلی وطنی اولان (کوتاهی) ده پدرندن نهایتی ده درس عادتده امام زاده اسعد افندی مرحومدن اکل ایله اللی تاریخنده آچیلان رؤس امتحاننده اثبات فضیلتله استانبول مدرسلکنه نائل اولمشدی . برسنه صوکرما مکتب حربیه علوم عربیه معلملکنه تعین اوله رق (۱۲۸۰) تاریخنه قدر ایفای حسن خدمتله تقاعد اولمش (۱۲۸۱) ده وفات ایده رک جوار حضرت خالدده واقع عبدالودود مرقد شریفی قربنه دفن اولونمشدر . مکتب حربیه ده (کتابسز) شهرتیه بنام اولوب ریاضیون عثمانیه دن مصطفی پاشا بو ذاتک مخدومیدر .

آثارینک باشلیجه سی (۱۲۶۳) تاریخنده تألیف ایتدیکی (مقیاس اللسان و قسطاس الیان) [۱]

[۱] فؤاد وجودت پاشا لک ترتیب و تألیفنه همت بیوردقلری قواعد عثمانیه کتانه مأخذ اولدینی مروی اولان والسنة شرقیه علماسندن (رودهوس Radhaure) اسمنده کی انکلیزک اثری اولوب (۱۸۴۶) تاریخ میلادیسندن قسم جزئیسی تورکجه اوله رق اساساً فرانسزجه اولق اوزره :

grammaire raisonnée de langue Ottomane طبع اولونان اثر دخی لسان عثمانی قواعد صرفیه ونحویه سنه دائر یازیلان آثارک اسکیلرندندر . انحق (رودهوس) وفیق پاشا مرحومک لهجه عثمانیه سیله اوزبکر شیخی سلیمان افندی مرحومک چفتای لغاتی بنسه مسنه پک اینانلماز چونکه مشارالیه مانک علم لفته اولان وقوف تاملری موی الیهک واهی ادعاسنه مانمدر .

اسمندی کی مطبوع اثر در کہ لسان عثمانینک باخصوص صرفیہ برازدہ نحوینہ دائر قواعد متینہ بی
محتویدر . قواعد عثمانیہ ایلہ متوغل ذواتہ الزم آناردندر .

عبدالعزیز احمد افندی

علماء قضاتدن بر ذات اولوب (بابا قلعه) لیدر . (۱۲۷۷) تاریخندہ غلطہ قاضیسی ایدی .
(مناسک حج - تحفۃ المؤمنین)، (موضح التحفۃ)، (دائرة المؤمنین فی النکاح والطلاق)، (نجات
المؤمنین فی البیع والشرا) اسمارندہ رسائلی مطبوعدر . (داود قارضی) نک اصول حدیثیہ
(مقرب الطالبین) اسمیلہ ترجمہ وطبع ایتشددر .
(ہدیۃ المؤمنین فی اضحیۃ المسلمین)، (موضح التحفۃ علی العوامل)، (مواصلۃ المؤمنین)، (تحفۃ
الطالبین ترجمۃ العوامل)، (توضیح التحفۃ فی تحفۃ العوامل) اسمارندہ کی رسائلی حاوی خط دستیلہ
محرر اولان مجموعہ سی فضلائی عصردن بغدادی اسماعیل پاشانک کتبخانہ سندہ در . حدیث
اربعین شرحیلہ (مواہب العزیزیہ) اسمارندہ اثر لری اولدیغی دہ (دائرة المؤمنین) نہایتندہ ذکر
ایدیور .

علی بہ عثمانہ اقشہری

علمای اعلامدن بر ذات اولوب آق شہرک (اوکس) قریہ سندندر . ترجمۃ حالی سبق ایدن
قرہ آغاچی رشدی احمد افندیکن متمیز مجاز لرندندر . تحصیلنی اکالان صوکر آق شہردہ تدریس
وافتا ایلہ مشغول اولہرق (۱۲۸۵) تاریخندہ آق شہردہ ارتحال ایلہ دی . آثار علمیہ سنک قسم
اعظمی مطبوعدر کہ شونلردر .

(تلخیص الاساس - شرح بنا)، (شرح ابیات الکافیہ والجامی)، (قیاسیۃ الفناری)، (مختصر دسوقی)،
(شرح قصیدۃ اتی عشریہ)، (شرح رسالۃ الوضعیۃ العضدیہ)، (شرح اداب البرکوی)، (قصیدۃ
لامیہ من الکلام)، (شرح رسالۃ طاش کوپرو من الاداب) در . (۱۸۸۱) دہ وفات ایدن
(جامع الفرائد) صاحبی مصطفی کشفی افندی دہ (آق شہر) دن یتیشن علماندندر .

عثمانہ عبد المنانہ افندی

علماء ومشایخ نقشبندیہ دن بر ذات اولوب (صندوقلی) قضا سنک (شینملو - چیوریل)

تاحیه‌سندندر . علوم رسمیه‌ی پدرانند تحصیل ایده‌رک درسعادته عزیمتله سیوری حصارى عثمان افندیډن انابت واخذ اجازه موفقی اولدی . بوارهلق (دکترلی) ده اختیار اقامت و (۱۲۷۲) تاریخنده دارعقبایه رحلت ایده‌رک (دره تکیه) نام‌محلله دفن‌ایدیان خلفای نقشبندیه‌دن (شیروانی حاجی احمد) مرحومک کریمه‌سنی تزوجله مقامنه قائم اوله‌رق تدریس وارشاده باشلادی .

۱۳۰۱ تاریخنده ارتحال ایده‌رک قاضی پدري‌یانه دفن‌ایدلدى . (شرح علی قصیده‌المعشرات للشیخ‌الاکبر) المسمى (بماوی‌الغائب فی مجد‌النصایح) ، (ترجمه مفتاح‌المعیه فی طریقه‌النقشبندیه) ، (خلاصة‌المنطق فی شرح تهذیب‌المنطق) اسم‌لرنده‌کی مطبوع و (ایها‌الاخوان) ، (مجلس‌عیدین) ، (رساله‌نطقیه) اسم‌لرنده غیر مطبوع آثاری واردر .

عبدالستار افندی

علم فقه متخصص‌لرندن بر فاضل اولوب (قریم) لیدر . مدت مدیده درساعات مکاتب عالیه‌سنده (فقه) تدریس ایله‌دی . (۱۳۰۴) تاریخنده ایفای حج شریفی متعاقب (طائف) ده وفات‌ایندی . مؤلفات مطبوعه‌لری: (شرح قواعد‌المجله) ، (مدخل فقه) ، (تشریح القواعد‌الکلیه فی احکام الفرعية‌العملیة) .

عبدالله افندی

مواشی، هم‌بیره مؤلفی کلبسی خواجه زاده عبدالله انوری افندی

(۱۲۴۱) سنه هجریه‌سنده حلب ولایتنه ملحق کلیس قصبه‌سنده تولد‌ایله‌یوب پدري‌عبدالرحمن افندیډن تکمیل‌نسخ‌ایله (۱۲۶۱) ده اجازت‌نامه آلدی و مشایخ نقشبندیه‌دن مولانا (محمدجان) حضرت‌تلیزینک خلیفه‌سی (بای‌تاز زاده حاجی عبدالله شاه‌سرمست‌ولی) افندیډن ده اکمال سلوک‌ایله‌دی . بوندن سوکرا اجدادینک تدریس‌کاهی اولان کسیک مناره مدرسه‌سنده نشر‌علومه باشلایوب صرف نظر‌یادن عبارت قاله‌رق هیچ بر تطبیقات کورده‌مین نظریات منطقیه‌ی تطبیقاته توفیق ایده‌رک اوزمانلره قادر منطقک یالکیز عربجه عربجه کتابلره منحصر و مخصوص اولماسی‌کی حاصل اولان فکر ضعیفی اساسندن چوروته‌رک تدریس اثناسنده یاپیلان قیاسلرک اک چوغنی تورکجه عبارده ایله متنوع موضوعلردن ترتیب و تطبیقه موفقی اولدی .

وبو وجهله قواعد منطقیه‌ی تطبیق ایچون مدارسده یاپیلان و «العالم حادث . لانه متغیر ..»

و « ان كانت الشمس طالعة فالنهار موجود . . » کبی محدود بر قاج مثال و موضوعه منحصر قالان و عادتاً اقسام قیاسه عائد بونلرک خارجنده موضوع و مثال بولونامیه جفته دائر حاصل اولان ذهاب ناقصی فاتحه شریفه ایله منطقک (دلالت) بحثک هر برندن متنوع اون بیک قیاس یاپیله بیله جکنه و بناء علیه هر هانکی لسانده اولورسه اولسون هیچ برسوزک ، هیچ بر عباره نک منطق خارجنده اولامیه جفته دائر سرد ایله دیکی براهین منطقیه ایله تصحیح و اثبات یلدی .

هان هر سنه ممالک اسلامیه نک هر طرفندن - اکثری مجاز ذوات اولوق اوزره - یوزلرجه طالب علم حلقه تدریسنه داخل اولوردی . سنه تدریسیه ابتداسنده مخاطبه هیچ بر کتاب استصحاب ایتدیرمهدن منطقک خلاصه سنی الک غبی بر کیسه نک آکلایه بیله جکی طرزده تقریر ایدر ، صوکر صیره سیله تصورات و تصدیقاتک لزوملی بختلرینی ، اولره تردیفاده علم کلامدن یا شرح عقائد نسفی بی ، یاخود جلال الدین دوانی بی ، قرائت عشره و سبعة بی و بر مقدار تفسیر شریف تدریس ایله ، هر سنه رجب ابتدالرنده اجازتنامه ویرردی . قرائت سبعة و عشره اوزره دفعاتله ختم قرآن عظیم الشان ایتمش و ایتدیرمش ؛ بکرمی بی متجاوز رمضان شریفده ختم ایله تراویح قیلدیرمشدی .

هر هانکی علمی تدریس ایدرسه ایتسین ، کتاب طوتمقدن مستغنی هر قاج ساعت تقریر و خطابه ده بولونورسه بولونسون بر لفظ ، یاخود عبارتی مدار بیان و کلام ایدرک تکرار لاقم نقیصه سندن معرا ایدی .

(۱۲۷۲) سنه سنده استانبوله کله رک تصدیقات حاشیه سنی جتمکان سلطان عبدالجیده تقدیم ایتمش ، یوزلیرا احسانه نائل اولمش ، مذکور حاشیه با اراده سنیه مطبعه عامر ده طبع ایدلمشدر . (۱۲۷۵) ده ولایت واسطه سیله تصورات حاشیه سنی تقدیم ایتمه سیله ده با قید حیات یوز الی غروش معاشله تاطیف اولونمشدر .

(۱۳۰۳) سنه هجریه سنده آلتمش اوچ یاشنده اولدینی حالده ارتحال دار بقا ایله پدری یاننه دفن ایدلمشدر .

مطبوع اثرلری :

منطقدن عربجه (تصورات ، تصدیقات ، فناری و ایساغوجی حاشیه لری) ایله تورکجه (منطق زبده سی) و فن اداب مناظره دن (حسینه حاشیه سی) .

غیر مطبوع آثار ی :

علم کلامدن (جلال الدین دوانی ، شرح عقائد نسفی ، خیالی) حاشیه لریله منطقدن (تهذیب المنطق) ، فن اداب مناظره دن (میرابوالفتح) ، نحو دن (ملاجامی) حاشیه لریله قرائت سبعة

وعشرمیه دائر تورکجه (زبده) نامیله بر رساله ، و اواخر عمرینه تصادفله ناتمام قالان (قاضی بیضاوی) تفسیر شریفی حاشیه‌سندن عبارت اولمق اوزره اون درت دانه در .

عمر علمی افندی

(مجله) جمعیتی تشکیل ایدن فقهدان اولوب استانبول فقهایی بنامندن (قرین آباد) ی .
خواجه (عبدالرحمن) افندی مرحومک مخدوم فضائلو سومیدر . مشاهیر علمادن تیکوشلی یوسف افدینک حلقه تدریسنه مداومته علوم آله و عالییه ی ا کمال ایتدی .
(۱۳۰۸) تاریخنده ارتحال ایدرک (فاتح) ده ودیعه خاگ مغفرت قلندی .

آثار مطبوعه‌لری :

(احکام الاراضی) (کتاب الدیات) ه عائذ (معیار العدالة) ایله (اتحاف الاخلاف فی احکام الاوقاف) درکه بوائر فرانسزجه‌یه ده ترجمه اولونمشد .
(احکام الاوقاف) اوقافک نه دیمک اولدیفنی بیلمه‌لری لازم کلن بالعموم اوقاف مأمورلریله متولیره الزم تورکجه برآردر .

عبر النافع عن افندی « رمضان زاده »

آطنه مفتی اسبقی اسحق افدینک حفیدی اولوب فضلا وادبای عصرک سرآمداننددر .
اخر مأموریتی انتخاب مأمورین قومیسینو ریاستی ایدی . (۱۳۰۸) تاریخنده قطعه حجازیه‌ده ارتحال ایتدی . طائفده مدفوندر .

آثار مطبوعه ترکیه‌سی :

(ترجمه مطول - النفع الموعول فی ترجمه التلخیص والمطول) ، (ترجمه نخبه الفکر من اصول الحدیث) ، (منتخبات رساله قشیرییه من التصوف والاخلاق) ، (ترجمه برهان کلبوی من المنطق) ،
(ترجمه تلخیص المسمى بروضة الفصاحة) وسائرده در .

(نافع الانار نوباوه ثمار الاسمار) اسمنده ایکی قسم اوزره مرتب اثرلری ده محاضرات و اخلاقه عائددر . اشبو آتاردن تخصیص ایکی جلد مطول ترجمه‌سی علوم عربیه‌ده کی بهره کلیرینه شاهددر . مؤدب ومتواضع ایدی . آثار شعریه‌سی ده چوقدر .

ابیات حکیمانه لرندن :

ایدوب سرکشته اصحاب عقولی کردش کردون
نیجه روشندلی لغزیده پای غفلت ایتمشدر

عاطف محمد بك « قوبرم باقی زاده »

عصر یزده وجودیله افتخار اولنور ذکای فوق العاده اصحابندن فاضل مدقق بر ذات اولوب
مصر ملاسی قویوجاقلی زاده عبدالرحمن نافذاندینک مخدوم فضائل موسومیدر. استانبوله تحصیلدن
صوگرا مصر علماسندن صاحب التفسیر (شیخ ابراهیم السقا) نام ذاندن ده آیربجه تفسیر و حدیث
تعلم ایله یوب درسعدته تدریسه باشلایهرق اجازت ویرمهکه موفق اولدی. آخر مأموریتلری
اوقاف همیون مجلس اداره ریاستی ایدی. حیفاکه کنج دینه جک بر سنده ایکن (۱۳۱۶) ده
وفات ایده رک سلیمانیه جامع شریفی حظیره سنه دفن اولوندی. تدریس ایلدکلری کتب عدیده
هامشنده تعلیقاتی و بعضی مباحثک حلقه دائر رساله لری کتاب شرکتک نهایتنه قدر مجله شرحی
واراضی قانونی شرحی و اخذ علوم ابتدکی فضلائک سلسل علمیه لرینی مبین (الامداد بمعرفه
علاوالاسناد) اسمنده کی رساله لری معابوع اولان آثار فاضلانله لری جمله سندندر. (قویوجاق)
آیدین جوارنده بر ناحیه در. ترقیات غریبه دن ده خبردار افاضلدن غایت فطین بر ذات ایدی.

ابیات حکیمانه لرندن :

ارتفاع قدر ایچون لازم تواضع آدمه
شمسی کورکیم سایه سن صالمش آیاقلر آلتنه

علی هبیر افندی « هبیر مر - بویوک هبیر افندی »

صدور عظامدن فقیه ، فاضل ، ادیب ، تاریخشناس ، نکته دان بر ذات اولوب ترجمه حالی
مشایخ فصلنده مذکور (حضرت نصوحی) احفادندندر. مجلس کبیر معارف ریاستی ایله روم ایلی
شرقی جماعت اسلامی سی ناظرلنی عهدۀ فاضلانله لرنده ایکن (۱۳۲۱) تاریخنده ارتحال ایده رک
جد عالیلری نصوحی افندی درگاهنه دفن اولوندیلر. ادبیات عربیه و عثمانیه بهره تام اصحابندن
ایدیلر. طبیعت شعریه لریده شایان تقدیر اولوب دیوان تشکیل ایده جک درجه ده اشعاری وارددر.

آثار مطبوعه لری:


- ۱ — رومانیاء، بلغارستان، صربستان، یونانستان ایله بوسنه وهرسک وقره طاغده بولنان اهالی اسلامیه نك خصوصات مذهبيه لرینه دائر با امر مشیختپناهی قلمه آلنان رساله .
- ۲ — شرقی روم ایلی ایله بلغارستانده بولنان جماعات اسلامیه نك امور وقفیه لريله مفتیلری وجماعت مجلسلری حقه نده تعلیماتدر .
- ۳ — مجله احکام عدلیه شرحی — متفرق صورتده مکتب حقوقک مرحومدن تدرس ایدن طلبه سی نزدنده موجوددر .
- ۴ — مکتب حقوقده تدریس ایلدیکی اصول فقه (۱۳۰۷) تاریخنده طاش باصمه سی اوله رق طبع اولونمش ایسه ده موجودی قالمامشدر . مؤخر آ برمقداری ده ورنه سی طرفندن طبع ایدلدی . فقط بو تقریر لر نقصان قالمش ایسه ده قیمت شناس وفضیلتی تلیدلرندن حاجی عادل بك افندی طرفندن ضبط اولونان تقریرات فاضلانله ری (صراط مستقیم) اسمنده کی مجله علمیه یه تفرقه ایدنك صورتيله و (۱۳۲۶) تاریخنده بویوك صحیفه لی (۵۵۸) صحیفه اولقی اوزره آریجه کتاب اوله رق نشر ایدلمشدر که حکمت حقوق اسلامیه ایله متوغل ذواته الزم آثار نفیسه دندر . بو اثرک مدخلنده صاحب ترجمه نك حیات علمیه سنک بر نبذه سی مندرجدر .

ایاتندن :

چله وحدتی منصور کی چکمش یوغیدی
اسمی حلاج ایدی آخراوده قیردی کیریشی

جکیانه بر غزلی :

تراحم ایتسه ده اسباب تأثیری هدردره پ	امور خلق عالم بسته حکم قدردره پ
بساط کائناتی اويله کوزدمکه جهان در خواب	همیشه کفت وکو افسانه بی پاوسردره پ
رک غنجه کی پای نکه پر خون اولمازی	بزه خارستم بو کلستانده نیشتردره پ
مطولدر معانی بذیع حال دل شرحی	بیان سرکونین آ که نسبت مختصردره پ
ویرره حاده بر شکل ایچون بیک صورت معنی	بو اوضاع فلک حیرت ده عقل بشردره پ
کتاب صنع (حیدر) چشم دقتله نظر ایله	که هر سطر ورق زبنده نقش عبردره پ



« غ »

غواص افندری «سوکری»

علوم عربیهده اکتساب رسوخ ایلهین فضالان اولوب (سوکه) لیدر . بعض مرویاته کوره مخلصری (خواصی) در . اظهار شارحی (اطهلی) مرحومک استادی اولدینی مرویدر . (سوکه)ده مدفون اولوب سنک مزارنده یازیدن اثر یوقدر . آنارندن علم فقهدن (ملتی)وعلم نحو دن (کافیه) شرحی اولدینی مرویدر .

غلطلی محمد افندری

ارباب علم وقلمدن برذات اولوب علمادن (ابراهیم) افندینک اوغلودر . (۹۹۴) تاریخنده (سوره یوسف) ه یازدینی تورکجه تفسیری مطبوعدر . بو اثرنده (سوره هود) ایله سوره ابراهیم) هده آیری آیری تفسیر یازدینی بیان ایدیور . آتار سائره سی ده اولدینی آکلاشیلیور سه ده کوروله مدی . اخی چلی متولیدی ایدی .

« ف »

فناری شمس الدین محمد بن محمد «ممد»

احاطه علمیه لری مثل سائر حکمنده اولان وجودیله افتخار اولونور اعظم وافاخم علمادن اولوب تحصیل لری آنا طولیده (علاء الدین اسود) و (جمال الدین آقسرائی) ایله مصرده (شیخ اکمل الدین) حضراتنددر .

غازی خداوندکار زماننده برنجی دفعه اولقی اوزره شیخ الاسلام لق رتبه علیاسیله کامران اولمشلردر .

وفات عالیلری (جنة الفردوس) ترکیبی اولان (۸۳۴) تاریخنده اولوب قبر مبارک لری بروسه ده بنا کرده لری اولان جامع شریف حظیره سنده در . وفاتلرنده اون بیک مجلد کتاب لری ظهور ایتمشدر . صدرالدین قونوی خلفاسندن اولان پدر عالیلری مولانا حمزه دن اکبریة عبداللطیف قدسی دن زینیه حامد قیصری دن اردبیلیه طریقتلرینه منسوب ایدیلر . الیوم مزار مبارک لرنده مشاهده اولونمقده اولان طاشیده زینیه علامتی مشهوددر . مؤلفات علیه لری یوزی متجاوز اولوب مشهور لری شونلردر :

- (شرح علی نصوص للشيخ صدرالدين قونوی)
(شرح علی مفتاح الغیب للشيخ صدرالدين قونوی)
(تفسیر فاتحه) .
[تفسیر فاتحه نك مؤلف خطیله محرر نسخہ سی درسماعتده چهارشنبه ده (مراد ملا)
کتبخانه سنده مسوده سی ده محمود پاشا کتبخانه سنده در .]
(فصول بدایع لاصول الشرایع) (۱)
یوز فندن باحث (انموذج العلوم)
(اساس التصریف)
(عویصات الافکار فی اختیار اولی الابصار)
(رساله اصول الدین فی اسرار الوصول والیقین)
(رساله فی بیان وحدۃ وجود)
(شرح ایساغوجی)
(حاشیہ دیباجہ اصول بزودی)
(حاشیہ تلخیص جامع اخلاطی)
(حاشیہ جعبری)
(شرح متن فرائض سجاوندی)
(مهمات فناری) اسمنده کی مجموعه قیمتدار
(شرح مواقفه تعلیقات) و (شرح مختصر مواقف)
(تعلیقات علی اصطلاحات التصوفیة للقاشانی) در . آثار فاضلاکملرندن یالکز فاتحه
تفسیریله (فصول بدایع) و (ایساغوجی شرحی) مطبوعدر . (انموذج) مخدومی محمد شاه
طرفندن شرح اولولمشدر .
فناری لقبی بعضیلر (فنار) اسمنده ماوراءالنهرده برقریه دن اولمق اوزره نقل اییدیورلر .
بعضیلرده پدرلرینک (فنار جیلک) صنعتیله متوغل اولدیغنه حمل اییدیورلر .
بروسه و فیاتی مبین اولان (کلدسته ریاض عرفان) ک یازمه بر نسخہ سنک کنارنده
ایسه صاحب ترجمه نك امیر سلطانه تقدیم ایتدیکی مصنع بر فناردن ناشی سلطان مشارالیه
طرفندن فناری تلقیب ایدلیدیکی کورولمشدر .
[۱] متن بزودی ی مزاری و امام فخرالدین رازینک محصولی وابن حاجبک مختصرنی وزبده معتبرات
اصولی بالتمام جامع اولوب مخدوم فضاٹلوسوملری محمد شاه طرفندن تحشیه ایدلیدیکی کبی شیخ یوسف مغربی
طرفندن ده اختصار اولولمشدر .

علامه مشار اليك اولادى شونلردر . محمد شاه ، يوسف بالى ، حسن پاشا ، اخى . يوسف ، خليل پاشا ، ام كلثوم .

فتح الله شيررانى

فضلاى رياضوندن اولوب سلطان مراد ثانى دورى رجالدندر . باشليجه مؤلفاتى (حاشيه تلويح) ، (حاشيه مواقف) ايله رياضياتدن (شرح اشكال تأسيس) ، (حاشيه شرح چغمينى) وسائر در .

سمرقنده كیده رك علوم شرعيه يي سيد شريفدن علوم رياضيه يي على قوشجي دن تعلم ايله مشدى . (۸۵۷) ده وفات ايلدى . قبرى وطن ثانى اتخاذايتديكى قسطنطينى ده در . (فتح الله زاده) شهرتيله بنام اولان مخدومى ده (شرح مفتاح الغيب) ، (حاشيه تلويح) كى آثاريله فاضل ابن فاضل اولديغنى اثبات ايله مشدر . خواص قرآن كريمه دائر قرق ايكي باب اوزره مرتب (مفتاح النجاة) اسمنده كى اثر صاحبي اولان (محمد بن محمود) ايله فقهدين (مفتاح السعادة) مؤلفى (كمال الدين) ده (شيروان) دن يتيشن فضلادندر .

فورى احمد افندى

علمائى شعرا دن بر ذات اولوب (دراج) ليدر . صبي ايكن غزاة عثمانيه انه اسير دوشه رك استعداد طبعيسيله تحصيل علم ايتمش وعالم معناده محي الدين عربى حضرتلرى طرفدن كندوسنه تلقين دين اولنه رق اهتدا ايلشدر . بعده طريق علمي به سلوك ايله بعض مدرسه لرده مدرس اولمش ومعيت سلطان سليمانده نخبجوان سفرينه دخى كيتمش ايدى . نهايت شام مفتيسى اولوب (روان اولدى بقا (جهان) دارينه فورى) مصر اعمله (فورى برفت) جمله سنك ناطق اولديغى (۹۷۸) ده وفات ايدى رك شاعر اسحق چلبى ياننه دفن ايلدى . شعر وانشاسى وعلوم متداوله يه وقوفى اولوب تفسير بيضاوينك بعض نقاطنه (درر غرر) ، حاشيه لرى وسائر كتب تدريس يه تعليقاتى و (علم خط) ، متعلق بر اثرى والسنة ثلاثه اسلاميه ده كوزل اشعارى منظوم حديث [اربعين شرحى وعلم لتدن (مفتاح المعانى) اسمنده فارسى دن توركيه يه بر اثرى و اخلاقه متعلق سلطان سليمان قاتونى نامنه (اخلاق سايمانى) اسمنده بر تأليفى واردر . علم خطه متعلق يازديغى اثر ك مقدمه سى (عقد المنظوم فى ذكر افاضل الروم) ده مندرجدر .

قانونی سلطان سلیمان خانك دیوانی جمع و ترتیب ایدن دخی بوذاآدر . غیر مطبوع بویوك دیوانی واردركه برنسخه سی مغنیه سده چاشنیکیر کتبخانه سنده منظوم اولدی . شوبیت جمله اشعارندندر .

(دنیاده مرده لری صائمه عبور ایله دیلر)

(یاتدیله آرقه لری اوزره حضور ایلدیله)

اخلاق اسمنده کی تألیفك بر نعتندن :

وصفك اجمالیدر تفصیل حال کائنات

قال ایله ای دل خدا قطعاً یلنمز سوزی کس

دیگر بر نعتندن :

بر دمده کجدی علمی وماوراسنی	بی شك وشبهه کوردی جمال خداسنی
شق ایتدی بدری شرعه اثبات ایلدی	خلق ایچره ایکی شاهد ایله مدعاسنی
طاووس باغ قدس دخی سدره ده اوچار	اول بولدی قرب کلشنك منتهاسنی
خیل رسل اوکنجه یورور عسکری درر	سلطان اودرکه صکره دن آچدی لواسنی

شعراى عثمانیه ایچنده ابتدا تخمیس وتسدیس یازان بو ذات اولدیغنی تذکره شعرا صاحبی ریاضی افندی بیان ایدیور . طریقت مولویه به نسبتی و (یوسف سینه چاك) و (شاهدهی) و (شعی) ایله مصاحبتی اولدیغنی (سماعخانه ادب) روایت ایله یور . سلطان سلیمان قانونی ك اوصاف واحوالی ده (اخلاق سلیمانیه) اسمیله نظماً بیان ایتشدرد .

فرع به غیر المحسن افندی

فضلا وارباب قلمدن بر ذات اولوب (موره) لیدر . موضوعات العلوم طرزنده (خیاری المعقول و معیار المنقول) اسمنده قیمتدار برائری واردركه برنسخه سی (خالص افندی) کتبخانه سنده موجوددر . بو اثرینی بیک تاریخنده (شریف ابی البركات) نامه تألیف ایتشدرد .

السید فیض الله افندی « شیخ الاسلام »
 ابن السید الشیخ محمد بن عبد الله صاحب کتاب التنبیهین
 علامه العظیم

اذکیای علمادن اولوب (اضروم) لیدر . اکمال تحصیلدن صوکر استانبوله کلهرك آتی الترجه وانی محمد افندی به داماد اولمش وبو سایه ده تمیز ایدرک شیخ الاسلامغه قدر ارتقا ایلش سده

محمد افندی
 صاحب کتاب
 التنبیهین
 علامه العظیم
 سنه ۱۲۸۰

تفصیلی تواریخ عثمانیه ده مذکور اولدینی اوزره مع التأسف صفت علمیه سنیله متناسب اولیان احوال اخیره سندن ناشی (۱۱۱۵) ده ادرنه ده اجل قضایه اوغرا مشدر . بعدالسیاسه جسدینک طونجه نهرینه آتیلدینی (شیخی) ده و تاریخ راشده محرردر . ایکی دفعه مستبد مشیخته نائلتدن دولای (جامع الریاستین) دیمشدی . آناری (ترجمه روضه خطیب قاسم)، (مجموعه فتاوی)، (حاشیه بیضاوی)، (نصایح الملوك)، (ریاض الرحمه)، (لطائف نامه - سلطان مصطفی خان نامه در)، (اذکار الابکار)، (حاشیه علی سورة نبأ علی العصام)، (تعلیقات علی شرح العقائد علی الحلخالی)، تاریخچه مدخول اولقله برابر جامع، کتبخانه کبی بعض خیراتی وارددر . تاریخ عثمانیده «ادرنه وقعه سی» نامیله معروف اولان وقعه صاحب ترجمه نك خطیثاته عطف اولونمقده در . مورخین فصلنده (شفیق) افدینک ترجمه حالنده بو ماده یه دأر برار ایضاحات وارددر .

کندی ترجمه حاله دأر یازدینی اثرک بر نسخه سی عاشر افندی کتبخانه سنده در .

فطری ابراهیم «ادرنه ری»

محدثین عظامدن بر فاضلدر . تألیفنه موفق اولدینی (بخاری شریف) شرحی بو مدعایه دالدر . (تحفة النبی) اسمیله حدیث اربعین شرحی ده وارددر . (۱۱۳۵) تاریخنده ادرنه ده وفات ایدهرک (بوجوق تپه) قبرستاننده (قواق قبو) نام محله دفن اولوندی .

فیصله الله نافذ افندی «لاریقی زاده»

فضلائی قضاتدن بر ذات اولوب شیخ الاسلام محمد افدینک مخدومی در . نیابتله بر خیلی سیاحتدن صوکر استانبوله عودتله (۱۱۸۱) ده رحلت ایتدی . ایوبده کوچک امیر افندی قارشیسنده مدفوندر . فقهدن (دره المحاکمات) اسمنده بر اثری و بعض آثاره حواشی و برمقدار اشعاری وارددر .

فرخ اسماعیل افندی

فضلائی شعرا دن و متفکریندن بر ذات اولوب قریبی الاصلدر . (مثنوی شریف) ک جلد سابعی ظنیله نحیفیه ذیلاً یازدینی منظوم جلد سابع ترجمه سیله ترکی العبارة مفید و مختصر

بر صورتده تحریرینه همت ایتدیکی (مواکب) اسمنده کی تفسیر شریفی مشهوردر . (مبارک آدم ایدی کوچدی فرخ) مضراعنک دلالت ایتدیکی (۱۲۵۶) تاریخده استانبولده ارتحال ایتدی . اورته کوی سربلری آرقه سنده یحیی افندی درگاهنه متصل مزارستانه دفن اولوندینی موسیقہ ہایون فارسی خواجہ سی امین افندی مرحومک (مناقب کتبخدا زاده) سندہ محرردر . مع التأسف خاقان سابق عبدالحمیدک امریله بومزارستان ییلدیز سرائی بانچہ سنہ علاوه اولونمشدر . مواکبک خط دستیلہ محرر نسخہ سی کتبخانہ عمومی دہدر .

سنک مزارندہ (عالم عامل ، کامل فاضل ، فرخ اسماعیل افندینک قبریدر) عبارہ سی منقوش ایدوکی مذکور مناقبامہدہ محرردر . طبعیت شاعرانہ سی دہ وارددر .

مصاریعندن :

بو کون شادم کہ یار اغلار بنچون

قیمی علی افندی « عثمانہ بک زاده »

علمادن متفنن برذات اولوب روسجقلیدر . تحصیل ونشری درسعادتده وفاتی (۱۲۷۴) دہ قبری حضرت خالد جوارندہدر . قوش آطہ لی ابراہیم افندی حضرتلرینہ منتسب ایدی . آثار مطبوعہ سی : (الخير الحسن فی شرح المستشار مؤتمن) ، (ترجمہ کلام اربعین حضرت علی) ، (حلیہ سلطانی) و بعض احادیث شریفہ ترجمہ و شرحلرینی حاوی (سرمایہ نجات) ایله (علم طبقات الارض) ، (ترجمہ نصایح افلاطون) وسائرہدر . اشعاریدہ وارددر .

استانبول کتبخانہ لرینک اسامی کتبی حاوی اولمق اوزره ترتیبہ باشلایہرق جلد اولنی اکمال ایتدیکی اثرینک بر نسخہ سی کتبخانہ عمومی دہ (الانوار العلیہ فی خزائن الکتاب) اسمیلہ موجود اولوب اثارینک اک بیوکی در . و (طبقات الارض) ی مصرده مطبوعدر . بو اثرده شمیدیکی تدقیقات فنیہ یه مغایر بعض ماده لر وارسهده شایان استفاده تقاطی دہ وارددر .

فوزی مہلبل افندی « فلبلی - درس وکیلی »

افاضلدن بر ذات اولوب مدت مدیدہ درس وکالتندہ بولوندیغندن ناشی بین العلماء (فلبلی درس وکیلی خواجہ افندی) شہرتیلہ بنام ایدی . مؤلفات مطبوعہ سی (حاشیہ جدیدہ علی شرح عصام الفریدہ) و علم اصولدن (توشیح الاصول) وعلوم آلیہ نک کافہ سندن باحث (حدائق الامتحان)

و عقائدن (سیوف القواطع) و سائرہ در . (۱۳۰۲) ده ایفای حج شریفدن صوکرآ مدینہ منورہ ده وفات ایلدی . اشبو آثاردن باخصوص (حاشیہ جدیدہ) خزینۃ القواعد حکمنده اولدیغندن علوم عربیہ ایلہ متوغل ذواتہ الزمدر .

فیصلہ اللہ افندی « حاجی »

فضلادن بر ذات اولوب (ارزنجان) سنجاغندن در . تحصیلنی استانبولده بعدالاکمال (اکریدر) . رحلتله تدریسه ابتدار ایدہ درک اوج دفعہ اعطای اجازه یه موفق اولدی . (۱۳۲۳) تاریخندہ نقل ابتدکی (سوکہ) ده ارتحال ایلہ دی . آثاری : (قصیدہ جونیه) و شرحی (رسالہ دوزبان) ، (توضیح الالباب) ، (شرح پند عطار) و سائرہ در . طبیعت شعریه سی ده واردر .

« ق »

قاضی احمد برهانہ الدیمہ « ارزنجانی »

فضلادن ومع التأسف آرزوی حکومتله باشنی بلایه اوغراتان بر ذات اولوب اساساً قیصریه لیدر . شہرتی « امیر قاضی » در . تحصیلنی مصرده اکمال ایلدی ، مؤلفاتی : برنسخہ سی آیاصوفیہ کتبخانہ سندہ موجود اولوب عربی العبارة (اکسیر السعادات فی اسرار العبادات) ایلہ تلویح اوزره (ترجیح) اسمندہ حاشیہ مفیدہ و مقبولہ اولوب السنہ ثلاثہ منظومہ لری ده واردر . حب ریاست سائقہ سیلہ (۸۰۰) ده (آق قویونلو عشیرتی بکی قرہ ایلک عثمان) بکلہ ابتدکی غوغادہ مقتولاً وفات ایلہ دی . سیواسده مدفوندر . (عفا لله عنه) احوال تاریخیه سنہ دائر (عبدالعزیز استرابادی بغدادی) نک (بزم و رزم) اسمندہ فارسی بر تاریخی واردر که برر نسخہ سی (آیاصوفیہ) و (برہ باتان) کتبخانہ لرندہ موجود در . دیواننک یکانہ نسخہ سی (لوندرہ) کتبخانہ سندہ در . مفصل ترجمہ حالی تاریخ عثمانی انجمنی اعضاسندن توحید بک افندی طرفندن انجمن مجموعہ سیلہ نشر ایدلمشدر . انگلیز مستشرقلرندن متوفی (مستر کپ) ک تاریخ اشعار عثمانیہ سندہ کی اشعارندن :

هر نفس غریب کوزی کریان اولور
أرکشینک آرزوسی میدان اولور

همیشه عاشق کوکلی بریان اولور
صوفیلرک دیله کی محراب و نماز

قره یعقوب به ادیس

فحول علمادن بر ذات اولوب (نیکده) لیدر . اولاً مملکتنده بعده بلاد عرب و عجمده اکال تحصیلدن سوکرا (لارنده) قصه‌سنده تدریس و تألیف ایله مشغول اولدی . (حاشیه علی الیضاوی) ایله مصابیح و هدایه اوزرینه شرحلری و احوال انیا و صحابه ایله اصحاب مذاهب و محدثین و مصنفین مشهورینک تراجم احوالی جامع (اشراق التواریخ) ی وارددر . بواثر بر مقدمه اوچ قسم، برخامه اوزره مرتب اولوب عربی‌الباردهدر .

مقدمه : مشاهیر انیا

قسم اول : نسب ، ولادت ، وفات نبی .

قسم ثانی : ایکی نمط اوزرهدر . (۱) اولاد و ازواج‌النبی (۲) عشره مبشره .

قسم ثالث : ایکی قانون اوزرهدر . (۱) فضائل الصحابه (۲) فقهاء و حفاظ .

خاتمه : ایکی نوعدر . (۱) ائمه مذاهب (۲) ائمه علم حدیث .

وفاتی (۸۳۳) ده قبری لارنده‌دهدر .

قره سنانه

فاتح سلطان محمد خان عصری مشاهیر علماسندن علوم و ادبیات عربیهده مهارت تامه‌سی اولان بر فاضلدر . علم فقه‌دن (منار الانوار) ی علم صرفدن (مراح) و (شافیه) بی و علم هیئتدن (جغینی) نک (ملخص) فی شرح ابتدکی کبی (وقایه) یه دخی حواشی یازمشدر . (ضمائر) و (هزم الجیوش والغالب والمغلوب) اسملرنده دیگر بر اثری دها وارددر . (۸۵۲) تاریختنده ارتحال ایلدی .

قریمی سیری احمد به عبدالله [۱]

فاتح سلطان محمدخانک مظهر حرمت والتفاتنی اولان فضلا وارباب تحقیق‌دن وملا شرف‌الدین

[۱] مراد ثانی دورنده قریم‌دن هجرت ایدوب (۸۴۰) ده ادرنده وفات ایدهرک زندان آلتنده تاتار خان قبرستاننده مدفون اولان (شارح منار) (شرف‌الدین قریمی) نک تلامیذندن اولوب (۸۸۳) ده وفات ایدن (احمد بن محمد القریمی) ده فضلادن بر ذات اولوب آثارندن اولان (شرح بخاری شریف) فضلنه دالدر . (۱۲۷۹) ده وفات ایدن و (فاتح) ده مدفون اولان فقه‌دن (قریمی زاده مجموعه‌سی) صاحبی (رشید) افندی ایله (لویح فائقه و علائق رائقه علی التفسیر والفقه والحديث والفرائض) و (التصریح) اسمنده کی تلویح محشیسی (فاضل علی) افندیلرده بو جله‌دندر .

قریمی تلامذندندر . آناری : (حاشیه تفسیر بیضاوی) ، (حاشیه شرح عقائد) ، (حاشیه تلویح) (حاشیه لب الالباب) ، (حاشیه مطول) و سائرہ در . بر نسخہ سی (اسکدار) دہ (اطلاعاتی) کتبخانہ سندہ موجود و (۸۷۴) دہ اکال ایتدیکی خاتمہ سندن مستبان اولان (مفتاح الغیب) شرحی وارد کہ تحقیق و عرفانہ برهان جلیدر . برده (۸۷۹) دہ استانبولہ اکال ایتدیکی فارسی عبارتہ (کلشن راز) شرحی وارد کہ بر نسخہ سی آیاصوفیہ کتبخانہ سندہ موجود در .

بیضاوی حاشیہ سنک اسمی (مصباح التعديل في كشف انوار التنزيل) اولوب بر نسخہ سی (اسکدار) دہ (عتیق والدہ) کتبخانہ سندہ در .

وفاتی (۸۷۹) دہ قبری فاتح جوارنده ملا کستل مسجدی یانده در . (کنه الاخبار) دہ بروسدہ مدفون اولدینی محروسہ مدقوق دکلدر .

(۱۰۷۹) تاریخندہ خط دستیلہ محرر نسخہ سی (قلیچ علی پاشا) دہ موجود اولان (قاضی حاشیہ سی) مؤلفی (محمد بن قدرش) ایله فقہدن (منار) شارحی (شرف بن کمال) دہ قریمدہ یتیشن فضلادندر . بوشرحك خط دستیلہ محرر نسخہ سی کوچوک افندی کتبخانہ سندہ در .

قره سیری

علمای اعلامدن برذات اولوب (حمیدایی) دندر . (علاءالدین علی فناری) مک تلامذندن ایدی . استانبول قاضیسی ایکن (۹۱۳) دہ وفات ایلدی . شرح مفتاحک اوائلہ حاشیہ سی و اشعار عربیہ سی وارد . (قره سیدی سؤاللری) نامیلہ متعارف اولان سؤاللر — که سید شریفک شرح مفتاح و شرح موافقہ دائردر — بوذاتکدر . علمای عثمانیہ دن (شیخزاده محمد محی الدین) افندی ایله شرع الاسلام شارحی مولانا یعقوب و (۹۲۳) دہ استانبولہ وفات ایدرک بنا ایتدیکی دارالتعلیم دہ دفن اولونان سیدی قرامانی طرفلرندن شرح اولونمشدر . (رساله الجعل) دہ جملہ مؤلفاتندندر .

قره باغی محی الدین محمد

قانونی سلطان سلیمان دوری علماسندن اولوب اکال تحصیلدن صوکرادرسه اده کله رک سید علی زاده معید (معاون) اولمش بعده بعض مدارس و نهایت ازنیق مدرسه سی مدرسلکنه تعیین اولونمش و (۹۴۲) تاریخندہ (ازنیق) دہ وفات ایتمشدر . علوم عقلیه و نقلیه واقف برذات ایدی . مؤلفاتی (۲۳) مقاله اوزره مرتب محاضراته دائر (جالب السرور) ایله کشاف ،

بیضاوی، تلویح، هدایه تعلیقاتی و شرح وقایه، (جلال دوانی) نک (اثبات الواجب) رساله‌سنه حواشی‌سندن واداب عضدیه شرحندن عبارتدر .

قره داود « ایزمینی »

فضلاى عثمانیه‌دن اولوب ایزمیت لیدر . مولانا لطفی و مؤیدزاده کبی فضلادن تعلم ایله مشدی . (مسکن پر نور ایده داود افندینک و دود) مصراعنک دلالتی اولان (۹۴۸) تاریخنده بروسه‌ده وفات ایله‌دی . ییلدیرم جوارنده بنا ایله‌دیکی مسجد حظیره‌سنده مدفوندر . مؤلفاتی : (شرح دلائل خیرات) [۱]، (شرح قصیده نونیه)، (حاشیه‌علی‌التصورات)، (حاشیه‌علی‌التصدیقات)، (حاشیه‌شرح مطالع)، (حاشیه‌علی‌شرح الشمسیه)، (تلخیص تقریر قوانین)، (حاشیه‌علی‌التهذیب) و سائره‌در . برده عقائد و کلامدن (معلومات) اسمنده بر مجموعه‌سی واردر که برنسخه‌سی (ناستر) کتبخانه‌سنده موجوددر . بروسه اوقاف و سجلاتنی‌ده کمال دقتله ضبط و تحریر ایله مشدر .

قره مبدیر

فضلادن بر ذات اولوب (منتشا) لیدر . همشهریسی (چیوی زاده) دن تلمذ ایتدی . (۹۵۵) ده (اسکوب) ده وفات ایله‌دی . آثانی : (حاشیه‌علی‌شرح مفتاح)، (حاشیه‌علی‌الحیالی)، (حاشیه‌علی‌المسعودی) در .

قاضی زاره حسین به صبر افندری

فضلا وارباب قلمدن بر ذاتدر . (۹۴۴) ده مقتول ابراهیم پاشا نامنه دوت باب اوزره مرتب (لطائف الافکار و کشف الاسرار) اسمنده بر اثر یازمشدر که برنجی باب سیاستدن ایکنجی تاریخندن اوچنجی ادبیاتدن دردنجی اخلاقدن باحثدر .

[۱] (فاضل از میری) نک (محمدحلمی) افندینک (صالح قدسی توقادی) و (۱۲۱۰) تاریخنده وفات ایدن اکین مفتیسی (حاجی عثمان) افندینک و (۱۱۷۳) ده وفات ایدن قبریسی ابراهیم افندینک و واعظ شیخ محمد افندینک‌ده آیریمجه شرحلری واردر . قره داود افندینک شرحی مطبوعدر .

قاسم به سلیمان نیکمیری

علوم عربیه و بتخصیص علم فقهده صاحب وقوف بر ذات اولوب مملکتنده واستانبولده اکمال تحصیلدن صوکر (۹۶۶) ده سیروزده ساجوق سلطان مدرسه سی مدرسلکنه تعیین اولونیدی. و (۹۷۰) ده بوراده ارتحال ایله دی. آناری: (شرح وقایه المسمی بتطبیق)، (شرح ملتقی) در.

قینالی زاده عماد الدین علی چلبی

مشاهیر علما وادادن اولوب اسپارطه ده تولد ایله مشدر. پدرلری اهتعمال حنا ایله مشهور اولان (عبدالقادر حمیدی) درکه حضرت فاتحه معلم اولمق شرفی احراز ایله مش ایکن محمود پاشانک سعایتله بزم هایونندن دور اولمش و آز وقت صوکر و فات ایله مشدر. طریق علمیه یه سالک اوله رق قاضی عسکر لکه قدر ترقی ایتمشدی. (ارتحال ایله دی قطب العلما)، (الن حنالی زاده یودی کور آب جیاتندن) مصرعنک دلالت ایتدیکی (۹۷۹) ده ادرنه ده وفات ایده رک استانبول یولنده سید جلالی تربه سی جوازنده ناظر چشمه سی نام محله دفن ایدلدی. (تذکره الشعرا) صاحبی (حسن چلبی) نک پدریدر. مؤلفاتی: لسانمژده علم اخلاقه دائر یازیلان آنارک مشهورلرندن اولان مطبوع (اخلاق علائی) ایله (حاشیه درر وغیر الی نصفه)، (حاشیه علی کتاب الکراهه من الهدایه)، (رسالتان فی حق الوقف) و (اسعاف) (رسالة السیفیه والقلمیه)، (حاشیه علی حسن چلبی لشرح المواقف)، (منشآت)، (حاشیه تجرید)، (حاشیه کشاف)، (حاشیه بیضاوی)، (طبقات حنفیه)، (شرح قصیده بره) و سائرده عبارتدر. السنه ثلثه ده نظم اشعاره مقتدر ایدی. مرتب دیوانی ده واردر. طبقات حنفیه سی امام اعظمدن علامه ابن کماله قدردر.

اشعارندن:

اگرچه خانه پر نقشدر سرای جهان
ولی کتابه لری «کل من علیها فان»

زمین محل بلا وزمان مدار عفا
بودر سرای جهان نقشنه زمین وزمان

اخلاق علائی علم اخلاقه . دائر یازیلان آثار عثمانیه نك الك اسكى واك قيمتليسيدير . عبارده سی ساده لشديريله رك وعلاوات لازمه ده درج ايديله رك يكيدين طبع اولونماسنده فوائد عظيمه واردر . (۹۸۳) تاريخنده برو - ده ييلديرم بايزيد خان مدرسی ايكن وفات ايده رك امير سلطان قربنه دفن ايديلن (شق القمر احمد) افندي نك ده رساله قلميه وسيفيه سی واردر .

قبيل منه « عبدالرحمن به سیدی علی »

آماسيه دن يتيشن علمدان اولوب استانبولده ابن کمال وسعدی چلبی کبی افاضلن اکمال تحصيل ايده رك صدر روم اولمش و (۹۸۳) ده وفات ايده مشدر . برکوی محمد افندی . مدت بوذاتدن درس کورمش وقسامقله معیتده بولونمشدر . آناری :
(شرح الهدایه) ، (حاشیه غایه) ، (حاشیه قاموس) در . در سعادتده امیر بخاری تربیه سی حداسنده بنا کرده سی اولان مکتبی ساخه سنده مدفوندر .

قاضی زاده شمس الدین احمد افندی « شیخ الاسلام »

فضلادن بر ذات اولوب ذکرى سبق ایدن مولانا بدرالدین محمودك مخدوميدر . مؤلفاتی :
(حاشیه بیضاوی) ، (حاشیه تجرید من بحث الماهیه) ، (حاشیه علی اوائل صدر الشریعة) ،
(شرح الهدایه من اول کتاب الوكالة الى آخر الكتاب) ، (تعليقات علی المواقف) ، (تعليقات علی التلویح) ، (حاشیه شرح مفتاح من اوله الى آخر الفن الثانی) ، (ترجمه معدن الجواهر یرروضة الخواطر) . وسائر در .

فتاوادنده بر اثری واردر . وفاتی : (مفتی احمد چلبی ایله دی عقبایه عزیم) مصراعنك ناطق ولدینی (۹۸۸) ده ، قبری استانبولده کوچوک قرامان رهگذارنده در . (چیرچیر) مسجدی جمله آثار خیره سندندر .

قره به احمد صمیدی

علمای بنامدن بر ذات اولوب حمید ایلندندر . قدس شریف نیابتده ایکن (۱۰۲۴) تاریخنده فات ایله دی . مؤلفاتی : (حاشیه علی شرح عقائد) ، (حاشیه شمسیه) ، (حاشیه علی السید) ،

(حاشیہ درر)، (حاشیہ شرح کافیہ)، (ذیل شقایق نعمانیہ) در. بوذات (تاج التواریخ) ک
ایکنجی جلدی نہایتندہ مذکور اولان (قرہ جہ احمد) دن باشقہ اولماسی لازم کلیور .
تاریخ نعمادہ مدینہ دہ وفات ایتدیکی محرر در .

قاضی مصطفی افندی « اورلہ لی »

سلطان مراد ثالث دوری علماسندن بر ذات اولوب (ازمیر) جوارندہ کی (اورلہ) دندر.
قبریس سفرندہ بولونمشدی .
آثاری : عربی (رسالہ جہادیہ) و ترجمہ سی ایله اون بش فصل اوزرہ مرتب عربی العبارة
(تنبیہ) اسمندہ بر تعیر نامہ سی وارد رکہ ہر ایک سنک دہ نسخہ لری (نور عثمانیہ) دہ موجود در .

قاضی زادہ محمد افندی

علماء رسومدن بالیکسر لی طوغانی زادہ مصطفی افندی نامندہ بر قاضی نک اوغلور . مقدمات
علمی و طنتندہ بر کوی محمد قندی شاگردانندن بعد التحصیل استانبولہ کلہ رک بر آراق ترجمان
تکیہ سی شیخی عمر افندی یہ انتساب ایتدیسہ دہ حسب الاستعداد بومسلکدن فیضاب اولامادیغدن
ینہ مسلک قدیمہ رجوع ایدہ رک واعظلغہ و علوم رسمیه تدریسہ باشلادی . (۱۰۴۵) دہ (آیا صوفیہ)
واعظی ایکن وفات ایتدی . طوب قاپی خارچندہ شیخلر قبرستانہ دفن ایدلدی . احوال و اطواری
(نعیم) تاریخنک آلتنجی جلدینک اون سکزننجی صحیفہ سندہ مبسوطدر . احوال مبسوطہ دن
استنباط اولوندیغہ کورہ علما و اسلاف صالحین اوصافندن اولان تقوای حقیقیدن محروم ایمش .
توحید قلوب اسلامیان نقطہ اہمنہ خدمت ایدہ مین علمادندر . (مناقب الصحابہ)، (کتاب المقبول
فی حال الحیول) اسملرندہ اثر لری واردر .

قاضی محمود بہ احمد مناسری « نری زادہ »

زمرہ قضاتدن ایکن مؤخر آتذکرہ جی اولمشدی . (۱۱۲۶) دہ حجازدہ وفات ایلہ دی . فضائل
جہادی مین رسالہ سیلہ تفسیرہ متعلق اثری و (چلبی) کلہ سنک تحقیق و ایضاحنہ دائر رسالہ سی
واردر . فضائل جہاد رسالہ سنک خط دستیلہ محرر نسخہ سی شہید علی پاشادہ در . مولانا
(ابوالسعود) ک دہ مذکور کلہ نک شرح و ایضاحنہ دائر اولان رسالہ سی واردر .

قرری محمد افندی

علماء اعلامدن طبیعت شعریه به مالک فاضل بر ذات اولوب (بیغا) لیدر . علی الاصول تحصیل واخذ اجازه دن صوکرآ توسیع معلومات واکمال تحصیل ایچون عربستانک بالخاصه (یمن) قطعنه سنه کیده رک سنه لرحه اقامت ونخبه آمالی بولونان تحصیل علمه مواظبتله استحصال معرفت ایله دی . بعده مملکتنه ده صوکرآ استانبوله کله رک تدریس وتألیفه باشلادی . (یمن) ده کی مدید اقامتدن ناشی آنارینک بعضلرنده (وهی یمانی) تخلص ایتدیکی کورولمکده در . تاریخ وفاتیه مدقنه دسترس اولونامادی . کوروله بیلن آناری بوجه آتیدر :

(۱) — ترجمه جامع الصغیر : اوچ جلد اوزده مرتب اولوب (۱۰۴۲) تاریخنده ترجمه وترتیب ایدیلن بو اثر سلطان مراد رابعه اهدا ایدلشددر . بو ترجمه نك بر طاقی (حمیدیه) کتبخانه سنده موجوددر .

مترجم حضرتلری بو ترجمه نك مقدمه سنده (تفسیر بغوی) یی ده ترجمه ایتدیکنی واون بش پارچه دها تألیف و ترجمه سی اولدیغنی تصریح ایدیور .

(۲) — کنزالمعانی : مثنوی طرزنده بر منظومه اولدیغنی (جامع الصغیر) ترجمه سنده مذکوردر .

(۳) — شرح قصیده ابن درید : (۱۰۶۵) تاریخنده یازدقلری شرح قیمتداردر که برنسخه سی (عاشر افندی) کتبخانه سنده واردز . اشبو آثاردن صاحب ترجمه نك جامع الکمالات بر ذات اولدیغنی اکلاشیلیمقده در .

قره ضلیل افندی

علمای بنامدن بر ذات اولوب (بوی آباد) لیدر . (۱۱۲۳) تاریخنده وفات ایله دی . جوارایوبده صدر اسبق سیاوش پاشا تر به سی خارچنده مدفوندر . شیخ الاسلام (عبدالله وصاف افندی) بو ذاتک شاکرد ودامادیدر . دامادیه بر یرده مدفوندر .

مشهور اثری بین العلماء متداول اولان (فناری) حاشیه سیدر . سائر آثار یی : (حاشیه حکمة العین) ، (حاشیه طوالم) ، (حاشیه مختصر منتهی) ، (حاشیه آداب طاش کوپری) ، (شرح ولیده) ، (حاشیه هدایه) ، (رساله احقاب) ، (تفسیر سورة ملک) ، (حاشیه علی رساله محمد امین فی جهت وحدت) در .

قاز آبادی احمد به محمد افندی

متأخرین فضلا دین اولوب اکیال تحصیل سیواسده تفسیری محمد افندی ندر . مذاق صوفیه
عدم وقوفدن ناشی متعرض بولنوردی . درسعادته نشر علوم ایله مشغول اولدی . (۱۱۶۳)
تاریخنده وفات ایده رک اقسرایدن قوجه مصطفی پاشایه کیدن جاده نک صاغ جهته دفن ایدلدی .
تلامیذینک اک مشهوری خادمی مرحومدر .

تفصیل احوالی عزری تاریخنده مذکوردر . آناری : (حاشیه علی سورة الفاتحه للیضاوی) ،
(حاشیه علی حاشیه میرزا جان) ، (تنویر البصائر) ، (حاشیه الاصول) ، (نتائج الانظار) ، (شرح
فوائد السنیة) ، (شرح الفریده) ، (شرح ادا ب برکوی) ، (حاشیه اثبات واجب) ، (شرح نونیه) در .
(۱۱۹۱) ده وفات ایده رک یاننه دفن اولونان مخدومی نافع محمد افندی ده عالم بر ذاتدر . (فریده) ی
شرح ایله مشدر . (قاز آباد - قاز اووه) توقات سنجاغی نواحیسنندن بر ناحیه در .

قره مصاری محمد به شیخ علی المعروف بمحمبیدی

افاضلین ذوفنون بر ذات اولوب اکیال تحصیلدن صوکرا بر مدت وطننده مفتی بولوندی .
بعده مصر قاضیلقنده ایفای خدمت شرعیه ایله دی . (۱۱۷۰) ده مصرده ارتحال ایتدی . باشلیجه
آناری : (تلمیح الافواه فی ترتیب الاشباه) ، (رسائل فی الهیات والریاضیات) در . بر مقدمه
اون باب بر خاتمه اوزره مرتب (مهمات القضاة لاحتیاجهم الیه فی کل المهمات) اسمیله صکو کدن
بر اثر کبیر تألیف ایدن (حمزه) افندی ده قره حصاردن نشأت ایدن علمادندر .

قاضی زاده محمد افندی

افاضلین بر ذات اولوب (ارضروم) لیدر . مملکتی مفتیسی ایکن (۱۱۷۳) ده ارتحال
ایتدی . آناری : (بحر الفتاوی) ، (شرح روضات الجنات) ، (شرح کلمة توحید) ، (رساله
احوال قبر) ، (رساله السعدیه) وسائر در .
مخدومی مفتی (ابراهیم ادهم) افندی ده (نهریة الفتاوی) اسمنده تورکجه بر فتوا کتابی
وارددر .

قرنبرنی زاده مصطفی افندی

علمای اعلامدن بر ذات اولوب (دیاربکر) لیدر (۱۱۹۰) ده مملکتنده ارتحال ایتدی .
آثاری : (شرح مسلم) ، (رساله من النحو) ، (خسین کراسه من الفوائد) وسائر ده .

قرنری حافظ اسماعیل افندی

علمای عثمانیه نك متمیزلرندن اولوب یدی جلد کبیر اوزره تفسیر قاضی بیضاوی یه یازدینی
مطبوع حاشیه مشهوره سیله بین العلما ابقای نام ایله مشدر . (رساله العلمیه) ، (حاشیه علی المقدمات
لصدر الشریعة) ، (رساله انصاریه) جمله مؤلفاتسنددر . (۱۱۹۵) تاریخنده شام شریفده
ارتحال ایده رک صالحیه ده ذی الکفل علیه السلام مقامی قربنه دفن ایدلدی . (قلیج علی پاشا)
کتبخانه سنده بر مجموعه ده (شرح رساله العلم القدیم) ، (ان العلم تابع للمعلوم) ، (شرح لیس
فی الامکان ابداع ماکان) ، (رساله فی برهان تمناع) ، (معاد جسمانی) ، (تفسیر آیه یخاد عون الله)
کبی رساله لر ی ده واردر .

قرسه آطلی شیخ احمد افندی

آطلی نامیه مشهور اظهار شارحلرندن شیخ مصطفی بن حمزه نك تلامیذندن اولوب (کسکین)
لقبیه بنامدر . قوش آطه سنده پاشا چشمه سی قربنده مدفوندر . سابق الترجه بر کوی محمد اقدینک
صرفدن (کفایة المبتدی) سنی (عنایة المبتغی) اسمیه شرح ایتدیکی کبی (نحو دن عوامل) فی ده
شرح ایله مشدر که هراکیسی ده مطبوعدر .

قره تپلی حسین به مصطفی

علوم آلیه ده کسب اختصاص ایدن علمادن اولوب (ابن قره تپلی) شهرتیه بنامدر .
(آیدین) قراسندن (قره تپه) قریه سنددر . اکال تحصیلدن صوکر برمدت مفتیلکده ایفای
وظائف شرعیه ایده رک بعده (آطنه) یه هجرت مؤخرأ مسقط رأسه عودت ایله یوب (۱۱۹۱)
تاریخنده رحلت ایتدی . (قره تپه) ده مدفوندر . مولانا (محمود انطاقی) نك بین العلما
متداول اولان (استعاره) رساله سنه واقفانه بر شرحه برده آیریجه تعلیقاتی واردر که هراکیسیده .

مطبوعدر . برکوی محمد افندینک علم صرفدن (کفایةالمبتدی) سنی ده (بحرالقواعد) اسمیله شرح ایتمشدر . بونلردن باشقه فنون سائرهدن باحث غیر مطبوع آناری ده اولدینی موثوقاً مروی در . تفسیر قاضی نک بر قسمنه حاشیه سی واردر . محمد حلمی آطه پازاری نک حاشیه سنده بر مدت آطنه ده توطن ایله دیکی مذکوردر .

قره مصطفی افندی


فضلادن بر ذات اولوب (علائیه) نک (قیوراصیل) کویندندر . تحصیلی (مدینه منوره) ده ارتحال ایدن اسکدار مدرسی (آنقره) لی (قره حسین) افندیدندر . (۱۳۰۴) تاریخنده (مکه مکرمه) ده وفات ایتدی . آثارندن (لمعات البرقیه فی شرح قصیده المیمیه) اسمنده کی (قصیده خمریه) شرحی مطبوع ، تأییه شرحی غیر مطبوعدر .



علماء فصلنك خطا و صواب جدولی

صحیفہ	سطر	خطا	صواب
۲۱۰	۳	ولو بالعین	ولو بالصین
۲۱۲	۲۵	ابوبکر احمد طرسوسی	ابوبکر احمد طوسی
۲۲۳	۰۷	تعبیر	تغیر
۲۲۶	۲۵	اعظم	اعاظم
۲۲۵	۱۲	عوامی شرحاری	عوامل شارحاری
۲۶۶	۱۰	برده بایزید ثانی	بایزید اول
۲۶۷	۲۳	{ آتی الترجہ عاطف بکک پدر { عالیبریدر	{ بوعبارہ سہو آدیزاشدر صحیحی : بک مرحومک بدری { قویوجاقلی مصر ملاسی عبدالرحمن نافذ افندیدر
۲۷۲	۱۳	شہر آثاری	شہر آثاری
۲۷۲	۲۱	متوفادن	توقاتدن
۲۷۳	۱۶	مجیزین	متبحرین
۲۷۷	۱۹	المانجیہ ترجمہ اولونمشدر	{ بوعبارہ دن صوکر ا ۲۷۸ نجی صحیفہ نك ۲۳ نجی { سطرندہ کی (ترجمہ حالی شعرا فصائندہ مذکوردر .) { عباوہ سی اوقونمق لازمدر .
۲۷۷	۵	دواتی	دولتی
۲۸۵	۳	خادم	حازم
۲۸۵	۵	۱۶۶۰ تاریخلرندهدر	۱۱۶۰ تاریخلرندهدر
۳۰۴	۵	وعلم ادب ایله یئلردن	وعلم ادب تحصیل ایله یئلردن
۳۰۷	۹,۸		بوسطرلر مکرردر .
۳۳۰	۲۳	تورکچہ مفصل	تورکچہ مفصل
۳۳۳	۱۹	پک چوق اولدی	پک چوق شایع اولدی .
۳۴۳	۲۰	فنون الہیہ	فنون آلیہ
۳۴۴	۲	یوسف پاشا	یوسف کامل پاشا
۳۴۶	۱۶	فن و شرح	متن و شرح
۳۴۹	۹	باران کومہ	یاران کومہ
۳۵۲	۲	شرف زادہ	اشرف زادہ
۳۵۶	۲	مولا بخشی	مولا بخشی
۳۶۰	۱۶	حکایتندن	مکاتیبندن
۳۶۱	۱	لویج لبدیعیہ	لواخ البدیعیہ
۳۶۳	۵	عبدالرحمن رحمی	عبدالرحمن رحیمی

صواب	خطا	سطر	صحيفه
تعليم ايله مشدر	تعليم ايله مشدر	۹	۳۶۳
جنابك ملجاء	جناب ملجاء	۳۰	۳۶۵
شاعر عربي نك	شاعر نابي نك	۱۸	۳۷۵
باحث اولان	باعث اولان	۲۴	۳۷۶
شينخلو	شينملو	۲۳	۳۸۴



مشایخ فصلی فهرسیدر

صحیفه	آ	صحیفه
۳۳ احمد دیاربکری	۱۲ آق شمس الدین	
۳۳ اسماعیل اسکداری	۱۴ آجیق باش محمود افندی	
۳۳ ابراهیم حقی ارضروی	۱۵ آت پازاری عثمان فضلی الهی	
۳۶ امین محمد توقادی	۱	
۳۷ احمد ماکبی افندی		
۳۷ احمد افندی	۱۶ اده بالی	
۳۸ ابراهیم نورالدین افندی	۱۶ احمد بیجان (بازیمی زاده)	
۳۸ اولیا زاده اسماعیل حقی افندی	۱۷ اشرف رومی (اشرف اوغلو - اشرف	
۳۸ اسماعیلی وهبی بروسهوی	زاده) ایزنیک	
ب	۱۷ ابراهیم بن دمیرخان	
۳۹ بدرالدین سیماوی	۱۸ ابن عیسای صاروخانی	
۴۰ بایزید رومی	۱۹ ابراهیم کلشنی	
۴۰ بابا نعمه الله نخجوانی	۲۰ ابراهیم بن حمزه تیرهوی	
۴۱ بابا یوسف سیوری حصاری	۲۰ احمد ساربان	
۴۱ بهاءالدین زاده محی الدین افندی	۲۰ امی سنان	
۴۲ بالی صوفیهوی	۲۱ افتاده افندی	
۴۲ بهشتی رمضان افندی	۲۳ احمد افندی (مهاکرزاده)	
۴۳ بوسنهوی عبدالله افندی	۲۳ ابراهیم قریمی	
۴۶ بیوجودی محمد اسکداری	۲۳ ادریس مختنی	
۴۶ بکائی زاده ولی الدین افندی	۲۴ اسماعیل آقرهوی	
۴۶ بك زاده مصطفی افندی	۲۵ اسماعیل رومی	
۴۷ بهجت علی افندی	۲۶ احمد رومی آق حصاری	
پ	۲۶ ار اوغلی نوری افندی	
۴۷ پیر محمد بهاءالدین افندی	۲۶ اولانر شیخی ابراهیم افندی	
۴۷ پیر محمد افندی	۲۷ اسماعیل آیدینی	
۴۸ پارسا صابر دده	۲۷ ایوب خلونی	
ت	۲۸ احمد امیدی	
۴۹ تنوری ابراهیم افندی	۲۸ انسی حسن افندی	
۵۰ ترزی بابا (خیاط وهبی)	۲۸ اسماعیل حقی بروسهوی	
	۳۲ انیس رجب دده	

صحیفه	ت	صحیفه	
خ	٥٠	ثاقب مصطفی دوده	
خیالی احمد افندی	٦٥		
خلوصی محمد افندی	٦٦		
خالد ضیاءالدین بغدادی (مولانا خالد)	٦٦	ج	
خواجه حسام افندی	٦٧	جمال الدین اسحق قرمانی	٥١
د		جمال خلوقی (چلبی خلیفه)	٥١
داود قیصری	٦٧	جنونی احمد دوده	٥٢
داود خلوقی	٦٩	جاهدی احمد افندی	٥٣
دوده عمر روشنی	٦٩	جهانگیری حسن افندی	٥٣
دمیر طاش	٧٠	جنت محمد افندی	٥٤
داود بن محمد	٧١	جمال الدین عشاقی	٥٤
دوکوملو بابا	٧١	چ	
ذ		چرکشی مصطفی افندی	٥٥
ذاکر زاده عبدالله افندی	٧١	ح	
ذاتی سلیمان افندی	٧٢	حمیدالدین آقسرائی	٥٥
ذکائی مصطفی افندی	٧٤	حاجی بایرام ولی	٥٦
ر		حسن خواجه افندی	٥٧
رمضان افندی	٧٥	حاجی احمد بن سیدی	٥٨
رجب سیواسی	٧٥	حسام الدین علی البتلیسی	٥٨
رشادی محمد افندی	٧٥	حبیب قره مانی	٥٨
رؤفی احمد اسکداری	٧٦	حقیق زاده عثمان افندی	٥٨
رفت احمد افندی	٧٦	حسینی سیروزی	٥٩
رستم افندی	٧٦	حسام الدین بروسهوی	٦٠
روشن افندی	٧٧	حیدر زاده فیضی افندی	٦٠
ز		حلوی محمود افندی	٦١
زهري احمد افندی	٧٨	حسن افندی (امی سنان زاده)	٦١
س		حسن رضائی افندی	٦٢
سنبل سنان افندی	٧٨	حاجی اوحد شیخی حسین افندی	٦٢
سماعی محمد دوده (سلطان دیوانی)	٧٩	خامد باتدرمهوی	٦٢
سینه چاک (یوسف سنان الدین مولوی)	٨٠	حجایی عبدالباقی افندی	٦٤
سرخوش بالی افندی	٨٠	حسین حمدی نقشبندی	٦٤
		حق محمد افندی	٦٥
		همزه نکاری افندی	٦٥

صحیفه

۱۰۷ صافی احمد افندی

۱۰۸ صالح افندی

ط

۱۰۸ طور حال شیخی مصطفی افندی

ظ

۱۰۹ ظریفی عمر افندی

ع

۱۰۹ عاشق پاشا

۱۱۱ عبدالرحیم مرزیفونی

۱۱۲ علاءالدین علی آقسرائی

۱۱۲ عبدالکریم افندی

۱۱۳ عبدالمجید بن نصوص خلوقی

۱۱۳ عمر بن حمزه ادرنه‌وی

۱۱۴ عارف افندی

۱۱۴ عبدالرحیم قره حصار

۱۱۵ علی دوده (بوسنه‌وی)

۱۱۶ علی چلبی (ایزنیق)

۱۱۷ علمی دوده

۱۱۸ عدلی حسن افندی

۱۱۸ عمر افندی

۱۱۸ عمر فؤادی افندی

۱۱۹ عبدالکریم ایشیتی (امیر افندی)

۱۲۰ عبدالمجید سیواسی

۱۲۱ عبدالکریم وارداری

۱۲۱ عبدالاحد النوری

۱۲۳ عدنی رجب دوده

۱۲۳ عین اکبر محمد افندی

۱۲۳ عاجزی سلیمان افندی

۱۲۴ عبدالکریم جلوقی

۱۲۵ علی بن شعبان آقسرائی

۱۲۵ علی بن ابراهیم داغستانی

۱۲۵ عبدالحی افندی



سلامی مصطفی افندی

۸۱ سید سیف‌الله افندی

۸۲ سنان افندی

۸۳ سکوئی محمد افندی

۸۳ سلامی علی افندی

۸۴ سزائی حسن افندی

۸۵ سنان امی

۸۶ سری عبدالباقی دده

۸۶ سلیم بابا (سلیم دیوانه)

۸۷ سلامی مصطفی افندی (ازمیری)

۸۸ سلیمان شیخی کوستندیلی

۸۹ سوزی احمد افندی

۸۹ سعید افندی

۸۹ سید احمد جمایی افندی

ش

۹۰ شهاب‌الدین احمد سیواسی

۹۱ شیخ الهی نقشبندی

۹۲ شاهی ابراهیم دده

۹۴ شعبان ولی

۹۵ شمس‌الدین احمد سیواسی

۹۷ شاه ولی عینتابی

۹۷ شهودی محمد افندی

۹۷ شمله‌لی زاده احمد افندی

۹۸ شعبان نقشبندی

۹۸ شمس‌الدین افندی (نصوحی زاده)

۹۸ شاکر افندی

۹۹ شرف‌الدین افندی

ص

۱۰۰ صاری عبدالله افندی

۱۰۳ صنی‌الله دوده

۱۰۳ صحنی محمد افندی

۱۰۴ صلاح‌الدین عشاقی

۱۰۷ صادق محمد ارزنجانی

صحیفه

- ۱۲۶ عزالدین افندی (اشرف زاده)
 ۱۲۶ عیسی محوی افندی
 ۱۲۷ علمی محمد افندی (شرب زاده)
 ۱۲۸ عذبی مصطفی افندی
 ۱۲۸ عبدالله جلوی
 ۱۲۸ عیونی محمد افندی
 ۱۲۹ عبدالقادر نجیب افندی (اشرف زاده)
 ۱۲۹ عرفانی عبدالله دارنده وی
 ۱۲۹ عثمان نقشبندی
 ۱۳۰ عبداللطیف قره مانی
 ۱۳۰ عبدالباقی دوده
 ۱۳۰ عثمان بن احمد فرته کی
 ۱۳۱ عبدالرحمن طالبانی
 ۱۳۲ عیدالمحید افندی (قره ملا زاده)
 ۱۳۲ عبدالرحیم ایورانیه وی
 ۱۳۲ عبدالرحیم پرزرنی
 ۱۳۳ عثمان صلاح الدین افندی
 ۱۳۳ عبدالله افندی (مرسته وی)
 ۱۳۴ علی عرفی افندی
 ۱۳۴ عرمی دوده
 ۱۳۵ عبدالقادر کمال الدین افندی

غ

- ۱۳۶ غفوری محمود افندی
 ۱۳۶ غیبی صنع الله افندی
 ۱۳۷ غونی احمد دوده
 ۱۳۸ غزی زاده مصطفی نسیب افندی (بروسه وی)
 ۱۳۸ غزی زاده عبداللطیف افندی (بروسه وی)

ف

- ۱۳۹ فخرالدین رومی
 ۱۳۹ فیضی حسن افندی
 ۱۳۹ فتیحی عبدالکریم افندی
 ۱۴۰ فنائی مصطفی افندی (اوطه باشی شیخی)
 ۱۴۱ فخری احمد افندی

صحیفه

- ۱۴۲ فردی عبدالله افندی
 ۱۴۳ فیض الله افندی (ایوبی)
 ۱۴۳ فائق محمد بك (اوسترومجه وی)

ق

- ۱۴۴ قطب الدین ایزنیک
 ۱۴۴ قیغوسز بابا
 ۱۴۵ قره چلبی محمد افندی
 ۱۴۵ قاسم افندی (آنطاک)
 ۱۴۵ قورت محمد افندی
 ۱۴۶ قدوسی عبدالرحمن افندی
 ۱۴۶ قول اوغلو مصطفی افندی
 ۱۴۷ قره قاش زاده عمر افندی (بروسه وی)
 ۱۴۷ قطب ابراهیم افندی (افتاده زاده)
 ۱۴۸ قائمی حسن افندی (بوسنه وی)
 ۱۴۸ قره باش ولی (عربکیری)
 ۱۴۹ قره بابا زاده ابراهیم افندی (بروسه وی)
 ۱۴۹ قونوی محمد وهی افندی
 ۱۵۰ قبولی مصطفی افندی (ادرنه وی)
 ۱۵۰ قدوسی احمد افندی (پوری)
 ۱۵۱ قیغولی خلیل افندی (بروسه وی)
 ۱۵۱ قوش اطه لی ابراهیم افندی

ك

- ۱۵۲ کمال امی
 ۱۵۳ کوچوک محمد علمی افندی
 ۱۵۳ کشنی جعفر افندی
 ۱۵۴ کنزی حسن افندی
 ۱۵۴ کردی حسن افندی
 ۱۵۴ کوسه ج احمد افندی (طربزون)
 ۱۵۵ کمال افندی (حریری زاده)
 ۱۵۷ کوموشخانه لی احمد افندی
 ۱۵۸ کاک احمد افندی

ل

- ۱۵۸ لطف الله قره مانی

صحیفه

- ۱۵۸ لعلی فنائی
۱۵۹ لعلی زاده عبدالباقی افندی

م

- ۱۵۹ محمد بن قطب الدین ایزنیک
۱۶۰ محمود بن ادهم آماسیه‌وی
۱۶۰ مرکز افندی
۱۶۱ موسی بن شیخ طاهر توقادی
۱۶۱ محی جان افندی
۱۶۲ محی الدین کلانی
۱۶۲ مؤذن زاده محمد افندی
۱۶۴ محمد معزالدین افندی
۱۶۴ محی الدین بروسه‌وی
۱۶۵ محمد دوده
۱۶۵ معنوی مصطفی افندی (نقره‌باش زاده)
۱۶۶ مسلم افندی
۱۶۷ م فی محمد افندی (طرزونی)
۱۶۷ مستقیم مصطفی نیازی افندی
۱۶۷ محمد بن عبدالنضی
۱۶۸ مستقیم زاده سلیمان افندی
۱۶۹ محمد مراد نقشبندی
۱۷۰ مصطفی انور افندی
۱۷۰ محمد بهالدین افندی

ن

- ۱۷۱ نورالدین زاده
۱۷۱ نعمه‌الله افندی
۱۷۱ نقشی آق کرمانی
۱۷۲ نیازی مصری
۱۷۵ نقشی ابراهیم افندی
۱۷۵ نظمی محمد افندی
۱۷۶ نصوحی محمد افندی
۱۷۷ نزولی مصطفی افندی
۱۷۸ نورالدین جراحی
۱۷۹ نهری احمد افندی
۱۷۹ نوری افندی
۱۷۹ نظیف دوده

صحیفه

- ۱۸۰ نوری محمد شمس‌الدین افندی

و

- ۱۸۱ وفا (مصالح‌الدین وفا)
۱۸۲ وحی زاده محمد حلمی افندی
۱۸۲ وحدتی عثمان افندی
۱۸۴ وصالی ابراهیم افندی
۱۸۴ ولی‌الدین زاده حفظی افندی
۱۸۴ وحی مصطفی فندی

ه

- ۱۸۵ هدائی عزیز محمود افندی
۱۸۸ هاشمی امیر عثمان افندی
۱۸۹ همت افندی
۱۸۹ هاشم بابا

لا

- ۱۹۱ لامکانی حسین افندی

ی

- ۱۹۲ یار علی بن سیاوش دیوربکی
۱۹۲ یونس امره (عاشق یونس — درویش یونس)
۱۹۴ یازجی زاده محمد افندی
۱۹۶ یوسف حقیق
۱۹۷ یحیای شروانی
۱۹۷ یوسف مخدوم
۱۹۷ یکیت باشی احمد افندی
۱۹۸ یاروسی محمد محی الدین عمادی
۱۹۹ یونس بن خلیل
۱۹۹ یحیی بن یحشی
۲۰۰ یحیی افندی (بشیکطاشی)
۲۰۰ یوسف ستان افندی (سنبل)
۲۰۱ یوسف دوده
۲۰۱ یوسف عفوی
۲۰۲ یوسف افندی (یانیه‌وی)
۲۰۳ یوسف افندی (شومی) لی



علمافصلنك فهرسي

صيفه	اسامي
٢٢٥	آق بيلهك بنختي خليفه آماسيه وي
٢٢٦	آبادي محمد جلبی آماسيه وي
٢٢٧	آلتي بارماق محمد افندی اوسکوي
٢٢٨	آطه لي شيخ مصطفي افندی قوش آطه لي
٢٢٨	آينه زاده محمد شمس الدين افندی سيروزي
٢٢٩	آق کرمانی محمد افندی
٢٢٩	آلاشهرلي عثمان افندی
٢٢٩	آرسلان زاده مصطفي افندی اسپارطه وي -
٢٢٩	آق علي افندی ايزمیدی
٢٢٩	آق عثمان افندی عربکيري
٢٣٠	آياقلي کتبخانه محمد امين افندی آنطاليه وي
٢٣٠	آطه لي خواجه محمد افندی آطه پازاري
٢٣٠	آق شهرلي حسن فهمي افندی
٢٣١	آق شهرلي زاده علي حيدر بک
٢٣١	احمد جمال الدين قونوي
٢٣١	ابن ترکان علاء الدين علي ماردینی
٢٣١	ابوالثنا محمود قونوي
٢٣١	ابن ملک تيره وي
٢٣١	ابن ملک زاده محمد افندی
٢٣١	ابن هام کمال الدين محمد سيواسي
٢٣١	ابراهيم قونوي
٢٣١	اکمل الدين محمد بابوردی
٢٣١	الياس سينوي
٢٣١	افضل زاده حيد الدين افندی
٢٣١	ابن کمال
٢٣١	اختری مصطفي افندی آفيون قره حصاری
٢٣١	احمد بن محمود الاصم قره مانی
٢٣٥	ابوالسعود العمادي
٢٣٦	ابراهيم برهان الدين کوراني
٢٣٧	ابن فيروز استانبولي
٢٣٨	احمد بن محمد مغنيساوي
٢٣٨	اخى زاده حليمي افندی استانبولي
٢٣٩	ابو بکر کوراني
٢٣٩	ابراهيم برغمه وي
٢٣٩	احمد بن حسام الدين سيروزي
٢٣٩	اسماعيل بن سنان سيواسي
٢٣٠	ابراهيم ايزدي
٢٣٠	ابراهيم بن محمد استانبولي
٢٣٠	ابوالقبا ايوب کفه وي
٢٣١	اسحاق بن حسن توقادي
٢٣١	اسيري محمد افندی بروسه وي
٢٣١	ازميري سلجان افندی
٢٣٢	اسحق خواجه سي احمد افندی آيديني
٢٣٣	ابو بکر بن رستم شيرواني
٢٣٤	اعرج زاده احمد افندی کره نحاسي
٢٣٤	اسعد خواجه يانيه وي
٢٣٦	ابن آطه وي مصطفي افندی
٢٣٦	اسحاق افندی استانبولي
٢٣٧	ايزميري محمد بن ولي
٢٣٨	احمد بن ابراهيم ارکلي
٢٣٨	اسعد محمد افندی استانبولي
٢٣٩	احمد بن عبدالله (غراب زاده)
٢٤٠	احمد عطار افندی ادرنه وي
٢٤٠	ابراهيم روي
٢٤٠	ابو بکر آمدی
٢٤١	احمد بن عمر ازميري
٢٤١	ابوالسعود محمد بن عبدالواحد افندی
٢٤١	ابو بکر اديب چورومي

— ب —

صحیفه	صحیفه
۲۵۷ بالدر زاده محمد افندی بروسه‌وی	۲۴۱ ابراهیم بن یعقوب کوموشخانه‌وی
۲۵۸ بالی زاده مصطفی افندی استانبولی	۲۴۲ ابراهیم حدادی ارضرومی
۲۵۸ بیاضی زاده احمد افندی بوسنه‌وی	۲۴۲ اسکچی زاده علی مدحی افندی ادرنه‌وی
۲۵۸ بدرالدین افندی وانی	۲۴۲ ابن رسول محمد زکی افندی سلیمانیه‌وی
۲۵۹ بکر بن علی فردی قیصری	۲۴۳ اسماعیل مفید افندی استانبولی
۲۵۹ بابا طاعی ابراهیم افندی	۲۴۳ ابراهیم صدق افندی اشقودره‌وی
۲۵۹ بطل خطیبی حسن قیصری	۲۴۴ امام زاده اسعد افندی استانبولی
	۲۴۴ اسماعیل نبیل افندی آخسرخه‌وی
پ	۲۴۴ ابراهیم افندی یالواجی
۲۶۰ پیر محمد آنقره‌وی	۲۴۵ اسعد سعدی افندی قونوی
۲۶۱ پرویز عبده افندی	۲۴۵ ابراهیم افندی عشاقی
۲۶۱ پیری زاده ابراهیم افندی استانبولی	۲۴۶ احمد حمدی افندی شیروانی
۲۶۲ پرنجی زاده سلیمان افندی	۲۴۶ احمد صدق افندی بروسه‌وی
۲۶۲ پیری زاده محمد سعید افندی نیکده‌وی	۲۴۷ اسحق افندی خرپوطی (اناجیلک محرفینه
۲۶۳ تاج بك زاده سعدی چلبی اماسیه‌وی	واقانیک بطلانه دأثر اولان آثار اسلامیه دن
۲۶۳ تاج بك زاده جعفر چلبی اماسیه‌وی	بعضیلرینك اسامیسنی حاوی جدول وارد).
۲۶۴ تاج‌الدین ابراهیم حمیدی	۲۴۸ اولیا زاده حاجی علی رضا افندی مغنیساوی
۲۶۴ توفیق افندی استانبولی	۲۴۸ احمد حمدالله افندی استانبولی
۲۶۵ ثابت محمد افندی قیصری	۲۴۹ ادرنه مفتیسی محمد فوزی افندی طواسی
ج	۲۵۰ احمد قدسی افندی طوب باش زاده قادین خانی
۲۶۵ جمال‌الدین محمد آقسرائی	۲۵۰ احمد فیضی افندی چوروی
۲۶۶ جلال‌الدین محمد چلبی آماسیه‌وی	۲۵۱ اسماعیل افندی مناستری
۲۶۶ جلال‌الدین الاوجی برکوی	ب
۲۶۷ جاره ولی‌الدین افندی یکیشهر فناری	۲۵۱ بهاء‌الدین افندی معلقره‌وی
۲۶۷ جمال‌الدین (برکت زاده دامادی استانبولی محمد افندی)	۲۵۲ بدرالدین محمود افندی آماسیه‌وی
ج	۲۵۲ بدرالدین محمود افندی آیدینی
۲۶۸ چبوی زاده محی‌الدین افندی منتشاوی	۲۵۳ بالی افندی (ماناوا)
۲۶۹ چاوش زاده ابراهیم افندی استانبولی	۲۵۳ بوستان زاده مصطفی افندی تیره‌وی
۲۶۹ چومز قاضی احمد افندی سلفک‌وی	۲۵۳ برکوی محمد افندی بالیکسری
۲۶۹ چومز زاده محمد شوقی افندی بروسه‌وی	۲۵۶ بابا قوشی عبدالرحمن افندی
۲۷۰ چلبی زاده عبدالرحمن افندی استانبولی	۲۵۶ بابا زاده محمد افندی لارنده‌وی
۲۷۰ چورباچی زاده محمد افندی ویدی	۲۵۶ بوستان زاده محمد افندی تیره‌وی
	۲۵۷ بوستان زاده محی افندی تیره‌وی
	۲۵۷ بکپازاری مصلح‌الدین افندی

۲۷۰	چرکشی زاده عثمان افندی	۲۸۵	حاجی طورون افندی قیصری
۲۷۱	چشمی زاده محمد خالص افندی استانبولی	۲۸۶	حسین فہجی افندی پالولی
۲۷۱	چرکشی زاده محمد توفیق افندی	۲۸۶	حاجی عبدی بك پتریچی
		۲۸۷	حسین افندی ماندالیاتی
		۲۸۷	حاجی ابراہیم افندی استانبولی
		۲۸۷	حمید افندی خرپوطی
		۲۸۸	حسبی سلیمان اندی پراویشتہ وی
		۲۸۹	حسبی افندی استانبولی

ح

خ

۲۷۱	حسن پاشا قرہ علاء الدین زاده	۲۸۹	خطاب حیدر قرہ حصاری
۲۷۲	حسن چلبی فناری	۲۸۹	خضر شاہ منتشاوی
۲۷۲	حسام الدین توقادی	۲۹۰	خضر بك سیوری حصاری
۲۷۳	حاجی بابا طوسیہ وی	۲۹۱	خیالی ملا احمد افندی ایزنیک
۲۷۳	حلیعی اماسیہ وی	۲۹۳	خسرو ملا محمد افندی سیواسی
۲۷۳	حاجی حسن زاده محی الدین محمد جامی بالیکسری	۲۹۳	خواجہ زادہ مصلح الدین افندی بروسہ وی
۲۷۴	حسین افندی - حسین شاہ چلبی - اماسیہ وی	۲۹۴	خطیب زادہ محی الدین افندی
۲۷۴	حمد اللہ بن خیر الدین	۲۹۴	خسرو زادہ مصطفی افندی
۲۷۵	حسام زادہ مصطفی افندی	۲۹۵	خلیل بن رسول سینوی
۲۷۵	حافظ محمد بن احمد بن عادل پاشا استانبولی	۲۹۵	خضر بن محمد آماسیہ وی
۲۷۵	حسین حسام الدین افندی قرہ چلبی زادہ	۲۹۵	خصالی عبدالرحمن چلبی
۲۷۶	حسین کفہ وی	۲۹۶	خالص ابراہیم افندی پسا رو فچہ وی
۲۷۶	حسام زادہ ابراہیم افندی کریمانی	۲۹۶	خادمی
۲۷۷	حسن الکافی بوسنہ وی	۲۹۹	خلیل بن حسن - ابی الفلاح - آیدینی
۲۷۷	حافظ محمود وارداری	۲۹۹	خواجہ زادہ اسماعیل بن شیخ محمد افندی
۲۷۸	حبری علی افندی کوتاہیہ وی	۲۹۹	خلیل شرف افندی حیاتی زادہ
۲۸۰	حاجی محمد قرہ مانی	۳۰۰	خلیل کرمری قیصری
۲۸۰	حاجب زادہ محمد افندی استانبولی	۳۰۰	خلیل افندی بوردوری
۲۸۰	حفظی محمد افندی استانبولی	۳۰۰	خواجہ تحسین افندی فیلاتی
۲۸۰	حاذق محمد افندی ارضرومی	۳۰۲	خرپوطی عمر نعیمی افندی
۲۸۱	حسین افندی	۳۰۳	خالص محمد افندی شیروانی
۲۸۱	حنیف ابراہیم افندی استانبولی		
۲۸۳	حسین حسنی کریدی		
۲۸۳	حفید محمد افندی استانبولی		
۲۸۴	حیاتی احمد افندی البستانی		
۲۸۴	حفظی عارف محمد بك استانبولی		
۲۸۴	حافظ سید افندی سیروزی		
۲۸۵	حازم احمد افندی نوشہری		
۲۸۵	حامد افندی قارصی		

صحیفه

۳۰۴	دولت اوغلی یوسف بالیکسری
۳۰۵	دینفوز احمد افندی بروسه‌وی
۳۰۵	ده‌ده جنکی آماسیه‌وی
۳۰۶	دشپشی محمد افندی آماسیه‌وی
۳۰۶	دوقه‌کین زاده عثمان بك
۳۰۶	درویش محمد افندی
۳۰۷	دباغ زاده نعمان افندی
۳۰۷	ده‌ده افندی بروسه‌وی
۳۰۸	دباغ مفتی احمد افندی مرعشی
۳۰۸	دری زاده مصطفی افندی استانبولی
۳۰۹	داود قارصی
۳۰۹	داماد حسین افندی دیناری
۳۰۹	دووالارلی عثمان افندی کوتاهیه‌وی
۳۱۰	دانش احمد افندی مناستری

ذ

۳۱۰	ذیلی یوسف افندی برغمه‌وی
۳۱۰	ذهنی افندی استانبولی

ر

۳۱۳	رسول بن صالح آیدینی
۳۱۳	رمضان زاده احمد چلبی استانبولی
۳۱۳	رضائی علی چلبی اماسیه‌وی
۳۱۴	رجب افندی آمدی
۳۱۴	رمزی مصطفی افندی
۳۱۵	ردوسی زاده محمد افندی آیاتلوغی
۳۱۵	رمزی محمد افندی قیصری
۳۱۵	رفعی مصطفی افندی - شیخ خسرو زاده - قیصری
۳۱۶	رحمی عبدالرحیم افندی ارضروی
۳۱۶	رشدی احمد افندی قره اغاجی
۳۱۷	راغب افندی آمدی
۳۱۷	رشید احمد افندی نوشهری
۳۱۸	رائف افندی استانبولی
۳۱۸	رجب افندی - حجرزاده - فره‌جیکی

صحیفه

۳۱۸	رفیع افندی یانیه‌وی
۳۱۹	رحمی افندی اکینی

ز

۳۱۹	زیرک محمد افندی
۳۲۰	زنبیلی علی افندی
۳۲۰	زنبیلی زاده فضیل چلبی
۳۲۱	زکریا افندی آنقره‌وی
۳۲۱	زینی زاده حسین افندی بروسه‌وی .
۳۲۲	زهاوی محمد فیضی افندی سلیمانیه‌وی

س

۳۲۲	سید علی توقادی
۳۲۳	سلیمان بن علی قره‌مانی
۳۲۳	سعدی چلبی طاطانی
۳۲۳	سودی بوسنه‌وی
۳۲۴	سیرکه زاده ابراهیم افندی بروسه‌وی
(علم‌احوال روحه داتریازیلان آتاردن بعضی ایرتک اسملری مندرجدر)	
۳۲۵	سلیمان افندی - مفتی کلبولی -
۳۲۵	سلیمان فاضل افندی استانبولی
۳۲۵	ساجاقل زاده محمد افندی مرعشی
۳۲۷	سکونی محمد افندی قوله‌وی
۳۲۷	سید محمد سعید افندی قره حصاری
۳۲۸	سیروزی مصطفی افندی
۳۲۸	سلیمان افندی قرق آغاجی
۳۲۸	سعاوی علی افندی استانبولی
۳۳۰	سلیمان حق افندی اسکیشهری

ش

۳۳۱	شمس‌الدین محمد افندی آتشهری
۳۳۱	شادکلدی شمس‌الدین چلبی - پاشا - آماسیه‌وی
۳۳۱	شمس‌الدین محمد قونوی
۳۳۲	شکرالله آماسیه‌وی

صحیفه	صحیفه
۳۳۳ شمس الدین آیدینی	۳۴۶ طاش کوپری زاده احمد افندی
۳۳۳ شیخ سنان رومی بوردوری	۳۴۷ طاش کوپری زاده محمد کمال الدین افندی
۳۳۳ شجاع بن نورالله آنقره وی	۳۴۸ طورسون زاده عبداه فیضی افندی استانبولی
۳۳۳ شجاع الدین الیاس رومی دیمتوقه وی	۳۴۸ طرسوسی محمد افندی (مفتی)
۳۳۴ شیخ زاده محی الدین محمد افندی ایزمیدی	۳۴۹ طریقتچی سید مصطفی افندی (طریقتچی امیر)
۳۳۳ شعبان افندی مؤذن زاده ایوبی	۳۴۹ طواسی علی افندی
۳۳۷ شهاب کردی	۳۴۹ طاهر محمد افندی لاله زاری
۳۳۷ شریف محمد افندی (شیخ الاسلام - استانبولی)	۳۵۰ طاط زاده حسین افندی تیره وی
۳۳۷ شوق احمد افندی	۳۵۰ طاهر افندی (قاضی زاده - شیخ الاسلام)
۳۳۸ شعی محمد افندی کوسندیلی	۳۵۰ طه افندی کورانی
۳۳۸ شعوری صباح الدین علی افندی بالیکسری	
۳۳۸ شوکت مصطفی افندی استانبولی	ع
۳۳۹ شعبان کامی افندی آمدی	۳۵۱ عبدالحسن قیصری
۳۴۰ شریف افندی (محمد شریف افندی کوتاهیه وی)	۳۵۱ عمر وجیه الدین افندی ارزنجانی
۳۴۰ شاکر احمد افندی (حافظ - استانبولی)	۳۵۱ علاء الدین علی اسود (قره خواجه - آفیون
ص	قره حصاری)
۳۴۱ صاری یعقوب قره مانی	۳۵۲ علاء الدین علی بن موسی قوچ حصاری
۳۴۱ صاری کرز نورالدین افندی بالیکسری	۳۵۲ عبدالکریم افندی
۳۴۱ صولاق زاده خلیل افندی استانبولی	۳۵۲ عینی بدرالدین ابی محمد محمود افندی
۳۴۲ صادق محمد افندی ساقزی	۳۵۳ عینی عبدالرحمن زین الدین افندی
۳۴۲ صادق افندی (شیروانی زاده - شیخ الاسلام)	۳۵۴ علی بن حسین آماسی (علاء الدین چلبی)
۳۴۳ صویجه لی محمد افندی	۳۵۴ عبدالمجید بن نصوح (اسرافیل زاده)
۳۴۳ صوایچمز مصطفی افندی قیصری	۳۵۴ علاء الدین علی فناری
۳۴۳ صادق افندی خواجه پراودی	۳۵۵ عبدالرحمن آماسیه وی (مؤید زاده)
۳۴۴ صاریلری محمد افندی المالی	۳۵۵ عطوفی خیرالدین خضر افندی مرزیفونی
۳۴۴ صاری ابراهیم افندی آیدینی	۳۵۷ عبدالقادر حمیدی افندی اسپارطه وی
ض	۳۵۷ عبدالکریم زاده محمد افندی استانبولی
۳۴۵ ضحکی مصطفی افندی سیروزی	۳۵۷ عبدالرحمن علمشاه افندی (قاضی)
۳۴۵ ضیاء الدین افندی آیدونانی	۳۵۸ عوض افندی علائیه وی
۳۴۵ ضیا افندی (اولیا زاده) قسطنطونی	۳۵۸ عبدالغنی افندی کره ده وی
ط	۳۵۸ عبداه افندی کستلی
۳۴۶ طرسوسی قاضی نجم الدین افندی	۳۵۹ عیثی محمد افندی تیره وی
	۳۵۹ عبدالرحیم افندی شیروانی
	۳۶۰ عبدالحلیل افندی آق حصاری
	۳۶۰ عبدالکریم افندی آق حصاری

صحیفه	صحیفه
عمر شوقی افندی ماردینی ۳۸۲	علامه محمد افندی بوسنه‌وی ۳۶۰
علی ججایی افندی (بورغانچی زاده) دکزلی ۳۸۲	عروضی محمد افندی بوسنه‌وی ۳۶۱
عارف افندی شیخ الاسلام (مشرب زاده حفیدی - استانبولی) ۳۸۳	عبدالحلیم افندی صندوقلی ۳۶۱
عاصم افندی (سید عاصم افندی) استانبولی ۳۸۳	عبدالحلیم کرمیانی ۲۶۱
عبدالرحمن فوزی افندی (خواجه) کوتاهیوی ۳۸۳	عالم محمد افندی (حاجی امین زاده) آیدینی ۳۶۲
عبدالعزیز احمد افندی بابا قلعه‌وی ۳۸۴	عبدالباقی عارف افندی استانبولی ۳۶۲
علی بن عثمان آقشهری ۳۸۴	عبدالرحمن رحیمی بروسه‌وی (موج زاده) ۳۶۳
عثمان عبدالمنان افندی چیورلی ۳۸۴	عبداه افندی شیخ الاسلام یکیشهرناری ۳۶۳
عبدالستار افندی قریمی ۳۸۵	عصمت محمد افندی استانبولی ۳۶۳
کلیدلی خواجه زاده عبداه افندی ۳۸۵	عبداه پاشا (کوپرولو زاده) ۳۶۴
عمر حلمی افندی قرین آبادی ۳۸۷	عبداه حلمی افندی یوسف زاده آماسیه‌وی ۳۶۴
عبدانافع عفت افندی (رمضان زاده) ۳۸۷	عثمان فائق افندی کورچی زاده آماسیه‌وی ۳۶۶
عاطف بك (قویوجاقلی زاده) ۳۸۸	عریانی عثمان افندی کلیسی ۳۶۷
علی حیدر افندی (بویوک حیدر افندی) ۳۸۸	عثمان افندی کجانی (واعظ) ۳۶۷
	عاکف مصطفی افندی (مفتی) آماسیه‌وی ۳۶۷
غ	عثمان افندی موقوفاتی ۳۶۸
غواص افندی سوکوی ۳۹۰	عبدالرحمن افندی بشکطاشی ۳۶۸
غلطه‌لی محمد افندی ۳۹۰	علی افندی برکوی ۳۶۸
ف	عبداه افندی هیشینی ۳۶۸
فناری شمس الدین محمد بن حمزه ۳۹۰	عبداه افندی کوتاهیوی ۳۶۹
فتحاه شیروانی ۳۹۲	عمر افندی ایسپیری ۳۶۹
فوری احمد افندی دراجی ۳۹۲	عصام الدین افندی (ابوالعصه مصطفی عصام الدین) اسکنداری ۳۶۹
فرح بن عبدالمحسن افندی موره‌وی ۳۹۳	عمر فیضی افندی توقادی ۳۷۰
فیضاه افندی (شیخ الاسلام) ارضرومی ۳۹۳	علی شکری افندی کریدی ۳۷۰
فطری ابراهیم افندی ادرنه‌وی ۳۹۴	عبداه افندی آخیسه‌وی ۳۷۰
فیضاه نافذ افندی لازیقی زاده ۳۹۴	عصمت ابراهیم بك ملاطیه‌وی ۳۷۴
فرخ اسماعیل افندی قریمی ۳۹۴	عبدالرحیم افندی (عاکف زاده) آماسیه‌وی ۳۷۴
فتحی علی افندی (عثمان بك زاده) روسجق ۳۹۵	عاصم احمد افندی مترجم قاموس - عینتابی ۳۷۴
درس وکبلی فوزی خلیل افندی قله‌لی ۳۹۵	عطاه الله محمد افندی (ابواسحق زاده - استانبولی) ۳۷۷
فیضاه افندی (حاجی) اوزنجانی ۳۹۶	عبداه افندی (قیم زاده - کنتغری) ۳۷۷
ق	عبداه افندی تیروی ۳۷۸
قاضی احمد برهان الدین اوزنجانی ۳۹۶	عبدالرحیم افندی (خواجه - منتشای) ۳۷۸
	عبداه افندی ایوبی (رئیس القراء) ۳۷۹
	عبدالسلام افندی ماردینی ۳۸۱

صحیفہ	صحیفہ
قاضی مصطفیٰ افندی اورلہوی ۴۰۲	قرہ یعقوب بن ادريس نیکدهوی ۳۹۷
قاضی زادہ محمد افندی بالیکسری ۴۰۲	قرہ سنان ۳۹۷
قاضی محمود بن احمد مناستری (ترزی زادہ) ۴۰۲	قرہ سیدی احمد بن عبدہ ۳۹۷
قرہ محمد افندی ۴۰۳	قرہ سیدی حمید ایل ۳۹۸
قرہ خلیل افندی بوی آبادی ۴۰۳	قرہ باغی محی الدین بن محمد ۳۹۸
قاز آبادی احمد بن محمد افندی ۴۰۴	قرہ داود ایزمیتی ۳۹۹
قرہ حصاری محمد بن شیخ علی المعروف بمحمیدی ۴۰۴	قاضی زادہ حسین بن حسن افندی ۳۹۹
قاضی زادہ محمد افندی ارضرومی ۴۰۴	قاسم بن سلیمان نیکدهوی ۴۰۰
قورشونلی زادہ مصطفیٰ افندی دیاربکری ۴۰۵	قینالی زادہ علاء الدین علی چلبی ۴۰۰
قونوی حافظ اسماعیل افندی ۴۰۵	قیزیل ملا (عبدالرحمن بن سیدی علی) ۴۰۱
قوش آطہلی شیخ احمد افندی ۴۰۵	قاضی زادہ شمس الدین احمد افندی ۴۰۱
قرہ تپہلی حسین بن مصطفیٰ ۴۰۵	(شیخ الاسلام)
قرہ مصطفیٰ افندی ۴۰۶	قرہ جہ احمد خمیدی ۴۰۱

